

ማትዮስ

ዎንጌልያ ምሽራቹዋ

ግዱዋ ኤርሱዋ

ማትዮስ ዎንጌልያ ምሽራቹዋ ዮሱስ ያነ ግዮ ህድተይ ከሴ አዴት ኡትዶ ጠልያ ግድዮጋኔ ጦሰይ ገልኦ ማቸን በ አሳስ እምዶ ህድታ ቃላ ፖልዶጌ አ በጋረ ግድዮጋ ምሽራቹዋ ቃላ አይቅዳጋ። ሀ ምሽራቹዋ ቃለይ ዮሱስ ኤተ ግዶን ዮሴትድ ድጭዶ አይሁደቱ ጠላላስ ግዴነን፡ ኩሜተ ሰኣን ዴእየ አሳስ።

ማትዮስ ዎንጌልያ ምሽራቹዋ ደሮ አኬከን ጣፌትደ መጣ። ዮሱስ ዮሴተን ዶምድ፡ እ ጠመቄትዶጋኔ እ ፓጩትዶጋ አድ ስምድ፡ ገሊለን እ ቃላ አድዶባ፡ ተማርስዶባኔ ሀርገንቸተ ፐትዶባ አዴስ። ሄጋፔ ካልድ ዮሱስ ገሊለፔ ዮሩሰላሜ ቢዶጋኔ አ ሀ ሰኣ ዴኡዋ ዉርሴተ ሳምንተን ሀንደበተ ቆንጭሴስ። ሄጌትከ እ መስቀልያ ቦለን፡ ምስማርየን ጥሼት ከቄትድ ሀይቅዶባኔ ሀይቁዋፔ ፐጥድ ዴንድዶባ ዮቴስ።

ሀ ዎንጌልያ ምሽራቹዋ ዮሱስ፡ ጦሳ ህግያ ብርሼታ እመነው ማተይ ዴእዮጋኔ ጦሳ ከዎቴታባ ተማርስየ ግተ አስተማሬ ኦትድ ሺሼስ። አ ትምርትያፔ ደርየ በገይ ዱመ ዱመ ሜረን ጊግስዶ እቸሹ ክፍሌቱን ሻሄቴስ።

1. ጦሳ ከዎቴተን ዴኣነ አሳ ኤሻ፡ አሱዋ፡ ማታኔ ዉርሴተ ቃዳ አድየ ዴርያ ቦለ ትምርትያ (ምራፍያ 5ፔ ቢድ 7 ገከናሽን)።

2. ተመኔ ናኡ ኤርስዮ አሽከረት ዎንጌልያ ተማርሰነው ቢዶ ዎዴ ኤተዮ እሜትደ ካሌቱዋ (ምራፍያ 10)።

3. ጦሳ ከዎቴታባ ተማርስሽን ሺቅደ ዱመ ዱመ ሌምሶተ (ምራፍያ 13)።

4. ኤርስዮ አሽከረቱታ ብርሼታ አድየ ትምርትያ (ምራፍያ 18)።

5. ሀእ ለይታ ዉርሴታኔ ጦሳ ከዎቴታ ዩሳ ጤልያገን እሜትደ ትምርትያ (ምራፍያ 24ፔ ቢድ 25 ገከናሽን)።

ዮሱስ ክርስቶስ ዮሴታ ቱራ

(ሉቃስ 3፡23-38)

1 ¹ሀጌ ዳውተ ዘሬኔ አብረሃመ ዘሬ ግድደ ዮሱስ ክርስቶስ ዮሴታ ዮትየ መጣ።

²አብረሃም ይሳቀ ዮሊስ፤ ይሳቅ ያቆበ ዮሊስ፤ ያቆብ ይሁዳኔ አ እሸንተ ዮሊስ። ³ይሁደይ ትእማሮ ግዮ መጫሴፔ ፓሬሰኔ ዘራሀ ዮሊስ፤ ፓሬሰ ሄጥሮን ዮሊስ፤ ሄጥሮን ራመ ዮሊስ። ⁴ራም አምነዳበ ዮሊስ፤

አምነዳብ ነአሶን ዮሊስ፤ ነአሶን ሶሎሞን ዮሊስ። ⁵ ሶሎሞን ረአበ ግዮ መጫሴፔ ቦኤዘ ዮሊስ፤ ቦኤዝ ኡሩቶ ግዮ መጫሴፔ ዮቤደ ዮሊስ፤ ዮቤድ እሴዮ ዮሊስ። ⁶ እሴይ ከወዋ ዳውተ ዮሊስ።

ከዎይ ዳውት ሶሎሞን ዮሊስ። ሶሎሞን አይያ ኮይሮ አርዮን ግዮጋ መችዮ። ⁷ ሶሎሞን ሮብአመ ዮሊስ፤ ሮብአም አቢዮ ዮሊስ፤ አቢይ አሳፈ ዮሊስ። ⁸ አሳፍ ዮሳፍጠ ዮሊስ፤ ዮሳፍጥ ዮራመ ዮሊስ፤ ዮራም አዝያን ዮሊስ። ⁹ አዝያን ዮኣታመ ዮሊስ፤ ዮኣታም አካዘ ዮሊስ፤ አካዝ ህዝቅያስ ዮሊስ። ¹⁰ ህዝቅያስ ምናሰ ዮሊስ፤ ምናሴ አሞን ዮሊስ፤ አሞን ዮስያስ ዮሊስ። ¹¹ እስራኤል አሰይ አሞዴትድ፥ ባብሎኔ ቢት ቢዶ ዎዴ፥ ዮስያስ ዮኣኪነኔ አ እሸንተ ዮሊስ።

¹² አሰይ አሞዴት ባብሎኔ ቢት ቢዶጋፔ ጉይያን፥ ዮኣኪን ሰላትያለ ዮሊስ፤ ሰላትያል ዘሩባቤለ ዮሊስ። ¹³ ዘሩባቤል አብዩደ ዮሊስ፤ አብዩድ ኤልያቂመ ዮሊስ፤ ኤልያቂም አዞረ ዮሊስ። ¹⁴ አዞር ጣዶቀ ዮሊስ፤ ጣዶቅ አኪመ ዮሊስ፤ አኪም ኤልዩደ ዮሊስ። ¹⁵ ኤልዩድ ኤልአዘረ ዮሊስ፤ ኤልአዘር ማታን ዮሊስ፤ ማታን ያቆበ ዮሊስ። ¹⁶ ያቆብ ክርስቶስ ግዮ ዮሱስ ዮልደ መይራም አዝና ዮሴፈ ዮሊስ።

¹⁷ ሄጋ ግሸው፥ ዘሬ ኡብይ አብረሃመፔ ዳውተ ገከናስ ተመኔ አይደ፤ ዳውተፔ ዶምድ፥ አሰይ ባብሎኔ ቢት አሞዴትድ ቢዶ ዎዴ ገከናስ ተመኔ አይደ፤ አሰይ ባብሎኔ ቢት አሞዴትድ ቢዶ ዎዴፔ ክርስቶስ ዮሌትዶ ዎድያ ገከናስ ተመኔ አይደ።

ዮሱስ ክርስቶስ ዮሌታ

(ሉቃስ 2:1-7)

¹⁸ ዮሱስ ክርስቶስ ዮሌተይ ሀጋ መለ፤ አ አይያ መይራመ ዮሴፈዮ ጊጋሱ፤ አ ሄ ዎዴ ዮሴፋረ ገይቴነን ዴአይደ፤ ጌሽ አያነው ሸሃራሱ። ¹⁹ አ ጊግስ ዎትደ ዮሴፍ፥ ጥሎ አሰ ግድዳጌ፥ አ ከውሸነው ኮይቤነ፤ እባ ቆንጭሴነን አ አግ በየነው ቆፒስ። ²⁰ ሽን እ ሄጋ ቆፕሽን፥ ጎዳ ኪተንቸይ አይመውን አረ ገይትድ፥ «ዳውተ ነአው ዮሴፋ፥ መይራመ ጌሽ አያነው ሸሃርዶ ግሸው፥ አ ኤክናጋ የዮፕ። ²¹ አቱመ ነአ አ ዮለነ፤ ቀስ ኔን ዮሱስ ጋደ አ ሱንተነ፤ አይስ ጊኮ፥ እ በ አሳ ኤተ ነገራፔ አሸነ» ያጊስ።

²²⁻²³ ቀስ ጎደይ ሀነነባ ዮትያጋ በጋረ፥ «ጌለእያ ሸሃረደ ነአ ዮለነ፤ አ ሱንተይ አማኑኤል ጌቴተነ» ጊዶጌ ፖሌተነ መለ፥ ሀጌ ኡብይ ሀኒስ፤ «አማኑኤል» ግዮጌ «ጦሰይ ኑናረ ዴኤስ» ግዮጋ።

²⁴ ዮሴፍ ጥስኩዋፔ ቤጎትድ፥ ጎዳ ኪተንቸይ በነ አዘዝዶጋደን፥ መይራሞ ኤፊስ። ²⁵ ሽን በ በይረ ነአ አ ዮለነ ገከናስ አ ቦችቤነ፤ ቀስ ነአ ዮሱስ ጊድ ሱንተስ።

አርሾፔ ዩደ ኤረንቸተ

2 ¹ዮሱስ ይሁዳ ቢተን ቤተልሄሜ ግዮ ከተመን ሄሮድስ ከዎትድ ዴእዮ ዎዴ ዮሌቲስ፤ ሄጋፔ ጉይየን፥ ጦልንትያ ፕይድየ አስት አርሾ በገፔ ዮሩሰላሜ ዩድ፥ ²«አይሁደ ከዎ ግደነው ዮሌትደ ነአይ አወን ዴኢ? አይስ ጊኮ፥ ኑን አርሾ በጋረ ክይደ አ ጦልንትያ ቤእድ፥ አዮ ጎይነነው ዩደ» ያግድ አይቸዶሶን።

³ከዎይ ሄሮድስ፥ ሄጋ ስይድ ደገሚስ፤ ዮሩሰላሜን ዴእየ አሰይ ኡበይከ ደገሚስ፥ ⁴ሄሮድስ ቂሴ ሀለቀተ ኡበተኔ ህግያ ተማርስያጌተ ጤስድ፥ «ክርስቶስ አወን ዮሌተንዴሸ?» ያግድ አይቺስ።

⁵⁻⁶አይቸን ኤት ዛርድ፥ «ይሁዳ ቢተን ቤተልሄሜ ከተመን ዮሌተነ፥ ሀነነባ ዮትያጌ፥

ይሁዳ ቢተን ዴእየ ቤተልሄሜ፥

ኔን ይሁዳ ቢታ ሃርያጌቱፔ አይኔ ላፈከ።

አይስ ጊኮ፥ ተ አሳ፥

እስራኤል ሃርያጌ ኔፔ ክየነ

ጊድ ጣፊስ» ያግዶሶን።

⁷ሄጋፔ ጉይየን፥ ሄሮድስ አርሾ በገፔ ዩደ አስተ ጌመን ጤስድ፥ ጦልንቱ ኤተው ቤትዶ ዎድያ ኤተፔ ጌሽድ ኤሪስ። ⁸ያትድ ቤተልሄሜ ኤተ ዮዲድ፥ «ቢድ ነአ ምንት ኮይቱ፤ አ ዴምዶ ዎዴ ታንከ ባደ አዮ ጎይነናደን፥ ተነ ኤርስቱ» ያጊስ።

⁹ኤት ከዎይ ጊዶጋ ስይድ ቢዶሶን፤ ቢድ አግየን አርሾ በጋረ ኤት ከሴ ቤእዶ ጦልንትያ ቤእዶሶን፤ ሄ ጦልንቱ ነአይ ዴእዮሳ ገክድ ኤቀነ ገክናስ፥ ኤተ ካሌቲስ። ¹⁰ኤት ሄ ጦልንትያ ቤእዶ ዎዴ፥ ዘወይ በይነ ደሮ ኡፈይሳ ኡፈይትዶሶን። ¹¹ሶ ጌልድ፥ ነአይ በ አዬ መይራሚረ ዴእያጋ ቤእዶሶን፤ ጉልበትድ አዮ ጎይንዶሶን፤ ሄጋፔ ጉይየን፥ በንተ ሳጥንያ ዶይድ፥ ዎርቃ፥ እጣናኔ ከርብያ አዮ እምዶሶን።

¹²ኤት ሄሮድስኮ ስሜነ መለ፥ ጦሰይ አይሙወን ኤተ፥ «እንቴነ ኤርቱ» ግን ሀረ አግያረ በንተ ዴሬ ስምዶሶን።

ግብጤ በቀትዶሶን

¹³ኤት ቢዶጋፔ ጉይየን፥ ጎዳ ኪተንቸይ አይሙወን ዮሴፈዮ ቤትድ፥ «ሄሮድስ ነአ ዎረነው ኮይዮ ግሸው፥ ዴንደደ ነአኔ ነአ አይዮ ኤከደ ግብጤ ቢት በቀተ፤ ታን ኔዮ አደነ ገክናስ፥ የን ኡታሸ» ያጊስ።

¹⁴⁻¹⁵ያግን ዮሴፍ ቀም ዴንድድ፥ ነአኔ ነአ አይዮ ኤክድ፥ ግብጤ ቢት ቢስ፤ ጎደይ ሀነነባ ዮትያጋ በጋረ፥ «ታን ተ ነአ ግብጤ ቢታፔ ጤሳስ» ጊዶጌ ፖሌተነ መለ፥ ሄሮድስ ሀይቀነ ገክናስከ እ የን ዴኢስ።

ሄሮድስ ጉተ ናተ ዎርሲስ

16 ሄጋጥ ጉይየን፥ ሄሮድስ አርሾ በገፔ ዩዳጌት በነ ጭምዶጋ ኤርዶ ዎዴ፥ ደሮ ሀንቄቲስ፤ ሀንቄትድ ጦልንቴ ከሴ ቤትዶ ዎድያባ ኤተፔ ስይዶጋደንክ፥ ዎታደረተ ዩድድ፥ ቤተልሄሜንኔ ቤተልሄሜ ሄረን ዴእየ ናኡ ለይተ አቱመ ናተኔ ቀስ ናኡ ለይተፔ ጉጥየ አቱመ ናተ ኡባ ዎርሲስ።

17-18 ሀንነባ ዮትየ ኤርማስ፥

«ዩሆይኔ ዝላሰይ ራመ ግዮ ከተመን ስዩቲስ፤

ራሄለ በ ናቱዮ ዩከውሱ።

ኤት ሀይቂችዶ ግሸው፥

አገ ግን፥ አጌነን እጣሱ»

ጊድ ሃሰይዶጌ ፖሌቲስ።

ግብጤ ስምዶሶን

19 ሸን ሄሮድስ ሀይቅዶጋፔ ጉይየን፥ ጎዳ ኪተንቸይ ግብጤ ቢተን ዴእየ ዮሴፊዮ አይመውን ቤትድ 20 አ፥ «ዴንደ፤ ነኣኔ ነኣ አይዮ ኤከደ፤ እስራኤለ ቢት ስመ፤ አይስ ጊኮ፥ ነኣ ዎረነው ኮይያጌት ሀይቂችዶሶን» ያጊስ። 21 ያግን ዮሴፍ ዴንድድ፥ ነኣኔ ነኣ አይዮ ኤከድ፥ እስራኤለ ስሚስ።

22 ሸን ዮሴፍ አርኬለዎስ በ አዋ ሄሮድስ ሶሁውን ይሁዳ ቢተን ከዎትዶጋ ስይዶ ዎዴ፥ ያ ባነው የዱስ፤ ጦሰይ አዮ አይመውን ዮትን፥ ገሊለ ቢት ቢስ። 23 ሀንነባ ዮትያጌት፥ «አሰይ አ፥ <ናዝሬተ አሰ> ጊድ ጤሰን» ጊዶጌ ፖሌተነ መለ፥ ናዝሬተ ግዮ ከተማ ቢድ ዴኢስ።

ጠመቅየ ዮሃንስ ቃላ አዲስ

(መርቆስ 1:1-8፤ ሉቃስ 3:1-18፤ ዮሃንስ 1:19-28)

3 1-2 ሄ ዎዴ ጠመቅየ ዮሃንስ አሳ፥ «ሰላዋ ከዎቴተይ መተትዶ ግሸው፥ እንቴ ነገራፔ ስምቴ» ያጊድ፥ ይሁዳ በዙውን ዮቲድ ዩስ። 3 አይስ ጊኮ፥ ሀንነባ ዮትየ እስያስ፥ ዮሃንሰባ ዮቲድ፥

«እሶይ በዞን በ ቃላ ጦቁ አትድ፥

<ጎዳ አግያ ጊግስቴ።

እ ሄሜተነ ሎሱዋከ

አዮ ስት አትቴ» ጊስ»

ያጊስ።

4 ዮሃንሰው ጋሜላ እክስየን ደዴትደ አፈለይ ዴኤስ፤ ቀስ በ ጤሰን ደፉዋ ግጤስ፤ እ ምዮ ቁመይከ ቦሌኔ ዴጌረ ኤስ። 5 አሰይ ሄ ዎዴ

ዮሩሰላሜ፤ ይሁዳ ቢተ ኡባላ፤ ፊርዳኖስ ግዮ ሻፋ ሄረን ዴእየ ቢተ ኡባ፤ አኮ ዮስ። ⁶ዩድ በ ነገራ ፓጥን፤ ፊርዳኖስ ግዮ ሻፋን አሳ ጠመቂስ።

⁷ሽን ዮሃንስ ደሮ ፐርሳዌትኔ ሳዱቃዌት ጠመቁተነው ባኮ ይያጌተ ቤእድ፤ ኤተ ሀጋደን ያጊስ፤ «ሀ ሾሾቶ፤ ጦሳ ሀንቆይ ያነ ሀንያጋ፤ በቀተነ መለ፤ እንቴዮ አኔ አድደይ? ⁸ስም እንቴ እንቴ ነገራ፤ ስምዶጋ ኤርስያባ አትቴ። ⁹እንቴ እንቴ ዎዘን፤ «አብረሃም ኑ አዋ» ጊድ ቆፖፕቴ። አይስ ጊኮ፤ ታን እንቴስ ዮተይስ፤ ጦሰይ ሀ ሹቸተ አብረሃመስ ነአ ኬሰነውከ ደንደዮስ። ¹⁰ቤጤ ምታ ጠጹውን ቀንጠነው ጊግ አቲስ፤ ሎኦ አይፍያ አይፌን ምተ ኡባይ ቀንጤትድ፤ ተመን ዮጌተነ።

¹¹«እንቴ እንቴ ነገራ፤ ስምዶጋ ኤርሰነው፤ ታን እንቴነ ሃተን ጠመቀይስ፤ ሽን ታ፤ ጉዩረ ይያጌ፤ እንቴነ ጌሽ አያናንኔ ተመን ጠመቀነ። እ ታ፤ ደሮ ምኔስ፤ ታን ሀረይ አቶ አ ጫማ ቶከነውከ ቤስኬ። ¹²አ ኩሽየን ከታ ሱረግዮ ለይደይ ዴኤስ። ከታ ቆጥዮ አውድያ ኬህ ጌሼስ፤ በ ግስትያ ጎተረን ቆለነ፤ ሽን ደሳ ቶኤነ ተመን ጡገነ» ያጊስ።

ዮሱስ ጠመቁቲስ

(መርቆስ 1:9-11፤ ሉቃስ 3:21-22)

¹³ዮሱስ ሄ ዎዴ ዮሃንስን ጠመቁተነው፤ ገሊለ፤ ፊርዳኖስ ግዮ ሻፋ አኮ ቢስ። ¹⁴ሽን ዮሃንስ አ፤ «ታን ኔነን ጠመቁተነው ኮይዮ ዎዴ ኔን ታኮ የይ?» ያግድ፤ አ ቆፋ ላመነው ኮይስ።

¹⁵ሽን ዮሱስ ዛርድ አ፤ «ኑን ጥሎቴተ አሶ ኡባ ሀጋደን ፖለነው ቤስየ ግሸው፤ ሀእ ተው ኤኖ ገ» ያጊስ። ያግን ዮሃንስ አው ኤኖ ጊስ።

¹⁶ዮሱስ ጠመቁትዶጋ፤ ጉይየን፤ ሶሁዋረ ሃታ፤ ክዩስ፤ ሰሎይ ዶዬትን፤ ጦሳ አያነይ ሀረጴደን ዩሺንኔ በ ቦል ዎድሽን ቤኢስ፤ ¹⁷ቀስ ሰሎዋ፤ «ታን ሲቅዮ ተ ነአይ፤ ተነ ኡፊይስያጌ ሀጋ» ያግየ ቃለይ ዩስ።

ዮሱስ ፓጨቲስ

(መርቆስ 1:12-13፤ ሉቃስ 4:1-13)

4 ¹ሄጋ፤ ጉይየን፤ ጠለሄ ሀለቀይ ዮሱስ ፓጨነ መለ፤ ጌሽ አያነይ በዘ ዮሱስ ኤፊስ። ²ኤፍን ዮሱስ አይተሙ ገለሳኔ አይተሙ ቀማ ጦምዶጋ፤ ጉይየን ነምሴቲስ። ³ጠለሄ ሀለቀይ ዩድ አ፤ «ኔን ጦሳ ነአ ግድኮ፤ አኔ ሀ ሹቸት አይተ ግደነ መለ አዘዘ» ያጊስ።

3:7 ማት 12:34፤ 23:33 3:9 ዮሃ 8:33 3:10 ማት 7:19

3:17 ዶሜ 22:2፤ መዘ 2:7፤ እስ 42:1፤ ማት 12:18፤ 17:5፤ መር 1:11፤ ሉቃ 9:35

4:1 እብራ 2:18፤ 4:15

4^{ኛን} ዮሱስ ዛርድ፥ «ጦሳ መጣፈይ፥ (አስ ጦሰይ ሃሰይዮ ቃለ ኡብን ዴአናፔ አትን፥ አይተ ጠላለን ዴኤኑ) ያጌስ» ያጌስ።

5^{ሄጋፔ} ጉይየን፥ ጠለሄ ሀለቀይ ዮሱስ ጌሽ ከተማ ኤፊድ፥ ቤተ መቅደስያ ጤራ ኬስድ፥ 6 «ኔን ጦሳ ነአ ግድኮ፥ አኔ ዱጌ ጉፕ፥ አይስ ጊኮ፥ ጦሳ መጣፈይ፥

(ጦሰይ በ ኪተንቸተ

ኔዮ አዘዘን)

ቀስ (ኤት ኔ ቶሆይ ሹቸን ጡቤቴነ መለ፥

በንተ ኩሽየን ኔነ ዴንተነ)

ያጌስ» ያጌስ።

7^{ዮሱስ} ዛርድ አ፥ «ቀስከ ጦሳ መጣፈይ፥ (ጎዳ ኔ ጦሳ ፓጮፕ) ያጌስ» ያጌስ።

8^{ቀስ} ጠለሄ ሀለቀይ ዮሱስ እስ ደሮ ግተ ዴርያ ጤራ ኬስድ፥ ሰአን ዴእየ ከዎቴተ አባኔ ኤተ ቦንቹዋ ቤሲስ። 9^{ቤስድ} አ፥ «ኔን ታዮ ጉልበተደ ጎይንኮ፥ ታን ሀጋ ኡባ ኔዮ እመነ» ያጌስ።

10^{ሄጋፔ} ጉይየን፥ ዮሱስ ዛርድ አ፥ «ላ ሀ ሴጣነው ሃከ፤ አይስ ጊኮ፥ ጦሳ መጣፈይ፥ (ጎዳዮ፥ ኔ ጦሳዮ ጎይነ፤ አ ጠላለው አተ) ጌስ» ያጌስ።

11^{ሄጋፔ} ጉይየን፥ ጠለሄ ሀለቀይ አ አግ በይን፥ ኪተንቸተ ዪድ፥ አዮ አትዶሶነ።

ዮሱስ በ ተማርስዮ አሉዋ ገሊለን ዶሚስ

(መርቆስ 1:14-15፤ ሉቃስ 4:14-15)

12^{ዮሃንስ} ቀሼትዶጋ ዮሱስ ስይዶ ዎዴ፥ ገሊለ ግዮ ቢት ቢስ።

13^{ናዝሬቴፔ} ክይድ፥ ቅፍርናሆመ ከተማ ቢድ፥ የን ዴኢስ፤ ቅፍርናሆም ዛብሎነ ቢታንኔ ንፍታሌመ ቢተን አባ መተን ዴኤስ። 14^{ሄጌ} ሀንዶጌ ሀነነባ ዮትየ እስያስ ጊዶጌ ፖሌተናስ፤ ሀነነባ ዮትየ እስያስ ሀጋደን ያጌስ፤

15 «ዛብሎነ ቢታንኔ ንፍታሌመ ቢተን፥

አባ አግየን ዮርዳኖስ ሻፋፔ ሄፍንተ በገን፥

አይሁደ ግዴነ አሰይ ዴእዮ ገሊለን፥

16 ጡመን ዴእየ አሰይ

ዎልቃመ ፖኡዋ ቤኢስ።

ቀስ ሀይቁዋ ኩወይ ዴእዮ ቢተን

ኡትዳጌቴዮ ፖአይ ክዪስ»

ያጌስ።

17^ሄ ዎድያፔ ዶምድ ዮሱስ፥ «እንቴ ነገራፔ ስምቴ፤ አይስ ጊኮ፥ ሰሉዋ ከዎቴተይ መተቲስ» ጊድ ቃላ ዮቱዋ ዶሚስ።

ዮሱስ ሞልቶ አይቅየ አይዱ አስተ ጤጊስ

(መርቆስ 1:16-20፤ ሉቃስ 5:1-11)

18 ዮሱስ ገሊሊ አባ መታረ አዲድ፥ ናኡ እሸንት ጴጥሮስ ግዮ ስሞንኔ አ እሻ እንድራስ፥ ሞልቶ አይቅየጌተ ግድዶ ግሸው፥ ግትያ አበን ዮግያጌተ ቤኢስ። 19 ቤእድ ኤተ፥ «ተነ ካልቴ፤ ታን እንቴነ አስ አይቅየጋ ተማርሰነ» ያጊስ። 20 ያግን ኤት ሶሁዋረከ በንተ ግትያ ዮግ በይድ፥ ዮሱስ ካልዶሶነ።

21 ዮሱስ ሄጋፔ ስንተውኮ ቢድ፥ ሀረ ናኡ እሸንተ፥ ዘብድዮስ ናተ ያቆበኔ አ እሻ ዮሃንስ ቤኢስ፤ ኤት በንተ አዋ ዘብድዮሳረ ዎልዎሎ ግዶን በንተ ግትያ ጊግስያጌተ ቤእድ ጤሲስ። 22 ጤስን ሶሁዋረከ ኤት ዎልዎሎዋኔ በንተ አዋ ዮግ በይድ፥ ዮሱስ ካልዶሶነ።

ዮሱስ ደሮ አሳ ተማርሲስኔ ፐቲስ

(ሉቃስ 6:17-19)

23 ዮሱስ አይሁደ ዎስ ኬተቱን ተማርሲድ፥ ከዎቴታ ዎንጌልያ ምሽራቹዋ ዮቲድኔ፥ ቀስ ሀርጌ ኡባፔኔ ሰሆ ኡባፔ አሳ ፐቲድ፥ ገሊሊ ቢተ ኡባን ዩዩስ። 24 አ ዎሬ ሶርያ ቢታ ኡባ ገኪስ፤ አሰይ ዱመ ዱመ ሀርግየን አሄትድ ሀርግደ አሳኔ ሰሄትደ አስ ኡባ፥ ጠለሄት አይቅዶ አሳ፥ ካሬተይ አይቅዶ አሳኔ፥ ቀስ ቦለይ ስልዶ አሳ ዮሱስኮ ኤሂስ፤ ኤህን እ ኤተ ፐቲስ። 25 ደሮ አሰይ ገሊለፔ፥ ተሙ ከተመቱፔ፥ ዮሩሰላሜፔ፥ ይሁዳፔኔ ዮርዳኖስፔ ሄፍንተን ዴእየ ቢታፔ ዮሱስ ካሊስ።

ዮሱስ ዴርያ ቦለን ግድድ ተማርስዶ ትምርትያ

(ምራፍያ 5-7)

5 1 ዮሱስ ደሮ አሳ ቤእድ፥ ዴርያ ሁጵያ ክይድ ኡቲስ። በነ ካልያጌት ባኮ ሺቅን፥ 2 ተማርሱዋ ዶምድ፥ ኤተ ሀጋደን ያጊስ።

ቱሙ ኡፈይሳ

(ሉቃስ 6:20-23)

3 «በንተ አያነን ህዩስ ግድዶጋ ኤርያጌት አንጄትዳጌተ፤

አይስ ጊኮ፥ ሰሉዋ ከዎቴተይ ኤተስ።

4 ከዮትያጌት አንጄትዳጌተ፤

አይስ ጊኮ፥ ጦሰይ ኤተ ምንቴተነ።

5 አሸኪት አንጄትዳጌተ፤

አይስ ጊኮ፥ ኤት ሰኣ ላተነ።

6 ነምሴትያጌትኔ ሳሜትያጌት ከታ ሃታ ኮይዮጋደን፥

ጥሎባ አተነው ላሞትያጌት አንጄትዳጌተ፤

አይስ ጊኮ፥ ጦሰይ ኤተ ከልሰነ።

7 ማርያጌት አንጄትዳጌተ፤

አይስ ጊኮ፥ ጦሰይ ኤተ ማረነ።

8 ዎዘና ጌሸት አንጄትዳጌተ፤

አይስ ጊኮ፥ ኤት ጦሳ ቤአነ።

9 አሰ ስጌትያጌት አንጄትዳጌተ፤

አይስ ጊኮ፥ ጦሰይ ኤተ፥ በ ናተ ጊድ ጤሰነ።

10 ጥሎቴታ ግሸው ዩዴቴትያጌት አንጄትዳጌተ፤

አይስ ጊኮ፥ ሰሎዋ ከዎቴተይ ኤተሰ።

11 «እንቴ ተነ ካልዮ ግሸው፥ አሰይ እንቴነ ቦርዮ ዎዴኔ ወይስዮ ዎዴ፥ ቀስ እንቴ ቦል ኢተባ ኡባ ዎርዱወን ሃሰይዮ ዎዴ፥ እንቴ አንጄትዳጌተ።
12 እንቴዮ ሰሎወን ግተ ዎይቶይ ዴእዮ ግሸው፥ ኡፈይትቴ፤ ሀሹ ጊቴ፤ አይስ ጊኮ፥ አሰይ እንቴቴ ከሴ ዴእደ ሀነነባ ዮትያጌተከ ሄጋደን ወይሲስ።

መጥንያኔ ፖኡዋ ሌምሱዋ

(መርቆስ 9:50፤ ሉቃስ 14:34-35)

13 «አሰ ኡባስ እንቴ መጥኔ መለ፤ ሽን መጥኔ ለቅለቀነ ጠይኮ፥ ናአንቶ አ ዋትድ ለቅለቅሰኔ? ከሬ ኦልን፥ አስ አ ዩድ ሄሜተናፔ አትን፥ ዎዴፔ አይኔ ጎኤነ።

14 «ሰአው እንቴ ፖኦ መለ፤ ዴርያ ሁጵየን ኬጤትደ ከተመይ ጌመነ ደንደዩነ። 15 ጠምፔ አይትድ፥ ሶን ዴእየ አስ ኡበው ፖኦነ መለ፥ ጠቅያሰን ዎትዮጋፔ አትን፥ ኬሬ ግዶን ቁምእ ዎትየ አስ ባወ።
16 ሄጋደንከ፥ አስ እንቴ አትዮ ሎኦ ኦሱዋ ቤእድ፥ ሰሎወን ዴእየ እንቴ አዋ ገለተነ መለ፥ እንቴ ፖኦይ አስ ስንተን ፖኦ።

ሙሴ ህግያባ

17 «ታን ሙሴ ህግያኔ ሀነነባ ዮትያጌት ተማርስዮጋ ጠይሰነው ዩዶባ እንቴዮ ምለቶፖ፤ ታን ፖለነው ዩዶጋፔ አትን፥ ጠይሰነው የቤይኬ። 18 አይስ ጊኮ፥ ታን እንቴዮ ቴማ አደይስ፤ ሰሎይኔ ሰአይ አደነ ገከናስ፥ ቀስ ኡበበይከ ፖሌተነ ገከናስ፥ ህግያፔ እስ ቃለይከ ዎይ እስ ፕተሌከ ጠዩነ። 19 ሄጋ ግሸው፥ ሀ አዘዞ ኡባፔ ጉጥየ እስ አዘዘዋ ከንትየ ኡረይ አንኔ፥ ቀስ ሀረትከ ባጋደን ኦተናደን ተማርስየ ኡረይ አንኔ፥ ሰሎዋ ከዎቴተን ኡባፔ ጉተ ግደነ፤ ሽን ህግያ አትያጌኔ ተማርስያጌ አንኔ ሰሎዋ ከዎቴተን ግተ ግደነ። 20 አይስ ጊኮ፥ ታን እንቴዮ አደይስ፤ እንቴ ጥሎቴተይ ህግያ ተማርስያጌቴ ጥሎቴታፔ፤

5:6 እስ 55:1-2 5:8 መዘ 24:3-4 5:10 1ጴጥ 3:14 5:11 1ጴጥ 4:14

5:12 2ሀን 36:16፤ አሱ 7:52 5:14 ዮሃ 8:12፤ 9:5

5:15 መር 4:21፤ ሉቃ 8:16፤ 11:33 5:16 1ጴጥ 2:12 5:18 ሉቃ 16:17

ፕሮግራሙ ጥሎቱታፔ ደረሰ ጠይቅ፤ ሰሎሞ ከዎቲታ እንቴ ሙሉከ ጌሌኬተ።

21 «ቤን አሳ፤ <አሰ ዎሮፕ፤ አሰ ዎርደ አንኔ ፕሮዴተነ። ጌዶጋ ስይዴተ። 22 ሽን ታን እንቴዮ አደይስ፤ በ እሻ ሀንቁትዮ ኡብይ ፕሮዴተነ፤ በ እሻ ጨይዮ ኡብይ ያላ ፕሮደው ሺቀነ፤ ቀስ በ እሻ፤ <ኤየይ> ግዩ ኡብይ ጋነብያ ተማ ፕሮደው ሺቀነ። 23 ሄጋ ግሸው፤ ኔን የርሸዮሰን የርሸሽን፤ ኔ እሻ ናቅዶብይ ኔዮ ሄገን ሀሰዬትኮ፤ 24 ኔ የርሹዋ ሄ ሶሁውንከ ዬገ በየደ በ፤ ከሴተደ ኔ እሻረ ስጌተይቸ፤ ሄጋፔ ጉይየን ያደ፤ ኔ የርሹዋ የርሸ።

25 «ኔን ሞትያጋረ ፕሮደ ኬታ በይደ አግየን ኤሌ አረ ስጌተይቸ፤ ሄጌ ጠይቅ፤ እ ኔን ዳነ ስንት አተነ፤ ቀስ ዳነይ ኔን ፖልሰየው አትድ እምን፤ ፖልሴ ኔን ቀቸነ። 26 ታን ኔዮ ቱማ አደይስ፤ ኔን እስ ሰንትማ አቴነን፤ ኔ መቀጨዋ ዉርሰደ ቀንጠነ ገከናስ፤ ሙሉከ ቀሾ ኬታፔ ክየከ።

ሻረሙጠነው ቤሴነ

27 «ሻረሙጠፕ። ጌዶጋ ስይዴተ። 28 ሽን ታን እንቴዮ አደይስ፤ መጫሮ ጤልድ አሞትዮ ኡብይ፤ በ ዎዘነ ግዶን ሄ ዎዴ ኢረ ሻረሙጠሰ። 29 ኔ ኡሸቸ አይፌ ኔነ ነገረ አትስኮ፤ ኔፔ ሾደደ አለ በየ፤ አይስ ጊኮ፤ ኔ ቦለይ ሙሉረ ጋነብያ ተመን አሌተናጋፔ፤ አፔ እሶይ ጠይዮጌ ኔዮ ኬሀ። 30 ቀስ ኔ ኡሸቸ ኩሼ ኔነ ነገረ አትስኮ፤ ኔፔ ቀንጠደ አለ በየ፤ አይስ ጊኮ፤ ኔ ቦለይ ሙሉረ ጋነብያ ተመን አሌተናጋፔ፤ አፔ እሶይ ጠይዮጌ ኔዮ ኬሀ።

መችዮ ዮደነው ቤሴነ

(ማትዮስ 19:9፤ መርቆስ 10:11-12፤ ሉቃስ 16:18)

31 «<ቀስ በ መችዮ ዮድዮ አንኔ አ ዮድዮ ፕረማ እሞ። ጌቴቲስ። 32 ሽን ታን እንቴዮ አደይስ፤ በ መችዮ ሻረሙጤን ዴእሽን ዮድዮ አንኔ አ ሻረሙጠ ኬሴስ፤ ቀስ አዝነይ ዮድዶ መጫስዮ ኤክየ አንኔ ሻረሙጤስ።

ጫቆዋባ

33 «ቀስ ቤን አሳ፤ <ዎርዱውን ጫቆፕ፤ ሽን ኔ ጎደው ጫቅዶጋ ፖለ። ጌዶጋ ስይዴተ። 34 ሽን ታን እንቴዮ አደይስ፤ ሙሉከ ጫቆፕፔ፤ ሰሎይ ጠሳ ከዎታ አራታ ግድዮ ግሸው፤ ሰሎውን ሙሉከ ጫቆፕፔ፤ 35 ቀስ ሰአይ አ ጌዴ ዮድዮሳ ግድዮ ግሸው፤ ሰአን ጫቆፕፔ፤ ቀስ ዮሩሰላማ

5:21 ኬሳ 20:13፤ ዛር 5:17 5:27 ኬሳ 20:14፤ ዛር 5:18

5:29 ማት 18:9፤ መር 9:47 5:30 ማት 18:8፤ መር 9:43

5:31 ዛር 24:1-4፤ ማት 19:7፤ መር 10:4

5:32 ማት 19:9፤ መር 10:11-12፤ ሉቃ 16:18፤ 1ቆሮ 7:10-11

5:33 ዎጋ 19:12፤ ቆዳ 30:2፤ ዛር 23:21 5:34 ያቆ 5:12፤ እስ 66:1፤ ማት 23:22

ግተ ከዉዋ ከተመ ግድዮ ግሸው፥ ዩሩሰላሜንከ ጫቆፕቴ። 36ኔን እስ ብናነከ ቦተ ዎይ ከፊተ ኬሰነው ደንደዬን ግሸው፥ ኔ ሁጵዮንከ ጫቆፕ። 37ሽን እንቴ፥ (ኤ) ዎይ፥ (ቺ) ጊቴ፤ ሀጌቴፔ ሀረ ጫቆይ ጠለሄ ሀለቃፔ ዩስ።

ለንጭዖ አሉውን አይቀነው ቤሴን

(ሉቃስ 6:29-30)

38 «(አይፌ ግሻ አይፌ፤ አቸ ግሻ አቸ) ጊዶጋ ስይዴተ። 39ሽን ታን እንቴዮ አደይስ፤ እንቴዮ ኢተባ አትየ አራ ድጎፕቴ፤ አንኔ ኔ አሸቸ በገ ቅንጠልያ በቅኮ፥ ኔ ሀድርሰ በገ ቅንጠልያከ አ ቤሰ፤ 40 ኔ ቆልያ ኤከነው እስ አረይ ኔን ሞትኮ፥ ሄ አረይ ኔ ኮትያከ ኤኮ። 41 አንኔ ኔን እስ ሳቴ አግያ በናረ ዎልቀን ኤፊኮ፥ አረ ናኡ ሳቴ አግያ በ። 42 ኔን ዎስየ አረው እመ፤ ቀስ ኔፔ ተልአነ ኮይየ አረውከ ድጎፕ።

ሞርክያ ሲቅዮጋ

(ሉቃስ 6:27-36)

43 «(ኔ ሾሩዋ ሲቀ፤ ኔ ሞርክያ ሞርከ) ጊዶጋ ስይዴተ። 44-45ሽን ታን እንቴዮ አደይስ፤ ሰሉውን ዴእየ እንቴ አወው ናተ ግደነ መለ፥ እንቴ ሞርኬተ ሲቅቴ፤ እንቴን ቀንግያጌተከ አንጅቴ፤ እንቴን እጥያጌቱዮ ሎኦባ አትቴ፤ እንቴን ወይስያጌቱዮከ ጦሳ ዎስቴ፤ አይስ ጊኮ፥ ኢተ አሰውከ ሎኦ አሰውከ ጦሰይ በ አዋ አወጥሴስ፤ ቀስ ጥሎቱዮከ ነገረንቸቱዮከ በ እራ ቡክሴስ። 46 አይስ ጊኮ፥ እንቴ እንቴን ሲቅያጌቱ ጠላላ ሲቅኮ፥ እንቴዮ አይ ዎይቶይ ዴኢ? ሀረይ አቶ፥ ጊራ ኤክያጌትከ ሄጋደን አቶሶነ። 47 እንቴ እንቴ እሸንቱ ጠላላ ሰርትኮ፥ ሀረት አትዮጋፔ አድያባ አይ አትዴቲ? ሀረይ አቶ፥ ጦሳ አመኔን አሰይከ ሄጋደን አቴስ። 48 ሄጋ ግሸው፥ ሰሉውን ዴእየ እንቴ አወይ በል በይናጋ ግድዮጋደን፥ እንቴከ በል በይናጌተ ግድቱ።

ህዩሰው እምዮ ማራ

6 ¹ «እንቴ አመኖ አሱዋ አሰ ቤሰነው አሰ ስንተን አቴነ መለ ናጌትቴ፤ ሄጌ ጠይኮ፥ ሰሉውን ዴእየ እንቴ አወይ እንቴዮ ዎይቱዋ እሜነ።

² «ሄጋ ግሸው፥ እንቴ አይበኮ ህዩሰው እምዮ ዎይ፥ ሎኦ ምለትየ ኢተት በንተነ ቦንቸሰነው፥ አይሁደ ዎሰ ኬተቱንኔ አጌቱን አዋጅሰዮጋደን አዋጅሶፕቴ፤ ታን እንቴዮ ቱማ አደይስ፤ ኤት በንተ ዎይቱዋ ኤኪቸዶሶነ። ³⁻⁴ሽን እንቴ ህዩሰው እምዮ ዎይ፥ ጌመን እመናደን፥

እንቴ ኡሸቸ ኩሼ አትዮጋ እንቴ ሀድርስ ኩሼ ኤሮፖ፤ ጌመን ቤእየ እንቴ አወይ እንቴዮ ቆንጭየን እመነ።

ዎሳባ

(ሉቃስ 11:2-4)

5 «ጦሳ ዎሲድ፥ ሎኦ ምለትየ ኢተቱደን ሀኖፕቴ፤ አይስ ጊኮ፥ በንተነ አስ ቤኣነ መለ፤ አይሁደ ዎስ ኬተቱንኔ አጌቱ ዶነን ኤቅድ፥ ጦሳ ዎስዮጋ ዶሶሳነ፤ ታን እንቴዮ ቱማ አደይስ፤ ኤት በንተ ዎይቱዎ ሙሌረ ኤኪችዶሶነ። 6 ሽን እንቴ ጦሳ ዎስዮ ዎዴ፥ እንቴ ሶ ጌልቴ፤ ከርያ ጎርድድ፥ ጌመን ዴእየ እንቴ አዋ ዎስቴ፤ ጌመን ቤእየ እንቴ አወይ እንቴዮ ቆንጭየን እመነ።

7 «ጦሳ እንቴ ዎስዮ ዎዴ፥ ጦሳ አመኔነ አሳጋደን፥ ሜለ ብዶፕቴ፤ አይስ ጊኮ፥ ጦሳ አመኔነ አሰይ አዱስድ ጦሳ ዎስን ሰዬስ ጊድ ቆፔስ። 8 ሄጋ ግሸው፥ ሄ አሳጋደን ሀኖፕቴ፤ አይስ ጊኮ፥ እንቴ አወይ እንቴነ ኮሽያጋ እንቴ ዎስናፔ ከሴትድ ኤሬስ። 9 ስም እንቴ ሀጋደን ያግድ፥ ጦሳ ዎስቴ፤

ሰሉውን ዴእየ ኑ አወው፥

ኔ ጌሽ ሱንተይ አንጀቶ።

10 ኔ ከዎቴተይ ዮ፤

ኔ ሼኔ ሰሉውን ሀንዶጋደን፥ ሰአንከ ሀኖ።

11 ሀች ሀች ኮሽየ ቁማ

ኑዮ ሀች እመ።

12 ኑን ኑነ ናቅዳጌቱዮ አቶ ግዮጋደን፥

ኔንከ ኑ ናቁዋ አቶ ገ።

13 ኑነ ኢተባፔ አሸናፔ አትን፥ ፓጨን ጌልሶፕ።

ከዎቴተይ፥ ዎልቀይኔ ቦንሾይ ሜርነውከ ኔስ። አምንእ) ያግቴ።

14 «እንቴ እንቴነ ናቅደ ሀረ አሳ ናቁዋ አቶ ጊኮ፥ ሰሉውን ዴእየ እንቴ አወይከ እንቴዮ አቶ ጋነ። 15 ሽን እንቴ እንቴነ ናቅደ ሀረ አሳ ናቁዋ አቶ ጋነ ጠይኮ፥ እንቴ አወይከ እንቴ ናቁዋ አቶ ጌነ።

16 «ቀስ እንቴ ጦምዮ ዎዴ፥ ሎኦ ምለትየ ኢተቱደን፥ ከዮትያባ ምለቶፕቴ፤ አይስ ጊኮ፥ ኤት ጦምዮጋ አሰይ ቤኣነ መለ፥ በንተ ሶምኡዋ ቡላልሶሳነ፤ ታን እንቴዮ ቱማ አደይስ፤ ኤት በንተ ዎይቱዎ ሙሌረ ኤኪችዶሶነ።

ጠማባ

17-18 «ሽን እንቴ ጦምዮ ዎዴ፥ እንቴ አወይ እንቴ ጦምዮጋ ኤረናፔ አትን፥ አስ ኤሬነ መለ፥ እንቴ ሶምኡዋ ሜጭቴ፤ እንቴ ሁጵያከ

ትዬትቱ፤ ያትኮ፡ ጌመን ዴእየ እንቴ አወይ እንቴ አትዮጋ ጌመን
ቤእድ፡ እንቴዮ ቆንጭየን እመነ።

ሀ ሰአ ቦለን አቁዋ ደገየነው ቤሴነ

(ሉቃስ 12:33-34)

19 «ብልእ በሽዮሳንኔ ብረት ሽይዮሰን፡ ከይሶይክ ቦክድ
ዉቅዮሰን፡ ሰአን እንቴ ሁጴስ ሚሸ ደገዮፕቴ። 20 ሽን ብልእኔ
ቁኖይ በሼነሰን፡ ከይሶይክ ቦክድ ዉቄነሰን እንቴ ሁጴስ ሰሉውን
ሚሸ ደገይቴ። 21 አይስ ጊኮ፡ ኔ ዎዘነይ ኔ ሚሸይ ዴእዮሰን
ዴአነ።

ቦላ ጦምፕያባ

(ሉቃስ 11:34-36)

22 «ቦላ ጦምፕ አይፍያ፤ ሄጋ ግሸው፡ ኔ አይፌ ፕየ ግድኮ፡ ኔ
ቦለ ኡቦይ ፖኦ ግደነ። 23 ሽን ኔ አይፌ ፕየ ግደነ ጠይኮ፡ ኔ ቦለ
ኡቦይ ጡመነ፤ ስም ኔ ቦል ዴእየ ፖኦይ ጡምኮ፡ ጡመይ አይ ኬና
ጡመንዴሸ!

ዴአስ ህርገነው ቤሴነ

(ሉቃስ 16:13፤ 12:22-31)

24 «ናኡ ጎደቱዮ ሃሬተነው ደንደይየይ አንኔ ባወ፤ አይስ ጊኮ፡ ዎይ
እሱዋ እጥድ፡ ህንኩዋ ሲቀነ፤ ዎይ እሱዋ ቦንችድ፡ ህንኩዋ ከረነ፤
ጦሳስኔ ሚሸስ ሃሬተነው ደንደዬኬተ።

25 «ሄጋ ግሸው፡ ታን እንቴዮ አደይስ፤ እንቴ ፐጠ ዴአነው ማነባስኔ
ኡየነባስ፡ ዎይ እንቴ ቦለው ማየነባስ ህርጎፕቴ፤ ሼምፖይ ቁመፔ አዴኔ?
ቀስ ቦለይ ማዮፔ አዴኔ? 26 ፓልየ ከፎተ ጤልቴ፤ ኤት ዜሮኮነ፤ ጨኮኮነ፤
ጎተረንከ ቆሎኮነ፤ ሽን ሰሉውን ዴእየ እንቴ አወይ ኤተ ምዜስ፤ እንቴ
ኤተፔ ኬህ አዴኬቲ? 27 እንቴ ግድን ኬህ ቆፕድ፡ በ ጌሳ ቦል እስ ወረ
ጉጀነው ደንደይየይ አኔ?

28 «አይስ ማዮስ ህርጌቲ? ዴምበን ዴእየ ጨሸት ዋን ድጭያኮ፡
አኬክ ጤልቴ፤ ኤት ዳፋሮኮነ ዎይ ፑቶ ሱቆኮነ። 29 ሽን ታን እንቴዮ
አደይስ፤ ሀረይ አቶ፡ ሶሎሞን ሄጋ ኬነ ቦንቼትዳጋ ግዲድ፡ ሄ ጨሸቱፔ
እሱዋጋ መላ ማይቤነ። 30 ሽን ላፈ አመኖይ ዴእዮጌቶ፡ ጦሰይ፡ ሀች
ዴእድ፡ ዎንቶ ጮጭዮ ተመን ኤጥየ ዴምባ ማታ መይዝያጌ፡ እንቴነ
ኤታጋፔ አትድ ዋት መይዜኔ? 31 ስም፡ ኀን አይ ማኔ? ዎይ አይ
ኡየኔ? ዎይ አይ ማየኔ? ያግድ ህርጎፕቴ። 32 አይስ ጊኮ፡ ሄ ኡቦባ
ጦሳ አመኔናጌት ደርስድ ኮዮሶነ፤ ሄ ኡቦይ እንቴነ ኮሽዮጋ ሰሉውን
ዴእየ እንቴ አወይ ኤፊስ። 33 ሽን ከሴትድ፡ ጦሳ ከዎቲታኔ አ ጥሎቲታ

ኮይቱ፤ እ እንቴዮ ሄ ኡበባ እመነ። ³⁴ሄጋ ግሸው፥ ዎንቶበው ህርጎጥቱ፤ አይስ ጊኮ፥ ዎንቶይ በው ህርገነ፤ ገለሰ ኡበውከ ግድየ አ ሁጲ ዋዬ ዴኤስ።

ሀረ አሳ ቦል ፕርደነው ኮሼነ

(ሉቃስ 6:37-42)

7 ¹«መሰይ እንቴ ቦል ፕርዴነ መለ፥ እንቴከ ሀረቱ ቦል ፕርዶፕቱ። ²አይስ ጊኮ፥ እንቴ ሀረቱ ቦል ፕርድዮጋደን፥ መሰይ እንቴ ቦል ፕርደነ፤ ቀስ እንቴ ሀረቱዮ እመነው መክዮበን እ እንቴዮ መከነ። ³ኔ አይፍየን ዴእየ ቱሳ ቤአከ፤ ሽን ኔ እሻ አይፍየን ዴእየ ሱላ አይስ ጤለይ? ⁴ዎይ ኔ አይፍየን ቱሰይ ዴእሽን፥ ኔን ኔ እሻ፥ (ታን ኔ አይፍያፔ ሱላ ኬሶ) ዋነደ ጋነው ደንደየይ? ⁵ላ ሀ ሎኦ ምለትየ ኢተው፥ ከሴተደ ኔ አይፍያፔ ቱሳ ኬሰርገ፤ ሄጋፔ ጉይየን፥ ኔ እሻ አይፍያፔ ሱላ ኬሰነው ጌሸደ ጤለነ ደንደያሰ።

⁶«ጌሸባ ከነቱዮ እሞፕቱ፤ ኤት ጉዬ ስምድ፥ እንቴነ ሰጠነ። ቀስ እንቁዋ ግዮ እንቴ አልኦ ሹቻ ጉዱንተቱ ስንት ኦሎፕቱ፤ ኤት በንተ ቶሀውን ዬደነ።

ዎሳ አይፍያ

(ሉቃስ 11:9-13)

⁷«ዎስቱ፤ እንቴ ኤከነ። ኮይቱ፤ እንቴ ዴመነ። ከሬ ዩድ ጤስቱ፤ እንቴዮ ከሬ ዶዬተነ። ⁸አይስ ጊኮ፥ ዎስየ ኡበይ ኤከነ፤ ኮይየ ኡረይ ዴመነ፤ ቀስ ከሬ ዩድ ጤስየ ኡረው ከሬ ዶዬተነ። ⁹ዎይ እንቴ ግዶን በ ነእ፥ (አይተ እመ) ጊኮ፥ ሹቸ እምየ አዉ ዴኢ? ¹⁰ቀስ፥ (ሞሌ እመ) ጊኮ፥ አዮ ሾሽ እመኔ? ¹¹እንቴ ኢተ ግዲድ፥ እንቴ ናቱስ ሎኦባ እምዮጋ ኤርኮ፥ ያትን፥ ሰሎወን ዴእየ እንቴ አወይ በነ ዎስያጌቱስ ሎኦባ ዋት ደርስድ እመንዴሸ!

¹²«ሄጋ ግሸው፥ ሀረ አስ እንቴዮ ኦተነው ኮይዮ ኡበባ እንቴከ አሰው ኦትቱ፤ አይስ ጊኮ፥ ሙሴ ህግያ ብርሼተይኔ ሀነነባ ዮትያጌት ተማርስዮጌ ሄጋ።

ኡንኦ ፔንግያባ

(ሉቃስ 13:24)

¹³«ኡንኦ ፔንግያረ ጌልቱ። አይስ ጊኮ፥ በሸው ኤፍየ ፔንጌ ኣሆ፤ ኣጌከ ዎጋ። ሄጋረ ጌልየ አሰይከ ደሮ።

¹⁴«አይስ ጊኮ፥ ዴኡውው ኤፍየ ፔንጌ ኡንኦ፤ ኣጌከ ጡንተ። ቀስ ሄጋረ ብየ አሰትከ አመርዳጌተ።

ምተይ በ አይፍየን ኤሬቴስ

(ሉቃስ 6:43-44)

15 «ቦለ በጋረ ዶርስ ምለትድ፥ እንቴኮ ይየ ዎርዱዋ ሀንነባ ዮትያጌቴፕ ናጌትቴ፤ ሽን ቱማፔ ኤት ገርስ በጋረ ወንግሬሎቱ መለ።* 16 ኤት



ወንግሬሎተ (ማት 7:15)

አይፍዮ አይፍየን እንቴ ኤት ኤረነ፤ አጉንት ዎይኔ ግዮ ቱራ አይፌ አይፌነ፤ ጎምኦሬከ በለሴ ግዮ ምታ አይፌ አይፌነ። 17 ሄጋደንከ፥ ሎኦ ምተ ኡበይ ሎኦ አይፌ አይፌነ፤ ሽን ኢተ ምት ኢተ አይፌ አይፌነ። 18 ሎኦ ምት ኢተ አይፌ አይፌነው ደንደዬነ፤ ቀስ ኢተ ምትከ ሎኦ አይፌ አይፌነው ደንደዬነ። 19 ሎኦ አይፌ አይፌነ ምተ ኡበይ ቀንጤትድ፥ ተመን ዩጌተነ። 20 ሄጋ ግሸው፥ እንቴ ኤት አይፍዮ አይፍየን ኤት ኤረነ።

21 «ሰሎውን ዴእየ ተ አወይ

ጊዶጋ ኦትየ ኡረይ ሰሎዋ ጌለናፔ ኦትን፥ <ተ ጎደው፥ ተ ጎደው> ግዮ ኡበይ ጌሉነ። 22 ሄ ገለስ ደሮ አሰይ ተነ፥ <ኑ ጎደው፥ ኑ ጎደው፥ ኑን ኔ ሱንተን ሀንነባ ዮትቦኮኒ? ኔ ሱንተን ጠለሄተ ኬስቦኮኒ? ቀስ ኑን ጠሰይ ኦትዮ መላታ ኔ ሱንተን ኦትቦኮኒ?> ያገነ። 23 ታን ሄ ዎዴ ኤተ፥ <ታን እንቴነ ሙሌከ ኤርኬ፤ ኢተባ ኦትያጌት እንቴ ተ መተፔ ሃክቴ> ያገነ።

ሹቻ ቦል ዎይከ ሸፍያ ቦል ኬጤትደ ኬተቱ ሌምሱዋ

(ሉቃስ 6:47-49)

24 «ሄጋ ግሸው፥ ሀጋ ተ ቃላ ስይድ ኦትየ ኡበይ ሹቻን በ ኬታ ኬጥደ ዎዘናመ አስ መለ። 25 እረይ ቡኪስ፤ ድኦይ ድኢስ፤ ጨርኮይከ ጨርክድ፥ ሄ ኬታ ሱጊስ። ሽን ኬተይ ሹቻን ኬጤትዶ ግሸው ኩንድቤነ።

26 «ሀጋ ተ ቃላ ስይድ ኦቴነ አሰይ ኡበይ፥ በ ኬታ ሸፍየን ኬጥደ ኤየ አስ መለ። 27 እረይ ቡኪስ፤ ድኦይ ድኢስ፤ ጨርኮይከ ጨርክድ፥ ሄ ኬታ ሱግን፥ ኬተይ ኩንዲስ። ሄ ኬተይ ዎልቃመ ኩንዴታ ኩንዲስ» ያጊስ።

28 ዩሱስ በ ሃሰይዮጋ ዉርስዶ ዎዴ፥ አሰይ እ ተማርስዮገን ገረጫቲስ። 29 አይስ ጊኮ፥ እ ኤተ ተማርሲድ፥ ህግያ ተማርስያጌቱደን ግዴነን፥ በው አላፌቴተይ ዴእየ አሰደን ተማርሴስ።

ዮሱስ እንችርቸይ አይቅዶ ብተንያ ፕቲስ

(መርቆስ 1:40-45፤ ሉቃስ 5:12-16)

8 ¹ዮሱስ ዴርያፔ ዎድዶ ዎዴ፥ ደሮ አሰይ አ ካሊስ። ²እንችርቸይ አይቅዶ እስ ብተኔ ዮሱስኮ ዬድ፥ አ ስንተን ጉልበትድ፥ «ጎደው፥ ኔን ኮይኮ፥ ተነ ፕተነው ደንደያሰ» ያጊስ።

³ዮሱስ በ ኩሽያ ዬድድ፥ አ ቦችድ፥ «ታን ኮየይስ፤ ፐጠ» ያጊስ። ያግን ሶሁዋረከ እንችርቸይ ብተንያ ዬድ አጊስ። ⁴ዮሱስ አ፥ «ስም ሀጋ አዮኔ ዮቶፕ፤ ሽን ቄስያኮ ባደ ኔ ቦላ አ ቤስ፤ ኔን ፕጥዶጋ አሳ ኤርሰነው ሙሴ አዘዝዶ የርሹዋ የርሸ» ያጊስ።

ዮሱስ መቶ ሀለቃ ነአ ፕቲስ

(ሉቃስ 7:1-10)

⁵⁻⁶ዮሱስ ቅፍርናሆመ ከተማ ጌልዶ ዎዴ፥ እስ መቶ ሀለቃይ አኮ ዬድ፥ «ተ ጎደው፥ ተ አሽከራ አሰቴተይ ስልን፥ ደሮ ሰሄቲድ፥ ሶን ዝንኢስ፤ ሀይ ፕተርኪሸ» ያግድ ዎሲስ።

⁷ዎስን ዮሱስ፥ «ታን ባደ አ ፕተነ» ያጊስ።

⁸ሽን መቶ ሀለቃይ ዛርድ ያጊስ፤ «ተ ጎደው፥ ኔነ ተ ሶ ጌልሰነው ተው ቤሴነ፤ ሽን ኔን ዶነ ጠላላ ሃሰየ፤ ተ አሽከረይ ፐጠነ። ⁹አይስ ጊኮ፥ ታን ታፔ ቦላረ ዴእያጌቱዮ ሃሬትየ አሰ፤ ቀስ ታፔ ገርሳረ ዎታደረት ዴአሰነ። ታን እሱዋ፥ <በ> ጊኮ ቤስ፤ ቀስ ህንኩዋ፥ <ሃየ> ጊኮ ዮስ፤ ተ አሽከራ፥ <ሀጋ አተ> ጊኮ አቴስ» ያጊስ።

¹⁰ዮሱስ ሄጋ ስይዶ ዎዴ ገረሜትድ፥ በነ ካልየ አሳ ሀጋደን ያጊስ፤ «ታን እንቴዮ ቴማ አደይስ፤ ታን ሀጋ መለ አመኑዋ ሀረይ አቶ፥ እስራኤለ ቢተንከ ቤአቤይኬ። ¹¹ታን እንቴዮ አደይስ፤ ደሮ አሰይ አርሾፔኔ አርጎፔ ዬድ፥ አብረሃማረ፥ ይሳቃረኔ ያቆባረ ሰሉዋ ከዎቴተን እስፔ ኡተነ። ¹²ሽን ከዎቴተን ዴአነው ቤስዮ አሰይ ጡመው ከሬ አሌተነ፤ ሄገን ኤት ዮከነኔ በንተ አቻ ገርጨነ» ያጊስ።

¹³ዮሱስ መቶ ሀለቃ፥ «ኔ ሶ በ፤ ኔን አመንዶጋደን ኔዮ ሀነነ» ያጊስ፤ ያግን መቶ ሀለቃ አሽከረይ ሄ ሳቴንከ ፕጥ አጊስ።

ዮሱስ ደሮ አሰተ ኤተ ሀርግያፔ ፕቲስ

(መርቆስ 1:29-34፤ ሉቃስ 4:38-41)

¹⁴ዮሱስ ጴጥሮስ ሶ ቢድ፥ አ ቦሎትያ ቆጦኔ ምሾ ሀርገደ ዝንእዳሮ ቤኢስ። ¹⁵እ ኩሽያ እ ቦችን፥ ቆጦይኔ ምሾይ አ አግ በዬስ፤ አግ በይን፥ አ ዴንደደ አዮ አታሱ።

¹⁶⁻¹⁷ስአይ አመርዮ ዎዴ፥ አሰይ ጠለሄት አይቅዶ ደሮ አሳ ዮሱስኮ ኤሂስ፤ ሀነነባ ዮትየ እስያስ።

«እ ኑ ሰሁዋ በው ኤኪስ፤

ቀስ ኑ ሀርግያክ ቶኪስ»

ጊዶጌ ፖሌተነ መለ፤ ዮሱስ ቱነ አያነተ በ ቃለን ኬስድ፥ ሀርግደ አስ
ኡባከ ፐቲስ።

ዮሱስ ካልያጌተ ገክየ ሜቱዋ

(ሉቃስ 9:57-62)

18 ዮሱስ ደሮ አሰይ በ መተን ዩይ አድድ ኤቅዶጋ ቤእድ፥ አባፔ
ሄፍንት ፕነነ መለ፤ በ ኤርስዮ አሽከረተ አዘዘስ። 19 ህግያ ተማርስየ እሶይ
አኮ ዪድ፥ «ተማርስያን፥ ኔን ብዮሳ ኡባ ታን ኔነ ካለነ» ያጊስ።

20 ዮሱስ አ፥ «ዎረከነቱስ አለይ ዴኤስ፤ ከፎቱስከ ኬተይ ዴኤስ፤ ሽን
ታን፥ አስ ነአይ፥ ዝንአደ ሼምፐ ኤክዮስከ ተው ባወ» ያጊስ።

21 ቀስ ካልያጌቱፔ እሶይ አ፥ «ጎደው፥ ታን ከሴተ ባደ ተ አዋ ሞጎ?»
ያጊስ።

22 ሽን ዮሱስ አ፥ «ኔን ተነ ካለ፤ ሀይቅዳጌት በንተ ሀይቅዳጌተ ሞጎነ»
ያጊስ።

ዮሱስ ቤታ ጮኡ አቲስ

(መርቆስ 4:35-41፤ ሉቃስ 8:22-25)

23 ዮሱስ ዎልዎሉወን ጌልን፥ ኤርስዮ አሽከረት አረ ቢዶሶነ። 24 ቤተይ
ዎልዎሉዋ ኩመነ ገክናሽን፥ ሶሁዋረ አበን ዎልቃመ ጎቱ ዴንዲስ፤ ሽን
ዮሱስ ጥስኪስ። 25 ኤርስዮ አሽከረት አኮ ቢድ፥ ጥስኩዋፔ ዴንትዶሶነ፤
ዴንትድ አ፥ «ጎደው፥ ኑን ጠዮስ፤ ኑነ አሸርኪ» ያግዶሶነ።

26 ዮሱስ ኤተ፥ «ሀ አመኖይ ፐጭዶጌቶ፥ አይስ የዮቲ?» ያጊስ።
ሄጋፔ ጉይየን ዴንድድ፥ ጎትያኔ ቤታ አግቱ ግን፥ ጎቱኔ ቤተይ ዎፑ
ጊዶሶነ።

27 አሰይ ገረሜትድ፥ «ሀጌ ላ ሀረይ አቶ፥ ጎቱኔ ቤተይ አዘዜትዮጌ
አይበ አሴ?» ያጊስ።

ዮሱስ ጠለሄ አይቅዶ ናኡ አስተ ፐቲስ

(መርቆስ 5:1-20፤ ሉቃስ 8:26-39)

28 ዮሱስ አባፔ ሄፍንተን ዴእየ ጌርጌሴኖነ ግዮ ቢታ ፕኒስ፤ ጠለሄት
አይቅዶ ናኡ አስት ሄ ቢተን ዴአሶነ፤ አስ ሞግዮ ጎንጎሉዋፔ ኤት ክይድ፥
አረ ገይትዶሶነ። ኤት ደሮ ዎልቃመ ግድዮ ግሸው፥ አንኔ ሄ አግያረ
አደነው ደንደይቤነ። 29 ኤት በንተ ቃላ ጦቄ አትድ፥ «ጦሳ ነአው፥ ኑነኔ
ኔነኔ አይቤ ገትየይ? ዎዴ ገኬነን ኑነ ቀጠየነው ያዲ?» ያግዶሶነ።

30 ኤተፔ ሃሁወን ጉዱንታ ዉዴ ሄሜቱስ። 31 ጠለሄት ዮሱስ፥ «ኔን
ኑነ ኬሰነባ ግድኮ፥ ህን ጉዱንታ ዉድያ ግዶ ዩደርኪ» ያግድ ዎስዶሶነ።

32 ዮሱስ ኤተ፦ «ቢቴ» ግን ኤት ብተንያ፤ ክይድ ቢድ፦ ጉዳንተቱን ጌልዶሶነ። ጌልን ጉዳንታ ዉዴ ኡበይ ከካ ሁጵያረ ጃሚድ፦ አበን ጌልድ፦ ሜቴት በዩስ።

33 ጉዳንታ ዉድያ ሄምያጌት በቀትድ፦ ከተማ ቢዶሶነ፤ ቢድ ጠለሄት አይቅዶ አስት ሀንዶባ ኡባ ዮትዶሶነ። 34 ዮትን ከተመን ዴእየ አስይ ኡበይ ዮሱሳረ ገይተነው ክዩስ፤ አ ቤእዶ ዎዴ፦ በ ቢታ፤ ባነ መለ ዎሲስ።

ዮሱስ ቦለይ ስልዶ ብተንያ ፐቲስ

(መርቆስ 2:1-12፤ ሉቃስ 5:17-26)

9 1 ዮሱስ ዎልዎሎውን ጌልድ፦ አባ ፐንድ፦ በ ከተማ ቢስ። 2 አመርደ አስት ቦለይ ስልዶ እስ ብተንያ ሀለን ቶክድ፦ ዮሱስኮ ኤሂዶሶነ፤ ዮሱስ ኤተ አመኑዋ ቤእድ፦ ቦለይ ስልዶ ብተንያ፦ «ተ ነአው፦ የዮፐ፤ ኔ ነገረይ አቶ ጌቴቲስ» ያጊስ።

3 ያግን ህግያ ተማርስያጌቱ፤ እሶት እሶት በንተ ዎዘነን፦ «ላ ሀ ብተኔ ጦሳ ቦል ኢተባ ሃስዮስቴኔ!» ያግዶሶነ።

4 ዮሱስ ኤተ ቆፋ ኤርድ፦ ኤተ ሀጋደን ያጊስ፤ «እንቴ እንቴ ዎዘነን ሄጋደን ኢተባ አይስ ቆፐቲ? 5 (ኔ ነገረይ አቶ ጌቴቲስ) ግዮጌ መቴዬ? ዎይ፦ (ዴንደ ኤቀደ ሄሜተ) ግዮጌ መቴ? 6 ሽን ሰኣ ቦለን ነገረ አቶ ጋነው ታዮ፦ አስ ነአዮ፦ አላፌቴታይ ዴእየጋ ታን እንቴነ ኤርሰነ» ያግድ፦ ሄጋ፤ ሄ ቦለይ ስልዶ ብተንያ፦ «ዴንደ ኤቀ፤ ያተደ ኔ ሀላ ቶክድ፦ ኔ ሶ በ» ያጊስ።

7 ያግን ስልደ ብተኔ ዴንድ ኤቅድ፦ በ ሶ ቢስ። 8 ሽን ደሮ አስይ ሄጋ ቤእድ የዩስ፤ የይድ አሳዮ ሀጋ መለ አላፌቴታ እምደ ጦሳ ገለቲስ።

ዮሱስ ማትዮስ ጤሲስ

(መርቆስ 2:13-17፤ ሉቃስ 5:27-32)

9 ዮሱስ ሄጋረ አዲድ፦ ማትዮስ ግዮጌ ጊራ ጊርዮስን ኡትዳጋ ዴምድ አ፦ «ተነ ካለ» ያጊስ።

ያግን ማትዮስ ዴንድ ኤቅድ፦ አ ካሊስ።

10 ዮሱስ ማትዮስ ሶን ቁማ ማነው ኡትዳሽን፦ ጊራ ኤክየ ደሮ አስትኔ ነገረንቸት ዩድ፦ አረኔ እ ኤርስዮ አሽከረቱረ እስ፤ ኡትዶሶነ። 11 እስ እስ ፐርሳዌት ሄጋ ቤእድ፦ ዮሱስ ኤርስዮ አሽከረተ፦ «እንቴነ ተማርስያጌ ጊራ ኤክያጌቱረኔ ነገረንቸቱረ ቁማ አይስ እስ፤ ሚ?» ያግዶሶነ።

12 ሽን ዮሱስ ኤት ግዮጋ ስይድ፦ «ሀርገንቸቱስ፤ አትን፦ ፐዮቱዮ አክሜ ኮሼነ። 13 ሽን እንቴ ቢድ፦ ጦሳ መጣፈይ፦ (ታን ማሮቴታ ኮየይስ፤


አትን፡ የርሹዋ ኮይኬ፡ ግዮጌ ዎይግዮጋኮኔ ኤርቴ፤ አይስ ጊኮ፡ ታን ነገረንቸተ ጤሰነው ዩዶጋፔ አትን፡ ጥሎተ ጤሰነው የቤይኬ» ያጊስ።

ጦማባ አይችዶ አይሻ

(መርቆስ 2:18-22፤ ሉቃስ 5:33-39)

14ሄ ዎዴ ዮሃንስ ኤርስዮ አሽከረት ዩሱሰኮ ዩድ፡ «ኑንኔ ፐርሳዌት ጦሞስ፤ ሽን ኔን ኤርስዮ አሽከረት አይስ ጦሞኮና?» ያግድ አ አይችዶሱን።

15ዩሱስ ኤተ ሀጋደን ያጊስ፤ «ቡለቻ ዩደ አስት መችዮ ኤክያጌ በንተናረ ዴእሽን፡ ከዮተነው ደንደይዮና? ደንደዮኮነ፤ ሽን መችዮ ኤክያጋ ኤተ መተፔ ኤፋነ ዎዴ ያነ፤ ኤት ሄ ዎዴ ጦመን።



ዎይኔ ኤስ አጎሮተ (ማት 9:17)

16«ጨገ ማዮ ቦል አረተ ዎቶ ዎት ስክዩ አስ ባወ፤ አይስ ጊኮ፡ ሄ ዎቶይ ማዩዋ ፔሬሬተነ፤ ፔሬተይኮ ከሴጋፔ ደረነ። 17ሆኦ ዎይኔ ኤስ ጨገ አጎሮን ናቅዮ አስ ባወ። ሽን ናቅኮ፡ ሄ ዎይንያ ኤሰይ አጎራዋ ዳከነ፤ በውከ ጉከነ፤ አጎሮይኮ ሞሬተነ። ሽን፡ ሆኦ ዎይኔ ኤስ አረተ አጎሮን ናቁቴስ፤ ናኦይኮ ሞሬቶኮነ» ያጊስ።*

ያእሮስ ነኤባኔ ዩሱስ ማዩዋ ቦችደ መጫሴባ

(መርቆስ 5:21-43፤ ሉቃስ 8:40-56)

18ዩሱስ ኤተዮ ሄጋ አድሽን፡ አይሁደ ሀለቀቱፔ እሰይ አኮ ዩድ፡ አ ስንተን ጉልበትድ፡ «ተ ነእያ ሀእ ሀይቃሱ፤ ሽን ኔን ያደ ኔ ኩሽያ እ ቦል ዎተርኪ፤ ሀይቁዋፔ አ ፐጠነ» ያጊስ።

19ያግን ዩሱስ ዴንድድ፡ በ ኤርስዮ አሽከረቱረ እስፔ አ ካልድ ቢስ። 20ቢሽን ተመኔ ናኡ ለይታሰፔ ዶምድ፡ እ ቦላፔ ሱተይ ጎግዮ እስ መጫስያ ጉዩረ ሺቀደ፡ ዩሱስ አፈላ መጨራ ቦቻሱ። 21አይስ ጊኮ፡ አ በ ዎዘን፡ «ታን አ አፈላ ጠላላ ቦችኮ ፐጠነ» ያገደ ቆጋሱ።

22ሽን ዩሱስ ስምድ አ ጤልድ፡ «ተ ነኤ፡ የዮፐ፤ ኔነ ኔ አመኖይ ፐቲስ» ያጊስ። ሄ ሶሁዋረከ መጫስያ ፐጠ አጋሱ።

23ዩሱስ አይሁደ ሀለቃ ሶ ገክዶ ዎዴ፡ ዩሁወን ድንክያ ፑንዮ አሳኔ ዩክዮ አሳ ቤእድ፡ 24«ከሬ ክይቴ፤ ጉተ ነእያ ጥስካሱፔ አትን፡ ሀይቀቤይኩ» ያጊስ። ያግን አሰይ አ ቦል ኬህ ሚጨስ። 25ሽን ደሮ አሳ ከሬ እ ኬስዶጋፔ ጉይዮን፡ ሶ ጌልድ፡ ነኤ ኩሽያ አይቂስ፤ አይቅን ነእያ ዴንደ አጋሱ። 26ሄ አዶይ ሄ ቢተ ኡባ ገኪስ።

ዮሱስ ናኡ ቆቂተ ፐቲስ

27 ዮሱስ ሄጋረ አድድ ቢሸን፥ ናኡ ቆቂት በንተ ቃላ ጦቄ አትድ፥ «ዳውተ ነአው፥ ኑነ ማረርኪ» ያጊድ አ ካልዶሶን።

28 ዮሱስ ሶ ጌልዶ ወዴ፥ ቆቂት አኮ ዩዶሶን፤ ይን ዮሱስ ኤተ፥ «ታን ሀጋ አተነው ደንደይዮጋ አመኔቲ?» ያጊስ።

ኤት፥ «ኤ ጎደው» ያግዶሶን።

29 ሄጋፔ ጉይየን፥ ዮሱስ ኤተ አይፍያ በችድ ኤተ፥ «እንቴዮ እንቴ አመኑዋደን ሀኖ» ያጊስ። 30 ኤተ አይፌ ዶዬት አጊስ፤ ዮሱስ ኤተዮ፥ «ሀጋ አዮኔ አዶፕቱ» ያግድ ምንትድ ዮቲስ። 31 ሽን አሰት ቢድ፥ ሄ ቢተ አብን ዮሱሰባ አድዶሶን።

ዮሱስ እስ ዱድያ ፐቲስ

32 ኤት ክይድ ቢሸን፥ አመርደ አሰት ጠለሄ አይቅን ዱድደ ብተንያ ዮሱሰኮ ኤሂዶሶን። 33 ዮሱስ ጠለህያ ኬስዶጋፔ ጉይየን፥ ዱዴ ብተኔ ሃሰዩስ። አሰይ፥ «ሀጌ አረተባ፤ ሀጋ መለበይ እስራኤል ቢተን ሙሌከ ሀንቤን» ያጊስ።

34 ሽን ፐርሳዌት፥ «እ ጠለሄቱ ሀለቃ ዎልቀን ጠለሄተ ኬሴስ» ያግዶሶን።

ዮሱስ አሳስ ቀሬቲስ

35 ዮሱስ ኤተ አይሁደ ዎስ ኬተቱን ተማርሲድኔ ከዎቲታ ዎንጌልያ ምሽራቹዋ ዮቲድ፥ ቀስ ሀርጌ ኡባፔኔ ሰሆ ኡባፔ አስ ፐቲድ፥ ዎገ ከተመቱንኔ ቂር ከተመቱን አብን ዩዩስ። 36 ደሮ አሳ ቤእድ፥ ሄምዮ አስ በይነ ዶርሰደን አሰይ ህርግዮ ግሸውኔ አሳ ማድያብ በይነ ግሸው፥ አሳዮ ቀሬቲስ። 37 ያትድ በ ኤርስዮ አሽከረተ፥ «ከተይ ደሮ፤ ሽን ጨክዮ አሰይ ጉተ። 38 ስም ከታ ጎደይ ከታ ጨከነው አሰንቸ ዩደነ መለ፥ አ ዎስቱ» ያጊስ።

ዮሱስ ኪትዶ ተመኔ ናኡ አሰቱባ

(መርቆስ 3:13-19፤ ሉቃስ 6:12-16)

10 1 ዮሱስ በ ተመኔ ናኡ ኤርስዮ አሽከረተ ጤስድ፥ ኤት ቱነ አያና ኬስነ መለ፥ ቀስ ሀርጌ ኡባኔ ሰሆ ኡባ ፐተነ መለ፥ ኤተዮ ማታ እሚስ። 2 ዮሱስ ኪትዶ ተመኔ ናኡቱ ሱንተይ፥ ኮይሮጌ ጴጥሮስ ግዮ ስሞነኔ አ እሻ እንድራሰ፥ ዘብድዮስ ናተ እሸንተ፥ ያቆበኔ ዮሃንስ፥ 3 ፕልጶስኔ በርተለሞስ፥ ቶማስኔ ጊራ ኤክዮ ማትዮስ፥ እልፕዮስ ነአ

9:34 ማት 10:25፤ 12:24፤ መር 3:22፤ ሉቃ 11:15

9:35 ማት 4:23፤ መር 1:39፤ ሉቃ 4:44

9:36 ቆዳ 27:17፤ 1ክዎ 22:17፤ 2ሀን 18:16፤ ህዝ 34:5፤ መር 6:34

9:37-38 ሉቃ 10:2

ያቆበኔ ታድዮስ ግዮ ልብድዮስ፤ 4በ ቢተው ምሽትየ ስሞንኔ ዬሱስ አትድ እምደ አስቆሮቱ ይሁዳ።

ዬሱስ ኪትዶ ተመኔ ናአት ተማርሰነው ኪቴትዶሰነ

(መርቆስ 6:7-13፤ ሉቃስ 9:1-6)

5ዬሱስ ሀ ተመኔ ናአት ሀጋደን ያግድ ኪቲስ፤ «አይሁደ ግዴነ አሳ ቢት ቦፕቴ፤ ቀስ ሰማሬቱ ከተማከ ጌሎፕቴ፤ 6ሄጋ ግሻ በይደ ዶርሳኮ፤ እስራኤል አሳኮ ቢቴ። 7ቢድ፥ (ሰሉዋ ከዎቴተይ መተቲስ) ያግድ ዮትቴ። 8ሀርገንቸተ ፕትቴ፤ ሀይቅዳጌተ ሀይቁዋፔ ዴንትቴ፤ እንቸርቸይ አይቅዶጌተከ ፕትቴ፤ ጠለሄተከ ኬስቴ። እንቴ ጮ ኤክዴተ፤ ጮ እምቴ። 9ዎርቀ ዎይ ብረ ዎይ ሰንትሜ እንቴ ኪስየን አይቆፕቴ፤ 10ዎይ አግየው ቀርፊተ፥ ዎይ ናአንቶ ቆሌ፥ ዎይ ጫመ ዎይ ጠምአ አይቆፕቴ። አይስ ጊኮ፥ አሰንቸው ኮሽያባ እመነው ቤሴስ።

11«እንቴ ጌልዮ ከተመን ዎይ ቂር ከተመን ኡብን እንቴነ ሞክነው ኡፈይትየይ አነኮኔ አኬከን ጦሞስቴ፤ እንቴ ሄጋፔ ክየነ ገከናሽን፥ አገን ኡትቴ። 12ቀስ ሶ ጌሊድ ሰሮትቴ። 13ሄ ኬተን ዴእየ አሰይ እንቴነ ሞክኮ፥ እንቴ ሰሮትዶ ሰሮተይ ኤተ ገኮ። ሽን ኤት እንቴነ ሞኬነን እጥኮ፥ እንቴ ሰሮትዶ ሰሮተይ እንቴዮ ጉዬ ስሞ። 14ቀስ እስ እስ ኬተይ ዎይ ከተመይ እንቴነ ሞኬነን ዎይ እንቴ ዮትዮባ ሰዬነን እጥኮ፥ ሄ ኬታፔ ዎይ ሄ ከተማፔ ክዬድ፥ እንቴ ቶሁዋፔ ቡህያ ሾጭቴ። 15ታን እንቴዮ ቱማ አደይስ፤ ጦሰይ ፕርዳ ገለስ ሄ ከተማ አሰቴ፤ ሰዶመ ከተማ አሰውኔ ገሞረ ከተማ አሰው ፕርዳ ኬህሰነ።

ጎደይ ያናፔ ከሴትድ፥ ዬዴተይኔ ሜቶይ ሀነነ

(መርቆስ 13:9-13፤ ሉቃስ 21:12-17)

16«ቤእቴ! ታን እንቴነ ዶርሳ ወንግሬሎ ግዶ ዬድዮጋደን ዬደይስ። ሄጋ ግሸው፥ ሾሸደን ጭንጨ ግድቴ፤ ቀስ ሀረጴደን፥ አሸኬ ግድቴ። 17ሽን አሰፔ ናጌትቴ። አይስ ጊኮ፥ አስ እንቴነ ፕርደ ኬተው አትድ እመነ፤ ቀስ በ አይሁደ ዎስ ኬተቴንከ እንቴነ ልሱወን ገረፈነ። 18ዴርያ ሃርያጌቱ ስንታንኔ ከዎቱ ስንተን ተ ግሸው እንቴ ኤቅድ፥ ኤተስኔ አይሁደ ግዴነ አሳስ ዎንጌልያ ምሽራቹዋ ዮተነ። 19ሽን ኤት እንቴነ ፕርደው አትዮ ዎዴ፥ እንቴ ሃሰየነባ ሄ ሳትየን ጦሰይ እንቴዮ እምዮ ግሸው፥ እንቴ ጋነበውኔ ዎይ ዎይግ ሃሰየናኮኔ ህርጎፕቴ። 20አይስ ጊኮ፥ እንቴነን ዴእድ ሃሰይየይ እንቴ አዋ ጌሽ አያና ግድዮጋፔ አትን፥ ሃሰይያጌት እንቴነ ግዴኬተ።

10:10 1ቆሮ 9:14፤ 1ጥሞ 5:18 10:14 ኦሱ 13:51 10:7-15 ሉቃ 10:4-12

10:15 ዶሜ 19:24-28፤ ማት 11:24 10:16 ሉቃ 10:3

10:17-20 መር 13:9-11፤ ሉቃ 12:11-12፤ 21:12-15

21 «እሸይ በ እሻ፥ አወይ በ ነኣ ዎርሰነ፤ ናት በንተ አወቱ ቦልኔ በንተ አዬቱ ቦል ዴንድድ፥ ኤተ ዎርሰነ። 22 ቀስ አሰይ ኡባይ እንቴነ ተ ሱንታ ግሸው እጠነ፤ ሽን ዉርሴተይ ገከናሽን ጌንጭያጌ አተነ። 23 ኤት እንቴነ እስ ከተማፔ ዩዴትኮ፥ ሀረ ከተማ በቀትቴ። አይስ ጊኮ፥ ታን እንቴዮ ቱማ ገይስ፤ ታን፥ አሰ ነአይ፥ ያነ ገከናሽን፥ እንቴ እንቴ አሱዋ እስራኤል ከተመ ኡባን አት ዉርሴኬተ።

24 «ተማርያጌ በነ ተማርስያጋፔ ደሬነ፤ አሽከረይከ በ ጎዳፔ ደሬነ። 25 ተማርያጌ በነ ተማርስያጋ ኬን ግድዮጌ፥ አሽከረይከ በ ጎዳ ኬን ግድዮጌ አው ግደነ፤ ኤት ኬታዋ ብኤል-ዜቡለ ጊድ ጤስኮ፥ አ ሶ አሳ አይ ኬና ሞርድ ጤስኔሸ!

አስ የየነው ቤስያኮ

(ሉቃስ 12:2-7)

26 «ስም አሰስ የዮፕቴ፤ አይስ ጊኮ፥ ጌንት ዎትዶባይ ቆንጭያ ክዩነን አቴነ፤ ቆትዶባይከ ኤሬቴነን አቴነ። 27 ታን እንቴዮ ጡመን አድዮባ ፖኡወን ሃሰይቴ፤ እንቴዮ ሀይተን ሳሰክድ አድዶባ፥ ኬታ ሁጵየን አዋጅቴ። 28 አሸዋ ዎርያጌቱዮ የዮፕቴ፤ ኤት ሼምፑዋ ዎረነው ደንደየኮነ። ሽን ሼምፑዋኔ አሸዋ ጋነባየን ጠይሰነው ደንደየ ጦሳስ የይቴ። 29 ናኡ ሲኔ ከፎት በከነን በይዜቶኮናዮ? እንቴ አወይ ጋነ ጠይኮ፥ ሄ ሲኔ ከፎቱፔ እስንያከ ሰአን ዎጵኩ። 30 ሽን ሀረይ አቶ፥ እንቴ ሁጵየን ዴእየ ብናነ ኡባይከ ቆደን ዴኤስ። 31 ስም የዮፕቴ፤ ደሮ ሲኔ ከፎቱፔ እንቴ አደፊተ።

ክርስቶስባ መርከተነው ቤሴስ

(ሉቃስ 12:8-9)

32 «ሄጋ ግሸው፥ አሰ ስንተን ተባ መርከትየ አዮ ግድኮኔ፥ ታንከ ሰሉወን ዴእየ ተ አዋ ስንተን መርከተነ፤ 33 ሽን አሰ ስንተን ተነ ከድየ አነኔ ታንከ ቀስ ሰሉወን ዴእየ ተ አዋ ስንተን አ ከደነ።

34 «ታን ሰአስ ሰሮቴታ ኤሃነው ዬዶባ እንቴስ ምለቶፓ፤ ታን ቶራ ኤሃነው ዬዶጋፔ አትን፥ ሰሮቴታ ኤሃነው የቤይኬ። 35 አይስ ጊኮ፥ ታን ነኣ አ አዋፔ፥ ነእዮ እ አዬፔ፥ ነኣ መቸዮከ እ ቦሎቴፔ ሻከነው ያስ፤ 36 አሰስ ሞርኬት አ ሶ አሰተ ግደነ።

37 «በ አዋ ዎይ በ አይዮ ታፔ አትድ ሲቅያጌ ተባ ግደነው ቤሴነ፤ በ አቱመ ነኣ ዎይ በ መጨ ነእዮ ታፔ አትድ ሲቅያጌ ተባ ግደነው ቤሴነ። 38 በ መስቀልያ ቶክድ፥ ተ ጌዱዋ ካሌናጌ ተባ ግደነው ቤሴነ።

10:21 መር 13:12፤ ሉቃ 21:16 10:22 ማት 24:9፥13፤ መር 13:13፤ ሉቃ 21:17

10:24 ሉቃ 6:40፤ ዮሃ 13:16፤ 15:20

10:25 ማት 9:34፤ 12:24፤ መር 3:22፤ ሉቃ 11:15 10:26 መር 4:22፤ ሉቃ 8:17

10:33 2ጥሞ 2:12 10:35-36 ምክ 7:6

10:38 ማት 16:24፤ መር 8:34፤ ሉቃ 9:23

39 በ ሼምፑዋ አሸያጌ በሸነ፤ ሽን ተ ግሸው በ ሼምፑዋ በሸያጌ አሸነ።

40 «እንቴነ ሞክያጌ ተነ ሞኬስ፤ ቀስ ተነ ሞክያጌ ተነ ኪትዳጋ ሞኬስ። 41 ሀነነባ ዮትያጋ ሀነነባ ዮትያጋ ሱንተን ሞክያጌ፤ ሀነነባ ዮትያጋ ዎይቱዋ አረ ሻከነ፤ ቀስ ጥሉዋ ጥሉዋ ሱንተን ሞክያጌ፤ ጥሉዋ ዎይቱዋ አረ ሻከነ። 42 ኦንኔ ሀ ተ ኤርስዮ አሸከረቱ፤ ጉጥየ እሱውው ተነ ካልያጌ አ ግድዮ ግሸው፤ ሀረይ አቶ ቡሌ ሃተ ጠላላ ኡየነው እምኮከ፤ ታን እንቴዮ ቱማ ገይስ፤ እ በ ዎይቱዋ ኤከነ» ያጊስ።

ጠመቅየ ዮሃንስ፤ ኪቴትደ አስተ

(ሉቃስ 7:18-35)

11 1 ዮሱስ በ ተመኔ ናኡ ኤርስዮ አሸከረተ አዘዝዮጋ ፖልዶ ዎዴ፤ ሄጋ፤ ዴንድድ፤ ከተመቱን ተማርሰነውኔ ዮተነው ቢስ።

2 ጠመቅየ ዮሃንስ ቀሾ ኬተን ዴኢድ፤ ዮሱስ አትዶባ ስይድ፤ በ ኤርስዮ አሸከረቱ፤ አኮ ኪትድ፤ 3 «ያናጌ ኔኔዬ? ዎይ ኑን ሀራ ናገኔ?» ያግድ አይቺስ።

4 አይችን ዮሱስ ዛርድ፤ ኤተዮ ሀጋደን ያጊስ፤ «ቢድ እንቴ ቤእዮጋኔ ስይዮጋ ዮሃንስው ዮትቴ፤ 5 ቆቄት ጤሉሶነ፤ ዎቤት ሄሜቶሶነ፤ እንችርቸይ አይቅዶጌት ፐሞሶነ፤ ቱሌት ስዮሶነ፤ ሀይቅዳጌት ዴንዶሶነ፤ ሀዬሰት ዎንጌልያ ምሽራቹዋ ስዮሶነ፤ 6 ተነ ስሬነ ኡረይ አንጄትዳጋ» ያጊስ።

7 ዮሃንስ ኤርስዮ አሸከረት ጉዬ ስምድ ቢሸን፤ ዮሱስ ዮሃንስባ ሺቅደ አሳስ ሀጋደን ያግድ ሃሰዬስ፤ «አይ ቤአነው በዞ ክይዴቲ? ጨርኮይ ቃትዮ ሽምቀቁ ቤአነው ክይዴቲዬ? 8 ያትን፤ አይ ቤአነው ክይዴቲ? ሎእየ ማዩዋ ማይደ ብተንያ ቤአነው ክይዴቲዬ? ሎእየ ማዩዋ ማይያጌት ከዎቱ ኬተን ዴአሶነ፤ 9 ያትን፤ አይ ቤአነው ክይዴቲ? ሀነነባ ዮትያጋ ቤአነው ክይዴቲ? ኤ፤ ታን እንቴዮ አደይስ፤ ሀነነባ ዮትያጋፔከ አድያጋ ቤእዴተ። 10 አይስ ጊኮ፤ ጠሳ መጣፈን፤

ፋሞይ፤ «ቤአ፤ ተ ኪትዮጋ

ታን ኔ፤ ስንተው ዬደነ።

እ ኔዮ አግያ ኬሰነ» ያጊስ

ጌቴትድ ዮሃንስበይ ጣፌቲስ። 11 ታን እንቴዮ ቱማ አደይስ፤ አዬ ኡሉዋ፤ ዮሌትደ አስ ኡበን ጠመቅየ ዮሃንስ፤ አድዮ ኦንኔ ዴእቤነ፤ ሽን ሰሉዋ ከዎቱተን ኡባ፤ ላፍያጌከ አ፤ አደነ። 12 ጠመቅየ ዮሃንስ ዎድያ፤ ዶምድ፤ ሀች ገከናሽን፤ ሰሉዋ ከዎቱተይ ደሮ ናቄቴስ፤ ዎልቃመ አስት ዎልቀን አ ኤኮሶነ። 13 አይስ ጊኮ፤ ሀነነባ ዮትዮ ኡበትኔ ሙሴ ሀጌ ዮሃንስ

10:39 ማት 16:25፤ መር 8:35፤ ሉቃ 9:24፤ 17:33፤ ዮሃ 12:25

10:40 መር 9:37፤ ሉቃ 9:48፤ 10:16፤ ዮሃ 13:20 11:5 እስ 35:5-6፤ 61:1

11:10 ምል 3:1

ዎዴ ገከናሽን፥ ከዎቲታባ ሃሰይዶሶነ፤ ¹⁴እንቴ ኤተ ኪታ አመነነባ ግድኮ፥ ያነ ጊዶ ኤላስ ሀ ዮሃንስ። ¹⁵ስም ስይየ ሀይት ዴእዮጌ ስዮ!

¹⁶«ሽን ታን ሀ ዎድያ አሳ አይቢረ ሌምሶ? ኤት ቆጨን ኡትየ ናተ ምለቶሶነ፤ ኤት በንተ ለጌተ ጤስድ፥ ¹⁷ኡን እንቴዮ ጨቸ ዘይያ ፑንደ፤ ሽን ዱርቤኬተ፤ ዬሆ ዬታከ ኬስደ፤ ሽን ዬክቤኬተ) ያጎሶነ። ¹⁸አይስ ጊኮ፥ ዮሃንስ ጠሚድኔ ዎይኔ ኤስ ኡዬን ይን ኤት፥ <አ ቦል ጠለሄ ዴኤስ) ያግዶሶነ። ¹⁹ታን፥ አስ ነአይ፥ መይደኔ ኡየይደ ይን፥ ኤት ተነ፥ (ሀ ዮራኔ ዎይኔ ኤሳ ኡይያጋ ቤእቴ፤ ጊራ ኤክያጌቱረኔ ነገረንቸቱረ ሲቄቴስ) ያጎሶነ፤ ሽን ጦሳ አድደ ኤረቴተይ በ አሱውን ቱመ ግድድ ቤቴስ» ያጊስ።

አመኔነን እጥዶ ግሸው ወለሴትደ ከተመተ

(ሉቃስ 10:13-15)

²⁰ሄጋፔ ጉይየን፥ ዬሱስ በ መላታፔ ደርየ በጋ አትዶ ከተመቱን ዴእየ አሰይ በንተ ነገራፔ ስምቤነ ግሸው፥ ኤተ ሀጋደን ያግድ፥ ቦሩዋ ዶሚስ፤ ²¹«ኮራዚኔ ከተመው፥ ኔዮ አዩአነ፤ ቤተሰይደ ከተመው፥ ኔዮከ አዩአነ፤ አይስ ጊኮ፥ እንቴ ቦል ጦሰይ አትዶ መላተይ ጢሮስ ከተማንኔ ስዶነ ከተመን አሴትዶባ ግድያኮ፥ ኤት ዋሩዋ ማይድ፥ ብድንታ ትስቴትድ፥ ቤን በንተ ነገራፔ ስመናጋ ሽን፥ ²²ታን እንቴዮ ኦደይስ፤ ፕርዳ ገለስ ጦሰይ እንቴፔ ጢሮስ ከተመውኔ ስዶነ ከተመው ፕርዳ ኬህሰነ። ²³ቀስ ቅፍርናሆመ ከተመው፥ ኔን ሰሉዋ ፑዴ ጦቄ ጋነው ኮየዲ? ኔን ስአልያ ዱጌ ዬጌተነ፤ አይስ ጊኮ፥ ኔ ቦል ጦሰይ አትዶ መላተይ ሰዶመ ከተመን አሴትዶባ ግድያኮ፥ ሰዶመ ከተመይ ሀች ገከናስከ ዴአናጋ ሽን፥ ²⁴ታን እንቴዮ ኦደይስ፤ ፕርዳ ገለስ ጦሰይ ኔፔ ሰዶመዮ ፕርዳ ኬህሰነ» ያጊስ።

ክርስቶስን ሽምፑዋ ዴምዮጋ

(ሉቃስ 10:21-22)

²⁵ዬሱስ ሄ ዎዴ ዛርድ፥ ሀጋደን ያጊስ፤ «ተ አውው፥ ሰሉዋ ሰአ ጎደው፥ ኔን ሀጋ አድደ ኤረንቸቱፔኔ አኬከንቸቱፔ ጌንተደ፥ ኤሬነ ናቱስ ቆንጭስዶ ግሸው፥ ኔነ ገለተይስ፤ ²⁶ኤ ተ አውው፥ አይስ ጊኮ፥ ሀጌ ኔ ሼኔደን አሴቲስ።

²⁷«ተ አውይ ታስ ኡበባ እሚስ፤ አዋፔ ሀረይ ነአ ኤሬነ፤ ነአፔኔ ነአይ አዋ ቤሰነው ኮይዮ አሰቱፔ አትን፥ ሀረይ አዋ ኤሬነ።

²⁸«ዳፉረንቸቶ፥ ዴጡዋ ቶክያጌቶ፥ ኡበት ታኮ ሃ ዬቴ፤ ታን እንቴነ ሽምፕሰነ። ²⁹ታን አሸኬኔ ዎዘነፔ ከውይያጋ ግድዶ ግሸው፥ ተ ቀምበረን ዋጤትቴ፤ ታፔ ተማርቴ፤ እንቴ ሽምፑወውከ እንቴ ሽምፖ ዴመነ።

11:12-13 ሉቃ 16:16 11:14 ምል 4:5፤ ማት 17:10-13፤ መር 9:11-13

11:21 እስ 23:1-18፤ ህዝ 26:1-28:26፤ ዩኤ 3:4-8፤ አዎ 1:9-10፤ ዘካ 9:2-4

11:23 እስ 14:13-15፤ ዶሜ 19:24-28 11:24 ማት 10:15፤ ሉቃ 10:12

11:27 ዮሃ 1:18፤ 3:35፤ 10:15 11:29 ኤርማ 6:16

30 አይስ ጊኮ፥ ተ ቀምበረይ ጊገ፤ ቀስ ታን እንቴነ ቶስዶጌከ ከውሸ» ያጊስ።

ሰምበታባ አይችዶ አይሸተ

(መርቆስ 2:23-28፤ ሉቃስ 6:1-5)

12 1ቡሱስ ሄ ዎዴ ሰምበተ ገለስ፥ ትየ በንገ ግዶረ አዴስ። አድሽን እ ኤርስዮ አሽከረት ነምሴትድ፥ ትየ በንጋ ዱትድ፥ ሙሳ ዶምዶሶነ። 2ሽን ፐርሳዌት ሄጋ ቤእድ ዩሱስ፥ «ቤአ፥ ኔ ኤርስዮ አሽከረት ሰምበተ ገለስ አተነው ህጌ ግዴነባ አቶሶነ» ያግዶሶነ።

3ሽን ዩሱስ ኤተስ ሀጋደን ያጊስ፤ «ዳውትኔ አረ ዴእያጌት ነምሴትዶ ዎዴ፥ ዳውት አትዶባ ነበብቤኬቲ? 4ዳውት ጦሳ ኬታ ጌልድ፥ ቄሴቱ ጠላለይ ማናፔ አትን፥ እኔ አረ ዴእያጌት ማነው ህጌ ግዴናጋ ጦሳስ የርሽዶ አይታ ሚድ፥ በናረ ዴእያጌቱስከ እሚስ። 5ዎይ ሰምበተ አብን ቤተ መቅደስየን ዴእየ ቄሴት ሰምበታ ህግያ ሞርዮጋ፥ ቀስ ሜንትድ ኤት ቦሬቴናጋ ሙሴ ህግየን ነበብቤኬቲ? 6ሽን ታን እንቴዮ አደይስ፤ ቤተ መቅደስያፔ አድያጌ ሀገን ዴኤስ። 7ጦሳ መጣፈይ፥ (ታን ማርቴታ ኮየይስፔ አትን፥ የርሹዋ ኮይኬ) ግዮጌ ዎይግዮጋኮ እንቴ ኤርያኮ፥ ነገር በይነ አሰ ቦል ፕርዴኬተ። 8አይስ ጊኮ፥ ታን፥ አሰ ነአይ፥ ሰምበታ ጎዳ» ያጊስ።

ኩሼ ስልዶ ብተኔ ፐጢስ

(መርቆስ 3:1-6፤ ሉቃስ 6:6-11)

9ቡሱስ ሄጋፔ ዴንድድ፥ አይሁደ ዎስ ኬታ ቢስ። 10ሄገን ኩሼ ጉንድዶ እስ ብተኔ ዴኤስ፤ ዩሱስ ሞተነ ኮይየ አሰት፥ «ሰምበተን፥ ፐትዮጌ ህጌ?» ያግድ አ አይችዶሶነ።

11አይችን ዩሱስ ኤተ፥ «እንቴ ግዶን እስ ዶርስ ዴእዮ አረይ፥ ሄ ዶርስይ ሰምበተ ገለስ አፋውን ኩንድኮ፥ አይቅድ ኬሴነይ አኔ? 12ያትን፥ አስ ዶርስፔ ዋን ኬህ ደሬኔ! ሄጋ ግሸው፥ ሰምበተ ገለስ ሎአባ አትዮጌ ህጌ» ያጊስ። 13ሄጋፔ ጉይየን ብተንያ፥ «ኔ ኩሽያ ፕድ አተ» ያግን ብተኔ ፕድ አትን፥ አ ኩሼ ህንኮ ኩሽያደንከ ፐፕ አጊስ። 14ሽን ፐርሳዌት ከሬ ክይድ፥ ዩሱስ ዋት ዎረናኮ መቄትዶሶነ።

ጦስይ ዶርዶ አሽከራ

15ሽን ዩሱስ ኤተ ዞሬታ ኤርድ፥ ሄ ሶሁዋፔ አግድ ቢሸን፥ ደሮ አሰይ አ ካሊስ፤ ሀርግደ ኡባ ፐቲስ። 16-17ጦስይ ሀነባ ዮትየ እስያሰ በጋረ ጊዶጌ ፖሌተነ መለ፥ ዩሱስ አሰቱዮ፥ «ተባ ሀረ አሰስ ዮቶፕቴ» ያጊስ። 18ጦስይ እስያሰ በጋረ ሀጋደን ያጊስ፤

«ታን ዶርዶ ተ አሽከረይ፥

ታን ሲቅዮ፥ ተነ ኡፈይስያጌ ሀጌሆ።

ታን ተ አያና

አ ቦል ዎተነ።

እ ሱሬ ፕርዳ አይሁደ ግዴን አሰ ኡበው ዮተነ።

19 እ ፐለሜቴነ፤ ዎይ ዎጨሜነ።

በ ቃላከ አግየን ስሴነ።

20 ሱሬ ፕርዳ እ ጦንሰነ ገከናስ፥

ድንጨትደ ሾምቦቁዋ ሜንቴነ፤

ቀስ ጨውትየ ሙቃዳከ እ ቶይሴነ።

21 አይሁደ ግዴን አሰይ ኡበይ አን አመነነ።

ያጊስ።

ዮሱሰባኔ ብኤል-ዜቡለባ

(መርቆስ 3:20-30፤ ሉቃስ 11:14-23)

22 ሄጋፔ ጉይየን፥ አመርደ አሰት ጠለሄ አይቅን ዱድደ እስ ቆቄ ብተንያ ዮሱሰኮ ኤሂዶሶነ፤ ዮሱስ ሄ ዱዴ ብተንያ ፐትድ፥ ሃሰይሲስኔ አ አይፍያከ ጤልሲስ። 23 አሰይ ኡበይ ገረሜትድ፥ «ላ ሀጌ ዳውተ ነአ ግደንዴሸ?» ያጊስ።

24 ሽን ፐርሳዌት ሄጋ ስይድ፥ «ሀ ብተኔ ጠለሄቱ ሀለቀይ ብኤል-ዜቡል ባዮ ዎልቃ እምን፥ ጠለሄተ ኬሴስ» ያግደሶነ።

25 ሽን ዮሱስ ኤተ ቆፋ ኤርድ፥ ኤተ ሀጋደን ያጊስ፤ «በ ግዶን ሻኬትየ ከዎቴተ ኡበይ ጠየነ፤ ቀስ በ ግዶን ሻኬትየ ከተመይ ዎይ ኬተ አሰይከ ኤቄነ። 26 ቀስ ሴጣነይ ሴጣና ኬስያባ ግድኮ፥ በ ግዶን ሻኬቲስ፤ ያትን፥ አ ከዎቴተይ ዋንድ ኤቀኔ? 27 ተው ብኤል-ዜቡል ዎልቃ እምን፥ ታን ጠለሄተ ኬስያባ ግድኮ፥ እንቴ አሰው ዎልቃ አን እምን ጠለሄተ ኬሴነ? ሄጋ ግሸው፥ ኤት እንቴ ቦል ፕርደነ። 28 ሽን ጦሳ ጌሸ አያነይ ተው ዎልቃ እምን፥ ታን ጠለሄተ ኬስያባ ግድኮ፥ ስም ጦሳ ከዎቴተይ እንቴኮ ዩቺስ።

29 «ዎይ አስ ከሴትድ፥ ዎልቃመ አስ ቀቼነን ዴኢድ፥ አ ኬታ ጌልድ፥ አ ሚሻ ቦንቀነው ዋንድ ደንደዩ? ቀችዶጋፔ ጉይየን፥ አ ኬታ ቦንቀነ ደንደዩስ።

30 «ተ በገ ግዴነ ኡረይ ተባ እጤስ፤ ቀስ ተናረ እስፔ ሺሺናጌ ላሌስ። 31 ሄጋ ግሸው፥ ታን እንቴዮ አደይስ፤ ጦስይ አሰዮ አይ ነገረ ግድንከ፥ ቀስ አይ ጨሸ ግድንከ አቶ ጋነ፤ ሽን ጌሸ አያና ጨይዳጋዮ አቶ ጌነ። 32 ተ ቦል፥ አሰ ነአ ቦል፥ ኢተባ ሃሰይየ አ ነገራኔ ጦስይ አቶ ጋነ፤ ሽን ጌሸ አያና ቦል ኢተባ ሃሰይየ አ ነገራኔ ሰአን ግድን፥ ሰሉውን ግድን፥ ጦስይ አቶ ጌነ።

ሎአ ምተይ በ አይፍየን ኤሬቴስ

(ሉቃስ 6:43-45)

33 «ሎአ አይፍየ ዴመነው ሎአ ምታ ድቸነ ቤሴስ፤ ኢተ ምታ እንቴ ድቸኮ፤ ኢተ አይፍየ ዴመነ፤ አይስ ጊኮ፤ ምተይ ኤሬትዮይ በ አይፍዮ አይፍያነ። 34 ሾሸቶ፤ እንቴ ኢተ ግዲድ፤ ዋትድ ሎአባ ሃሰየነው ደንደዬቲ? አይስ ጊኮ፤ ዶነይ ዎዘነ ግዶን ኩምደባ ሃሰዬስ። 35 ሎአ አስ በ ሎአ ምንጃፔ ሎአባ ኬሴስ፤ ቀስ ኢተ አስ በ ኢተ ምንጃፔ ኢተባ ኬሴስ። 36 ታን እንቴዮ አደይስ፤ አስ በ ሃሰይዶ ፕቴነ ሃሰየ ኡበው ፕርዳ ገለስ ዛሮ እመነ። 37 አይስ ጊኮ፤ ኔ ሃሰየይ ኔነ ጥልሰነ፤ ዎይ ኔ ሃሰየይ ኔ ቦል ፕርደነ» ያጊስ።

መላተ አትን ቤአነው ሺቅደ አይሻ

(መርቆስ 8:11-12፤ ሉቃስ 11:29-32)

38 ሄጋፔ ጉይየን፤ ህግያ ተማርስየ እስ እስ አሰትኔ ፕርሳዌት ዛርድ ዩሱስ፤ «ተማርስያን፤ ኔን መላተ አትሸን፤ ኑን ቤአነው ኮዮስ» ያግዶሶነ።

39 ሸን እ ዛርድ፤ ኤተዮ ሀጋደን ያጊስ፤ «ሀ ዎድያ አሰይ ኢተይ፤ ጦሰው አመኔቴናጌ፤ መላተ ኮዩስ፤ ሀነነባ ዮትየ ዮናስ መላታፔ አትን፤ ሀረ መላት አው እሜቴነ። 40 ዮናስ ግተ ሞልያ ኡሉውን ሄዙ ገለሳኔ ሄዙ ቀማ ዴእዶጋደን፤ ታን፤ አሰ ነአይከ፤ ቢተ ግዶን ሄዙ ገለሳኔ ሄዙ ቀማ ዴአነ። 41 ነነዌ አሰይ ዮናስ ዮትዶገን በንተ ነገራፔ ስምዶ ግሸው፤ ፕርዳ ገለስ ዴንድድ፤ እንቴነ ሞተነ፤ ቤእቴ፤ ዮናስፔ አድያጌ ሀገን ዴኤስ። 42 ቶሆስ በገ ቢታ ከውያ ሶሎሞነ አድደ ኤረቴታ ስየነው ሰአ ገጣፔ ዩዶ ግሸው፤ ፕርዳ ገለስ ዴንደደ፤ እንቴነ ሞተነ፤ ቤእቴ፤ ሶሎሞነፔከ አድያጌ ሀገን ዴኤስ።

ቱነ አያነይ አሳ ቦል ስምድ ጌልዮጋ

(ሉቃስ 11:24-26)

43 «ቱነ አያነይ አሳፔ ክይዶ ዎዴ፤ ባዮ ሺምፕዮሳ ኮዩድ፤ ሃት በይነሳረ አደሰ፤ ሸን ዴሜነ። 44 ሄ ዎዴ፤ (ታን አገደ ዩዶ ተ ኬታ ስመነ) ያጊስ፤ ስምድ ይዮ ዎዴ፤ ኬተይ ሚለ ዴእያጋኔ ፕቴት ጌይድ፤ ጊግ ኡትዳጋ ዴሜስ። 45 ሄጋፔ ጉይየን፤ ቢድ ባፔ ኢትየ ሳፑን ሀረ አያነተ ኤሄስ፤ ሄ አያነት ጌልድ፤ ሄገን ዴአሶነ። ሄ ብተንያ ዴአይ ከሴጋፔ ጉዩጌ ኬህ ኢቴስ። ሀ ዎድያ ኢተ አሰውከ ቀስ ሄጋደን ሀነነ» ያጊስ።

12:33 ማት 7:20፤ ሉቃ 6:44 12:34 ማት 3:7፤ 23:33፤ 15:18፤ ሉቃ 3:7፤ 6:45

12:38 ማት 16:1፤ መር 8:11፤ ሉቃ 11:16 12:39 ማት 16:4፤ መር 8:12

12:40 ዮና 1:17 12:41 ዮና 3:5 12:42 1ክዎ 10:1-10፤ 2ሀን 9:1-12

ዮሱስ አይዮኔ አ እሸንተ

(መርቆስ 3:31-35፤ ሉቃስ 8:19-21)

46 ዮሱስ ደሮ አሳዮ ሃሰይሸን፥ አ አይዮኔ አ እሸንተ አረ ሃሰየነው ኮይድ፥ ከሬን ኤቅዶሶን። 47 እሶይ አ፥ «ኔ አይዮኔ ኔ እሸንተ ኔናረ ሃሰየነው ኮይድ፥ ከሬን ኤቅዶሶን» ያረሰ።

48 ሽን ዮሱስ ዛርድ፥ «ተ አይዮ ኦኔ? ተ እሸንተ ኦኔ?» ያረሰ። 49 በ ኩሽየን በ ኤርስዮ አሽከረቱኮ መላትድ፥ «ቤእቴ፥ ተ አይዮኔ ተ እሸንተ ሀጌትሆነ። 50 አይስ ጊኮ፥ ሰሉውን ዴእየ ተ አወይ ኮይዮባ አትየ ኡበይ፥ ተ እሸ ተ ምቾኔ ተ አዮ» ያረሰ።

ዜርያጋ ሌምሱዋ

(መርቆስ 4:1-9፤ ሉቃስ 8:4-8)

13 1 ዮሱስ ሄ ገለስ ሶፔ ክይድ፥ አባ ለንቅየን ኡቲስ። 2 ኬህ ደሮ አሰይ በ ለንቅየን ዩይ አድድ ሺቄትን፥ ዎልዎሉዋ ግዶ ጌልድ ኡቲስ፤ አሰይ ኡበይ አባ ለንቅየን ኤቂስ። 3 አሳስ ሌምሱውን ደሮባ ሀጋደን ያግድ ዮቲስ፤ «እስ ብተኔ ዜሬታ ዜረነው ክዩስ። 4 እ ዜርሸን፥ እስ እስ ዜሬተይ አግዶ ዶነን ዎዲስ፤ ዎድዳጋ ከፎይ ዩድ ሚስ። 5 ቀስ እስ እስ ዜሬተይ ጉተ ቢተይ ዴእዮ ሹቻ አንጩዋ ቦል ዎዲስ፤ ደሮ ቢተይ በይነ ግሸው፥ ሄ ዜሬተይ ሶሁዋረ ሞኪስ። 6 ሽን አወይ ክይዶ ዎዴ ጨርሸይ ሹሊስ፤ አዱስ ጠጵዋ ዮድቤነ ግሸው ሜል በዩስ። 7 እስ እስ ዜሬተይ አጉንተ ግዶን ዎዲስ፤ ዎድድ ሞክዳጋ አጉንተይ ድጭድ ጩሊስ። 8 እስ እስ ዜሬተይ አረደ ቢተን ዎድድ ሞኪስ፤ እሶይ ጤቱ አይፍያ፥ እሶይ ኡሱፑን ተማ፥ እሶይ ሀስተማ አይፊስ። 9 ሰይዮ ሀይት ዴእዮ ኡረይ ሰዮ!» ያረሰ።

ዮሱስ ሌምሱውን ዮትዶ ጋሱዋ

(መርቆስ 4:10-12፤ ሉቃስ 8:9-10)

10 ኤርስዮ አሽከረት ዮሱሰኮ ሸቅድ፥ «ኔን አይስ ኤተስ ሌምሱውን አደይ?» ያግዶሶን።

11 ዮሱስ ዛርድ፥ ኤተስ ሀጋደን ያረሰ፤ «እንቴስ ሰሉዋ ከዎቴታ ጡራ ኤረይ እሜቲስ፤ ሽን ኤተስ እሜትቤነ። 12 አይስ ጊኮ፥ ዴእዮገው ጉጂተነ፤ አው ደረነ፤ ሽን በይናጋፔ ሀረይ አቶ፥ ሄ ዴእያጌከ ኤኬቲቸነ። 13 ታን ኤት ጤሊድ ዴሜነ ግሸውኔ ሰዩድከ ሰዩነ ግሸው፥ ዎይ ቀስ ኤት አኬኬነ ግሸውኔ ኤተው ሌምሱውን አደይስ።

14 «እስያስ ኤተባ ሀነነባ ዮትዶጌ ፖሌቴስ፤ ሀነነባ ዮትዶጌ ሀጋ፤

‹እንቴ ሰሳ ሰየነ፤ ሽን እንቴዮ ጌሌነ፤

እንቴ ጤሉዋ ጤለነ፤ ሽን ቤኤኬተ።

15 አይስ ጊኮ፥ ሀ አሳ ዎዘነይ ደሚስ፤

በንተ ሀይታ ቱልስዶሶነ፤ በንተ አይፍያክ ቅልምዶሶነ።

ሄጌ በይናኮ፥ ኤት በንተ አይፍየን ቤአነ፤

በንተ ሀይተን ስየነ፤

በንተ ዎዘነንክ አኬከነ፤

ኤት ታኮ፥ ጦሳኮ ስመነ፤

ታንክ ኤተ ፐተነ፥ ሽን አቲስ)

ያጊስ።

16 «ሽን እንቴ አይፌ ጤልዮ ግሸውኔ እንቴ ሀይተይክ ስይዮ ግሸው፥ እንቴ አንጄትዳጌተ። 17 ታን እንቴዮ ቱማ አደይስ፤ ሀነነባ ዮትየ ደሮትኔ ጥሎት እንቴ ቤእዮጋ ቤአነው አሞትዶሶነ፤ ሽን ቤእቦኮነ። እንቴ ስይዮጋ ስየነው አሞትዶሶነ፤ ሽን ስይቦኮነ።

ዩሱስ ዜርያጋ ሌምሱዋ ብርሼታ አዲስ

(መርቆስ 4:13-20፤ ሉቃስ 8:11-15)

18 «ስም ከታ ዜርያጋ ሌምሱዋ ብርሼተይ ግዮጋ ስይቴ። 19 ከዎቴታ ቃላ ስይድ፥ አኬኬነ አንኔ አግያ ዶነን ዎድደ ዜፊታ መለ፤ ጠለሄ ሀለቀይ ዬድ፥ ኤተ ዎዘነን ዜፊትዳጋ መጥርጊስ። 20 ሹቻ አንጮይ ዴእዮ ቢተን ዎድደ ዜፊተይ ቃላ ስይድ፥ ሱዋዋረ ኡፈይስን ኤክያጌተ ምለቴስ። 21 ሽን ሄጌ ሀእሰው ዴእዮጋፔ አትን፥ አን ጠጰይ ባወ፤ ቃላ ጋሱውን ዋዩ ዎይ ዩዴተይ ይዮ ዎዴ፥ ሱዋዋረ ጡቤት አጌስ። 22 ቀስ አጉንተ ግዶን ዎድዳጌ ቃላ ስይያጋ ምለቴስ፤ ሽን ሀ ሰአ ዴኡውው ህርግዮጌኔ ዱሬቴተ ሲቅዮጌ ቃላ ጩሌስ፤ ጩልን ሄ ዜፊተይ አይፌነን አት አጌስ። 23 አረደ ቢተን ዜፊትዳጌ ቃላ ስይድ፥ አኬክየ አስ ምለቴስ፤ ያትድ አይፌስ፤ እሶይ ጤታ፥ እሶይ ኡሱፑን ተማ እሶይ ሀስተማ አይፌስ» ያጊስ።

ዘርዱዋ ሌምሱዋ

24 ዩሱስ ኤተዮ ሀረ ሌምሱዋ ሀጋደን ያግድ አዲስ፤ «ሰሉዋ ከዎቴተይ በ ጎሸን ሎአ ዜፊታ ዜርደ ብተንያ ምለቴስ። 25 ሽን ቀም አሰይ ጥስኪችዳሽን፥ አ ሞርኬ ዬድ፥ ግስትያ ዜርዶጋ ቦል ዘርዱዋ ዜርድ ቢስ። 26 ሽን ግስቴ ሞክድ፥ አይፍዶ ዎዴ፥ ዘርዶይክ አ ግዶን ቤቲስ።

27 «አ አሽከረት አኮ ዬድ፥ (ጎደው፥ ኔን ኔ ጎሸን ሎአ ዜፊታ ዘረቤይኪ? ያትን፥ ዘርዶይ አውፔ ዬዴ?) ያግዶሶነ።

28 «ያግን ጎደይ፥ (ሄጋ ሞርኬ አቲስ) ያጊስ።

«አሽከረት፥ (ኑን ቢድ ሾደናጋ ዶሰይ?) ያግዶሶነ።

29 «ሽን እ፥ (ቺ፥ ዘርዱዋ እንቴ ሾዲድ፥ ግስትያረ ሾደነ። 30 ቦቾፕቴ፤ ጨክዮ ዎዴ ገከናሽን፥ እስፔ ድጮነ። ጨክዮ ዎዴ ገከን፥ ታን

ጨክያጌት፥ ከሴትድ ዘርዱዋ መጥቷ፤ መጥድ ተመን ጡገነው ምርቅየን ምርቅየን ቀችቷ፤ ሽን ግስትያ ተ ጎተረን ቆልቷ» ጋነ» ያጊስ።

ሰናፍጩ ግዮ ምቴ ዜሬታ ሌምሱዋ
(መርቆስ 4:30-32፤ ሉቃስ 13:18-19)

31 ዩሱስ ኤተዮ ሀረ ሌምሱዋ ያግድ አዲስ፤ «ሰሉዋ ከዎቲተይ ሰናፍጭ ግዮ ቂ ምቴ አይፍዮ ምለቲስ፤ ሄ ምቴ አይፍዮ አስ ኤክድ፥ በ ጎሽን ዜሪስ። 32 ሄ ዜሬትያ ዜሬተ ኡባፔ ጉጠውሱ፤ ሽን ድጭዶ ዎዴ፥ ሀረ አታክልቲ ኡባፔ ግተተውሱ፤ ከፎይ ዱድ፥ እ ተሽየን ኬጥዮጋ ኬነ ግተ ምተ ግደውሱ» ያጊስ።

እርሹዋ ሌምሱዋ
(ሉቃስ 13:20-21)

33 ቀስከ ዩሱስ ሀረ ሌምሱዋ ኤተው ያግድ አዲስ፤ «ሰሉዋ ከዎቲተይ እስ ምሽርያ ሄዙ ኬሬ ጢልያ ኤከደ፥ ሙነቅዶ ሙነቀይ ኡባይ ዴንደነ ገከናስ፥ አን ትግዶ እርሹዋ ምለቲስ» ያጊስ።

ዩሱስ ሌምሱወን ተማርስዶ ጋሱዋ
(መርቆስ 4:33-34)

34-35 ዩሱስ አሰው ሄ ኡባ ሌምሱወን አዲስ፤ ሌምሶይ በይነን እ እስባከ አዴነ፤ ሀነነባ ዮትያጌ፥

«ታን ኤተዮ ሃስይዮ ዎዴ

ሌምሱወን ሃሰየይስ።

ሰአይ ሜሬቶሰፔ ዶምድ

ጌምደ ዮሆተ አደይስ»

ጊዶጌ ፖሌተነ መለ፥ ሄጋ እ አዲስ።

ዩሱስ ዘርዱዋ ሌምሱዋ ብርሼታ አዲስ

36 ሄጋፔ ጉይየን፥ ዩሱስ አሳ ዩግ በይድ፥ ሶ ጌሊስ፤ ኤርስዮ አሽከረት አኮ ቢድ፥ «ጎሽን ዴእየ ዘርዱዋ ሌምሱዋ ብርሼታ ኑዮ አደ» ያግዶሶነ።

37 ያግን ዩሱስ ዛርድ፥ ሀጋደን ያጊስ፤ «ሎኦ ዜሬታ ዜርያጌ ተነ አሰ ነኦ። 38 ጎሽይ ሰኦ፤ ሎኦ ዜሬተይ ከዎቲታ አሳ፤ ዘርዶይ ጠለሄ ሀለቃ አሳ። 39 ዘርዱዋ ዜርደ ሞርኬ ጠለሄ ሀለቃ፤ ጨክዮ ዎዴ፥ ዎድያ ዉርሴታ፤ ቀስ ጨክያጌት ኪተንቸተ።

40 «ሄጋ ግሸው፥ ዘርዱዋ መጥድ፥ ተመን ጡግዮጋደን፥ ዎድያ ዉርሴተን ሄጋ መለ ግደነ። 41 ታን፥ አሰ ነኦይ፥ ተ ኪተንቸተ ኪተነ፤ ኤት ተ ከዎቲታ ግዶን ጡቤ ግድየ ኡባኔ ኢተባ አትያጌተ ሺሸነ። 42 ሺሸድ ቶኤነ ተመን አለነ፤ ሄገን ኤት ዩከነ፤ ቀስ አቻ ገርጨነ። 43 ሄ

ዎዴ ጥሎት በንተ አዋ ከዎቴተን አወ አይፍያደን ፖኣነ። ስይየ ሀይት ዴእዮ ኡረይ ስዮ!

ሞግዶ ሚሻ ሌምሱዋ

44 «ሰሉዋ ከዎቴተይ ጎሽን ሞግዶ ሚሻ ምለቴስ፤ እስ ብተኔ ሄ ሚሻ ዴምድ፥ ዛሬትድ ሞጊስ፤ ደሮ ኡፈይቲድ ቢድ፥ ባዮ ዴእያባ ኡባ በይዝድ፥ ሄ ጎሻ ሸሚስ።

እንቁዋ ግዮ ደሮ አልኦ ሹቻ ሌምሱዋ

45 «ቀስ ሰሉዋ ከዎቴተይ እንቁዋ ግዮ ደሮ አልኦ ሹቻ ኮይየ ዘልኦንቻ ምለቴስ። 46 ሄ ዘልኦንቻይ ደሮ አልኦ እንቁዋ ዴምድ፥ ቢድ ባዮ ዴእያባ ኡባ በይዝድ፥ አ ሸሚስ።

ግትያ ሌምሱዋ

47 «ቀስ ሰሉዋ ከዎቴተይ ኡብ ቆሞ ሞልያ አይቅየ አበን ዬግዶ ግትያ ምለቴስ። 48 ሞሌ ግትያ ኩምዶ ዎዴ፥ ሞልያ አይቅየ አስት አባፔ ገጣ ኬስድ ኡትዶሶነ፤ ኡትድ ሎኦ ሞልያ ቆርድ፥ ኬሸየን ዬግዶሶነ፤ ሽን ኢተ ሞልያ ዎረ አልዶሶነ። 49 ዎድያ ዉርሴተን ሄጋደን ሀነነ፤ ኪተንቸት ዬድ፥ ነገረንቸተ ጥሎቱ ግዶፔ ቆርድ፥ 50 ቶኤነ ተመን ኦለነ፤ ሄገን ኤት ዬከነ፤ ቀስ አቻ ገርጨነ።

51 «ሀጌ ኡባይ እንቴዮ ጌልዴ?» ያግድ ኤተ አይቺስ።

ኤት፥ «ኤ» ያግዶሶነ።

52 ያግን እ፥ «ሄጋ ግሸው፥ ሰሉዋ ከዎቴተን ኤርስዮ አሽከረ ግድደ ሀግያ ተማርስየ ኡባይ፥ በ ምንጅዶሳፔ ኦረተ ሚሻኔ ገልኦ ሚሻ ኬስየ አስ ምለቴስ» ያጊስ።

ናዝሬቴን ዮሱስ ኤኬነን እጥዶጋ

(መርቆስ 6:1-6፤ ሉቃስ 4:16-30)

53 ዮሱስ ሀ ሌምሶተ ዮትድ ዉርስዶጋፔ ጉይየን፥ ሄጋፔ ዴንድድ፥ 54 በ ዮሌትዶ ከተማ ቢስ። ቢድ አይሁደ ዎስ ኬተን ተማርስዮጋ ስይደ አሰይ ገረሜትድ፥ ሀጋደን ያጊስ፤ «ሀጌ ሀ ኦድደ ኤረቴታኔ ጦስይ ኦትዮ መላታ ኦተነው ዎልቃ አወፔ ኤክዴ? 55 ሀጌ አናጥያ ነኦ ግዴኔ? አ አይያ መይራሞ ግዴኬ? አ እሸንት ያቆበኔ ዮሴፈ፥ ስምነኔ ይሁዳ ግዶኮናዬ? 56 አ ምቹንት ኡባይ ኑናረ ዴኦኮናዬ? ያትን፥ እ ሀጋ ኡባ አወፔ ዴምዴ?» ያጊስ። 57 ኤት እ ግዮባ ኤኬነን እጥዶሶነ።

ሽን ዮሱስ ሄ አሳስ፥ «ሀነነባ ዮትያጌ በ ቢታንኔ በንተ ሶ አሳን ቦንቼቴናጋፔ ኦትን፥ ሀረ ኡባስን ቦንቼቴስ» ያጊስ። 58 ኤት አመንቤነ ግሸው፥ ጦስይ ኦትዮ መላታ ሄ ሶሁውን ኬህ ኦትቤነ።

ጠመቅየ ዮሃንስ ሀይቁዋ

(መርቆስ 6:14-29፤ ሉቃስ 9:7-9)

14 ¹ሄ ዎዴ አይደንቶ ቢታ ሃርየ ሄሮድስ ዩሱሰባ ስዩስ፤ ²ስይድ በ አሽከረቱስ፡ «ሀጌ ሀይቁዋፔ ዴንድደ ጠመቅየ ዮሃንስ፤ ጦሰይ አትዮ ዎልቃመ መላታ እ አትዮጌ ሄጋሰ» ያጊስ።

³አይስ ጊኮ፡ ሄሮድስ በ እሻ ፕልጶስ መቼ ሄሮድያድ ጋሶተን ዮሃንስ አይት ቀሽሰድ፡ ቀሾ ኬተን ዩግ ዎቲስ። ⁴አይስ ጊኮ፡ ዮሃንስ ሄሮድስ፡ «ኔን ሄሮድያዶ ኤከነው ቤሴነ» ያጊስ። ⁵ሄሮድስ ዮሃንስ ዎረነው ኮዩስ፤ ሽን ይሁዳ አሰይ ሀነነባ ዮትየ አሰደን ዮሃንስ ጤልዶ ግሸው የዩስ።

⁶ሽን ሄሮድስ ዩሌትዶ ገለሰይ ገክን፡ ሄሮድያድ ነእያ አሳ ስንተን ዱረደ ሄሮድስ አፈይሳሱ፤ ⁷አፈይስን ሄሮድስ ነእዮ፡ «ኔነ ሎእደባ አይበኔ ግድኮ፡ ተነ አይቸ፤ ታን ኔስ እመነ» ያግድ እዮ ጫቂስ። ⁸ነእያ በ አዩ ዞርያ ኤከደ ሄሮድስ፡ «ጠመቅየ ዮሃንስ ሁጵያ ሀ ሶሩወን ዎተደ ተው እመ» ያጋሱ። ⁹ከዎይ አው ቀሬቲስ፤ ሽን በ ጫቁዋ ግሸውኔ በናረ አትደ እመታ ግሸው፡ እዮ እመነ መለ አዘዘስ። ¹⁰ከዎይ ኪትድ፡ ዮሃንስ ቆርያ ቀሾ ኬተን ሙጭሲስ። ¹¹ሁጵያ ሶሩወን ዎት ኤሂድ፡ ነኤስ እምዶሶነ፤ ነእያ ሄ ሁጵያ በ አዩኮ ኤፋሱ። ¹²ዮሃንስ ኤርስዮ አሽከረት ዩድ፡ አ አሃ ኤፊድ ሞግዶሶነ፤ ሞግድ ዩሱሰው ቢድ ኦድዶሶነ።

ዩሱስ እቸሹ ሸኡ አሳ ምዚስ

(መርቆስ 6:30-44፤ ሉቃስ 9:10-17፤ ዮሃንስ 6:1-14)

¹³ዩሱስ ሄጋ ስይድ፡ ዎልዎሉወን ጌልድ፡ ሄ ሶሁዋፔ በርከ አስ በይነሳ ቢስ፤ አሰይ ሄጋ ስይድ፡ ከተማፔ ዴንድድ፡ ቶሁወን አ ካሊስ። ¹⁴ዩሱስ ዎልዎሉዋፔ ከይዶ ዎዴ፡ ደሮ አሳ ቤእድ፡ ሄ አሰው ቀሬቲስ፤ ያትድ ኤታረ ዴእየ ሀርገንቸተ ፐቲስ።

¹⁵ሰአይ አመርዮ ዎዴ፡ ዩሱስ ኤርስዮ አሽከረት ዩሱሰኮ ዩድ፡ «ሀጌ ሶሆይ አስ በይነ ሶሆ፤ ሀእ ሰአይከ ቀሚቹስ፤ አሰይ አብይ ቁር ከተመተ ቢድ፡ በው ቁማ ሸመነ መለ፡ አሳ ዩደ» ያግዶሶነ።

¹⁶ሽን ዩሱስ ኤተ፡ «አሰይ ባነው ኮሼነ፤ አሰው ምዮባ እንቴ እምቴ» ያጊስ።

¹⁷ኤት ዛርድ አ፡ «ኑዮ ሀገን እቸሹ አይተፔኔ ናኡ ሞሌፔ አትን፡ ሀር ባወ» ያግዶሶነ።

¹⁸ያግን ዩሱስ ኤተ፡ «ሄጌተ ተው ሃ ኤክ ኤሂቴ» ያጊስ። ¹⁹አሰይ ማተን አተነ መለ፡ ዩሱስ አዘዘስ፤ እቸሹ አይታኔ ናኡ ሞልያ አይቅድ፡ ሰሉዋ ፑዴ ጤልድ፡ ጦሳ ገለቲስ፤ ሄ አይታ ሜንትድ፡ በ ኤርስዮ አሽከረቱስ እምን፡ ኤት ደሮ አሳዮ ግሸዶሶነ። ²⁰አሰይ አብይ ሚድ ከሊስ፤ ከልን አትደ ጠርዘይ ተመኔ ናኡ ሰምፓ ኩምዳጋ ዴንትዶሶነ። ²¹ሚደ አሰይ መጫሳኔ ናተ ፐይዴነን፡ እቸሹ ሸኡ ግድያጋ ኬነ።

ዮሱስ አባ ቦላረ ሄሜቲድ ቢስ
(መርቆስ 6:45-52፤ ዮሃንስ 6:15-21)

22 ዮሱስ ደሮ አሳ ዩዲድ፡ በ ኤርስዮ አሸከረት ዎልዎሉውን ጌልድ፡ ባጥ ስንተትድ፡ አባጥ ሄፍንት ፕነነ መለ አዘዘሰ። 23 አሳ ዩዲድ፡ ጦላ ዎሰነው ዴርያ ሁጵያ በርከ ክዬስ፤ ሰአይ ቀሚችንክ ሄገን በርከ ዴኤስ። 24 ሽን ዎልዎሉይ ሄ ዎዴ አባ ቦለን ዴእሽን፡ ስንተ በጋረ ጨርኮይ ጨርከዮ ግሸው፡ ቤተይ ዎልዎሉዋ ሱጌስ።

25 በይረ ኩቶይ ዋስ ስምን፡ ዮሱስ አባ ቦል ሄሜቲድ፡ ኤተኮ ዩስ። 26 ኤርስዮ አሸከረት አባ ቦል እ ሄሜትሽን ቤእድ ደገምድ፡ «ሄጌ ሞይትሌ ግዴኔ!» ያግድ የይድ ዋስዶሶን።

27 ሽን ዮሱስ ሶሁዋረ ኤተ፡ «አይኮ ባወ፤ ተነቴኔ፤ የዮፕቴ» ያጌስ።

28 ጴጥሮስ ዛርድ አ፡ «ተ ጎደው፡ ሄጌ ኔነ ግድኮ፡ ታን ሃታ ቦላረ ኔኮ ባነ መለ፡ ተነ አዘዘርኪ» ያጌስ።

29 ዮሱስ ጴጥሮስ፡ «ሃ የ» ያጌስ።

ጴጥሮስ ዎልዎሉዋ፤ ዎድድ፡ ሃታ ቦላረ ሄሜቲድ፡ ዮሱስኮ ቤታ ዶሚስ። 30 ሽን ዎልቃመ ጨርኩዋ ቤእድ የዩስ፤ ሃተይ በነ ምቱዋ ዶምዶ ዎዴ፡ በ ቃላ ጦቁ አትድ፡ «ተ ጎደው ተነ አሸርኪ!» ያጌስ።

31 ሶሁዋረ ዮሱስ በ ኩሽያ ዩድድ፡ ጴጥሮስ አይቅድ፡ «ላ ሀ አመኖይ ላፍዶጎ! አይስ ስረዲ?» ያጌስ።

32 ኤት ናአይ ዎልዎሉውን ጌልዶ ዎዴ፡ ጨርኮይ ዎፑ ጌስ።

33 ዎልዎሉዋ ግዶን ዴእየ ኤርስዮ አሸከረት ዮሱስ፡ «ኔን ጦላ ነአ ግድዶጌ ቱመ» ያግድ አው ጎይንዶሶን።

ዮሱስ ጌንሴሬጤን ሀርገንቻ ፐቲስ

(መርቆስ 6:53-56)

34 ኤት አባ ፐንድ፡ ጌንሴሬጤ ግዮ ቢታ ገክዶሶን። 35 ሄ ቢታ አሰይ ዮሱስ ኤሪስ፤ ኤርድ ሄጋ ሄረ ቢተ ኡባ ኪትድ፡ ሀርግየ አሰ ኡባ አኮ ኤሂስ። 36 ሀርግየ አሰይ አ አፈላ መጨረ ጠላላ ቦቸነ መለ፡ አ ዎሲስ፤ መጨራ ቦቸደ ኡባይከ ፐጢስ።

አወቱ ዎጋባ

(መርቆስ 7:1-13)

15 1 ሄጋ፤ ጉይየን፡ ህግያ ተማርስየ እስ እስ አሰትኔ ፐርሳዌት ዮሩሰላሜ፤ ዮሱስኮ ዩድ፡ 2 «ኔን ኤርስዮ አሸከረት አይስ ኑ አወቱ ዎጋ ሞርዮና? አይስ ጊኮ፡ ኤት ቁማ ማና፤ ከሴትድ፡ በንተ ኩሽያ ሚጨቶኮነ» ያግዶሶን።

3 ዮሱስ ዛርድ፡ ኤተ ሀጋደን ያጌስ፤ «እንቴ እንቴ ዎጋ ግሸው፡ ጦላ አዘዘ-ዎ ፖልዮጋ አይስ እጤቲ? 4 አይስ ጊኮ ጦሰይ፡ ሄ አዋኔ ኔ አይዮ ቦንቸ» ቀስ፡

«ብ ኣዋ ዎይ በ ኣይዮ ጨይዖኒ ሀይቆ» ያጊስ።⁵⁻⁶ ሽን እንቴ፥ ሄስ ኣስ በ ኣዋ ዎይ በ ኣይዮ ማድዮብ በው ዴእን፥ «ሄኔ ጦሳባ» ጊኮ፥ በ ኣዋ ዎይ በ ኣይዮ ቦንቸነው ቤሴኮ ያኔተ፤ ያትድ እንቴ እንቴ ዎጋ ፖለነው ጦሳ ቃላ ጠይስዴተ።⁷ ሀ ሎኦ ምለትየ ኢተ ኣሰቶ፥ እስያስ በሌንን እንቴበው ሀነባ ዮቲድ፥

⁸ «ጦሳይ ሀጋደን ያጊስ፤

«ሀኔ ኣሰይ ተነ በ ቦለ ዶነን ቦንቼስ፤

ሽን ኤተ ዎዘነይ ታፔ ሃሁውን ዴኤስ።

⁹ ኣሰይ ተው ሚለ ጎይኔስ፤

ኣይስ ጊኮ፥ ኣስ ኦትዶ ኣዘዙዋ

ጦሳ ህግያ ምለትስድ

ተማርሴስ» ጊስ) ያጊስ»

ያጊስ።

ኣሳ ቱንስያበተ

(መርቆስ 7:14-23)

¹⁰ ዮሱስ ደሮ ኣሳ ባኮ ጤስድ፥ «ስይቴኔ ኣኬክቴ፤ ¹¹ ኣስ ቱንስያበይ ዶነ ግዶ ጌልያባ ግዴነ፤ ሽን ኣስ ቱንስያበይ ዶነፔ ክይያባ» ያጊስ።

¹² ሄጋፔ ጉይየን፥ ኤርስዮ ኣሽከረት ኣኮ ዪድ፥ «ፕርሳዌት ኔን ሃሰይዶጋ ስይድ፥ ሀንቂትዶጋ ኣኬከይ?» ያግዶሶነ።

¹³ ሽን ዮሱስ ዛርድ፥ «ሰሎውን ዴእየ ተ ኣወይ ቶክቤነ ምተ ኡቦይ ሾዴተነ። ¹⁴ ኤተበው ህርጎፕቴ፤ ኤት ቆቂ ካሌትየ ቆቂተ፤ ቆቂ ቆቂ ካሌትኮ፥ ናኣይክ ኦለን ኩንደነ» ያጊስ።

¹⁵ ያግን ጴጥሮስ ዛርድ፥ «ሀ ሌምሱዋ ብርሼታ ኑዮ ኦደርኪ» ያጊስ።

¹⁶ ዮሱስ ኤተ ሀጋደን ያጊስ፤ «እንቴዮ ቀስ ሀእ ገከናሽንክ ጌልቤኔ?

¹⁷ ዶነን ጌልየ ኡቦይ ኡሎ ግዶ ቢድ፥ ቀስ ኡሎፔ ገጥ ክይዮጋ ኤፊኬቲ?

¹⁸ ሽን ዶነፔ ክይያበይ ዎዘነፔ ክዮስ፤ ኣስ ቱንስያበይ ሄጋ መላ። ¹⁹ ኣይስ ጊኮ፥ ዎዘነ ግዶፔ ኢተ ቆፈይ፥ ዎርዮጌ፥ ሻረሙጥዮጌ፥ ቀስ ሻረሙጠነው ቃቀትዮጌ ኡቦይ፥ ዉቅዮጌ፥ ዎርዱዋ መርከትዮጌ፥ ጨሽይ ክዮስ።

²⁰ ሄጋ ምለትያበይ ኣስ ቱንስያጋፔ ኣትን፥ ሚጭቤነ ኩሼን ምዮጌ ኣስ ቱንሴነ» ያጊስ።

ከናኔ ኣስ ግድየ እስ መጫሴ ኣመኑዋ

(መርቆስ 7:24-30)

²¹ ሄጋፔ ጉይየን፥ ዮሱስ ሄጋፔ ኣግድ፥ ጢሮስኔ ስዶነ ግዮ ከተመት ዴእየ ቢት ቢስ። ²² ከናኔ ግዮ ቢታ መጫሴ እስንያ ሄጋፔ ዮሱስኮ ያደ፥ በ ቃላ ጦቂ ኣተደ፥ «ተ ጎደው፥ ዳውተ ነኣው፥ ተነ ማረርኪ፤ ተ ነእየ ጠለሄ ፐለ ኦሄተ ኣይቂስ» ያጋሱ።

23 ሽን ዮሱስ እየ ቃለኔ ቃትቤነ፤ ኤርስዮ አሸከረት አኮ ዬድ፡ «ሀ ምሽርያ ኑ ጌዱዋ ካለ ካለደ፡ በ ቃላ ጦቄ አተደ ዮተውሱ፤ ሄጋ ግሸው፡ ኔን አ ዮደርኪ» ያግድ ያስደሰነ።

24 ዮሱስ ዛርድ፡ «ታን በይደ ዶርሰው፡ እስራኤል አሳ ጠላለው ከቴታስ» ያጊስ።

25 ሽን አ ያደ፡ «ተ ጎደው፡ ተነ ማደርኪ!» ያገደ አው ጎይናሱ።

26 ቀስ እ ዛርድ፡ «ናቱ ቁማ ኤክድ፡ ዘይሮቱዮ አልዮጌ ሎአ ግዴነ» ያጊስ።

27 ምሽርያ፡ «ኤ ተ ጎደው፡ ሄጌ ቱመ፤ ሽን ሀረይ አቶ ዘይሮትከ በንተ ጎደት ሚሽን፡ መሶፍያፔ ላሌትደ ሱፓ ሞሶነቴ» ያጋሱ።

28 ያግን ዮሱስ ዛርድ አ፡ «ሀ ምሽሬ፡ ኔ አመኖይ ግተ፤ ኔን ኮይዶጋደን ኔዮ ሀኖ» ያጊስ። እ ነእያ ሶሁዋረከ ፐጠ አጋሱ።

ዮሱስ ደሮ ሀርገንቸተ ፐቲስ

29 ዮሱስ ሄጋፔ ዴንድድ፡ ገሊለ አባ መት ቢስ፤ ቀስ እስ ዴርያ ቦል ክይድ፡ ሄገን ኡቲስ። 30 ደሮ አሰይ ያቤተ፡ ቆቄተ፡ ቁነትኔ ዱዴተ፡ ቀስ ሀረ ደሮተ ኤክድ፡ አኮ ኤሂስ፤ ኤሂድ አ መተን ያቲስ። ዮሱስ ኤተ ፐቲስ። 31 ሄጋ ግሸው፡ አሰይ ዱዴት ሃሰይሽን፡ ቁነት ስት ጊሽን፡ ያቤት ሄሜትሽን፡ ቆቄት ጤልሽን ቤእድ ገረሜትድ፡ እስራኤል አሳ ጦሳ ገለቲስ።

ዮሱስ አይዱ ሸኡ አሳ ምዚስ

(መርቆስ 8:1-10)

32 ዮሱስ በ ኤርስዮ አሸከረተ ባኮ ጤስድ፡ «ሀ ደሮ አሰይ ተናረ ሄዙ ገለስ ገከናስ ገምእዶ ግሸው፡ ታን ሀ አሰው ቀሬተይስ፤ ኤተው ሀእ ምዮብ ባው፡ ቀስ ኤት አግየን ዳፉርድ ኩንዴነ መለ፡ ቁመ ምዜነን ኤተ ሚለ ዮደነውከ ኮይኬ» ያጊስ።

33 ኤርስዮ አሸከረት ዛርድ ዮሱስ፡ «ኑን ሀ በዙውን ሀጋ ኬነ አሳ ከልስየ ቁመ አውፔ ዴመኔ?» ያግደሰነ።

34 ቀስ ዮሱስ ኤተ፡ «እንቴዮ አፑን አይተይ ዴኢ?» ያግድ አይቺስ።

ኤት፡ «ላፑን አይተይኔ ጉተ ሞሌቱፔ አመርዳጌት ዴአሶነ» ያግደሰነ።

35 ዮሱስ አሳ፡ «ሰአን ኡትቴ» ያጊስ። 36 ያግድ ሄ ላፑን አይታኔ ሞልያ አይቅድ፡ ጦሳ ገለቲስ፤ ሜንትድ ኤርስዮ አሸከረቱስ እሚስ፤ ቀስ ኤርስዮ አሸከረት ደሮ አሳስ እምዶሶነ።

37 አሰይ ኡብይ ሚድ ከሊስ፤ ሚሽን አትደ ላፑን ሰምፓ ኩምደ ጠርዛ ኤርስዮ አሸከረት ዴንትዶሶነ። 38 ሚደ አሰይ መጫሳኔ ናተ ፐይዴነን፡ አይዱ ሸኡ አቱማስ። 39 ዮሱስ አሳ ዮድዶጋፔ ጉይየን፡ ያልዎሉውን ጌልድ፡ መጌዶነ ግዮ ቢት ቢስ።

መላታ ቤአነው አይችሉ አይሻ

(መርቆስ 8:11-13፤ ሉቃስ 12:54-56)

16 ¹እስ እስ ፐርሳዌትኔ ሳዱቃዊት ዮሴብ ዩድ፥ አ ፓጩነው ኮይዶሶነ፤ ያትድ በንተነ ሰሎሞን መላተ ቤሰነ መለ ዎስዶሶነ። ²ሽን ዮሴስ ዛርድ፥ ኤተ ሀጋደን ያጊስ፤ «ሰአይ ቀምዮ ዎዴ እንቴ፥ ሰሎይ ዞእዶ ግሸው፥ ሰአይ ቦቀለነ» ያጌተ፤ ³ዎንትማት ቀስ፥ ሰሎይ ዞእድ ጉበንዶ ግሸው፥ ሀች እረይ ቡከነ» ያጌተ፤ ሰሎሞ ጤልድ፥ ሰአይ ሀነነባ ኤረነው ደንደዮተ፤ ሽን ሀ ዎድያ መላታ ሻክ ኤረነው ደንደዮኬቲ? ⁴ሀ ዎድያ አሰይ ኢተይ፥ ጦሰው አመኔቴናጌ፥ መላተ ኮዬስ፤ ሀነነባ ዮትየ ዮናሰ መላታፔ አትን፥ ሀረ መላት አው እሜቴነ» ያጊስ። ያግድ፥ ኤተ ዮግ በይድ ቢስ።

ፐርሳዌትኔ ሳዱቃዊቱ እርሹዋ

(መርቆስ 8:14-21)

⁵ኤርስዮ አሽከረት አባ ፕንዶ ዎዴ፥ ቁማ ኤፋናጋ ዶግዶሶነ። ⁶ዮሴስ ኤተ፥ «ፐርሳዌቱ እርሹዋፔኔ ሳዱቃዊቱ እርሹዋፔ እንቴነ ኤርድ ናጌትቴ» ያጊስ።

⁷ኤት በንተ ግዶን፥ «እ ሀጋ ግዶጌ ኑን ቁማ ኤህቤነ ግሻስ» ያግድ ሃሰያ ዶምዶሶነ።

⁸ሽን ኤት ግዶጋ ዮሴስ ኤርድ፥ «ሀ አመኖይ ፕጭዶጌቶ፥ ቁም በይነ ግሸው፥ አይስ እንቴ ግዶን ሃሰዮቲ? ⁹ሀእክ እንቴዮ ጌልቤኔ? ታን እቸሹ አይታ እቸሹ ሸኡ አሳዮ በትዶጋ፥ ቀስ እንቴ አፑን ሰምፓ ኩንትድ ዴንትዳኮ ሀሰዮኬቲ? ¹⁰ዎይ ታን ላፑን አይታ አይዱ ሸኡ አሳዮ በትዶጋ፥ ቀስ እንቴ አፑን ሰምፓ ኩንትድ ዴንትዳኮ ሀሰዮኬቲ? ¹¹ታን እንቴነ ፐርሳዌቱ እርሹዋፔኔ ሳዱቃዊቱ እርሹዋፔ ናጌትቴ ግዶጋፔ አትን፥ አይተባ እንቴዮ ሃሰዮቤናጋ እንቴ ዋንድ አኬኬኬቲ?» ያጊስ።

¹²ኤርስዮ አሽከረት ዮሴስ በንተው አድዶጌ፥ ፐርሳዌቱ ትምርትያፔኔ ሳዱቃዊቱ ትምርትያፔ ኤት ናጌተናጋ ግድዶጋፔ አትን፥ አይተን ትግዮ እርሹዋፔ ናጌተናጋ ግዴናጋ ሄ ዎዴ አኬክዶሶነ።

ጴጥሮስ አመኑዋኔ መርከቴታ

(መርቆስ 8:27-30፤ ሉቃስ 9:18-21)

¹³ዮሴስ ፕልጶስ-ቂሳርያ ግዮ ቢታ ገክዶ ዎዴ፥ በ ኤርስዮ አሽከረተ፥ «አሰይ ተነ፥ አሰ ነአ ኦነ ጊ?» ያግድ አይቺስ።

14 ኤርስዮ አሸከረት ዛርድ፥ «ኔነ እስ እስ አሰይ፥ ጠመቅየ ዮሃንስ ያጌስ፤ ሀረት ቀስ ኤላስ ያጎሶን፤ ቀስ በገት ኤርማስ ዎይ ሀነባ ዮትያጌቱ፤ እሱዋ ያጎሶን» ያግደሳን።

15 ያግን ዮሱስ ኤተ፥ «ያንን እንቴ ተነ አነ ጌቲ?» ያጌስ።

16 ስሞን ጴጥሮስ ዛርድ፥ «ኔን ዴኦ ጦሳ ነኣ ክርስቶስ» ያጌስ።

17 ዮሱስ ዛርድ፥ ሀጋደን ያጌስ፤ «ዮነ ነኣ ስሞና፥ ሀጋ ኔስ ሰሉወን ዴእየ ተ አወይ ኤርስዮጋፔ አትን፥ አስ ኦንኔ ኔነ ኤርስቤነ ግሸው፥ ኔን አንጄትዳጋ። 18 ጴጥሮሳ፥ ታን ኔዮ አደይስ፤ ኔን ሹቸ፤ ታን ሀ ዛላ ቦል ተ ዎስ ኬታ ኬጠነ፤ ተ ዎስ ኬታ ሀረይ አቶ፥ ስኦልያ ዎልቀይከ ጦነነው ደንደዬን። 19 ታን ኔስ ሰሉዋ ከዎቴታ ቁልፕያ እመነ፤ ኔን ሰአን ቀችዮ ኡቦይ ሰሉወን ቀሼት ኡቲስ፤ ኔን ሰአን ብርሸዮ ኡቦይ ሰሉወንከ ብርሼት ኡቲስ» ያጌስ።

20 ሄጋፔ ጉይየን፥ ክርስቶስ እ ግድዶጋ ኤርስዮ አሸከረት ኣስኔ ኣዴነ መለ፥ ኤተ አዘዚስ።

ዮሱስ በነ ገከነ ሜቱዋባኔ ሀይቁዋባ ኮይሮ ኣዱዋ ኣዲስ

(መርቆስ 8:31-33፤ ሉቃስ 9:22-27)

21 ሄ ዎዴፔ ዶምድ ዮሱስ፥ «ታን ዮሩሰላሜ ብን፥ ተነ ጭመት፥ ቄሴ ሀለቀትኔ ህግያ ተማርስያጌት ደሮ ወይሰነው ቤሴስ፤ ኤት ተነ ዎረነውኔ ታን ሄዘንቶ ገለስ ሀይቁዋፔ ዴንደነው ቤሴስ» ያግድ፥ በ ኤርስዮ አሸከረቱስ ጌሽድ ኣዱዋ ዶሚስ።

22 ጴጥሮስ ኣ እስ በግ ዛርድ፥ «ተ ጎደው፥ ጦሰይ ኔነ ሄጋፔ አሾ፤ ሀጌ ኔ ቦል ሙሌክ ዬነ» ያግድ ኣ ዘረነው ዶሚስ።

23 ሸን ዮሱስ ጉዬ ስምድ ጴጥሮስ፥ «ሀ ሴጣነው፥ ኔን ተ መተፔ ክቸ፤ ኔን ኣስ ዶስዮባ ቆፕዮጋፔ አትን፥ ጦሰይ ዶስዮባ ቆፔነ ግሸው፥ ተው ጡቤ ግደደስ» ያጌስ።

ዮሱስ ካልዮ ሀኖታ

(መርቆስ 8:34-9:1፤ ሉቃስ 9:23-27)

24 ሄጋፔ ጉይየን፥ ዮሱስ በ ኤርስዮ አሸከረተ ሀጋደን ያጌስ፤ «ተነ ካለነው ኮይየ ኡረይ ዴእኮ፥ በነ ዮግ በዮ፤ ያትድ በ መስቀልያ ቶክድ፥ ተነ ካሎ። 25 ኣይስ ጊኮ፥ በ ሼምፑዋ አሸነ ኮይየ ኡረይ በሸነ፤ ሸን በ ሼምፑዋ ተ ግሸው በሸየ ኡረይ አሸነ። 26 እስ ኡረይ ሰአን ዴእየ ኡቦባ በው ሺሸድ፥ በ ሼምፑዋ በሸኮ፥ ኣ ኣይ ማደኔ? ዎይ እስ ኡረይ በ ሼምፑዋ ዎዘነው ኣይ እመነ ደንደዬ? 27 ኣይስ ጊኮ፥ ታን፥ ኣስ ነኣይ፥ ተ ኣዋ ቦንቹወን ተ ኪተንቸቱረ ያነ ሀነይስ፤ ኣሰ ኡቦው ሄ ዎዴ ኣ ኣሱዋ

16:14 ማት 14:1-2፤ መር 6:14-15፤ ሉቃ 9:7-8 16:16 ዮሃ 6:68-69

16:19 ማት 18:18፤ ዮሃ 20:23 16:24 ማት 10:38፤ ሉቃ 14:27

16:25 ማት 10:39፤ ሉቃ 17:33፤ ዮሃ 12:25

መላ እመነ። 28 ታን እንቴዮ ቱማ ገይስ፤ አመርደ አስት፥ ታን፥ አስ ነአይ፥ ከዎ ግደደ ይዮጋ ቤአነ ገከናስ፥ ሀይቁናጌት ሀገን ዴአሶነ» ያጊስ።

ዮሱስ ሜረይ ላሜቲስ

(መርቆስ 19:2-13፤ ሉቃስ 9:28-36)

17 ¹ዮሱስ ኡሱፑን ገለሰፔ ጉይየን፥ በናረ ጴጥሮስ፥ ያቆበኔ፥ ያቆበ እሻ ዮሃንስ ኤክድ፥ ኤተ ጠላላ ግተ ዴርያ ሁጵያ ኬሲስ። ²ቀስ ኤት ጤልሽን፥ ኤተ ስንተን ላሜቲስ፤ አ ሶምኦይ አወ አይፍያደን ፖኢስ፤ አ ማዮይከ ፖኡዋደን ቦጢስ። ³ሙሴኔ ኤላስ ዮሱሳረ ሃሰይሽን፥ ሀ ሄዙ ኤርስዮ አሽከረት ቤእዶሶነ። ⁴ጴጥሮስ ዮሱስ፥ «ተ ጎደው፥ ኑን ሀገን ዴእዮጌ ኑስ ሎኦ፤ ኔን ዶስኮ፥ ኑን ሀገን ሄዙ ዘምጥተ እሱዋ ኔስ፥ እሱዋ ሙሴስ፥ እሱዋ ኤላስስ ዘምጥየነ» ያጊስ።

⁵እ ሃሰይሽን፥ ፖእየ ሻረይ ይኔ ኤተ ጌንት አጊስ፤ ጌንትን ሻራፔ፥ «ሀጌ ታን ሲቅዮ ተነ ኡፈይስየ ተ ነኣ፤ እ ግዮጋ ስይቴ» ግየ ቃለይ ዩስ።

⁶ኤርስዮ አሽከረት ሄ ቃላ ስይዶ ዎዴ፥ ደሮ የይድ፥ ጉፈን ዎድዶሶነ። ⁷ዮሱስ ኤተኮ ዩድ፥ ኤተ ቦቺስ፤ ቦቺድ፥ «ዴንድቴ፤ የዮፕቴ» ያጊስ። ⁸ኤት ጦቁ ጊድ ጤልዮ ዎዴ፥ ዮሱስ ጠላላፔ አትን፥ ሀረ አስ ኦነኔ ቤእቦኮነ።

⁹ኤት ዴርያፔ ዎድሽን፥ ዮሱስ ኤተ፥ «ታን አስ ነአይ፥ ሀይቁዋፔ ዴንደነ ገከናስ፥ ሀ እንቴ ቤእዶጋ አዮኔ ኦዶፕቴ» ያግድ አዘዘስ።

¹⁰ኤርስዮ አሽከረት ዮሱስ፥ «ያትን፥ ህግያ ተማርስያጌት አይስ፥ «ኤላስ ከሴትድ ያነው ቤሴስ» ግዮና?» ያግድ አይችዶሶነ።

¹¹አይችን እ ዛርድ ያጊስ፤ «ኤላስ ከሴት ዩድ፥ ኡበባ ጊግሰነ። ¹²ሽን ታን እንቴዮ አደይስ፤ ኤላስ ሀጋፔ ከሴ ዩቺስ። ይን አሰይ አ በ ኮይዶባ ኡባ አትዶጋፔ አትን ኤርቤነ፤ ሄጋደንከ፥ ቀስ ተነ፥ አስ ነኣ፥ አሰይ ወይሰነ» ያጊስ።

¹³ኤርስዮ አሽከረት ሄ ዎዴ በንተው ዮሱስ ጠመቅየ ዮሃንሰባ ኦድዮጋ አኬክዶሶነ።

ዮሱስ ጠለሄ አይቅዶ ነኣ ፕቲስ

(መርቆስ 9:14-29፤ ሉቃስ 9:37-43)

¹⁴ኤት ደሮ አሳኮ ዩዶ ዎዴ፥ እስ ብተኔ ዮሱስኮ ዩድ፥ አ ስንተን ጉልበትድ፥ ¹⁵«ተ ጎደው፥ ተ ነኣ ካሬተይ አይቅን፥ እ ደሮ ዎዴ ተመን፥ ቀስ ደሮ ዎዴ ሃተን ኩንድዮ ግሸው፥ እ ኬህ ሰሄቴስ፤ አ ፕተርኪ። ¹⁶ኔ ኤርስዮ አሽከረቱከ አ ኤሃስ፤ ሽን ፕተነው ደንደይቦኮነ» ያጊስ።

16:27 መዘ 62:12፤ ማት 25:31፤ ሮሜ 2:6 17:1-5 2ጴጥ 1:17-18 17:5 ዮሜ 22:2፤ ዛር 18:15፤ መዘ 2:7፤ እስ 42:1፤ ማት 3:17፤ 12:18፤ መር 1:11፤ ሉቃ 3:22 17:10 ምል 4:5 17:12 ማት 11:14

17 ዮሱስ ዛርድ ኤተ፥ «አመኔነ ሀ ዎድያ ጌለ አሰው! ታን እንቴናረ አውዴ ገከናስ ዴአኔ? ቀስ እንቴባ አውዴ ገከናስ ደንደየኔ? ነኣ ታኮ ሃ ኤክ ዩቴ» ያጊስ። 18 ዮሱስ ጠለህያ፥ «አፔ ክየ» ጊድ አዘዝን፥ ጠለሄ ነኣፔ ክይ አጊስ፤ ሶሁዋረከ ነኣይ ፕፕ በዩስ።

19 ሄጋፔ ጉይየን፥ ኤርስዮ አሽከረት በንተርከ ዮሱስኮ ዩድ፥ «ኑን ጠለህያ ኬሰነው አይስ ደንደይቦኪ?» ያግዶሶን።

20 ያግን ዮሱስ ኤተ ያጊስ፤ «ሄጌ እንቴ አመኖይ ጉጥዶ ግሸታስ፤ ታን እንቴዮ ቴማ አደይስ፤ እንቴዮ ሰናፍጭ ግዮ ቂ ምቴ አይፌ ኬነ አመኖይ ዴእያኮ፥ እንቴ ሀ ዴርያ፥ «ሀጋፔ ያ ሺቀ» ያግያኮ እ ሺቀነ፤ እንቴ አይ አተነውከ ደንደየን። 21 ሽን ሀጋ መላ ዎሰቴኔ ጦመፔ ሀረበይ ኬሰነው ደንደዩነ» ያጊስ።

ዮሱስ በ ሀይቁዋባ ናኦንቴዋ አዲስ

(መርቆስ 9:30-32፤ ሉቃስ 9:43-45)

22 ኤርስዮ አሽከረት ገሊለን፥ እስፔ ሺቅ ኡትዳሽን፥ ዮሱስ ኤተ፥ «ተነ፥ አስ ነኣ፥ አስ አሰው ኣትድ እመነ። 23 አሰይ ተነ ዎረነ፤ ዎርን ታን ሄዘንቶ ገለስ ሀይቁዋፔ ዴንደነ» ያጊስ። ኤርስዮ አሽከረት ደሮ ቀሬትዶሶን።

ቤተ መቅደስያ ጊራ ጊርዮጋ

24 ዮሱስኔ ኤርስዮ አሽከረት ቅፍርናሆመ ከተማ ዩዶ ዎዴ፥ ቤተ መቅደስያስ ጊራ ኤክያጌት ጴጥሮስኮ ዩድ፥ «እንቴነ ተማርስያጌ ቤተ መቅደስያ ጊራ ጊሬኔ?» ያግዶሶን።

25 እ ዛርድ፥ «ጊሬስ» ያጊስ።

ጴጥሮስ ሶ ጌልዶ ዎዴ፥ ዮሱስ ከሴትድ አ፥ «ስሞና፥ ኔ ቆፈይ አይቤ? ሀ ሰኣ ከዎት ቀረጣ ዎይ ጊራ ኣፔ ኤክዮና? በንተ ቢታ አሳፔ ኤክዮናዬ ዎይ ሀረ ቢተ አሳፔ ኤክዮና?» ያጊስ።

26 ያግን ጴጥሮስ፥ «ሀረ ቢተ አሳፔ ኤኮሶን» ያጊስ።

ዮሱስ ጴጥሮስ፥ «ያትኮ፥ ቢታ አሰይ ጊረነው ቤሴነ። 27 ሽን ኑን ሀ አሰተ ሀንቁትሰነው ኮዮኮ፤ ኔን አባ ባደ አን ፕርያ ዩገ፤ ያተደ ኮይሮ ክይየ ሞልያ አይቀደ፥ አ ዶና ፖቅዮ ዎዴ፥ ጊረው ግድየ ሚሻ ኔን ዴመነ። ሄጋ ኤክደ፥ ተ ጊራኔ ኔ ጊራ ኤተው ቀንጠ» ያጊስ።

ኡባፔ አድያጌ ኣኔ?

(መርቆስ 9:33-37፤ ሉቃስ 9:46-48)

18 1 ኤርስዮ አሽከረት ዮሱስኮ ሄ ዎዴ ዩድ፥ «ሰሉዋ ከዎቴተን ኡባፔ አድያጌ ኣኔ?» ያግዶሶን።

2 ያማን ዩሱስ እስ ጉተ ነኣ ጤስድ፥ ኤተ ግድን ኤስድ፥ ሀጋደን ያጊስ፤ 3 «ታን እንቴዮ ቱማ አደይስ፤ ጦሳኮ እንቴ ስምድ፥ ጉተ ናቱደን ሀነነ ጠይኮ፥ ሰሉዋ ከዎቴታ ሙሌከ ጌለነው ደንደዩኬተ። 4 ስም ሀ ጉተ ነኣደን፥ በነ ከውሽዩ አንኔ ሰሉዋ ከዎቴተን ኡባፔ አድያጋ። 5 ቀስ ሀጋ መለ ነኣ ተ ሱንተን ሞክዩ አንኔ ተነ ሞኬስ። 6 ሽን ተነ አመንዩ ሀ ጉተ ናቱ፤ እሱዋ በሌትዩ አንኔ፥ ጋጭዮ ወገ ወጣ በ ቆርየን ቀችድ፥ ጨመ አበን ምቴትዮጌ አው ኬሀ።

ጡብያስ ጋሶ ግድያባ

(መርቆስ 9:42-48፤ ሉቃስ 17:1-2)

7 «ሰአይ አሳ ጡብዮ ግሸው፥ ሰአዮ አዩአነ፤ አይስ ጊኮ፥ ጡብያበይ ዩሳ አጌነ፤ ሽን ጡቤ አ ጋሶተን ይዮ ኡራዮ አዩአነ።

8 «ኔ ኩሼ ዎይ ኔ ቶሆይ ኔነ በሌትኮ፥ ኔፔ ቀንጠ አለ፤ ኔን ናኡ ኩሽያረኔ ናኡ ቶሁዋረ ሜርና ተመን አሌተናጋፔ ዎቤ ዎይ ዱጠ ኩሽያረ ሜርና ዴኡዋ ጌልዮጌ ኔዮ ኬሀ። 9 ቀስ ኔ አይፌ ኔነ በሌትኮ፥ ኔፔ ዎጩ አለ፤ ኔን ናኡ አይፍያረ ጋነብያ ተመን አሌተናጋፔ እስ አይፍያረ ሜርና ዴኡዋ ጌልዮጌ ኔዮ ኬሀ።

10 «እንቴ ሀ ጉተቱ፤ እሱዋኔ ከሬነ መለ፥ እንቴነ ናግቴ፤ አይስ ጊኮ፥ ታን እንቴዮ አደይስ፤ ሰሉወን ኤተ ኪተንቸት ኡብ ዎዴ፥ ሰሉወን ዴእዩ ተ አዋ ስንተን ዴአሶነ። 11 አይስ ጊኮ፥ ታን፥ አሰ ነኣይ፥ በይዳጋ አሸነው ያስ።

በይደ ዶርሳ ሌምሱዋ

(ሉቃስ 15:3-7)

12 «እስ አሰዮ ጤቱ ዶርሰት ዴእያጌቱ፤ እሶይ በይኮ፥ ኡዱፋን ተመኔ ኡዱፋና ዴርየን ዩግ በይድ፥ ሄ በይዳጋ ኮየነው ቤኔ? እንቴ ዎይጌቲ?

13 ታን እንቴዮ ቱማ ገይስ፤ እ ዴምኮ፥ በይቤነ ኡዱፋን ተመኔ ኡዱፋን ዶርሰቱ፤ አትድ፥ ሄ እስ ዶርሰን ኡፈይቴስ። 14 ሄጋደንከ፥ ሰሉወን ዴእዩ እንቴ አወይ ሀ ጉተቱ፤ እሶይ በየናጋከ ኮዩነ።

ሞርደ አሰስ አተነው ቤስያባ

15 «ኔ እሸይ ኔነ ናቅኮ፥ ኔርከ አኮ ባደ፥ አ ሞሩዋ አው ዮተ፤ እ ኔባ ስይኮ፥ ኔ እሻ በላፔ ዛረደሰ። 16 ሽን እ ኔባ ስዩነን እጥኮ፥ ናኡ ዎይ ሄዙ መርከይ መርከትዶገን ዮሆ ኡብይ ቱመትዮ ግሸው፥ ሀረ እስ ዎይ ናኡ አሰ ኔናረ ኤከ ኤፈ። 17 እ ኤተባ ስዩነን እጥኮ፥ ኡብባ ዎስ ኬታስ አደ፤ ቀስ ዎስ ኬተይ ግዮጋከ እ ስዩነን እጥኮ፥ አመኔነ አሰዳንኔ ጊራ ኤክዩ አሰደን አ ፒይደ።

18:3 መር 10:15፤ ሉቃ 18:17 18:8 ማት 5:30 18:9 ማት 5:29

18:15 ሉቃ 17:3 18:16 ዛር 19:15

18 «ታን እንቴዮ ተማ ገይስ፤ ሰአን እንቴ ቀችዮ ኡበይ ሰሉወንከ ቀሼት ኡቲስ፤ ቀስ ሰአን እንቴ ብርሸዮ ኡበይ ሰሉወንከ ብርሼት ኡቲስ።

19 «ቀስከ ታን እንቴዮ ኦደይስ፤ እንቴፔ ናኡ ኡረይ ሰአን ጦሳ ምስዮበን አይቢንኔ ማዬትኮ፤ ሰሉወን ዴእየ ተ አወይ ሄጋ እንቴዮ እመነ።
20 አይስ ጊኮ፤ ናኡ ኡረይ ምይ ሄዙ ኡረይ ተ ሱንተን ሺቅዮሰን፤ ታን ሄገን ኤተ ግዱወን ዴአይስ» ያጊስ።

አቶ ግዮጋ

21 ጴጥሮስ ሄ ምዴ ዬሱስኮ ዪድ፤ «ጎደው፤ ተ እሸይ ተነ አፑቶ ናቅኮ ታን አዮ አቶ ጋነው ቤሲ? ላፑንቶ ገከናስ ናቂኔዬ?» ያግድ አ አይቺስ።

22 ዬሱስ ዛርድ አ፤ «ቺ፤ ታን ኔነ ላፑን ተሙቶ ላፑንቶ ገይስፔ አትን፤ ላፑንቶ ጊኬ።

23 «አይስ ጊኮ፤ ሰሉዋ ከዎቴተይ በ አሽከረቱረ ሚሻ ቆዴተነው ቆፕደ ከዉዋ ምለቴስ። 24 ሄ ከዎይ ሚሻ ቆዴተነው ዶምዶ ምዴ፤ ደሮ ሸኡ ፕውንዴ አጮይ ዴእዮ እስ ብተንያ አኮ ኤሂዶሶነ። 25 ሽን ሄ አሽከረው አጮዋ ቀንጥዮበይ ጠይን፤ አ ጎደይ ሄ አጮዋ ቀንጠነው፤ አ መችያኔ እኔ አ ናት፤ ቀስ አው ዴእየ ኡበበይ በይዜተነ መለ፤ አ አዘዚስ። 26 ሄጋ ግሸው፤ አሽከረይ በ ጎዳ ስንተን ጉልበትድ፤ «ተ ጎደው፤ ሀይ ነንገሸርኪ፤ ታን ኔዮ ኡበባከ ቀንጠነ» ያግድ አ ምሲስ። 27 ምስን አ ጎደይ አው ቀሬትድ፤ አ ዬድ በዪስ፤ አ አጮዋከ አዮ ማር አጊስ።

28 «ሽን ሄ አሽከረይ ክይድ፤ በ ለጌ አሽከረቱፔ እሶይ ባፔ እሸተሙ ብረ ግድያጋ ተልእዳጋረ ገይትድ፤ «ኔ ቦል ዴእየ ተ ሚሻ ቀንጠ» ያግ አይቅድ፤ አ ጩሊስ።

29 «ጩልን ሄ አ ለጌ አሽከረይ አ ስንተን ጉልበትድ፤ «ሀይ ነንገሸርኪ፤ ታን ኔዮ ኡበባከ ቀንጠነ» ያግድ አ ምሲስ።

30 «ሽን እጥድ ኤክ ኤፊድ፤ አ ለጌ ሄ አጮዋ ቀንጠነ ገከናሽን፤ ቀሾ ኬታ ጌልሲስ። 31 ሄጋ ግሸው፤ አ ለጌ አሽከረት ሄጋ ቤእድ፤ ደሮ ዪሎትዶሶነ፤ በንተ ጎዳኮ ቢድ፤ እ ኦትዶ ኡበባ አው ኦድዶሶነ።

32 «ሄጋፔ ጉይየን፤ ጎደይ ሄ አሽከራ ጤስድ፤ «ሀ ኢተ አሽከረው፤ ኔን ተነ ምስዶ ግሸው፤ ታን ሄ አጮ ኡባ ኔዮ ማረ አጋስ። 33 ታን ኔዮ ሄ አጮዋ ማርዶጋደን፤ ኔንከ ኔ ለጌ አሽከረው ማረነው ቤሴኔ?» ያጊስ።
34 ያግድ አ ደሮ ሀንቄትድ፤ በ አጮዋ ኡባ እ ቀንጠነ ገከናሽን፤ ፐጠ ካኤተነ መለ፤ ቀሾ ኬታ ጌልሲስ።

35 «እንቴ ሁጵየን ሁጵየን እንቴ እሸው ምዘነፔ አቶ ጋነ ጠይኮ፤ ሄ ጎደይ በ አሽከራ ኦትዶጋደን፤ ሰሉወን ዴእየ ተ አወይከ እንቴነ ሄጋደን አተነ» ያጊስ።

ዮሱስ ጌሉዋ ኤሁዋባ ተማርሲስ

(መርቆስ 10:1-12)

19 ¹ዮሱስ ሄ ሃስያ ዉርስዶጋጉ ጉይየን፥ ገሊላፔ ዴንድድ፥ ዮርዳኖስ ሻፋፔ ሄፍንተን ዴእየ ይሁዳ ቢታ ቢስ፥ ²ደሮ አስይ አ ካልድ ቢዳጋ ሄገን ፕቲስ።

³እስ እስ ፐርሳዌት ፓጨነው ዮሱስኮ ዩድ፥ «እስ አስ እስበን ጋሶትድ፥ በ መችዮ ዩደነው ኑ ሀጌ አዘዚ?» ያግድ አ አይችዶሶን።

⁴አይችን ዮሱስ ዛርድ፥ ሀጋደን ያጊስ፤ «ጦስይ ኮይሮ ኤተ ሜዲድ፥ አቱማስኔ መጫስ አቲስ። ⁵ሄጋ ግሸው፥ (እስ አስ በ አዋኔ በ አይዮ አግ በይድ፥ በ መቼረ እስፔ ዴኤስ፤ ኤት ናአይ እስ አስ ግዶሶን) ያግየ ቃላ ነበብቤኬቲ? ⁶ሄጋ ግሸው፥ ኤት እስ አስ ግድዮጋፔ አትን፥ ናኡ አስ ግዶኮነ፤ ሄጋ ግሸው፥ ጦስይ እስፔ ገትዶጋ አስ ሻኮፓ» ያጊስ።

⁷ፐርሳዌት ዮሱስ፥ «ያትን፥ ሙሴ አይስ እስ ኡረይ በ መቼዮ ፐረማ እምድ ዩደነ መለ አዘዘዴ?» ያግዶሶን።

⁸ዮሱስ ዛርድ፥ «እንቴ እንቴ መጫሳ ዩደነ መለ፥ ሙሴ እንቴነ አዘዘዶ፤ እንቴ ዮትን ስዩናጌተ ግድዶ ግሻስፔ አትን፥ ኮይሮ ሄጋ መለ ግዴነ። ⁹ታን እንቴዮ አደይስ፤ በ መችዮ ሻረሙጤነን ዴእሸን ዩድድ፥ ሀረኖ ኤክየ አንኔ ሻረሙጤስ፤ ሀረይ ዩድዶሮ ኤክያጌክ ሻረሙጤስ» ያጊስ።

¹⁰ኤርስዮ አሸከረት አ፥ «አዝነ ግዶንኔ መች ግዶን ዴእየ ዎገይ ሄጋ መለ ግድኮ፥ ኤኬናንኔ ጌሌነን ዴእዮጌ ኬሀ» ያግዶሶን።

¹¹ሸን ዮሱስ ኤተ ያጊስ፤ «ሀጋ መለ ትምርቴ ጦስይ እምዶጌቱስፔ አትን፥ አስ ኡባስ ግዴነ፤ ¹²አይስ ጊኮ፥ በንተ አዩ ኡሉዋፔ ዩሌትዮ ዎዴከ፥ አቱመቴት በይነን ዩሌትዳጌት ዴአሶነ፤ ቀስ አስ ቃረትዶጌትከ ዴአሶነ፤ ቀስ ሰሉዋ ከዎቴታ ግሸው፥ በንተነ ቃረትዳጌት ዴአሶነ፤ ሀ ትምርትያ ኤረነው ደንደይየ አንኔ ኤሮ» ያጊስ።

ዮሱስ ጉተ ናቱ ቦል በ ኩሽያ ዎቲስ

(መርቆስ 10:13-16፤ ሉቃስ 18:15-17)

¹³ዮሱስ ሄ ዎዴ በ ኩሽያ ጉተ ናቱ ቦል ዎትድ፥ ጦሳ ዎስነ መለ፥ እስ እስ አስይ ናተ አኮ ኤሂስ፤ ሸን ኤርስዮ አሸከረት ሄ አሳ ሀንቄትዶሶን። ¹⁴ሸን ዮሱስ፥ «ጉተ ናት ታኮ ይዮጋ ድጎፕቴ፤ አይስ ጊኮ፥ ሰሉዋ ከዎቴተይ ሀጌቱ መላሰ» ያጊስ።

¹⁵ያግድ በ ኩሽያ ኤተ ቦል ዎትዶጋፔ ጉይየን፥ ሄጋፔ አግ በይድ ቢስ።

ዮሐን፥ ዱሬ ብተንያ አይሻ

(መርቆስ 10:17-31፤ ሉቃስ 18:18-30)

16 እስ ብተኔ ዮሱስኮ ዩድ፥ «ተማርስያ፥ ታን ሜርና ዴኡዋ ዴመነው ሎኣባ አይ ኦቶ?» ያጊስ።

17 ዮሱስ አ፥ «ሎኣበይ አይበኮ ተነ አይስ አይቸይ? እሱዋ ጠላለይ ሎኣ፤ ሽን ኔን ሜርነው ዴኣነው ኮይኮ፥ አዘዘተ ናገ» ያጊስ።

18 ብተኔ፥ «አውጌተ?» ያግድ አይቺስ።

አይችን ዮሱስ ዛርድ፥ «ዎርፕ፤ ሻረመጦፕ፤ ዉቆፕ፤ ዎርዶ መርከቶፕ፤
19 ኣዋኔ ኔ አይዮ ቦንቸ፤ ኔ ሽሩዋከ ኔ ሁጺደን ሲቀ» ያጊስ።

20 ሄ ዮሐን ብተኔ ዮሱስ፥ «ታን ሄጋ ኡባከ ጉተ ናቴታሰፔ ዶመደ ናጋስ፤ ያትን፥ ተው ፕጭያብ አይቤ?» ያጊስ።

21 ዮሱስ ብተንያ፥ «ኔን ፖልደ አስ ግደነው ኮይኮ፥ ባደ ኔዮ ዴእያባ በይዘደ፥ ሄ ሚሻ ህዩሰው እመ፤ ኔን ሰሉውን ዱሬተነ፤ ያተደ ያደ ተነ ካለ» ያጊስ።

22 ሽን ሄ ዮሐን ብተኔ ሄጋ ስይዶ ዎዴ፥ እ ደሮ ዱሬ ግድዮ ግሸው፥ ቀሬቲድ አግ በይድ ቢስ።

23 ዮሱስ በ ኤርስዮ አሽከረቱስ፥ «ታን እንቴዮ ቱማ ገይስ፤ ዱሬ አስ ሰሉዋ ከዎቴታ ጌለናጌ ደሮ ሜቶ ግደነ። 24 ታን ጉጀደከ እንቴዮ አደይስ፤ ዱሬ አስ ጦሳ ከዎቴታ ጌለናጋፔ፥ ጋሚለይ መርፕያ ጦእያረ አደናጌ መተቴስ» ያጊስ።

25 ኤርስዮ አሽከረት ሄጋ ስይድ ገረሜትድ፥ «ያትን፥ አን አተነው ደንደዩ?» ያግዶሶን።

26 ዮሱስ ኤተ ትሽ ኦት ጤልድ፥ «ሀጌ አሰው ደንደዩቴነ፤ ሽን ጦሰው ኡበበይ ደንደዩቴስ» ያጊስ።

27 ጴጥሮስ ሄ ዎዴ ዛርድ ዮሱስ፥ «ቤኣ፥ ኑን ኑዮ ዴእየ ኡበባ አግ በይድ፥ ኔነ ካልደ፤ ያትድ ኑን አይ ዴመኔሸ?» ያጊስ።

28 ያግን ዮሱስ ኤተ ሀጋደን ያጊስ፤ «ታን እንቴዮ ቱማ ገይስ፤ ታን፥ አስ ነአይ፥ አረተ ቢተን ተ ከዎታ አራተን ኡትዮ ዎዴ፥ ተነ ካልደ እንቴከ ተመኔ ናኡ እስራኤል ዘሬቱ ቦል ፕርደነው፥ ተመኔ ናኡ ከዎታ አራተን ኡተነ። 29 ተ ሱንታ ግሸው፥ ኬተተ ዎይ እሸንተ ዎይ ምቹንተ፥ ዎይ አዋ ዎይ አይዮ ዎይ መችዮ፥ ዎይ ናተ ዎይ ገድያ አግደ ኦንኔ፥ ጤቱ ኩሽያፔ ድቻ ኤከነ፤ ቀስ ሜርና ዴኡዋከ ላተነ። 30 ሽን ደሮት ሀእ ስንተን ዴእያጌት ጉዬ አደነ፤ ቀስ ደሮት ሀእ ጉዬን ዴእያጌት ስንተው አደነ።

ዎይንያ ቱራ ግደን ኦትየ አሰንቸቱ ሌምሱዋ

20 1 «ሰሉዋ ከዎቴተይ ዎይንያ ግዮ ቱራ ግዱዋ አሰንቸተ ኬራ አትሰነው፥ ማለዶ ጉራረ ክይደ ዎይንያ ቱራ ጎዳ ምለቴስ። 2 እ

ሄ አሰንቸቱሮ ሆች ሆች እስ ሽልንጌ ቀንጠነው ኤታረ ጊግድ፥ በ ዎይንያ ቱራ ግዱዋ አትሰነው ኤተ ዩዲስ።

3 «ቀስ ሄዙ ሳቴ ግድሽን ክይድ፥ አሶይ በይነን ቆጨን ኤቅደ ሀረ አሰተ ቤእድ፥ 4 ኤተ፥ (እንቴክ ቀስ ተ ዎይንያ ቱራ ግዱዋ አተነው ቢቴ፤ ታን እንቴሮ ቤስየ ዋጋ ቀንጠነ) ያጊስ፤ ያግን ኤት ቢዶሶነ፤ 5 ናአንቴዋክ ኡሱፑን ሳትያንጌ ኡዱፋን ሳትየን ክይድ፥ ሄጋደን አቲስ። 6 ተመኔ እሲን ሳትየን እ ክይሮ ዎዴ፥ ሀረት ሄገን ኤቅዳጌተ ዴምድ፥ (አሶ አቴነን ኩሜተ ገለሳ ሀገን አይስ ኤቅ ፔእዴቲ?) ያጊስ።

7 «ያግን ኤት፥ (ኑነ አትስየ አስ ጠይዶ ግሸው ኤቅ ፔእደ) ያግዶሶነ።

«እ፥ (እንቴክ ቀስ ተ ዎይንያ ቱራ ግዱዋ አተነው ቢቴ) ያጊስ።

8 «ሰአይ አመርሮ ዎዴ፥ ዎይንያ ቱራ ጎደይ አሰንቸቱ ሀለቃ፥ (አሰንቸተ ጤሰደ፥ ዉርሴተን አሱውን ጌልዳጌቱፔ ዶመደ ኮይሮ ጌልዳጌተ ገከናስ፥ ኤተ ደሞዛ ቀንጠ) ያጊስ።

9 «ተመኔ እሲንንተ ሳትየን አሱዋ ዶምዳጌት ዬድ፥ ሁጵየን ሁጵየን እስ እስ ሽልንግያ ኤክዶሶነ። 10 ኮይሮ አሱዋ ዶምደ አሰት ዬዶ ዎዴ፥ ደሩዋ ኤክነው ቆፕዶሶነ፤ ሽን ኤትከ ሁጵየን ሁጵየን እስ እስ ሽልንግያ ኤክዶሶነ። 11-12 ኤክድ፥ (ሀ ጉዬፔ ዬዳጌት እስ ሳቴ ጠላላ አትዶሶነ፤ ኩሜተ ገለሳ ዳፋራጌ ሆምብያ ኤክደ ኑጋረ ኤተ ደሞዛ ለጌ አተደሰ) ያግድ በንተነ አሱውን ጌልስዳጋ ቦል ዙዙምዶሶነ።

13 «ሽን እ ኤተፔ እሱዋ ሀጋደን ያጊስ፤ (ተ ጃለው፥ ታን ኔነ ናቀቤይኬ፤ እስ ሽልንግየን ተናረ ጊገቤይኪዬ? 14 ኔጋ ኤክደ በ፤ ታን ሀ ዉርሴተን አሱውን ጌልዳጋስከ ኔጋ ኬና እመነው ኮየይስ። 15 ታን ተ ሚሸን ተ ኮይዶባ አተነው ተው ማት ባዌ? ዎይ ታን ኬሀ ግድዶ ግሸው፥ ኔን ቀናተይ?) ያጊስ።

16 «ሄጋደንከ፥ ቀስ ጉዬጌት ስንተው አደነ፤ ስንታጌት ጉዬ አደነ፤ አይስ ጊኮ፥ ጤሴትዳጌት ደሮ፤ ሽን ዶሬትዳጌት ጉተ» ያጊስ።

ዩሱስ በ ሀይቁዋባ ሄዘንቱዋ አዲስ

(መርቆስ 10:32-34፤ ሉቃስ 18:31-34)

17 ዩሱስ ዩሩሰላሜ ቢድ፥ አግየን በናረ ብየ ተመኔ ናኡ ኤርስዮ አሸከረተ ገጣ ኬስድ፥ ዱመ ኤተስ ያጊስ። 18 «ቤእቴ፥ ኑን ዩሩሰላሜ ሀእ ክዬቴስ፥ ያን ተነ፥ አሰ ነአ ቄሴ ሀለቀቱስጌ ህግያ ተማርስያጌቱስ አትድ እመነ፤ ኤት ተ ቦል ሀይቆ ፕርዳ ፕርደነ። 19 ቀስ አይሁደ ግዴነ አሳስከ ተነ አትድ እመነ፤ ሄ አይሁደ ግዴነ አሰይ ተ ቦል ቅሊጨነጌ ተነ ልሱውን ገረፈነ፤ ያትድ መስቀልያ ቦል ምስማርየን ጥሸድ፥ ተነ ከቀነ፤ ከቅን ታን ሄዘንቶ ገለስ ሀይቁዋፔ ዴንደነ» ያጊስ።

ዘብድዮስ ናቱ አይደለም

(መርቆስ 10:35-45)

20ሄ ዎይ ዘብድዮስ ናቱ አይደለም በ ናቱረ ዩሱስኮ ያሱ፤ ያደ አ ስንተን ጉልበተደ እስባ አ ዎሳሱ።

21ዩሱስ አ፥ «አይ ኮየይ?» ያግድ አይቺስ።

አ ዛረደ፥ «ሀ ተ ናኡ ናት ኔ ከዎቼተን እሶይ ኔፔ ኡሸቸ በጋረ፥ ቀስ እሶይ ኔፔ ሀድርስ በጋረ ኡቶነ ገርኪ» ያገደ ዎሳሱ።

22ሽን ዩሱስ ዛርድ ናተ፥ «እንቴ አይ ዎስያኮ ኤሬኬተ፤ ታን ኡየነ ቡርጨኩዋፔ ኡየነውኔ ታን ጠመቄተነ ጥንቀትያ ጠመቄተነው ደንደዩቲ?» ያጊስ።

ያግን ኤት፥ «ኤ ደንደዮስ» ያግዶሶነ።

23ዩሱስ፥ «ታን ኡይዮ ቡርጨኩዋፔ ቱመከ እንቴ ኡየነ፤ ሽን ታፔ ኡሸቸ በጋረኔ ሀድርስ በጋረ ኡተናጌተ ዶረነው ታዮ ማት ባወ፤ ሽን ሄ ሶሆይ ተ አወይ እመነው ጊግስ ዎትዶጌቱስ» ያጊስ።

24ሀንኮ ተሙ ኤርስዮ አሸከረት ሄጋ ስይዶ ዎይ፥ ሄ ናኡ እሸንተ ሀንቄትዶሶነ። 25ሽን ዩሱስ ኤተ ኡባ ባኮ ጤስድ፥ ሀጋደን ያጊስ፤ «አይሁደ ግዴናጌቱ ሀለቀትኔ ሄጌተ ካሌትየ አሰት በንተ አሳ ሃርዮጋ ኤሬተ። 26እንቴ ግዶን ሄጋ መለ ግዴነ፤ ሽን እንቴ ግዶን ግተተነ ኮይየ አንኔ እንቴዮ አሸከረ ግደነው ቤሴስ። 27ቀስ እንቴ ግዶን ኡባፔ ቦለ ግደነ ኮይየይ አንኔ እንቴዮ አይሌ ግደነው ቤሴስ። 28ሄጋደን ታን፥ አሰ ነአይ፥ አሳዮ ኡተነውኔ ደሮ አሳ ዎዘነው ተ ሺምፑዋ እመነው ዩዶጋፔ አትን፥ አስ ተው ኡተነው የቤይኬ» ያጊስ።

ዩሱስ ናኡ ቆቂተ ፕቲስ

(መርቆስ 10:46-52፤ ሉቃስ 18:35-43)

29ዩሱስኔ ኤርስዮ አሸከረት የርኮፔ ክይሽን፥ ደሮ አሰይ ኤተ ካሊስ። 30ናኡ ቆቂ አሰት አግያ ዶነን ኡትዳጌት ዩሱስ ሄጋረ አድዮጋ ስይድ፥ በንተ ቃላ ጦቄ አትድ፥ «ጎደው፥ ዳውተ ነአው፥ ኑነ ማረርኪ» ያግዶሶነ።

31ደሮ አሰይ ኤተ፥ «ሀይዝቴ» ጊድ ሀንቄቲስ፤ ሽን ኤት በንተ ቃላ ኬህ ጦቄ አትድ፥ «ጎደው፥ ዳውተ ነአው፥ ኑነ ማረርኪ!» ያግዶሶነ።

32ዩሱስ አግየን ኤቅድ፥ ኤተ ጤሲስ፤ ጤስድ፥ «ታን እንቴዮ አይ ኡተነው ኮዩቲ?» ያጊስ።

33ቆቂት፥ «ጎደው፥ ኑ አይፍያ ፕተርኪ» ያግዶሶነ።

34ዩሱስ ኤተው ቀሬትድ፥ ኤተ አይፍያ ቦቺስ፤ ሶሁዋረከ ኤተ አይፌ ጤል አግን፥ አ ካል በይዶሶነ።

ዮሴስ ግተ በንቼውን ዮሩሰላሜ ጌሊስ

(መርቆስ 11:1-11፤ ሉቃስ 19:28-40፤ ዮሃንስ 12:12-19)

21 ¹ኤት ዮሩሰላሜ መትድ፥ ደብረ ዘይቲ ግዮ ዴርያ ለንቅየን ዴእየ ቤተፋጌ ግዮ ቁር ከተማ ገክዶሶነ፤ ዮሴስ ኤርስዮ አሽከረቱ፤ ናኣ ስንተው ኪትድ፥ ²ኤተ ሀጋደን ያጊስ፤ «እንቴ፤ ስንተን ዴእየ ቁር ከተማ ቢቴ፤ ቢድ እስ ሀርያ ቀሹውን ዴእያሮ እ መራራ እንቴ ሶሁዋረ ዴመነ፤ ኤተ ብርሽድ፥ ተው ኤክ ዩቴ። ³ኣንቴ እንቴነ አይችኮ፥ ሃደይ ሀጌተ ኮዩስ) ያግቴ፤ ሶሁዋረክ እ ኤተ ዩድ በየነ» ያጊስ። ⁴⁻⁵ሀነነባ ዮትያጌ፥

«ጥዮኔ ከተመው፥

«ቤኣ፥ ኔ ከዎይ አሽኪ ግድድ፥

ሀርያ ቦል፥ ሀሬ መራ ቦል ኡትድ፥

ኔኮ ዮስ) ያግቴ»

ያግድ ሃሰይዶጌ ፖሌተነ መለ፥ ሀጌ ሀኒስ።

⁶ኤርስዮ አሽከረት ቢድ፥ ዮሴስ በንተነ አዘዝዶጋደን ኣትዶሶነ። ⁷ሀርዮኔ ሀሬ መራ ኤሂድ፥ በንተ ማዩዋ ኤተ ዞኩውን ሂጥዶሶነ፤ ሂጥን ዮሴስ ቶጊስ። ⁸ሄ ደሮ አሳ፤ ደርየ በገይ በ ማዩዋ ኣግየን ሂጢስ፤ ቀስ ሀረት ምታ ተሽያ ከር ከርድ፥ ኣግየን ሂጥዶሶነ። ⁹ዮሴስ፤ ስንታረ ሄሜትየ ደሮ አሰይጌ ቀስ ኣ ጌዱዋ ካልየ ደሮ አሰይ፥ በ ቃላ ጦቁ ኣትድ፥

«ዳውተ ነኣይ ገለቴቶ!

ጎዳ ሱንተን ይያጌ አንጄትዳጋ!

ጦሰይ ገለቴቶ!»

ያጊስ።

¹⁰ዮሴስ ዮሩሰላሜ ከተማ ጌልዶ ዎዴ፥ ከተመን ዴእየ አሰይ ኡቦይ፥ «ሀጌ ኣኔ?» ያግድ ሸብሬቲስ።

¹¹አሰይ፥ «ሀጌ ገሊለን ዴእየ ናዝሬተ ግዮ ከተማ፤ ዩደ ሀነነባ ዮትየ ዮሴስ» ያጊስ።

ዮሴስ ቤተ መቅደስያ ጌሊስ

(መርቆስ 11:15-19፤ ሉቃስ 19:45-48፤ ዮሃንስ 2:13-22)

¹²ዮሴስ ቤተ መቅደስያ ጌልድ፥ ሄገን በይዝያጌተኔ ሸምያጌተ ኡባ ከሬ ዮዴቲስ፤ ቀስ ሚሻ ላምያጌቱ ጠረጴዛጌ ሀረጵያ በይዝያጌቱ ኣይድያ ኣት ዮግድ፥ ¹³ኤተ፥ «ጦሳ መጣፈን፥ (ተ ኬተይ ጦሳ ዎስዮ ኬተ ጌቴተነ) ያጌትድ ጣፌት ኡቲስ፤ ሽን እንቴ ኣ ፐንገት ቆሴትዮ ጎንጎሎ ኬሴተ» ያጊስ።

¹⁴ቆቂትኔ ቶሆይ ስልዶጌት ዮሴስኮ ቤተ መቅደስያ ይን፥ እ ኤተ ፐቲስ። ¹⁵ሽን ቁሴ ሀለቀትኔ ህግያ ተማርስያጌት ዮሴስ ኣትዮ ኣረተባ

ቤእዶ ዎዴኔ፥ ጉተ ናት ቤተ መቅደስየን በንተ ቃላ ጠቁ አትድ፥
«ዳውተ ነአይ ገለቴቶ» ያግዮጋ ቤእዶ ዎዴ ሀንቄትዶሶነ።

16 ሀንቄትድ ዩሱስ፥ «ሀኔት ግዮጋ ስየይ?» ያግዶሶነ።

ዩሱስ፥ «ኤ ስየይስ፤ ጦሳ መጣፈይ፥ ሩጉተ ናትኔ ጠምየ ናት ኔነ
ገለተነ መለ፥ ኤተ ኤርስደስ» ያግዶጋ ሙሌክ ነበባቤኬቲ?» ያጊስ።

17 ዩሱስ ኤተ አግ በይድ፥ ሄ ከተማፔ ቢታንያ ግዮ ከተማ ቢድ፥ ያን
አቂስ።

አይፌ ጠይዶ በለሴ ምትዮ

(መርቆስ 11:12-14፥20-24)

18 ዩሱስ ማለዶ ከተማ ስምድ ዩድ ነምሴቲስ። 19 አግዶ ዶነን እስ
በለሴ ግዮ ምትዮ ቤእድ፥ እኮ ቢስ፤ ቢድ ሄ በለሴን ሀይተ ጠላለፔ
አትን፥ አይፌ አይኔ ዴምቤነ፤ አ፥ «ናአንቱዋ ሜርነውከ አይፎፕ»
ያግን፥ ሄ በለስያ ሶሁዋረ ሜለ አጋሱ።

20 ኤርስዮ አሽከረት ሄጋ ቤእድ ገረሜትድ፥ «ሀ በለስያ ዋነደ እስ
ኩተን ሜለ አገዴ?» ያግዶሶነ።

21 ዩሱስ ዛርድ፥ «ታን እንቴዮ ቱማ ገይስ፤ እንቴ አመኖይ ዴእዮጌተኔ
ስፊናጌተ ግድኮ፥ ሀ በለስዮ ታን አትዶጋ መለ ጠላላ ኦቴኬተ፤ ሽን
ሀረይ አቶ እንቴ ሀ ዴርያ፥ (ዴንደደ አበን ኩንደ) ጊኮከ ሀነነ፤ 22 እንቴ
አመንድ ጦሳ ዎስዮባ አይበ ግድኮከ ኤከነ» ያጊስ።

ዩሱስ አላፌቴተይ ዩዲሳ

(መርቆስ 11:27-33፤ ሉቃስ 20:1-8)

23 ዩሱስ ቤተ መቅደስያ ዩድ ተማርስሽን፥ ቄሴ ሀለቀትኔ አይሁደ
ጭመት አኮ ዩድ፥ «ኔን ሀጋ ኦተነው ኔዮ አይ አላፌቴት ዴኢ? ኔዮ ሀ
አላፌቴታ ኦኔ እምደይ?» ያግዶሶነ።

24 ዩሱስ ዛርድ ኤተ፥ «ታንከ እንቴነ እስባ አይቸነ፤ እንቴ ተው ሄጋ
አድኮ፥ ታን ሀጋ አይ አላፌቴተን አትያኮ፥ እንቴዮ አደነ፤ 25 ዮሃንስ
ጠመቅዮ አላፌቴተይ አወፔ ዩዴ? ጦሳፔ ዩዴዬ አስፔ ዩዴ?» ያጊስ።

ኤት በንተ ግዶን ፐለማ ዶምድ፥ «ኑን፥ (ጦሳፔ ዩስ) ያግኮ እ ኑን፥
(ያትን፥ ዮሃንስ ዮትዶጋ አይስ አመንቤኬቲ?) ያገነ። 26 ሽን ኑን፥ (አስፔ
ዩስ) ያግኮ፥ አስይ ኡብይ ዮሃንስ ሀነነባ ዮትያጋ ግድዶጋ ኤርዮ ግሸው፥
አሰው ዮዮስ» ያግዶሶነ። 27 ኤት ዩሱሰዮ፥ «ኑን ኤርኮ» ያግድ ዛርዶሶነ።

ዩሱስ፥ «ታንከ ሀጋ አይ አላፌቴተን አትያኮ፥ እንቴዮ አድኬ።

ናኡ ናቴ ሌምሱዋ

28 «ሽን እንቴ አይ ቆፔቲ? ናኡ ናት ዴእዮ እስ ብተኔ ዴኤስ፤ ሄ
ብተኔ በይረ ነአኮ ቢድ፥ ሩተ ነአው፥ ሀች ባደ ተ ዎይንያ ቱራ አተ»

ያጊስ።²⁹ ነአይ ዛርድ፥ «እጣስ» ጊስ፤ ሽን ጉዬፔ በ ዎዘንን ቆጥ ኤክድ፥ ዎይንያ ቱራ አተነው ቢስ።³⁰ አወይ ህንኮ ነአኮ ቢድ፥ በይረው ጊዶጋደንከ አው ጊስ፤ ካሎ ነአይ ዛርድ፥ «ኤሮ ተ ጎደው» ያጊስ፤ ሽን ብቤነ።³¹ ሀ ናኡ ናቴፔ በ አወይ ኮይዶጋ አትዳጌ አውጌ?» ያጊስ።

ያግን ኤት፥ «በይራ» ያግዶሶነ።

ዬሱስ ኤተ ሀጋደን ያጊስ፤ «ታን እንቴዮ ቱማ ገይስ፤ ጊራ ኤክያጌትኔ ሻረሙጠት እንቴፔ ስንተትድ፥ ጦሳ ከዎቴታ ጌለነ።³² አይስ ጊኮ፥ ጠመቅየ ዮሃንስ ጥሎቴታ አግያ ተማርሲድ፥ እንቴኮ ይን፥ እ ግዮጋ አመንቤኬተ። ሽን ጊራ ኤክያጌትኔ ሻረሙጠት እ ግዮጋ አመንዶሶነ፤ እንቴ ሀረይ አቶ ሄጋ ቤእድከ፥ እንቴ ነገራፔ ስምድ፥ እ ግዮጋ አመንቤኬተ» ያጊስ።

ዎይንያ ቱራ ግዶን አትየ ጎሽንቸቱ ሌምሱዋ

(መርቆስ 12:1-12፤ ሉቃስ 20:9-19)

³³ ቀስከ ዬሱስ ሀጋደን ያጊስ፤ «ሀረ ሌምሱዋከ ስይቴ፤ ዎይንያ ግዮ ቱራ ቶክደ እስ ብተኔ ዴኤስ፤ ዎይንያ ቱራ ዩሽ አትድ ድረስ፤ ቀስ ሄ ዎይንያ ጉምእዮ አላከ በኪስ፤ ሄጋ ናግየ አሳዮ አዱስ ሹቻ ግምቢስ። ሄጋፔ ጉይየን፥ ኮታ አትየ አሰው እምድ፥ ሀረ ዴሬ ቢስ።³⁴ ዎይንያ አይፍያ መጥዮ ዎዴ ገክን፥ በነ ገክያጋ ኤክድ ያነ መለ፥ በ አሽከረተ በ ኮታወቱኮ ኪቲስ።³⁵ ኮታወት አ አሽከረተ አይቅድ፥ እሱዋ ወድዶሶነ፤ እሱዋ ዎርድ፥ ቀስ ህንኩዋ ሹቸን ጨድዶሶነ።³⁶ ቀስከ ሄ ብተኔ ከሴጌቴፔ ደርየ ሀረ አሽከረተ ኪቲስ፤ ኮታወት ሄ አሽከረተከ ከሴጌቱደን አትዶሶነ።

³⁷ «ሽን ዉርሴተን እ፥ «ተ ነአ ኤት ቦንቸን» ያግድ በ ነአ ኤተኮ ኪቲስ።

³⁸ «ሽን ኮታወት ነአ ቤእድ፥ በንተ ግዶን፥ «ገድያ ላተናጌ ሀጋ፤ ህንድቴ አ ዎርድ፥ ገድያ ኑን ላቶስ» ያግዶሶነ።³⁹ ነአ አይቅድ፥ ዎይንያ ቱራ ግዶፔ ገጣ ኬስድ ዎርዶሶነ።

⁴⁰ «ስም ዎይንያ ቱራ ጎደይ ይዮ ዎዴ፥ ሄ ኮታወተ ዋተኔ?» ያግድ አይቺስ።

⁴¹ አይቺን ኤት፥ «እ ሄ ኢተ አሰተ ዎር ዉርስድ፥ ዎይንያ ቱረይ አይፍዮ ዎዴ በነ ገክያጋ ዎድየን ሼድየ ሀረ ኮታወቱዮ እመነ» ያግዶሶነ።

⁴² ዬሱስ ኤተ ሀጋደን ያጊስ፤

««ግምብያጌት ከርድ እጥዶ ሹቸይ

ጎዳ ጠጹዋ ምንትየ፥ አባፔ አድየ ሹቸ ግዲስ።

ሀጌ ጎደይ አትዶባ፤

ቀስ ኑ አይፍየውከ ገረምስያባ)

ያግያጋ ጦሳ መጣፋፔ ሙሌከ ነበብቤኬቲ?

43 «ሄጋ ግሸው፥ ታን እንቴዮ አደይስ፤ ጦሳ ከዎቴተይ እንቴፔ ኤኬትድ፥ ሎኦ አይፍያ እምየ አሰው እሜተነ። 44ሄ ሹቻ ቦል ኩንድየ አብይ ሜቄሬተነ፤ ቀስ ሄ ሹቻይ አሰ ቦል ኩንድኮ፥ ሄ ኩንድዶ አራ ጋጨነ» ያጊስ።

45ቄሴ ሀለቀትኔ ፐርሳዌት ዮሱስ አድዶ ሌምሱዋ ስይዶ ዎዴ፥ በንተባ ሃስይዮጋ ኤርዶሶነ። 46ኤት ዮሱስ አይቀነው ኮይዶሶነ፤ ሽን ዮሱስ ደሮ አሰይ ሀነነባ ዮትያጋ ጊድ ቆፕ አትዶ ግሸው፥ ሄ አሰው የይዶሶነ።

ቡለቻ አዱዋ ሌምሱዋ

(ሉቃስ 14:15-24)

22

1ዮሱስ አሳዮ ናአንቱዋ ሌምሱውን ሀጋደን ያግድ ሃሰዬስ፤

2«ሰሉዋ ከዎቴተይ በ ነአዮ ቡለቻ መክደ ከዉዋ መለ። 3ሄ ከዎይ ቡለቻ አድ ዎትዶ አሰተ ጤሰነው በ አሽከረተ ኪቲስ፤ ሽን አሰት ያነው ኮይቦኮነ።

4«ቀስ ሀረ አሽከረተ፥ (ጤሴትዳጌተ፥ «ታን ቁማ ጊግሳስ፤ ተ ሰንገትኔ ተ ደደሮት ሹሄትዶሶነ፤ አብበይከ መሄቲስ። ቡለቻ ሃ ዩቱ» ያግቱ) ያግድ ኪቲስ። 5ሽን ጤሴትዳጌት ኮዬነን እጥድ፥ በንተ አሰውወ አሰውወ ቢዶሶነ፤ እሶይ በ ሃሸው ብን፥ ሀንኮይ በ ዘልእየው ቢስ። 6አትዳጌት ቀስ ከዉዋ አሽከረተ አይቅድ ወድድ ዎርዶሶነ።

7«ከዎይ ደሮ ሀንቄቲስ፤ ቀስ በ ዎታደረተ ዩድድ፥ ሄ ሼምፑዋ ዎርዳጌተ ዎርስድ፥ ኤተ ከተማ ጡግሲስ። 8ሄጋፔ ጉይየን፥ በ አሽከረተ፥ (ቡለቻይ መሄቲስ፤ ሽን ጤሴትዳጌት ቡለቻው ቤስየ አሰ ግዶኮነ። 9ሄጋ ግሸው፥ ዎገ አግያ ቢድ፥ እንቴ ዴምዶ አሰ አባ ቡለቻው ጤስቴ) ያጊስ። 10ሄ አሽከረት አግያ ቢድ፥ በንተ ዴምዶ አሰ አባ ሎኦዋ ኢታ ሺሽድ፥ ቡለቻ ዳስያ ኩንትዶሶነ።

11«ሽን ከዎይ ቁማ ማነው አትደ አሳ ቤአነው ጌልዶ ዎዴ፥ ቡለቻ ማዩዋ ማይቤነ እስ ብተንያ ሄገን ቤእድ፥ 12(ተ ጃለው፥ ቡለቻ ማዩዋ ማዩነን ዋነደ ሀጋ ጌለዲ?) ያግን ብተኔ ጮኡ ጊስ።

13«ሄጋፔ ጉይየን፥ ከዎይ በ አሽከረተ፥ (ሀ ብተንያ ኩሽያኔ ቶሁዋ ቀችድ፥ ከሬ ጡማ ኬስ አልቴ፤ እ ሄገን ዩከነኔ አቻ ገርጨነ) ያጊስ።

14«አይስ ጊኮ፥ ጤሴትዳጌት ደሮ፤ ሽን ዶሬትዳጌት ጉተ» ያጊስ።

ጊራ ጊሬታባ አይቻዶ አይሻ

(መርቆስ 12:13-17፤ ሉቃስ 20:20-26)

15ሄጋፔ ጉይየን፥ ፐርሳዌት ቢድ፥ አ ሃሰያፔ በለ ዴምድ፥ አ አይቀነ መለ መቄትዶሶነ። 16ቀስ በንተ ኤርስዮ አሽከረቱፔኔ ሄሮድስ በገቱፔ አመርዳጌተ አኮ ኪትዶሶነ። ኪትን ኤት፥ «ተማርስዶን፥ ኔን ቱማ ሃሰይዮጋኔ ጦሳ አግያ ቱመቴተን ተማርስዮጋ ኑን ኤርስ፤ አይስ ጊኮ፥ ኔን

አሰፔ አሰ ሻከከኔ ዱመየከ።¹⁷ ኔ ቆፊይ አይበኮ ኑዮ አደ፤ ኑን ሮሜ ቢታ ከዉዋ ቄሳረዮ ጊራ ጊርዮጌ ዎጌዬ ዎገ ግዴኔ?» ያግዶሶን።

¹⁸ሽን ዮሱስ ኤተ ኢተ ቆፋ ኤርድ፥ «ሀ ሎኦ ምለትየ ኢተ አሰቶ፥ አይስ ተነ ፓጩቲ?» ¹⁹ጊራ ቀንጥዮ ሚሻ ተነ ቤስቱ» ያጊስ። ያግን ኤት ሰንትምያ አው ኤሂዶሶን። ²⁰እ፥ «ሀ ሜረይኔ ሱንተይ አጌ?» ያጊስ።

²¹ያግድ ኤተ አይችን፥ ኤት፥ «ሮሜ ቢታ ከዉዋ ቄሳራጋ» ያግዶሶን።

ሄጋፔ ጉይየን፥ ዮሱስ ኤተ፥ «ያትኮ፥ ቄሳራጋ ቄሳረስ፥ ጦሳጋ ጦሳስ እምቱ» ያጊስ። ²²ኤት ሄጋ ስይዶ ዎዴ፥ ገረሜትድ አ ዬግ በይድ ቢዶሶን።

ሀይቅዳጌቱ ዴንዱዋባ

(መርቆስ 12:18-27፤ ሉቃስ 20:27-40)

²³ሀይቅደ አሰ ዴንዴጌን ግየ ሳዱቃዌቱፔ እስ እስ አሰት ሄ ገለስ ዮሱሰኮ ዩድ፥ ሀጋደን ያግድ፥ አ አይችዶሶን፤ ²⁴«ተማርስያ፥ ሙሴ፥ (እስ አሰ ነአ ዮሌንን ሀይቅኮ፥ ሄ ሀይቅዳጋ እሸይ አ መችዮ አይስድ፥ በ እሻዮ ነአ ዮሌነው ቤሴስ) ያጊስ። ²⁵ኑናረ ላፑን እሸንት ዴአሶን፤ በይረይ መችዮ ኤክድ፥ ነአ ዮሌንን ሀይቂስ፤ ሀይቅን አ መችዮ አ እሸይ አይሲስ። ²⁶ቀስ ናአንቶይክ ሀይቂስ፤ ሄዘንቶይክ፥ ላፑንተ ገከናሽንከ ሄጋደን ሀንዶሶን። ²⁷ኡባፔ ጉይየን፥ ሄ መጫስያ ሀይቃሱ። ²⁸ያትን፥ ሀይቅደ አሰይ ሀይቂዋፔ ዴንድዮ ገለስ ሄ መጫስያ ላፑነቱፔ አውጋዮ መች ግደኔ? አይስ ጊኮ፥ ላፑነት ኡበይክ አ ኤክዶሶን» ያግዶሶን።

²⁹ዮሱስ ዛርድ፥ ሀጋደን ያጊስ፤ «ጦሳ መጣፊተ ዎይ አ ዎልቃ እንቱ ኤሬጌ ግሸው በሌተ። ³⁰አይስ ጊኮ፥ ሀይቅደ አሰይ ሀይቂዋፔ ዴንድዮ ገለስ፥ ሰሉውን ዴእየ ኪተንቸቱ መለ ግደናፔ አትን፥ አቱማስኔ ኤኬን፤ መጫስኔ ጌሌን። ³¹⁻³²ሽን ሀይቅዳጌቱ ዴንዱዋባ ግድኮ፥ ጦሰይ፥ (ታን አብረሃመ ጦሳ፥ ይሳቀ ጦሳ፥ ያቆበ ጦሳ) ያግድ እንቱዮ አድዶጋ ሙሌከ ነበብቤኬቲ? ጦሰይ ፐጠ ዴእያጌቱ ጦሳ ግድዮጋፔ አትን፥ ሀይቅዳጌቱ ጦሳ ግዴን» ያጊስ።

³³ደሮ አሰይ ሄጋ ስይድ፥ አ ትምርትየን ገረሜቲስ።

ኡባፔ አድየ አዘዙዋ

(መርቆስ 12:28-34፤ ሉቃስ 10:25-28)

³⁴ሽን ዮሱስ ሳዱቃዌተ ጮኡ አትዶጋ ፐርሳዌት ስይዶ ዎዴ፥ እስሳ ሺቅዶሶን። ³⁵ኤተ ግዶፔ ህግያ ተማርስየ እሶይ፥ ዮሱስ ፓጩነው እስባ አይቺስ። ³⁶«ተማርስያ፥ ህግያ ግዶን ኡባፔ አድየ አዘዘይ አውጌ?» ያግድ አ አይቺስ።

³⁷አይችን ዮሱስ ዛርድ፥ ሀጋደን ያጊስ፤ «(ኔን ጎዳ ኔ ጦሳ ኔ ኩሜተ ዎዘናፔ፥ ኔ ኩሜተ ሺምፑዋፔ፥ ኔ ኩሜተ ቆፋፔ ሲቀ) ያጊስ። ³⁸ሄጌ

ኡባፔ ግተትየ አዘዞኔ ቀስ ኡባፔ አድየ አዘዞ።³⁹ ቀስ ናአንቶ አዘዞይከ አ መለ፤ ሄጌ፥ (ኔን ኔ ሾሩዋ ኔ ሁጲደን ሲቀ) ግያጋ።⁴⁰ ሙሴ ሀጌ ኡበይኔ ሀነነባ ዮትያጌቱ ትምርቴ ሀ ናኡ አዘዞቱን ቀሼቴስ» ያጊስ።

ክርስቶስባ አይችዶ አይሻ

(መርቆስ 12:35-37፤ ሉቃስ 20:41-44)

41-42 ፐርሳዌት እስሳ ሺቅዳሽን ዩሱስ ኤተ፥ «ክርስቶስባ ዎይግ ቆፔቲ፥ እ ኦ ነኤ?» ያግድ አይቺስ።

አይችን ኤተ፥ «ክርስቶስ ዳውተ ነኦ» ያግደሱ።

43 ዩሱስ ኤተ፥ «ያትን፥ ዳውት በነ ጌሽ አያነይ ሃሰይስን ክርስቶስ ዎይግድ፥ (ጎደ) ጊድ ጤሲ? 44 ቀስከ ዳውት፥

(ጎደይ ተ ጎዳ፥

«ታን ኔ ሞርኬተ ኔን ዩደ ኤቅዮባ ኦተነ ገከናስ፥

ሀገን ታፔ ኡሸቸ በጋረ ኡተ» ጊስ)

ያጊስ።⁴⁵ ዳውት ክርስቶስ፥ (ጎዳ) ጊድ ጤስኮ፥ ያትን፥ ክርስቶስ ዋንድ ዳውተ ነኦ ግዲ?» ያጊስ።

46 ዩሱሰው እስ ቃለ ዛረነው ደንደይደ እስ አስኔ ባው፤ ቀስ ሄ ገለሰፔ ዶምን፥ ሀረ አይሸ አ አይቸነው ጠልደይ አንከ ባው።

ሙሴ ህግያ ተማርስያጌቱኔ ፐርሳዌቱ ኢተቴታ

(መርቆስ 12:38-39፤ ሉቃስ 11:43-46፤ 20:45-46)

23

¹ ሄጋፔ ጉይየን፥ ዩሱስ ሺቅደ አሳዮኔ በ ኤርስዮ አሽከረቱዮ ሀጋደን ያግድ ሃሰዩስ፤ ² «ህግያ ተማርስያጌትኔ ፐርሳዌት ሙሴ ህግያ ተማርስዮ ማታረ ዴአሶነ። ³ ሄጋ ግሸው፥ እንቴ ኦተነ መለ፥ ኤት እንቴነ አዘዝዮ ኡበባ ኦትቴኔ ቀስ ናግቴ፤ ሽን ኤት ኦትዮጋደን ኦቶፕቴ፤ አይስ ጊኮ፥ ኤት በንተ ዮትዮጋ ኦቶኮነ። ⁴ ቶከነው ዴጥየ ቶሁዋ ኤት ቀችድ፥ አስ ቶሶሶነ፤ ሽን በንተ ሁጲን ሀረይ አቶ፥ ሄ ቶሁዋ ብረድየን ቦቸነውከ ኮዮኮነ።

⁵ «ሽን ኤት በንተ ኦሶ ኡባ አስ ቤአናደን ኦቶሶነ፤ አይስ ጊኮ፥ በንተ ሶምኡዋንኔ በንተ ኩሽያ ቄስየን ቀችዮ ጥቅስያረ ዴእየ ክታፋ አሶሶነኔ በንተ ማዩዋ መጨራከ አዱሶሶነ። ⁶ አስ በንተነ እመትዮስን ቦንቾ ሶሁዋ ዶሶሶነ፤ ቀስ አይሁድ ዎስ ኬተቱንከ ደሮ ሎእየ አይድያ ዶሶሶነ። ⁷ አስ ግየን በንተነ ቦንቾድ ሰሮተናጋኔ (ተማርስያን) ጊድ በንተነ ጤሰናጋ ኮዮሶነ።

⁸ «ሽን እንቴነ ተማርስያጌ እሱዋ ጠላለ ግድዶ ግሸውኔ እንቴ ኡበይ እሸንተ ግድዶ ግሸው፥ እሶይ እሱዋ፥ (ተማርስያን) ጊድ ጤሶፕቴ። ⁹ ሀ ሰአን ኦነኔ (ኣው) ጊድ ጤሶፕቴ፤ አይስ ጊኮ፥ እንቴዮ ሰሉወን ዴእየ

እስ አወይ ዴኤስ።¹⁰ እሶይ እሱዋ፥ <ጎደው> ጊድከ ጤሶፕቴ፤ አይስ ጊኮ፥ እንቴዮ እስ ጎደይ፥ ክርስቶስ ጠላለይ ዴኤስ።¹¹ እንቴ ግዶን ኡባፕ ግተትያ፤ እንቴዮ አሸከረ ግደነው ቤሴስ።¹² በነ ግተይዮ አንከ ከውየነ፤ ቀስ በነ ከውሸዮ አንከ ግተተነ።

ህግያ ተማርስያጌትኔ ፐርሳዌት ቦሬትዶሶነ
(መርቆስ 12:40፤ ሉቃስ 11:39-42፤44፤52፤ 20:47)

13 «ሎአ ምለትየ ኢተቶ፥ ህግያ ተማርስያጌትኔ ፐርሳዌት፥ አሳዮ ሰሉዋ ከዎቴታ እንቴ ጎርድዮ ግሸው፥ እንቴዮ አዩአነ፤ አይስ ጊኮ፥ እንቴ ሁጵየውኔ ጌሌኪተ፤ ቀስ ጌለነው ኮይያጌተኔ ጌላሴኪተ።

14 «ሎአ ምለትየ ኢተቶ፥ ህግያ ተማርስያጌትኔ ፐርሳዌት አምኤቱ ኬታ እንቴ ቦንቅድ፥ እንቴዮ ሎአ ምለተነው ጦሳ ዎሳ አዱሴተ፤ ሄጋ ግሸው፥ እንቴዮ አዩአነ፤ ኡባፕ አድየ ፕርዳ እንቴ ኤከነ።

15 «ሎአ ምለትየ ኢተቶ፥ ህግያ ተማርስያጌትኔ ፐርሳዌት እንቴ እስ ኡራ አመንተነው አባንኔ ሰአን ዩይዮ ግሸውኔ ቀስ እንቴ አ አመንትዮ ዎዴ፥ ሄ ኡራ እንቴጋፔ ናኡ ኩሼ ኢትደ ጋነብየው ነአ ኦትዮ ግሸው፥ እንቴዮ አዩአነ።

16 «<አንኔ ቤተ መቅደስየን ጫቅኮ፥ አይብኔ ባወ፤ ሽን ቤተ መቅደስየን ዴእየ ዎርቀን ጫቅኮ፥ ሄ ጫቆይ አ ገኬስ> ግዩ እንቴዮ ቆቅ ኡትድ አስ ካሌትያጌቶ፥ እንቴዮ አዩአነ።¹⁷ ሀ ኤየት፥ ሀ ቆቂት፥ ዎርቀይ አዲዬ? ዎርቃ ጌሸ ኦትየ ቤተ መቅደሴ አዲ? ¹⁸ ቀስ እንቴ፥ <አንኔ የርሾ የርሸዮበን ጫቅኮ፥ አይኮከ ባወ፤ ሽን አንኔ አ ቦላ ዴእየ የርሾን ጫቅኮ፥ ሄ ጫቆይ አ ገኬስ> ያግድ ተማርሴተ።¹⁹ ሀ ኤየት፥ ሀ ቆቂት፥ የርሾይ አዲዬ? ዎይ የርሾ ጌሸ ኦትየ አ የርሸዮበይ አዲ? ²⁰ ሄጋ ግሸው፥ የርሾ የርሸዮበን ጫቅየ ኡረይ ሄ የርሸዮበንከ ጫቂስ፤ ቀስ አ ቦላ ዴእየ ኡበበንከ ጫቂስ።²¹ ቤተ መቅደስየን ጫቅየ ኡረይ፥ ሄ ቤተ መቅደስያንኔ አ ግዶን ዴእየ ጦሰን ጫቂስ።²² ሰሉውን ጫቅየ ኡረይ፥ ጦሳ ከዎታ አራታንኔ ሄ አራተን ኡትያን ጫቂስ።

23 «ሎአ ምለትየ ኢተቶ፥ ህግያ ተማርስያጌትኔ ፐርሳዌት፥ እንቴዮ አዩአነ። አይስ ጊኮ፥ ከፊተ ሰወዋፔ፥ ከትከላፔኔ ኦከሽያፔ አስረታ እንቴ እሜተ፤ ሽን ህግየን ዴእየ ኬህ ኮሽያጌተ ኦግ በዬተ፤ ሄጌት ፕርዳ፥ ማፒቴታኔ ጥሎቴታ፥ ሀረተከ አጌነን፥ እንቴ ኦተነው ቤስየ ዮሆት ሄጌተ።²⁴ እንቴዮ ቆቅ ኡትድ፥ አስ ካሌትያጌቶ፥ እንቴ ኡሻፔ ኡዱንጥያ ገጭድ፥ ጋሜላ ምቴተ።

25 «ሎአ ምለትየ ኢተቶ፥ ህግያ ተማርስያጌትኔ ፐርሳዌት፥ እንቴዮ አዩአነ። አይስ ጊኮ፥ እንቴ ሻትያዮኔ ኬርያዮ ቦለ በጋ ጌሼተ፤ ሽን እንቴዮ ግዶረ ቦንቅዮጌኔ ኡዜትዮጌ ኩም ኡቲስ።²⁶ ሀ ቆቂ ፐርሳውየው፥

23:11 ማት 20:26-27፤ መር 9:35፤ 10:43-44፤ ሉቃ 22:26

23:12 ሉቃ 14:11፤ 18:14

23:22 እስ 66:1፤ ማት 5:34

23:23 ዎጋ 27:30

ሻትያዮኔ ኬርያዮ ገርሳ ከሴተደ ጌሸርገ፤ ሄጋፔ ጉይየን፥ ቦለ በገይከ ጌሸ ግደነ።

27 «ሎአ ምለትየ ኢተቶ፥ ህግያ ተማርስያጌቶኔ ፐርሳዌቶ፥ እንቴዮ አዬአነ። አይስ ጊኮ፥ ከሬ በጋረ አኑወን ትዬትድ፥ ሎእ ኡትድ፥ ቀስ ገርስ በጋረ ሀይቅደ አስ ሜቄትኔ ዎቅደበይ ኡበበይ ኩምዶ ዱፎተ ምለቴተ። 28 ሄጋደንከ፥ ቀስ ቦለ በጋረ አስ ኡበው ጥሎ ምለቴተ፤ ሽን እንቴዮ ገርስ በጋረ ሎአ ምለትየ ኢተቴተይኔ መከለይ ኩም ኡቲስ።

29 «ሎአ ምለትየ ኢተቶ፥ ህግያ ተማርስያጌቶኔ ፐርሳዌቶ፥ እንቴዮ አዬአነ። አይስ ጊኮ፥ ሀነነባ ዮትያጌቱ ዱፉዋ ቦል ኬታ ኬጤተ፤ ቀስ ጥሎቱ ዱፉዋከ ሎይቴተ። 30 ቀስ እንቴ፥ «ኑን ቤን ኑ አወቱ ዎዴ ዴእዶባ ግድያኮ፥ ኤታረ እስፔ ሀነነባ ዮትያጌተ ዎርኮ ሽን» ያጌተ። 31 ሄጋ ግድኮ፥ ሀነነባ ዮትያጌተ ዎርዳጌቱ ናተ እንቴ ግድዶጋ እንቴ ሁጴን መርከቴተ። 32 ስም እንቴ አወት ዶምዶጋ ፖሌኬቲ!

33 «ሀ ሾሸቶ፥ ሾሻ ናቶ፥ ጋነብያ ፐርዳፔ ዋንድ አቱቴቲ? 34 ሄጋ ግሸው፥ ቤእቴ፥ ታን ሀነነባ ዮትያጌተ፥ አድደ ኤረንቸተኔ ህግያ ተማርስያጌተ እንቴኮ ኪተይስ። ኤተፔ እሱዋ እሱዋ እንቴ ዎረነኔ መስቀልያ ቦል ምስማርየን ጥሽድ ከቀነ፤ ቀስ እሱዋ እሱዋ እንቴ ዎስ ኬተቱን ልሱወን ገረፈነኔ ከተመፔ ከተመ ዩዴተነ። 35 ሄጋ ግሸው፥ ጥሎዋ አቤለ ዎርሰፔ ዶምድ፥ ቤተ መቅደስያፔኔ የርሽዮሳፔ ግዱወን እንቴ ዎርዶ በራክያ ነኣ ዘካርያስ ዎድያ ገከናስ፥ ሀይቅደ ጥሎ ኡበቱ ሱታ ግሸው፥ እንቴ ቀጠዬተነ። 36 ታን እንቴዮ ቱማ አደይስ፤ ሀ ኡበበይ ሀ ዎድያ አሳ ቦል ገከነ።

ዩሩሰላሚስ አዴትደ ምኖ አዱዋ

(ሉቃስ 13:34-35)

37 «ዩሩሰላሚ ከተማ አሰው፥ ዩሩሰላሚ ከተማ አሰው፥ ሀነነባ ዮትያጌተ እንቴ ዎሬተ፤ ጦስይ እንቴኮ ኪትዶጌተከ ሹቸን ጨዴተ፤ ኩትያ በ መረተ በ ቄፍየን ሀጽዮጋደን፥ ታን እንቴ አሳ እስ ድር ሺሸነው አፑቶ ኮይደና! ሽን ተነ ድግዴተ። 38 ቤእቴ፥ እንቴ ኬተይ ሙሌረ አነ ግደነ። 39 አይስ ጊኮ፥ ታን እንቴዮ አደይስ፤ እንቴ፥ «ነዳ ሱንተን ይያጌ አንጄትዳጋ) ጋነ ገከናሽን፥ ናአንቱዋ ተነ ቤኤኬተ» ያጊስ።

ዩሱስ ቤተ መቅደሴ ላሌተናጋ ከሴትድ አዲስ

(መርቆስ 13:1-2፤ ሉቃስ 21:5-6)

24

1 ዩሱስ ቤተ መቅደስያፔ ክይድ ቢሸን፥ ቤተ መቅደስያ ድርስ ግዶን ዴእየ ኬተተ ቤሰነው ኤርስዮ አሸከረት አኮ ዩዶሶነ። 2 ዩሱስ ዛርድ ኤተ፥ «ሀጋ ኡባ ቤኤቲ? ታን እንቴዮ ቱማ አደይስ፤ ሀ ኬተቱን ዴእየ እስ ሹቸኔ አቴነን ኡበይ ቆሌተነ» ያጊስ።

ዎድያ ዉርሴታባ

(መርቆስ 13:3-13፤ ሉቃስ 21:7-19)

3 ዩሱስ ደብረ ዘይቼ ግዮ ዴርያ ቦለን ኡትዳሽን፥ ኤርስዮ አሽከረት በንተርከ አኮ ዩድ አ፥ «ሄጌ አውዴ ሀነናኮ፥ ኑዮ አደርኪ፤ ቀስ ኔ ዩሳዮኔ ዎድያ ዉርሴታዮ መላተይ አይበ ግደኔ?» ያግዶላን።

4 ዩሱስ ዛርድ፥ ኤተ ሀጋደን ያጊስ፤ «እንቴነ አንኔ በሌቴነ መለ ናጌትቴ። 5 አይስ ጊኮ፥ ደሮ አሰት ተ ሱንተን፥ (ታን ክርስቶስ) ያጊድ ያነ፤ ዩድ ደሮ አሳ በሌተነ። 6 መተን ዴእየ አላ ጩንጉርሳኔ ሃሁውን ዴእየ አላ ኡዱዋ ስየነው እንቴ ዴኤተ፤ ሄጋ መለበይ ሀነው ቤስዮ ግሸው፥ ናጌትቴ፤ ሀርጎፕቴ፤ ሽን ዉርሴተይ ብሮነ። 7 አይስ ጊኮ፥ እስ ቢታ አሰይ ሀረ ቢታ አሳረ ኦሌተነ፤ ቀስ እስ ከዎቴተይ ሀረ ከዎቴታረ ኦሌተነ፤ ኮሸይኔ ቢታ ቃተይ ኡበሰን ዴአነ። 8 ሄጌ ኡበይከ ኮይሮ ሌሶ መለ።

9 «አሰይ ሄ ዎዴ እንቴነ ወይሰነኔ ዎረነ፤ ተ ሱንታ ግሸው፥ ዴሬ ኡበይ እንቴነ እጠነ። 10 ሄ ዎዴ ደሮት አመኑዋ አገነ፤ በንተ ግደን እሶይ እሱዋ አትድ እመነኔ እሶይ እሱዋ እጠነ። 11 ቀስ ዎርዱዋ ሀነነባ ዮትየ ደሮት ዴንድድ፥ ደሮ አሳ ጭመነ። 12 መከለይ ደርዮ ግሸው፥ ደሮ አሳ ሲቆይ እርጠነ። 13 ሽን ዉርሴታ ገከናሽን ጌንጭየ ኡረይ አተነ። 14 አሰ ኡበው መርከ ግደነ መለ፥ ከዎቴታ ዎንጌልያ ምሽራቾይ ሰአ ኡበን ኦዴተነ፤ ሄጋፔ ጉይየን፥ ዉርሴተይ ገከነ።

ሀንታረ ዋይያ

(መርቆስ 13:14-23፤ ሉቃስ 21:20-24)

15 «ሄጋ ግሸው፥ ሀነነባ ዮትየ ዳኔል አድዶ በሻ ቱነቴተይ ጌሽ ሶሁውን ኤቅዳጋ እንቴ ቤአነ፤ ሄጌ ዎይግዮጋኮ፥ ነበብያጌ አኪኮ። 16 ይሁዳ ቢተን ሄ ዎዴ ዴእያጌት ዴርያኮ በቀቶነ። 17 ኬታ ሁጵየን ዴእየ ኡረይከ በ ሶን ዴእያባ ኤከነው ዎድፖ። 18 ገዴን ዴእያጌ በ ማዩዋ ኤከነው ጉዬ ስሞፖ። 19 ሄ ዎዴ ሽሃረ መጫሰቱዮኔ ጠንትየ መጫሰቱዮ አዩአነ። 20 በልጎን ዎይ ስምበተን እንቴ በቀቴነ መለ፥ ጣሳ ዎስቴ፤ 21 አይስ ጊኮ፥ ሰአይ ሜሬቶሰፔ ሆች ገከናሽን ዴእቤነበይኔ ቀስ ሀጋፔ ስንተውከ ሙሌ ዴኤነ ኢተ ዋዩ ሄ ዎዴ ዴአነ። 22 ጦሰይ ሄ ገለሰቱ ቆዳ ጉትዮይ በይናኮ፥ አሰ ግድደይ አንኔ አቴነ፤ ሽን እ በ ዶርዶ አሰቴ ግሸው፥ ሄ ገለሰቱ ቆዳ ጉተነ።

23 «ሄ ዎዴ አንኔ እንቴነ፥ (ቤእቴ። ክርስቶስ ሀገን ዴኤስ) ዎይ፥ (ሄገን ዴኤስ) ያግኮ አባ አመኖፕቴ። 24 አይስ ጊኮ፥ ዎርደንቸ ክርስቶሰትኔ ዎርዱዋ ሀነነባ ዮትያጌት ዴንደነ፤ ዴንድድ በንተው

ደንደዬትኮ፥ ሀረይ አቶ ጦሰይ ዶርዶጌተከ በሌተነው ግተ መላታኔ
ገረምስያባ ቤሰነ። ²⁵ ቤእቱ፥ ታን እንቴዮ ሄጋ ከሴተደ ዮታስ።

²⁶ «ሄጋ ግሸው፥ አሰይ እንቴነ፥ (ቤእቱ፥ ክርስቶስ በዞን ዴኤስ)
ጊኮ፥ ሄጋ ቦፕቱ፤ ዎይ እንቴነ፥ (ቤእቱ፥ ቆልኦን ዴኤስ) ጊኮክ፥ ኤተባ
አመኖፕቱ። ²⁷ አይስ ጊኮ፥ ዎልቀንተይ አርሾፔ ዎልቀምድ፥ አርጎ ገከናስ
ጳልዮጋደን፥ ተ ዩሰይ፥ አስ ነኣ ዩሰይ፥ ሄጋደን ሀነነ።

²⁸ «ገውጠይ ዴእዮሳ አንኮይ ሺቀነ።

አሳ ነኣይ ክርስቶስ ናአንቱዋ ያነ

(መርቆስ 13:24-27፤ ሉቃስ 21:25-28)

²⁹ «ሄ ዎዴ ዋይያፔ ጉይየን፥

ሶሁዋረ አወይ ጡመነ፤

አግነይ ፖእዮጋ አግ በየነ፤

ጦልንቴት ሰሉዋፔ ኩንደነ፤

ቀስ ሰሉወን ዴእየ ዎልቀትከ ቃጤተነ።

³⁰ ሄ ዎዴ ተ መላተይ፥ አስ ነኣ መላተይ፥ ሰሉወን ቤተነ፤ ሰኣን ሄ
ዎዴ ዴእየ አስ ዘሬ ኡበይ ዩከነ። ቀስ ታን፥ አስ ነኣይ፥ ዎልቃረኔ ግተ
ቦንቹዋረ ሰሉዋ ሻረ ግዶረ ዩሸን፥ ኤት ቤኣነ። ³¹ እ በ ኪተንቸተ ግተ
መልከታረ ኪተነ፤ ኪተን ኪተንቸት ሰኣው ሀ ገጣፔ ዩ ገጣ ገከናሽን፥
ቀስ ሰኣን ኣይዱ ዞዝያፔ አው ዶሬትደ አሳ ሺሸነ።

ጎደይ ያነ ገለሳ መላታ

(መርቆስ 13:28-31፤ ሉቃስ 21:29-33)

³² «ሌምሱዋ በለስዮ ግዮ ምቴፔ አኬክቱ፤ በለስያ አጭዮ ዎዴኔ እ
ተሺ ቦንጮትዮ ዎዴ፥ ቦኔ መተትዶጋ እንቴ ኤረነ። ³³ ሄጋደንከ፥ እንቴ
ሄ ኡበባ ቤእዮ ዎዴ፥ እ መተትድ ፔንጌ ሺቅዶጋ ኤርቱ። ³⁴ ታን
እንቴዮ ቱማ ኣደይስ፤ ሀ ኡበበይ ሀነነ ገከናስ፥ ሀ ዎድያ አሰይ ሀይቂቹነ።
³⁵ ሰሉዎይ ሰኣይ ኣደነ፤ ሽን ተ ቃለይ መሌከ ኣዴነ።

ጎደይ ያነ ገለሳ ኣንኔ ኤሬነ

(መርቆስ 13:32-37፤ ሉቃስ 17:26-30፥34-36)

³⁶ «ሽን ሄ ገለሳኔ ሄ ሳትያ አዋ ጠላላፔ አትን፥ ሀረይ አቶ ሰሉወን
ዴእየ ኪተንቸተ ግድን፥ ዎይ ተነ ነኣ ግድንከ ኣንኔ ኤርያብ ባወ። ³⁷ ተ
ዩሰይ፥ አስ ነኣ ዩሰይ፥ ኖሄ ዎዴ ሀንዶጋ መለ ግደነ። ³⁸ አይስ ጊኮ፥
በሽዮ ሃታ ዩሳፔ ከሴ ዎዴ፥ ኖሄ መርከብየን ጌልዶ ገለሰይ ገከናሽን፥
አሰይ ሜስኔ ኡዩስ፤ ቀስ አቱማሰይ መቼስኔ መጫስይ አዝና ጌሌስ።

24:26-27 ሉቃ 17:23-24 24:28 ሉቃ 17:37

24:29 እስ 13:10፤ 34:4፤ ህዝ 32:7፤ ዩኤ 2:10፥31፤ 3:15፤ አጁ 6:12-13

24:30 ዳኔ 7:13፤ ዘካ 12:10-14፤ አጁ 1:7 24:37 ዶሜ 6:5-8

39 በሽ ሃተይ ዩድ፥ ኤተ ኡባ ኤፋነ ገከናሽን፥ ኤት አኬክቦኮነ፤ ታን፥ አስ ነአይ፥ ይዮ ዎዴ፥ ሄጋ መለ ግደነ።

40 «ሄ ዎዴ ናኡ አስት ገዴን ኦትያጌቱ፤ እሱዋ ኤፋነ፤ እሶይ አተነ።

41 ናኡ መጫስት ዎጠን ጋጭያጌቱ፤ እስንዮ ኤፋነ፤ እስንያ አተነ።

42 «ስም እንቴ ጎደይ አይ ገለስ ያናኮኔ እንቴ ኤሬነ ግሸው፥ ናግ ኡትቴ። 43 ሽን ከይሶይ ቀማ፤ ዎቀ ዎድየን ያናኮ ኬታወይ ኤርዳኮ፥ በ ኬተይ ቦኬቴነ መለ፥ ቤጎትድ ናግ ኡተናጋ ኤርቴ። 44 ሄጋ ግሸው፥ እንቴከ ጊግ ኡትቴ፤ አይስ ጊኮ፥ ታን፥ አስ ነአይ፥ እንቴ ቆፔነ ሳትየን ያነ።

ኢተኔ ሎኦ አሸከራ ሌምሱዋ

(ሉቃስ 12:41-48)

45 «ያትን፥ በ ሶ አሰው ቁማ ኮሽዮ ዎድየን እመነ መለ፥ አ ጎደይ ሱንትዶ አመኔትደ ዎዘናመ አሸከር አኔ? 46 እ ሄጋደን ኦትሽን፥ አ ጎደይ ዩድ ዴምዮ አሸከረይ አንጄትዳጋ። 47 ታን እንቴዮ ቱማ ኦደይስ፤ ጎደይ ሄ አሸከራ በባ ኡባ ቦል ሱንተነ። 48 ሽን አሸከረይ ኢተ ግድኮ፥ «ተ ጎደይ ገምእድ ያነ» ያግድ በ ዎዘን ቆፕድ፥ 49 በ ለጌ አሸከረተ ወራ ዶምኮ፥ መቶትያጌቱረ ሚኮኔ ኡይኮ፥ 50 ሄ አሸከራ ጎደይ እ ቆፕቤነ ገለሳንኔ እ ኤርቤነ ሳትየን ያነ። 51 ዩድ አ ቀንጤሬትድ፥ ሎኦ ምለትዮ ኢተ አስት ዴእዮስን ዎተነ፤ ሄገን እ ዩከነኔ አቻ ገርጨነ።

ተሙ ጌለኦቱ ሌምሱዋ

25 1 «ሄ ዎዴ ሰሉዋ ከዎቴተይ በንተ ኩራዝያ አይቅድ፥ መችዮ ቡለችያጋ ሞከነው ከሬ ክይደ ተሙ ጌለኦተ ምለተነ። 2 ኤተ፤ እቸሸት ኤየ፤ ቀስ እቸሸት ጭንጨ። 3 ኤየት በንተ ኩራዝያ አይቅድሶነ፤ ሽን ለምባ አይቅድሶነ። 4 ሽን ጭንጨት በንተ ኩራዝያ ጣረሙስየን ለምባ አይቅድሶነ። 5 መችዮ ቡለችያጌ ዩነን ገምእን፥ ሄ ጌለኦት በንተነ ጥስክስን ዝንእ በይድሶነ።

6 «ብለሄ ግድዶ ዎዴ፥ «ቤእቴ፥ መችዮ ቡለችያጌ ገኪስ፤ አ ሞከነው ከሬ ክይቴ» ያግየ ግተ ጨቦይ ዴንዲስ።

7 «ሄ ዎዴ ሄ ጌለኦት ኡበት ቤጎትድ፥ በንተ ኩራዝያ ጊግስድሶነ።

8 ኤየት ጭንጨተ፥ «ኑ ኩራዜ ቶኦነ ሀንዮ ግሸው፥ እንቴ ለምባ፤ ኑዮ እሜርኬቲ» ያግድሶነ።

9 «ሽን ጭንጨት ዛርድ ኤተ፥ «ቺ፥ ኑዮኔ እንቴዮ ግዴነ፤ ሄጋ ግሻ እንቴዮ በይዝያጌቱከ ቢድ ሸም ኤክቴ» ያግድሶነ። 10 ያግን ኤየ ጌለኦት ለምባ ሸመነው ቢችዳሽን፥ መችዮ ቡለችያጌ ፑቱ ግን፥ ጊግ ኡትደ እቸሹ ጌለኦት ኣረ እስ፤ ቡለቻ ኬታ ጌልድሶነ፤ ከሬከ ጎርዴት አጊስ።

11 «ጉዬ፤ ቀስ ሀንኮ ጌለኦት ዩድ፥ «ጎደው፥ ጎደው፥ ኑዮ ዶየርኪ» ያግድሶነ።

12 «ሽን መችዮ ቡለችያጌ ዛርድ፥ ሩታን እንቴዮ ቱማ አደይስ፤ ታን እንቴነ ኤርኬ) ያጊስ።

13 «ስም ታን፥ አሰ ነአይ፥ ያነ ገለሳ ዎይ ሳትያ እንቴ ኤሬነ ግሸው፥ ናግ ኡትቴ።

ሄዙ አሽከረቱ ሌምሱዎ

(ሉቃስ 19:11-27)

14 «አይስ ጊኮ፥ ሰሉዋ ከዎቴተይ በ አሽከረተ ጤስድ፥ በው ዴእያባ ኤተው ሼድድ፥ አጌ ባነ ሀንየ ብተንያ ምለቴስ። 15 ኤተው ሁጵየን ሁጵየን ኤተ ዎልቃ ኪና እሱውው እቸሹ ሸኡ ብራ፥ እሱውው ናኡ ሸኡ ብራ፥ ቀስ እሱውው እስ ሸኡ ብራ እምድ፥ በ አግያ ቢስ። 16 እቸሹ ሸኡ ብራ ኤክደ አሽከረይ ሶሁዋረ ቢድ ዘልእድ፥ ሀረ እቸሹ ሸኡ ብራ ዎርሲስ። 17 ሄጋደንክ፥ ቀስ ናኡ ሸኡ ብራ ኤክደ አሽከረይ ሀረ ናኡ ሸኡ ብራ ዎርሲስ። 18 ሽን እስ ሸኡ ብራ ኤክዳጌ ቢድ፥ አላ ቦክድ፥ በ ጎዳ ሚሻ ሞጊስ።

19 «ደሮ ዎድያፔ ጉይየን፥ ሄ አሽከረቱ ጎደይ ዬድ፥ በ ሚሻ ኤታረ ቆዴቲስ። 20 እቸሹ ሸኡ ብራ ኤክደ አሽከረይ ዬድ፥ ሀረ እቸሹ ሸኡ ብራ ሼዲድ፥ ሩተ ጎደው፥ ኔን ተው እቸሹ ሸኡ ብራ እመደስ፤ ቤአ፥ ሀረ እቸሹ ሸኡ ብራ ዎርሳስ) ያጊስ። 21 አ ጎደይ አ፥ ሀየናሾ! ኔን ሎኦኔ አመኔትየ አሽከረ፤ ኔን ጉተበን አመኔተደስ። ታን ኔን ደሮባዮ አላፌ አተነ፤ ሃ ጌለደ ኔ ጎዳረ ኡፊይተ) ያጊስ።

22 «ቀስ ናኡ ሸኡ ብራ ኤክዳጌክ ዬድ፥ ሩተ ጎደው፥ ኔን ተው ናኡ ሸኡ ብራ እመደስ፤ ቤአ፥ ታን ሀረ ናኡ ሸኡ ብራ ዎርሳስ) ያጊስ። 23 አ ጎደይ አ፥ ሀየናሾ! ኔን ሎኦኔ አመኔትየ አሽከረ፤ ኔን ጉተበን አመኔተደስ። ታን ኔን ደሮባዮ አላፌ አተነ፤ ሃ ጌለደ ኔ ጎዳረ ኡፊይተ) ያጊስ።

24 «እስ ሸኡ ብራ ኤክዳጌ ቀስ ዬድ፥ ሩተ ጎደው፥ ኔን ዜረቤነሳፔ ጨክየ አሰ ግድዮጋኔ ከተ ላለቤነሳፔ መጥየ ሜቄት በይነ አሰ ግድዮጋ ታን ኤረይስ። 25 ታን የያስ፤ ያተደ ባደ ኔ ብራ ቢተን ሞጋስ፤ ቤአ፥ ኔ ብረይ ሀጌሆ) ያጊስ።

26 «አ ጎደይ ዛርድ፥ አ ሀጋደን ያጊስ፤ ሩሀ ኢተ አዘለ አሽከረው፥ ታን ዜረቤነሳፔ ጨክየ አሰ ግድዮጋኔ ከተ ላለቤነሳፔ መጥየ አሰ ግድዮጋ ኤረዲ? 27 ያትን፥ ኔን ተ ሚሻ በንክየን ዎትዶባ ግድያኮ፥ ታን ስምዮ ዎዴ ተ ሚሻ ዎርያረ ኤከናጋ ሽን አቲስ። 28 ሄጋ ግሸው፥ ሄ ሚሻ አፔ ዎት ኤክድ፥ ተሙ ሸኡ ብረይ ዴእየጋዮ እምቴ። 29 አይስ ጊኮ፥ ዴእየ ኡበው ሀረይ ጉጂተነ፤ እ በው ግድያጋፔ ደርስድ ኤክነ፤ ሽን በይናጋፔ ሀረይ አቶ፥ ሄ አው ዴእየ ጉተይከ አፔ ኤኬቲቸነ። 30 አላፌ ኬሴነ አሽከራ ከሬ ጡማ ኬስ አልቴ፤ ሄገን እ ዩከነጌ በ አቻ ገርጨነ) ያጊስ።

ዎድያ ዉርሴተን ሀከ ፕርዳ

31 «ታን፥ አስ ነአይ፥ ኪተንቸ ኡቡቱረ ቦንቹወን ይዮ ዎዴ፥ ተ ቦንቾ ከዎታ አራተን ኡተነ። 32 ሰአን ዴእየ አሰይ ኡቦይ ተ ስንት ሺቀነ፤ ሄምያጌ ዶርሰተ ዴሸቱ፤ ሻክዮጋደን፥ ታን ሄ አሳ ናኡ ኬሰደ ሻከነ። 33 ቀስ ዶርሰተ ታ፤ ኡሸቸ ቦጋረ ኤሰደ፥ ዴሸተ ታ፤ ሀድርሰ ቦጋረ ኤሰነ።

34 «ሄጋ፤ ጉይየን፥ ታን ከዎይ ታ፤ ኡሸቸ ቦጋረ ዴእያጌተ ሀጋደን ያገነ፤ «ተ አወይ አንጅዶጌቶ፥ ሃ ዪድ ሰአይ ሜሬቶሰ፤ ሀች ገከናሸን፥ እንቴዮ ጊግደ ከዎቴታ ላትቴ። 35 አይስ ጊኮ፥ ታን ነምሴትን ምዝዴተ፤ ሳሜትን ኡሸዴተ፤ እመተ ግደደ ብንከ ሞክዴተ። 36 ታን ከሎትን መይዝዴተ፤ ሀርግን ቤእዴተ፤ ቀሼትን ታኮ ገክዴተ) ያገነ።

37 «ሄጋ፤ ጉይየን፥ ጥሎት ዛርድ፥ አ ሀጋደን ያገነ፤ «ጎደው፥ ኔን ነምሴትን፥ አውዴ ቤእድ ምዝዶ? ዎይ ኔን ሳሜትን፥ አውዴ ቤእድ ኡሸዶ? 38 ኔን እመተ ግደደ ይን አውዴ ቤእድ ሞክዶ? ዎይ ኔን ከሎትን አውዴ መይዝዶ? 39 ቀስ ኔን ሀርግን፥ ዎይ ቀሼትን ኔኮ ቢድ አውዴ ኔነ ቤእዶ?) ያገነ። 40 ታን ከዎይ ዛረደ፥ «ታን እንቴዮ ቱማ አደይስ፤ እንቴ ሀ ተ እሸንቴ ኡባ፤ ሀረይ አቶ፥ ላፍየ እሱዋዮ ኦትዶባ ግድኮከ፥ ሄጋ ተው አትዴተ) ያገነ።

41 «ሄ ዎዴ፥ ታ፤ ሀድርሰ ቦጋረ ዴእያጌተ ታን ያገነ፤ «ሀ ቀንጌትዳጌቶ፥ ተ መተ፤ ክችቴ፤ ቢድ ጠለሄ ሀለቃዮኔ አ ኪተንቸቱዮ ጊግደ ሜርና ተመን ጌልቴ። 42 አይስ ጊኮ፥ ታን ነምሴትን፥ ተነ ምዝቤኬተ፤ ሳሜትን ኡሸቤኬተ። 43 ታን እመተ ግደደ ብን፥ ተነ ሞክቤኬተ፤ ከሎትን መይዝቤኬተ፤ ቀስ ሀርግን፥ ቀሼትንከ ተነ ቤእቤኬተ) ያገነ።

44 «ሄ ዎዴ ኤት ቀስ ሀጋደን ያግድ ዛረነ፤ «ጎደው፥ ኔን ነምሴትን ዎይ ሳሜትን፥ ዎይ እመተ ግደደ ብን ዎይ ከሎትን፥ ዎይ ሀርግን ዎይ ቀሼትን፥ አውዴ ቤእድ፥ ኔነ ማዴነን እጥዶኒ?) ያገነ።

45 «ሄ ዎዴ ታን ከዎይ ዛረደ ኤተ፥ «ታን እንቴዮ ቱማ አደይስ፤ እንቴ ሀ ኡባ፤ ላፍየ እሱዋ ማዴነን እጥዶጌ፥ ተነ ማዴነን እጥዶጋ) ያገነ። 46 ሄጌት ሜርና ቀጠዩወው ባነ፤ ሽን ጥሎት ሜርና ዴኡወው ባነ» ያጊስ።

ዩሱስ ቦል መቄትዶሲ

(መርቆስ 14:1-2፤ ሉቃስ 22:1-2፤ ዮሃንስ 11:45-53)

26

1 ዩሱስ ሀ ትምርትያ ኡባ ዉርስዶ ዎዴ፥ በ ኤርስዮ አሽከረተ፥
2 «ናኡ ገለሰ፤ ጉይየን፥ ፓስካ ባላ ቦንቾዮ ገለሰ ግድዮጋ ኤፊተ።

ሄ ገለስ ተነ፥ አሰ ነክ፥ አሰይ መስቀልያ ቦል ምስማርየን ጥሽድ ከቀነው አት እመነ» ያጊስ።

3ሄ ዎዴ ቄሴ ሀለቀትኔ ደሬ ጭመት ቀያፈ ግዮ ቄሴ ኡበቱ ሀለቃ ግተ ኬተን ሺቅድ፥ 4አስ ኤሬነን ዮሱስ አይቅድ፥ ዎረነው መቄትዶሶነ። 5ሽን ኤት፥ «አሰይ አሻ ኬሴነ መለ፥ ፓስካ ቦንችዮ ገለስ ሄጋ ኦቶኮ» ያግዶሶነ።

እስ መጫስያ ዮሱስ ሽቱዋ ትያሱ

(መርቆስ 14:3-9፤ ዮሃንስ 12:1-8)

6ዮሱስ ቢታንያ ከተመን እንችርቻ ሀርግየ ስሞነ ሶን ዴእሽን፥ 7እስ ምሽርያ አልበስጥሮስ ግዮ ሹቻፔ ኦትዶ ብልቃድያ ኩምደ ደሮ አልኦ ሽቱዋ ኤከደ ያሱ፤ ያደ ቁማ እ ሚሽን፥ ሄ ሽቱዋ ዮሱስ ሁጵየን ትጋሱ። 8ሽን ኤርስዮ አሽከረት ሄጋ ቤእድ ሀንቄትዶሶነ፤ ሀንቄትድ፥ «ሀ ሽቱዋ ጮ ሞርዮጌ አይብሴ? 9አይስ ጊኮ፥ ሀ ሽቱዋ አልኦ ዋገን በይዝድ፥ ሚሻ ህዬሰው እመነው ደንደዮቴስ» ያግዶሶነ።

10ዮሱስ ኤት ግዮጋ ኤርድ፥ ኤተ ሀጋደን ያጊስ፤ «ሀ መጫስዮ አይስ ወይሴቲ? አ ተው ሎኣባ ኦታሱ። 11ህዬስት ኡበ ዎዴ እንቴናረ ዴኦሶነ፤ ሽን ታን እንቴናረ ኡበ ዎዴ ዴእኬ፤ 12አ ሀ ሽቱዋ ተ ቦል ትግዮጌ ተነ ሞገነው ጊግስናሰ። 13ታን እንቴዮ ቱማ አደይስ፤ ሰኦ ኡበን ሀ ዎንጌልያ ምሽራቹዋ ኦድዮሰን አዋንከ፥ አሰይ ኦ ሀሰየነ መለ፥ አ ኦትዶጌ ኦዴተነ» ያጊስ።

ይሁደይ ዮሱስ ኦትድ እመነው ማዬስ

(መርቆስ 14:10-11፤ ሉቃስ 22:3-6)

14ሄ ዎዴ ተመኔ ናኡ ኤርስዮ አሽከረቱፔ እሶይ ይሁዳ አስቆሮቱ ግዮጌ ቄሴ ሀለቀቱኮ ቢስ። 15ቢድ፥ «ታን እንቴዮ ዮሱስ አይትኮ፥ ተው አይ እሙቴቲ?» ያግን ኤት አዮ ሀስተሙ ብራ ቆፕድ እምዶሶነ። 16ሄጋፔ ጉይየን፥ ይሁደይ ዮሱስ ኦትድ እመነው እንጄትየ ዎድያ ዎቼስ።

ዮሱስ አይሁደቱ ፓስካ ከሁዋ በ ኪትዶጌቱረ ሚስ

(መርቆስ 14:12-21፤ ሉቃስ 22:7-14፥21-23፤ ዮሃንስ 13:21-30)

17ኦይታ ምዮ ገለሳ ቦንችዮ ኮይሮ ገለስ፥ ኤርስዮ አሽከረት ዮሱስኮ ዩድ፥ «ፓስካ ቦንችዮ ገለስ ኔን ማነ ቁማ አወን ጊግስኔ?» ያግዶሶነ።

18ያግን ዮሱስ ኤተ፥ «ከተማ ቢድ፥ እስ ብተንያ፥ ሳማርስያጌ ኔነ፥ «ተው ዎዴ ገኪስ፤ ታን ተ ኤርስዮ አሽከረቱረ ፓስካ ቦንችዮ ገለሳ ኔ ሶን ኦተነ» ያጊስ» ያግቴ» ያጊስ።

19ኤርስዮ አሽከረት ዮሱስ በንተነ አዘዝዶጋደን ኦትድ፥ ፓስካ ቦንችዮ ገለስ ማነ ቁማ ጊግስዶሶነ።

20 ሰአይ አመርዶ ዎዴ፥ ዮሱስ ተመኔ ናኡ ኤርስዮ አሽከረቱረ ቁማ ማነው ኡቲስ። 21 ኤት ሚሽን፥ ዮሱስ ኤተ፥ «ታን እንቴዮ ቁማ አደይስ፤ እንቴፔ እስ ኡረይ ተነ አትድ እመነ» ያጊስ።

22 ኤት ደሮ ደገምድ፥ ሁጵየን ሁጵየን፥ «ጎደው፥ ቱሙ ተኔሸ?» ግዮጋ ዶምዶሶነ።

23 ዮሱስ ዛርድ፥ «በ ኩሽያ ተናረ እስፔ ሻትየን ዮድድ ቱሸክያጌ ተነ አትድ እመነ። 24 ታን፥ አስ ነአይ፥ ጦሳ መጣፈይ ሀይቀነ ጊዶጋደን ሀይቀነ፤ ሽን ተነ፥ አስ ነአ፥ አትድ እምየ ኡረው አዩአነ፤ ሄ ኡረይ ዩሌቴነን አትያኮ አው ኬሀ ሽን» ያጊስ።

25 አ አይትየ ይሁደይ ዛርድ፥ «ተማርስያጎ፥ ኔን ግዮጌ ተኔ?» ያጊስ።

ያግን ዮሱስ ዛርድ አ፥ «ኔን ኔ ሁጵን ጋደስ» ያጊስ።

ጎዳ ከሁዋ ኤክዮ ዎጋ

(መርቆስ 14:22-26፤ ሉቃስ 22:15-20፤ ኮይሮ ቆሮንቶስ 11:23-25)

26 ኤት ሚሽን፥ ዮሱስ አይታ ኤክድ፥ ጦሳ ገለቲስ፤ ሄ አይታ ሚንትድ፥ በ ኤርስዮ አሽከረቱዮ እሚድ፥ «ሄይቴ፤ ሚቴ፤ ሀጌ ተ አሹዋ» ያጊስ።

27 ቡርጨኩዋ ኤክድ፥ ጦሳ ገለቲስ። ኤተው እሚድ፥ «ኡበይ ሀጋፔ ኡይቴ፤ 28 አይስ ጊኮ፥ ሀጌ ደሮ አሳ ነገረይ አቶ ጌቴተነ ግሸው ጉክየ ተ ሱታ፤ ተ ሱተይ አረተ ማቻ። 29 ሽን ታን እንቴዮ አደይስ፤ ታን ተ አዋ ከዎቴተን አረተ ዎይኔ ኤሳ እንቴናረ ኡየነ ገለሰይ ገከናሽን፥ ናአንቱዋ ሀ ዎይኔ ኤሳ ሙሌክ ኡይኬ» ያጊስ።

30 መዘመርያ ዩጥዶጋፔ ጉይየን፥ ደብረ ዘይቴ ግዮ ዴርያ ቢዶሶነ።

ዮሱስ ጴጥሮስ ከደናጋ ከሴትድ ዮቲስ

(መርቆስ 14:27-31፤ ሉቃስ 22:31-34፤ ዮሃንስ 13:36-38)

31 ዮሱስ ሄ ዎዴ ኤተ፥ «ሀች ቀም እንቴ ኡበይ ተነ ዩግ በይድ በቀተነ፤ አይስ ጊኮ፥ ጦሳ መጣፈይ፥

«ጦሰይ ዶርሳ ሄምያጋ ዎረነ፤

ዎርን ዶርሳ ዉዴ ላሌተነ»

ያጊስ። 32 ሽን ታን ሀይቁዋፔ ዴንድዶጋፔ ጉይየን፥ እንቴፔ ከሴተደ ገሊላ ባነ» ያጊስ።

33 ጴጥሮስ ዛርድ፥ «ኤት ኡበት ኔነ ዩግ በይድ በቀትኮክ፥ ታን ኔነ ሙሌክ ዩግኬ» ያጊስ።

34 ዮሱስ ጴጥሮስ፥ «ታን ኔዮ ቁማ አደይስ፤ ሀች ቀም ኩቶይ ዋሰናፔ ከሴ፥ ኔን ተነ ሄዙቶ ከደነ» ያጊስ።

35 ያግን ጴጥሮስ ዛርድ፡ «ታን ሀረይ አቶ፡ ኔናረ እስፔ ሀይቅያኮከ፡ ኔነ ሙሌከ ከድኬ» ያጊስ። ቀስ ኤርስዮ አሽከረት ኡባትከ ሄጋደን ጊዶሶነ።

ዮሱስ ጌቴሴማኔን ዎሲስ

(መርቆስ 14:32-42፤ ሉቃስ 22:39-46)

36 ዮሱስ ሄ ዎዴ በ ኤርስዮ አሽከረቱረ ጌቴሴማኔ ግዮ ሶሁዋ ቢድ ኤተ፡ «ታን ህንዮ ባደ ጦሳ ዎስሽን፡ እንቴ ሀገን ኡቲሽቴ» ያጊስ። 37 ያግድ ጴጥሮስኔ ዘብድዮስ ናተ ናኦ በናረ ኤክ ኤፊድ፡ ደሮ ከዩዋኔ ዋይያ ዶሚስ። 38 ቀስ ኤተ፡ «ታን ሀይቀነ ገከናስከ ከዮተይስ፤ ሀገን ተክድ፡ ተናረ ናግቴ» ያጊስ።

39 ጉታ ስንተውኮ ሺቂድ፡ ቢተን ጉፊንድ፡ «ተ አወው፡ ደንደዬትያባ ግድኮ፡ ሀ ቡርጨኩዋ ታፔ ድገ፤ ሽን ኔን ኮይዮጋደን ሀኖፔ አትን፡ ታን ኮይዮጋደን ሀኖፖ» ያግድ ጦሳ ዎሲስ።

40 ዮሱስ ኤርስዮ አሽከረቱኮ ስምድ ዩስ፤ ጥስክዳጌተ ዴምድ ጴጥሮስ፡ «እንቴ እስ ሳቴኮኔ ጥስኬነን ተናረ ናገነውከ ደንደይቤኬቴ? 41 ፓጭየን እንቴ ጌሌነ መለ፡ ናግቴኔ ጦሳ ዎስቴ፤ አያነይ ጊግ ኡቲስ፤ ሽን አሾይ ዳፋረንቸ» ያጊስ።

42 ዮሱስ ቀስ ናአንቱዋ ቢድ፡ «ተ አወው፡ ታን ሀ ቡርጨኩዋፔ ኡዬነን ዴእሽን ቡርጨኩዋ ዴንተናጌ ደንደዬቴነባ ግድኮ፡ ኔን ኮይዮበይ ሀኖ» ያግድ ጦሳ ዎሲስ። 43 ቀስከ ስም ዩድ፡ ኤርስዮ አሽከረቱ አይፍያ ጥስኮይ ኅዝ ዎትዶ ግሸው፡ ጥስክዳጌተ ዴሚስ።

44 ቀስከ ኤተ ዩግ በይድ ቢድ፡ ሄዘንቱዋ ከሴ ቃልዮ ዛሬትድ፡ ጦሳ ዎሲስ። 45 ሄጋፔ ጉይየን፡ ኤርስዮ አሽከረቱኮ ዩድ፡ «ሀእ ገከናሽንከ ጥስኬቲኔ ሼምፔቲ? ቤእቴ፡ ተነ፡ አስ ነኦ፡ ነገረንቸ አስቱዮ አትድ እምዮ ዎዴ ገኪስ። 46 ዴንድድ ህንድቴ፤ ቤእቴ፡ ተነ አትድ እምያጌ ሀጌሆ ገኪስ» ያጊስ።

ዮሱስ በ ሞርኬቱን አይቂቲስ

(መርቆስ 14:43-50፤ ሉቃስ 22:47-53፤ ዮሃንስ 18:3-12)

47 ዮሱስ ሄጋ ብሮን ሃሰይሸን፡ ተመኔ ናኡ ኤርስዮ አሽከረቱፔ እሶይ፡ ይሁደይ፡ ገክ ዎዲስ፤ ቀስ ቂሴ ሀለቀትኔ ዴፊ ጭመት ኪትን፡ ብሱዋኔ ዱላ አይቅደ ደሮ አሰይ አረ እስፔ ዩስ። 48 ዮሱስ አትድ እምያጌ ሄ ደሮ አሳ፡ «ታን ዩርዮጌ አ፤ አ አይቅቴ» ያግድ መላታ ዮት ዎቲስ።

49 ሶሁዋረከ ዮሱስኮ ሺቅድ፡ «ተማርስያጎ፡ ሰሮ ዴአይ» ያግድ አ ዩር ኤኪስ።

50 ዮሱስ አ፡ «ተ ጃለው፡ ኔን አተነባ አተ አገ» ያጊስ።

ሄጋፔ ጉይየን፡ ሄ ደሮ አሰይ ሺቅድ፡ ዮሱስ ምንት አይቂስ።

51 ዮሱሳረ ዴእያጌቱፔ እሶይ በ ብሱዋ ሾድኔ ቂሴ ኡብቱ ሀለቃ አሽከራ ሾጭድ፡ አ ሀይታ ቀንጥ አሊስ። 52 ዮሱስ ሄ ዎዴ አ ሀጋደን ያጊስ፤

«ኔ ብሱዋ አ ሾሁውን ዛረደ ዎተ፤ አይስ ጊኮ፥ ብሶ ሾድየ አብይ ብሶን ሀይቀነ።⁵³ ተ አወይ ደሮ ሸኡ ኪተንቸተ እስ ኩተን ዩድድ፥ ተነ ማደነ መለ፥ ታን አ ዎሰነው ደንደይዮጋ ኤርኪዬ? ⁵⁴ ያትን፥ ጦሳ መጣፈት ሀጋደን ሀነነው ቤሴስ ያግዶጌ ዋንድ ፖሌተነው ደንደዩ?» ያጊስ።

⁵⁵ ሄጋፔ ጉይየን፥ ዩሱስ ሄ ሺቅደ ደሮ አሳ ሀጋደን ያጊስ፤ «ተነ ፐንገ ኬስድ፥ ፐንገ አይቅዮጋደን አይቀነው ብሶኔ ዱለ አይቅድ ዩዴቲ? ታን ቤተ መቅደስየን ተማርሰይደ፥ ገለስ ገለስ እንቴናረ ኦትዮ ዎዴ ተነ አይቅቤኪተ፤ ⁵⁶ ሽን ሀጌ አብይ ሀንዶጌ ሀነነባ ዮትያጌት ጦሳ መጣፈቱን ጣፍዶጌ ፖሌተናስ» ያጊስ።

ኤርስዮ አሸከረት ሄ ዎዴ አብት አ ዩግ በይድ በቀትዶሶነ።

ዩሱስ ፕሮደ ሸንጉውው አዲስ

(መርቆስ 14:53-65፤ ሉቃስ 22:54-55፥63-71፤ ዮሃንስ 18:13-14፥19-24)

⁵⁷ ዩሱስ አይቅዳጌት ቄሴ አብቱ ሀለቃ ቀያፈኮ፥ ህግያ ተማርስያጌትኔ ጭመት ሺቅዶሳ ኤክ ኤፊዶሶነ። ⁵⁸ ሽን ጴጥሮስ ቄሴ አብቱ ሀለቃ ድርሰ ግዶ ገከናሽን፥ ሃሁውን አ ካሊስ፤ ዮሁዋ ዉርሴታ ቤአነው ድርሰ ግዶ ጌልድ፥ ናግያጌቱረ አት በዩስ።

⁵⁹ ቄሴ ሀለቀትኔ ያኦ አሰይ አብይ ዩሱስ ዎረነው አ ቦል ዎርዶ መርከ ዴመነው ኮይዶሶነ። ⁶⁰ ሽን ሀረይ አቶ ደሮት ዩድ፥ አ ቦል ዎርዱዋ መርከትንከ አፔ አይኔ ዴምቦኮነ። ጉዩፔ ናአት ዩድ፥ ⁶¹ «ሀ ብተኔ፥ <ታን ጦሳ ቤተ መቅደስያ ቆለደ፥ ሄዙ ገለሰን ዛሬተ ኬጠነው ደንደየይስ» ያጊስ» ያግዶሶነ።

⁶² ቄሴ አብቱ ሀለቀይ ዴንድ ኤቅድ ዩሱስ፥ «ሀጌት ኔነ ሞትዮ ሞቱው ኔዮ ዛርዮብ ባዌ?» ያጊስ። ⁶³ ሽን ዩሱስ ጮኡ ጊስ፤ ቀስከ ቄሴ አብቱ ሀለቀይ አ፥ «ታን ኔነ ዴአ ጦሳ ሱንተን ጨለይስ፤ ኔን ጦሳ ነአ ክርስቶስ ግድኮ ኑስ አደ» ያጊስ።

⁶⁴ ያግን ዩሱስ ዛርድ፥ «ኔን ኔ ሁጴንከ ጋደስ፤ ሽን ታን እንቴዮ አደይስ፤ ሀጋፔ ስንተን፥ እንቴ ተነ፥ አስ ነአ፥ ዎልቃመ ጦሳፔ አሸቸ በጋረ አትዳሺንኔ ሰሉዋ ሻራረ ዩሽን ቤአነ» ያጊስ።

⁶⁵ ሄጋፔ ጉይየን፥ ቄሴ አብቱ ሀለቀይ በ ማዩዋ ፖሽ አልድ፥ «ሀጌ ጨዩቺስ፤ ኑነ ሀጋፔ ስንተን አይስ ሀረ መርከ ኮሺ? እ ሀእ ጨዩዮጋ እንቴ ስይዴተ። ⁶⁶ እንቴ ቆፈይ አይቤ?» ያጊስ።

ያግን ኤት፥ «አው ሀይቆይ ቤሴስ» ያግድ ዛርዶሶነ።

⁶⁷ ሄጋፔ ጉይየን፥ ኤት አ ሶምኡውን ጨችድ፥ አ ዴችዶሶነ፤ ሀረት ቀስ አ በቅድ፥ ⁶⁸ «ክርስቶስ! ኔነ ዴችደይ ኦኔ? አኔ ኑዮ ሀነነባ ዮተ» ያግዶሶነ።

ጴጥሮስ ዮሱስ ከዲስ

(መርቆስ 14:66-72፤ ሉቃስ 22:56-62፤ ዮሃንስ 18:15-18፤25-27)

69 ጴጥሮስ ኬታፔ ከፊረ ድርሰ ግድን ኡትዳሽን፥ እስ አሽከርያ አኮ ያደ፥ «ኔንክ ገሊላ ዮሱሳረ እስፔ ዴኣስ» ያጋሱ።

70 ሽን እ ኤተ ኡባ ስንተን ሄ አሽከርዮ፥ «ኔን ግዮበይ አይበኮ ታን ኤርኬ» ያግድ ከዲስ።

71 ቀስ ቢድ ድርሳ ፔንጌኮ ክይሸን፥ ሀረ አሽከርያ አ ቤአደ፥ ሄገን ዴእየ አሰቱዮ፥ «ሀ ብተኔ ናዝሬተ ዮሱሳረ ዴኤስ» ያጋሱ።

72 ያግን ጴጥሮስ ናአንቱዋ ጫቅድ፥ «ታን ሄጋ ብተንያ ኤርኬ» ያጊስ።

73 ጉታ ገምእሸን፥ ሄገን ኤቅደ አሰት ጴጥሮስኮ ዬድ፥ «ኔንክ ቱመ ኤታረ እስፔ ዴኣስ፤ አይስ ጊኮ፥ ኔን ሃሰይዮ ሃሰየይክ ኔነ ኤርሴስ» ያግዶሶን።

74 ሄጋፔ ጉይየን ጴጥሮስ፥ «ታን ሄጋ ብተንያ ኤርኬ!» ያግድ፥ በነ ቀንጌታኔ ጫቂዋ ዶሚስ።

ሄ ዎዴ ሶሁዋረክ ኩቶይ ዋስ አጊስ። 75 ጴጥሮስ በነ ዮሱስ፥ «ኔን ኩቶይ ዋስናፔ ከሴ ሄዙቶ ተነ ከደነ» ጊዶጋ ሀሰይድ፥ ከሬ ክይድ፥ ምሼትድ ዮኪስ።

ዮሱስ ጵላጦስ ስንት ፕርደው ሺቂስ

(መርቆስ 15:1፤ ሉቃስ 23:1-3፤ ዮሃንስ 18:28-32)

27 1 ማለዶ ጉራረ ቄሴ ሀለቀት ኡበትኔ ዴሬ ጭመት ዮሱስ ዎረነው መቄትዶሶን፤ 2 ኤት ዮሱስ ቀችድ ኤፊድ፥ ዴርያ ሃርየ ጴንጤንያ ጵላጦስዮ አትድ እምዶሶን።

3 ዮሱስ ሄ ዎዴ አይትደ ይሁደይ ጵላጦስ ዮሱስ በል ፕርድዶጋ ቤእድ፥ «አዬአነ! አይቴነን አገርክናሽ!» ያግድ፥ ሄ ሀስተሙ ብራ ቄሴ ሀለቀቱዮኔ ዴሬ ጭመቱዮ ጉዬ ዛርድ፥ 4 «ታን ጌሽ አስ አይተደ ነገራ አታስ» ያጊስ።

ሽን ኤት አ፥ «ሄጌ ኑዮ አይ ሜቶ? ሄጌ ኔ ሸኔ» ያግዶሶን።

5 ይሁደይ ብራ ቤተ መቅደስየን አል በዩስ፤ ኤተ መተፔ አግድ ቢድ፥ ሱሌት ሀይቂስ።

6 ቄሴ ሀለቀት ብራ ኤክድ፥ «ሀ ብረይ ሱተ ሚሽ ግድሸን፥ ኑን ቤተ መቅደስያ ሚሻረ ገትዮጌ ህጌ ግዴነ» ያግዶሶን። 7 ያግድ እስፔ ዞሬትድ፥ አስ ቢተ አሰዮ ሞኅ ገዴ አተነው ኡርቀ ሚሽ ሜድያጌቱ ገድያ ሸምዶሶን። 8 ሄጋ ግሸው፥ ሄ ገዴ ሀች ገክናስክ፥ ሱተ ገዴ ጌቴትድ ጤሴቴስ።

9 ሀነነባ ዮትየ ኤርማስ፥ «ኤት እስራኤል አሰይ አው ቀንጠነው ቆፕዶ ሀስተሙ ጠቀረ ብራ ኤክድ፥ 10 ኀደይ ተነ አዘዝዶጋደን፥ ኡርቀ ሚሽ ሜድያጌቱ ቢታ ሸመነው እምዶሶን» ጊዶጌ ሄ ዎዴ ፖሌቲስ።

ጳውሎስ ዮሐንስ ቆርድ አይቺስ

(መርቆስ 15:2-5፤ ሉቃስ 23:3-5፤ ዮሃንስ 18:33-38)

11 ዮሐንስ ዴርያ ሃርያጋ ስንት ሺቅን፤ ዴርያ ሃርያጌ አ፥ «ኔን አይሁደቱ ከዎ?» ያግድ አይቺስ።

ዮሐንስ አ፥ «ኔንከ ጋስ» ያጊስ።

12 ቄሴ ሀለቀትኔ ዴሬ ጭመት አ ሞትን፤ ኤተው አይኔ ዛሮ እምቤን።

13 ሄ ዎዴ፥ ጳውሎስ ዮሐንስ፥ «ሀጌት ኔን ሞትዮባ ኡባ ስይኪ?» ያጊስ።

14 ዮሐንስ ሀረይ አቶ፥ እስ ቃለከ ዛሬነን እጥን፥ ዴርያ ሃርያጌ ደሮ ገረሜቲስ።

ዮሐንስ ሀይቁውው ፕርዴቲስ

(መርቆስ 15:6-15፤ ሉቃስ 23:13-25፤ ዮሃንስ 18:39-40፤ 19:1-16)

15 ዴርያ ሃርያጌ ፓስካ ቦንችዮ ገለሰን፥ አሰይ ኮይዮ እስ ኡራ ቀሹዋፕ ብርሽዮ ሜዜ ዴኤስ። 16 ሄ ዎዴ እስ በርባነ ግዮ ደሮ ኤሬትደ ኢተ አስ ቀሾ ኬተን ዴኤስ። 17 ሄጋ ግሸው፥ ደሮ አሰይ እስሳ ሺቅዳሽን ጳውሎስ፥ «ታን እንቴዮ በርባነ ብርሸዮ፥ ዎይ ክርስቶስ ግዮ ዮሐንስ ብርሸ?» ያግድ አሳ አይቺስ። 18 አይስ ጊኮ፥ ኤት ቀናትድ ዮሐንስ አይትዶጋ እ ኤሬስ።

19 ጳውሎስ ፕርደ ኬተን ኡትዳሽን፥ አ መችያ አዮ፥ «ሄ ጥሎ ብተንያ አይኔ ኦቶፕ፤ አይስ ጊኮ፥ ታን ሀች ቀም አይመውን አበን ደሮ ዋዩታስ» ያገደ ኪታሱ።

20 ሽን ቄሴ ሀለቀትኔ ዴሬ ጭመት ጳውሎስ በርባነ ብርሸድ፥ ዮሐንስ ዎረናደን፥ ሺቅደ አሰይ አ ዎስነ መለ፥ አሳ ጭምዶሶን።

21 ጳውሎስ ዛርድ ኤተ፥ «ታን ኤተ ናኦፔ እንቴዮ ኦነ ብርሸነው ኮዩቲ?» ያግን ኤት፥ «በርባነ ብርሸነው ኮዩስ» ያግዶሶን።

22 ጳውሎስ፥ «ያትን፥ ክርስቶስ ግዮ ዮሐንስ ዋቶ?» ያግድ ኤተ አይችን ኡብይ፥ «መስቀልያ ቦል ምስማርየን ጥሼትድ ከቁቶ» ያግዶሶን።

23 ጳውሎስ አሳ፥ «አይስ? አይ ኢተባ ኦትዴ?» ያጊስ።

ሽን አሰይ ከሴጋፔከ በ ቃላ ጦቁ ኦትድ፥ «መስቀልያ ቦል ምስማርየን ጥሼትድ እ ከቁቶ» ያግዶሶን።

24 ኦሽ ዴንደናጋፔ ኦትን፥ አይብኔ ፖሌቴናጋ ጳውሎስ ቤእድ፥ ሃታ ኤክድ፥ «ሀ ብተኔ ሀይቅዮበን ታን ጌልኬ፤ ሄጋ እንቴ ኤርቴ» ያግድ ሺቅደ አሳ ስንተን በ ኩሽያ ሜጨቲስ።

25 ሺቅደ አሰይ ኡብይ ዛርድ፥ «ኦ ሱታ ጎሜ ኑነኔ ኑ ናተ ገኮ» ያጊስ።

26 ሄጋፔ ጉይየን፥ ጳውሎስ በርባነ ኤተው ብርሺስ፤ ብርሸድ ልሱውን ዮሐንስ ገረፍድ፥ መስቀልያ ቦል ምስማርየን ጥሸድ ከቀነው ኤተው ኦትድ እሚስ።

ዎታደረት ዮሱስ በል ቅሊጭዶሲን

(መርቆስ 15:16-20፤ ዮሃንስ 19:2-3)

27 ሄጋጋ፤ ጉይየን፤ ጽላጦስ ዎታደረት ዮሱስ ዴርያ ሃርያጋ አሶ ኬታ ኤክ ኤፍን፤ ዎታደረት አብይ አ ለንቅየን ዩይ አድድ ኤቅዶሲን። 28 አ አፈላ ቃር ኤክድ፤ ዞአ አፈላ አ መይዝዶሲን። 29 ቀስ አጉንታ አክሊልያ ጊግስድ፤ አ ሁጵየን ዎትዶሲን፤ አ ኡሸቸ ኩሸየን ሾምቦቆ ገትማ አይትድ፤ አ ስንተን ጉልበትድ፤ «አይሁደቱ ከዉዉው፤ ሰር ዴአይ!» ያግድ፤ አ በል ቅሊጭዶሲን። 30 አ በል ጩቸዶሲን፤ ሄ ሾምቦቆ ገትማ ኤክድ፤ አ ሁጵያ ሾጭዶሲን። 31 ኤት አ በል ቅሊጭዶጋፔ ጉይየን፤ ዞአ አፈላ አፔ ቃር ኤክድ፤ አ አፈላ አ መይዝዶሲን፤ ቀስ መስቀልያ በል ምስማርየን ጥሽድ አ ከቀነው ኤክ ኤፈዶሲን።

ዮሱስ ከቄቲስ


(መርቆስ 15:21-32፤ ሉቃስ 23:25-43፤ ዮሃንስ 19:17-27)

32 ኤት ከፊ ክዬድ፤ እስ ስሞን ግዮ ቀሬነ ቢተ አስ ዴምድ፤ ዮሱስ መስቀልያ ዎልቀን ቶስዶሲን። 33 ጎልጎታ ግዮሳ ገክዶሲን። «ጎልጎታ» ግዮጌ «ጉግያ ሶሁዋ» ግዮጋ። 34 ሄገን ኤት ጭዬ ወለሄትዶ ዎይኔ ኤሳ ዮሱሰዮ አዮነው እምዶሲን፤ እምን እ ሄጋ ገንጥ ጤልድ፤ አዮነን እጢስ።

35 ኤት መስቀልያ በል ምስማርየን ጥሽድ አ ከቅዶጋፔ ጉይየን፤ አ አፈላ ሻክድ፤ ሳማ ዬግድ ኤክዶሲን። 36 ሄጋጋ፤ ጉይየን፤ አ ናገነው ሄገን አት በይዶሲን። 37 ቀስ፤ «ሀጌ አይሁደቱ ከዉዋ ዮሱስ» ያግድ ሞትዮ

ጥፈትያ አ ሁጵሳረ ዎትዶሲን። 38 ዮሱሳረ ሄ ዎዴ ናኡ ፐንገተ እሱዋ አፔ ኡሸቸ በጋረ፤ ቀስ እሱዋ አፔ ሀድርስ በጋረ፤ መስቀልያ በል ምስማርየን ጥሽድ ከቅዶሲን።

39 አግደረ አድየ አስይ ዮሱስ ከርድ፤ በ ሁጵያ ቃቲድ ጨዬስ። 40 «ቤተ መቅደስያ ቆለደ ሄዙ ገለስ ግዶን ኬጥያጎ፤ ኔ ሁጵያ አሸ፤ ኔን ጦሳ ነአ ግድኮ፤ አኔ መስቀልያ ቦለፔ ዎድ» ያጊስ።



ቄሴ ሀለቀት ዮሱስ በል ቅሊጭዶሲን (ማት 27:41)

41 ሄጋደንክ፥ ቂሴ ሀለቀት ህግያ ተማርስያጌቱረኔ ጭመቱረ እስፔ
ዮሱስ ቦል ቅሊጪድ፥ ሀጋደን ያግዶሶን፤* 42 «ሀረተ አሺስ፤ ሽን በነ
አሸነው ደንደዩን፤ እ እስራኤል ከዎ፤ አኔ መስቀልያ ቦለፔ ሀእ ዎዶ፤
ኑንክ ቀስ አ አመነን፤ 43 ጦሶን እ አመኔቱስ፤ ጦሶይ አ አሸነ ኮይኮ አኔ
አሾ፤ አይስ ጊኮ፥ እ በነ፥ (ታን ጦሳ ነኦ) ጌስ» ያግዶሶን።

44 ቀስ ሀረይ አቶ፥ አረ መስቀልያ ቦል ምስማርየን ጥሼትድ ከቁትደ
ፕንገትከ ሄጋደን ጊድ፥ አ ቦል ቅሊጭዶሶን።

ዮሱስ ሀይቂስ

(መርቆስ 15:33-41፤ ሉቃስ 23:44-49፤ ዮሃንስ 19:28-30)

45 ኡሱፔን ሳቴፔ ዶምድ፥ ኡዱፉን ሳቴ ገከናሽን፥ ቢተ ኡበይ
ጡሚስ። 46 ኡዱፉን ሳቴ ግድዮ ሄረን ዮሱስ በ ቃላ ጦቁ አትድ፥
«ኤሎሄ፥ ኤሎሄ፥ ላማ ሰበቅታኒ?» ያጊስ። ሄጋ ግዮጌ፥ «ተ ጦሰው፥ ተ
ጦሰው፥ ተነ አይስ አገዲ?» ግዮጋ።

47 ሄገን ኤቅደ አሳፔ እሶይ ሄጋ ስይድ፥ «ሀ ብተኔ ኤላስ ጤሴስ»
ያጊስ። 48 ሶሁዋረ ኤተፔ እሶይ ዎጥድ፥ ጎምብለ መለ እስፖንጅያ ኤክድ፥
ጫለ ዎይኔ ኤሳ ኩንቲስ፤ ሄጋ ሾምቦቆ ገትማ ጤረን ዎትድ፥ ኡሸነው አ
ዶናኮ ሺሺስ። 49 ሽን ሀንኮት፥ «ነንገ፥ ኤላስ አ አሸነው ያናኮኔ ቤአስ»
ያግዶሶን። 50 ዮሱስ ናአንቱዋ በ ቃላ ጦቁ አት ዋስድ፥ ሀይቅ በዩስ።

51 አኪክቲ፤ ቤተ መቅደስየን ከቁትደ መገለሾይ ቆሞፔ ዱጌ ገከናስ፥
ናኡ ክይድ፥ ፖሼት ዎዲስ፤ ቢተይ ቃጢስ። ቀስ ዛለይከ ጳልቂቲስ፤
52 ዱፎት ዶዩትዶሶን። ጦሳ አስቱፔ ደሮት ሀይቅዳጌት፥ ሀይቁዋፔ
ዴንድዶሶን። 53 ኤት ዱፉዋፔ ክይድ፥ ዮሱስ ሀይቁዋፔ ዴንድዶጋፔ
ጉይየን፥ ጌሸ ከተማ ቢዶሶን፤ ሄገን ኤተ ደሮ አሰይ ቤኢስ።

54 መቶ ሀለቀይኔ አረ ዮሱስ ናግዮ ዎታደረት ቢተይ ቃጥዮጋኔ ሄገን
ሀንደባ ኡባ ቤእዶ ዎዴ ደሮ የይዶሶን፤ የይድ፥ «ቱሙ ሀጌ ጦሳ ነኦ»
ያግዶሶን።

55 ሄገን ደሮ መጫስት፥ ገሊለፔ ዶምድ፥ ዮሱስ ማዲድ ካልዳጌት፥
ሃሁውን ኤቅድ ጤሎሶን። 56 ኤተ ግዶን መግደለ ግዮ ከተማፔ ዩደ
መይራመ፥ ያቆበኔ ዮሴፈ አይያ መይራመኔ ዘብድዮስ ናቱ አይያ ዴአሶን።

ዮሱስ ሞጌቲስ

(መርቆስ 15:42-47፤ ሉቃስ 23:50-56፤ ዮሃንስ 19:38-42)

57 ሰአይ አመርዮ ዎዴ፥ ዮሴፈ ግዮ እስ ዱሬ ብተኔ፥ አርማትያስ
ከተማ አስ ዩስ፤ እ በ ሁጵንክ ዮሱስ ካልያጋ። 58 ዮሴፍ ጽላጦስኮ ቢድ፥
ዮሱስ አሃ ኤክነው ዎሲስ፤ ዎስን ጽላጦስ ዮሴፈዮ እሜተነ መለ አዘዚስ።
59 ዮሱስ አሃ ኤክድ፥ ጌሸ ሞጎ አፈለን ጣጢስ። 60 ጣጥድ ባዮ ሞጌተነው

27:43 መዘ 22:8 27:46 መዘ 22:1 27:48 መዘ 69:21

27:51 ኬሳ 26:31-33 27:55-56 ሉቃ 8:2-3

ሹቻ ዎጭዶ አረተ ጎንጎሉዋ ግደን አ አሃ ዎቲስ፤ ቀስ ሄ ጎንጎሉዋ ዶነን ግተ ሹቻ ጎንዶርስ ዎትድ፥ አግ በይድ ቢስ። ⁶¹መግደለ ከተማፔ ዪደ መይራመኔ ህንኮ መይራመ ሄገን ጎንጎሉዋኮ ስምድ ኡትዶሶን።

⁶²ስምበታስ ጊጌትዮ ገለሳፔ ዎንቴተ ገለስ፥ ቁሴ ሀለቀትኔ ፐርሳዌት ጵላጦላረ ገይትድ፥ ሀጋደን ያግዶሶን፤ ⁶³«ጎደው፥ ሄ ዎርዶይ ፐጠ ዴእዮ ዎዴ፥ (ታን ሄዙ ገለስፔ ጉይየን፥ ሀይቁዋፔ ዴንደነ) ያግዶጋ ኑን ሀሰይደ። ⁶⁴ሄጋ ግሸው፥ አ ሞግዶ ጎንጎሉዋ ሄዙ ገለስ ገከናስ፥ ምንት ናገነ መለ አዘዘርኪ፤ ሄጌ ጠይኮ፥ ኤርስዮ አሸከረት ቢድ፥ አ አሃ ዉቅድ አሳዮ፥ (ሀይቁዋፔ ዴንዲስ) ያገነ፤ ያግን ናአንቶ ዎርዶይ ከሴ ዎርዱዋፔ ኡበ ያ ፐለተነ» ያግዶሶን።


⁶⁵ጵላጦስ ኤተ፥ «እንቴዮ ናግያጌት ዴአሶን፤ ቢድ እንቴ ደንደይዮጋ ኬና ናግስቴ» ያጊስ።

⁶⁶ያግን ኤት ቢድ፥ ሹቻ ቦል ማተፋ አተምድ፥ ቀስ ናግያጋ ያን ዎትድ፥ ዬሱስ ሞግዶ ጎንጎሉዋ ናግስዶሶን።

ዬሱስ ሀይቁዋፔ ዴንዲስ

(መርቆስ 16:1-10፤ ሉቃስ 24:1-12፤ ዮሃንስ 20:1-10)

28 ¹ስምበተይ አድን ዎጋ ገለስ ሰአይ ዎንትሸን፥ መግደለ ግዮ ከተማፔ ዪደ መይራመኔ ህንኮ መይራመ ዬሱስ ሞጌትዶ ጎንጎሉዋ ቤአነው ቢዶሶን። ²ጎዳ ኪተንቸይ ሰለዋፔ ዎድዶ ግሸው፥



ዱፎይ ሜለ ዴኤስ (ማት 28:5)

ቢተይ ደሮ ቃጢስ፤ ሄ ኪተንቸይ ዪድ፥ ሹቻ ጎንዶርስ አልድ፥ አ ቦል ክይ ኡቲስ። ³አ ሜረይ ዎልቀንተ ምለቴስ፤ አ ማዮይከ ሸቻደን ቦተ። ⁴ናግያጌት ኪተንቸው የሻ ኮከርድ፥ ሀይቅደ አሰደን ሀንዶሶን።

⁵ኪተንቸይ መጫሰተ ሀጋደን ያጊስ፤ «የዮፕቴ፤ አይስ ጊኮ፥ መስቀልያ ቦል ምስማርየን ጥሽድ ከቅዶ ዬሱስ እንቴ ኮይዮጋ ታን ኤረይስ።* ⁶እ ሀገን ባወ፤ አይስ ጊኮ፥ እ በ ጊዶጋደንከ ሀይቁዋፔ ዴንዲቺስ፤ ሃ

ዬድ፥ እ ዝንእዶሳ ቤእቴ። ⁷እንቴ ሀእ ኤሱውን ቢድ፥ ዮሱስ ኤርስዮ አሽከረቱዮ፥ «ዮሱስ ሀይቁዋፔ ዴንዲቺስ። ቀስ እ እንቴፔ ከሴትድ፥ ገሊላ ቤስ፤ እንቴ አ ያን ቤአነ» ያግድ አድቴ። ቤእቴ፥ ታን እንቴዮ አዳስ» ያጊስ።

⁸ኤት የዬድኔ ቀስ ደሮ አፈይቲድ፥ ዮሱስ ሞጌትዶ ጎንጎሉዋ መተፔ ኤሱውን አግድ፥ ኤርስዮ አሽከረቱኮ አደነው ወጥዶሶን።

⁹ሶሁዋረ ዮሱስ ኤታረ ገይትኔ ኤተ፥ «ሰሮ ዴኤቲ» ያግ አጊስ፤ ኤት አኮ ሺቅድ፥ አ ቶሁዋ አይቅድ፥ አዮ ጎይንዶሶን። ¹⁰ዮሱስ ሄ ወዴ ኤተ፥ «የዮፕቴ፤ ተ እሸንት ገሊላ ባነ መለ፥ ቢድ ኤተው ዮትቴ፤ ኤት ተነ ያን ቤአነ» ያጊስ።

¹¹ሄ መጫሰት ቢሸን፥ ጎንጎሉዋ ናግዩ ዎታደረቱፔ አመርዳጌት ከተማ ቢድ፥ ሀንደባ ኡባ ቄሴ ሀለቀቱዮ አድዶሶን። ¹²ቄሴ ሀለቀት ጭመቱረ እስፔ ሺቅ ዞሬትድ፥ ዎታደረቱዮ ደሮ ሚሻ እምድ፥ ¹³«ኡን ጥስክዳሽን ኤርስዮ አሽከረት ቀም ዬድ፥ አ አሃ ዉቅዶሶን» ያግቴ፤ ¹⁴ሀ የሁዋ ዴርያ ሃርያጌ ስይኮ፥ ኑን አዮ ዮት መይዘን፤ ቀስ እንቴነ አይብኔ ሀርግሴናደን አተነ» ያግዶሶን።

¹⁵ዎታደረት ሚሻ ኤክድ፥ በንተው አድዶጋደን አትዶሶን። ሀ የሆይ አይሁደቱ መተን ሀች ገከናሽንከ፥ አዴቲድ ዴኤስ።

ዮሱስ በ ኤርስዮ አሽከረቱዮ ቤቲስ

(መርቆስ 16:14-18፤ ሉቃስ 24:36-49፤ ዮሃንስ 20:19-

23፤ ዮሱስ ኪትዶጌቱ አሱዋ 1:6-8፤ ኮይሮ ቆሮንቶስ 15:3-8)

¹⁶ሽን ተመኔ እሲን ኤርስዮ አሽከረት ዮሱስ በንተነ ቢቴ ጊዶ ገሊላ ዴርያ ቢዶሶን። ¹⁷ቢድ አ ቤእዶ ወዴ አዮ ጎይንዶሶን፤ ሽን ኤተፔ እሶት እሶት ስርዶሶን።

¹⁸ዮሱስ ኤተኮ ሺቅድ፥ ኤተ ሀጋደን ያጊስ፤ «ማተ አብይ ሰሉዋንኔ ሰአን ታዮ እጫቲስ። ¹⁹ሄጋ ግሸው፥ እንቴ ቢድ፥ አሰ ኡባ ተነ ካልያጌተ አትቴ፤ አዋ ሱንተን፥ ነአ ሱንታንኔ ጌሸ አያና ሱንተን ኤተ ጠመቅቴ። ²⁰ታን እንቴነ አዘዝዶባ ኡባ ኤት ናገነ መለ፥ ኤተ ተማርስቴ፤ ታን ዎድያ ዉርሴተይ ገከናስከ ኡባ ወዴ እንቴናረ ዴእዮጋ አኬክቴ» ያጊስ።

መርቆስ

ዎንጌልያ ምሽራቸዋ

ግዱዋ ኤርሱዋ

መርቆስ ዎንጌሌ ኮይሮ ዴንዲድከ፥ «ሀጌ ጦሳ ነኣ ዩሱስ ክርስቶስ ምሽራቸዋ ቃለው ዶሜታ» ጊድ ዶሜስ፥ ሀ ዎንጌልያ ምሽራቸዋ ግድን ዩሱስ ኦሱዋሰኔ ማታሰ ግድድ ሺቂስ፥ አ ማተይ አ ትምርትየን፥ ጠለህያ ጭታ ቦል አዮ ዴእየ ዎልቃንኔ ነገራ አቶ ግዮገን ቤቲስ፥ ዩሱስ፥ «አሳ ነገራ አይሌቴታፔ ኬሰነው ታን ተ ዴኡዋ አተደ እመነው ዩደ አሳ ነኣ» ያግድ እ በ ሁጲን ሃሰዩስ፥

መርቆስ ዩሱስ ታርክያ ስተ አግያንኔ ዎልቀይ ኩምዶ አግየን አዲስ፥ እ በይረይድ አድዶጌ ዩሱስ ቃላኔ ትምርትያ ግዴነን እ አትዶ አረተ አሶተ፥ ጠመቅየ ዮሃንስ ታርክያ፥ ዩሱስ ጥንቀትያኔ ፓጭያ ቀንተን ኤርስ ስምድ፥ ዩሱስ ተማርሱዋኔ ፐቱዋ አስድ ኦዴስ፥ ተኪድ ተኪድ ዩሱስ ካልያጌት ዩሱስ ሎይትድ ኤር ኤርድ ቢዶሶነ፥ ዩሱስ እጥያጌትከ እጡዋ ጉጅ ጉጅድ ቢዶሶነ፥ ወርሴተ ምራፊት ዩሱስ ዴኡውን ወርሴተ ሳምንታ ግድን ፖሌትደ አሶተ፥ ሄጌትከ አ ከቂታባኔ አ ዴንዱዋባ አድያጌተ፥

ዎንጌልያ ምሽራቸዋ ወርሴተን ሀጳ ግድን ቤትየ ናኡ ክፍሌት እስ እስ ብርሼተቱ ጠላላን ዴእያጌተ፥

ጠመቅየ ዮሃንስ አዋጁዋ

(ማትዮስ 3:1-12፤ ሉቃስ 3:1-18፤ ዮሃንስ 1:19-28)

1 ¹ጦሳ ነኣ ዩሱስ ክርስቶስ ዎንጌልያ ምሽራቸዋ ዶሜታ፥ ²ሀነነባ ዮትየ እስያስ ጣፍዶ መጣፈን ጦስይ፥

«ቤአ፥ ተ ኪትዮጋ ታን ኔፔ ስንተው ዩደነ፥

እ ኔዮ አግያ ኬሰነ፥

³ እሶይ በዘን በ ቃላ ጦቄ አትድ፥

‹ጎዳ አግያ ጊግስቴ፥

እ ሄሜተነ ሎሱዋከ

አዮ ስት አትቴ) ጊስ»

ያጌስ፥

4 ጠመቅየ ዮሃንስ አሳ ጠመቂድኔ፥ «እንቴ ነገራቴ ስምድ ጠመቅትቴ፤ ጠሰይ እንቴ ነገራ አቶ ጋነ» ያግድ ቃላ ዮቲድ።

በዞን ክይ ወዲስ፥ 5 ይሁዳ ቢተን ዴእየ አሰይ አብይኔ ዩሩሳሌም ከተማ አሰይ አብይ ዮሃንስኮ ዩስ። ዩድ በ ነገራ ፓጥን፥ ዮሃንስ ሄ አሳ ዮርዳኖስ ሻፈን ጠመቂስ።

6 ዮሃንስ ጋሜላ እክስየን ደድዶ አፈላ ማይድ፥ በ ጤስን ደፉዋ ግጤስ፤ ቀስ ቦልያኔ ዴጌራ ኤሳ ሜስ። 7 ዮሃንስ ቃላ ዮቲድ፥ «ታቴ ጉዩረ ደሮ ምንያጌ ዩስ፤ ሀረይ አቶ፥ ሆከደ አ ጫማ ደፉዋ ብርሸነውከ ታዮ ቤሴነ። 8 ታን እንቴነ ሃተን ጠመቂይስ፤ ሽን እ እንቴነ ጌሸ አያነን ጠመቀነ» ያጌስ።

ዩሱስ ጠመቅትዶጋኔ ፓጩትዶጋ

(ማትዮስ 3:13-17፤ 4:1-11፤ ሉቃስ 3:21-22፤ 4:1-13)

9 ዩሱስ ሄ ወዴ ገሊላ ቢተን ዴእየ ናዝሬቴ ከተማፔ ይን፥ ዮሃንስ ዮርዳኖስ ሻፈን አ ጠመቂስ። 10 ዩሱስ ሃታፔ ክዮሳረ ሰሎይ ዶዩትሺንኔ ጌሸ አያነይ በ ቦል ሀረጴደን ዎድሽን ቤኢስ። 11 ቀስ ሰሉዋፔ፥ «ታን ሲቅዮ ተ ነአይ ኔነ፤ ተነ ኔበይ አፈይሴስ» ያግየ ቃለይ ዩስ።

12 ሶሁዋረከ ጌሸ አያነይ በዞ አ ዩዲስ። 13 ዩሱስ በዞን በነ ሴጣነይ ፓጭሽን፥ አይተሙ ገለሰ ገቲስ፤ ዶኣረከ ዴኢስ፤ ኪተንቸትከ ዩድ፥ አዮ አትዶሶነ።

ዩሱስ ሞልያ አይቅየ አይዱ አስተ ጤሲስ

(ማትዮስ 4:12-22፤ ሉቃስ 4:14-15፤ 5:1-11)

14 ዮሃንስ ቀሼቲችዶጋፔ ጉይየን፥ ዩሱስ ጦሳ ከዎቴታ ዎንጌልያ ምሽራቹዋ ዮቲድ፥ ገሊላ ቢት ቢስ፤ 15 ቢድ፥ «ወዴ ገኪስ፤ ጦሳ ከዎቴታይከ መተቲስ። እንቴ ነገራቴ ስምድ፥ ዎንጌልያ ምሽራቹዋ አመንቴ» ያጌስ።

16 ዩሱስ ገሊላ አባ ለንቅያረ አዲድ፥ ሞልያ አይቅያጌተ፥ ስሞነኔ አ እሻ እንድራሰ፥ በንተ ግትያ አበን ዩግያጌተ ቤኢስ። 17 ቤእድ ኤተ፥ «ተነ ካልቴ፤ ታን እንቴነ አሰ አይቅዮጋ ተማርሰነ» ያጌስ። 18 ያግን ኤት ሶሁዋረከ በንተ ግትያ ዩግ በይድ፥ ዩሱስ ካልዶሶነ።

19 ዩሱስ ጉታ ስንተውኮ ቢድ፥ ዘብድዮስ ናተ ናኡ እሸንተ፥ ያቆበኔ ዮሃንስ ዎልዎሎ ግዶን በንተ ግትያ ጊግስያጌተ ቤኢስ። 20 እ ቤኣሳረከ ኤተ ጤስን፥ በንተ አዋ፥ ዘብድዮስ፥ አ አሰንቸቱረ ዎልዎሎ ግዶን ዩግ በይድ፥ ዩሱስ ካልድ ቢዶሶነ።

1:6 2ከዎ 1:8

1:11 ዶሜ 22:2፤ መዘ 2:7፤ እስ 42:1፤ ማት 3:17፤ 12:18፤ መር 9:7፤ ሉቃ 3:22

1:15 ማት 3:2

ቱነ አያነይ አይቅዶ ብተኔ ፐጢስ

(ሉቃስ 4:31-37)

21ኤት ቅፍርናሆመ ግዮ ከተማ ጌልዶሶነ፤ ዩሱስ ሰምበተ ገለስ ሱሳዋረ አይሁደ ዎስ ኬታ ጌልድ፡ ተማርሱዋ ዶም አጊስ። 22ባዮ አላፌቴተይ ዴእዮ አሰደን፡ አሳ እ ተማርስዮጋጌ አትን፡ ህግያ ተማርስዮጌቱደን ተማርሲነ ግሸው፡ አሰይ አ ትምርትየን ገረሜቲስ።

23ሄ ዎዴ ኢተ አያነይ ዴእዮ እስ ብተኔ አይሁደ ዎስ ኬታ ጌሎሳረከ በ ቃላ ጦቁ አትድ፡ 24«ናዝሬተ ዩሱሳ፡ ኔን ኑፔ አይ ኮየይ? ኑነ ጠይሰነው ያዲ? ኔን አነኮ ኤረይስ፤ ኔን ጦሳ ጌሻ ግድኪ!» ያጊስ።

25ዩሱስ ሄ ኢተ አያና፡ «ሀይዘ፤ ብተንያፔ ክየ» ያግድ አዘዘስ።

26ኢተ አያነይ ብተንያ ደፌሬትኔ፡ ዎልቀፔ ዋስስድ፡ አፔ ክይ አጊስ። 27አሰይ ኡብይ ገረሜትድ፡ «ሀጌ አይቤ? ሀ ብተኔ በ አላፌቴተን ሀረይ አቶ፡ ኢተ አያነተከ አዘዘስ፤ ኤትከ ቀስ አዮ አዘዘቶሶነ፤ ሀጌ አይበ አረተ ትምርቴ?» ያግድ፡ በ ግዶን እሶይ እሱዋ አይቺስ።

28ዩሱስብይ ሱሳዋረ ገሊሊ ቢተን ዴእየ ሄረ ኡባ ገዝ አጊስ።

ዩሱስ ደሮ ሀርገንቸተ ፐቲስ

(ማጥሮስ 8:14-17፤ ሉቃስ 4:38-41)

29ዩሱስ አይሁደ ዎስ ኬታፔ ክዮሳረ፡ ያቆባረኔ ዮሃንሳረ ስሞነ ሶኔ እንድራስ ሶ ብ አጊስ። 30ስሞነ ቦሎትያ ቆጦኔ ምሾ ሀርገደ ዝንእዳርባ እ ያ ገባሳረከ አዮ ኦድ አግዶሶነ። 31እ እኮ ሺቅድ፡ እ ኩሽያ አይቅድ፡ አ ዴንት ኤሲስ፤ ቆጦይኔ ምሾይ አ አግን፡ አ ኤተዮ አታሱ።

32ሀርግደ አሰ ኡባኔ ጠለሄት አይቅዶ አሰ ኡባ አመርስ አወይ ዉልዶጋፔ ጉይየን፡ አኮ ኤሂዶሶነ። 33ከተመን ዴእየ አሰይ ኡብይ ሄ ከሬ ሺቂስ። 34ዩሱስ ዱመ ዱመ ሀርግየን አይቂትደ ደሮ አሳ ፐትድ፡ ደሮ ጠለሄተከ ኬሲስ። ክርስቶስ እ ግድዮጋ ጠለሄት ኤርዶ ግሸው፡ ኤተ ሃሰይሴነን ድጊስ።

ዩሱስ ገሊሊን ተማርሲስ

(ሉቃስ 4:42-44)

35ዩሱስ ማለዶ ዎንትማተን ዴንድድ፡ ሱፔ ክይድ፡ አስ በይነሳ ቢስ፤ ቢድ ያን ጦሳ ዎሲስ። 36ስሞንኔ አረ ዴእያጌት አ ኮዬድ ቢዶሶነ። 37ኤት አ ዴምድ፡ «አሰይ ኡብይ ኔነ ኮዬስ» ያጊስ።

38ያግን ዩሱስ ቀስ ኤተ፡ «ሄጋ ሄረን ዴእየ ሀረ ከተመተ ህንድቴ፤ ታን ሄገንከ ቃላ ዮተነው ቤሴስ፤ አይስ ጊኮ፡ ታን ዩዶጌ ሄጋስ» ያጊስ። 39ያግድ አይሁደ ዎስ ኬተቱን ቃላ ዮተድኔ ጠለሄተ ኬሲድ፡ ገሊሊ ቢተ ኡባ ዩዩስ።

ዮሱስ እንችርቸይ አይቅዶ ብተንያ ፐቲስ

(ማጥዮስ 8:1-4፤ ሉቃስ 5:12-17)

40 እንችርቸይ አይቅዶ እስ ብተኔ ዮሱስኮ ዬድ፥ አ ስንተን ጉልበትድ፥ «ኔን ኮይኮ፥ ተነ ፐተነው ደንደያሰ» ያግድ ዎሲስ።


41 ዮሱስ አዮ ቀሬቲስ፤ በ ኩሽያ ዬድድ፥ አ ቦችድ፥ «ታን ኮየይስ፤ ፐጠ!» ያጊስ። 42 ሶሁዋረከ እንችርቸይ ብተንያ ዬድ አግን፥ ብተኔ ፐጥ አጊስ። 43 ዮሱስ ዎልቀፔ ጎደትድ፥ ሶሁዋረ አ ኬስ ዮዲስ። 44 ዮሱስ አ፥ «ኔነ ኤረ! ሀጋ አዮኔ ዮቶፐ፤ ሽን ባደ ኔ ቦላ ቄስያ ቤስ፤ ቀስ ኔን ሀእ ጌሽ ግድዶጋ አሳ ኤርሰነው፥ ሙሴ አዘዝዶ የርሹዋ የርሸ» ያጊስ።

45 ሽን ብተኔ ቢድ፥ ዮሁዋ ኡበሰን አሰ ኡበው አዱዋኔ ላሌታ ዶሚስ፤ ሄጋ ግሸው፥ ዮሱስ ቆንጭያ ክይድ፥ ከተመ ጌለነው ደንደይቤነ፤ ሽን አስ በይነሰን ገጠን ዴኢስ፤ ቀስ አሰይ ኡበሳፔ አኮ ዮስ።

ዮሱስ ቦለይ ስልዶ ብተንያ ፐቲስ

(ማጥዮስ 9:1-8፤ ሉቃስ 5:17-26)

2¹ አመርደ ገለሳፔ ጉይየን፥ «ዮሱስ ቅፍርናሆመ ጉዬ ስምድ፥ ሶን ዴኤስ» ግዮ አዶይ ስዮቲስ። 2 ኬተይ ኤኬነን እጥን፥ ሀረይ አቶ፥ ከሬከ ኡንአነ ገከናስ ደሮ አሰይ ሺቂስ፤ ሺቅን ዮሱስ ቃላ አሰው ዮቴስ። 3 አይዱ አሰት ቦለይ ስልዶ እስ ብተንያ ቶክድ፥ አኮ ኤሂዶሶን፤ 4 አሰይ ደርዶ ግሸው፥ ብተንያ ዮሱስኮ ኤፋነው ኤተዮ ደንደይቴነን



እጥን፥ ዮሱስ ዴእዮ ግናረ ኬታ ቃርድ፥ ካራ ሉክዶሶነ፤ ሄ ሉክዶሳረ ብተንያ እ ዝንእዶ ሀላረ ዱጌ ዮድድ፥ ዮሱስ ስንተን ዎትዶሶነ።*

5 ዮሱስ ኤተ አመኑዋ ቤእድ፥ ሄ ቦለይ ስልዶ ብተንያ፥ «ተ ነአው፥ ኔ ነገረይ አቶ ጌቴቲስ» ያጊስ።

6 ያግን ህግያ

ተማርስያጌቴፔ ሄ ሶሁውን ኡትደ እሶት እሶት በንተ ዎዘነን፥

7 «ላ ሀ ብተኔ ሀጋ መለ ኢተባ ጦሳ ቦል አይስ

ሀርገንቻ ሀላረ ዱጌ ዮሱስ ስንተን ዎትዶሶነ (መር 2:4)

ሃሰዱ? ጦሳ ጠላላቴ አትን፥ ሀረይ አን ነገረ አቶ ጋነው ደንደዱ?» ያግድ ቆጥቶላኝ።

⁸ኤት በንተ ዎዘነን ሄጋደን ቆጥቶ ሎሱስ ሶሁዋረ በ አያነን ኤርድ፥ ኤተ ሀጋደን ያጊስ፤ «እንቱ እንቱ ዎዘነን አይስ ሄጋደን ቆጥቷ? ⁹ቦለይ ስልዶ ብተንያ፥ (ኔ ነገረይ አቶ ጌቱቲስ) ግዮጌ መቱዬ? ዎይ፥ (ዴንደ ኤቀደ ኔ ሀላ ቶከደ ሄሜተ) ግዮጌ መቱ? ¹⁰ሽን ታዮ፥ አስ ነአዮ፥ ሰአ ቦለን ነገረ አቶ ጋነው አላፌቱተይ ዴእዮጋ ታን እንቱነ ኤርሰነ?» ያግድ ሄ ቦለይ ስልዶ ብተንያ፥ ¹¹«ኔነ ገይስ፤ ዴንደ ኤቀ፤ ያተደ ኔ ሀላ ቶከደ ኔ ሶ በ» ያጊስ።

¹²ብተኔ ሶሁዋረ ዴንድ ኤቅድ፥ በ ሀላ ቶከድ፥ አሰይ አብይ ጤልሽን ቢስ፤ ብን አሰይ አብይ ገረሜትድ፥ «ኑን ሀጋ መለባ መሌክ ቤእ ኤርኮ» ያግድ ጦሳ ገለቲስ።

ዮሱስ ሌወ ጤሲስ

(ማትዮስ 9:9-13፤ ሉቃስ 5:27-32)

¹³ዮሱስ ናአንቱዋ ገሊሊ አባ ዶን ቢስ፤ አሰይ አብይ አኮ ዪዳጋ ተማርሲስ። ¹⁴ሄጋረ አዲድ፥ እልጥዮስ ነአ ሌወ፥ ግዮጌ ጌራ ጊርዮስን ኡትዳጋ ዴምድ፥ «ተነ ካለ» ያጊስ። ያግን ሌው ዴንድ ኤቅድ፥ አ ካሊስ።

¹⁵ዮሱስ ቁማ ማነው ሌው ሶን ኡትዳሽን፥ ጌራ ኤክየ ደሮ አሰይኔ ነገረንቸት አረኔ እ ኤርስዮ አሽከረቱረ እስቴ ኡትዶሶነ፥ አይስ ጊኮ፥ አ ካልያጌቱ ግዶን ሄጌቱ መለ አሰት ደርዶሶነ። ¹⁶ህግያ ተማርስየ እስ እስ ፐርሳዌት ዮሱስ ነገረንቸቱረኔ ጌራ ኤክያጌቱረ ቁማ ሚሽን ቤእድ፥ «እ አይስ ነገረንቸቱረኔ ጌራ ኤክያጌቱረ ቁማ ሚ?» ያግድ፥ ኤርስዮ አሽከረተ አይችዶሶነ።

¹⁷ዮሱስ ኤት ግዮጋ ስይድ፥ «ሀርገንቸቱቴ አትን፥ ፕየቱዮ አክሜ ኮሺነ፤ ታን ነገረንቸተ ጤሰነው ዪዶጋፔ አትን፥ ጥሎተ ጤሰነው የቤይኬ» ያግድ ኤተዮ ዛሪስ።

ጦማባ ኤረነው ሺቅደ አይሻ

(ማትዮስ 9:14-17፤ ሉቃስ 5:33-39)

¹⁸ጠመቅየ ዮሃንስ ኤርስዮ አሽከረትኔ ፐርሳዌት ጦሞሶነ፤ አመርደ አሰት ዮሱሰኮ ዪድ፥ «ዮሃንስ ኤርስዮ አሽከረትኔ ፐርሳዌት ኤርስዮ አሽከረት ጦሞሶነ፤ ሽን ኔን ኤርስዮ አሽከረት አይስ ጦሞኮና?» ያግዶሶነ።

¹⁹ዮሱስ ኤተ ሀጋደን ያጊስ፤ «ቡለቻ ዪደ አሰት መችዮ ኤክያጌ በንተናረ ዴእሽን፥ ጠመነው ደንደይዮና? መችዮ ኤክያጌ ኤታረ ዴእሽን፥ ጠመነው ደንደይዮኮነ። ²⁰ሽን መችዮ ኤክያጌ ኤተ መተቴ ኤፋነ ዎዴ ያነ፤ ኤት ሄ ዎዴ ጠመነ።

²¹«ጨግ ማዮ ቦል አረተ ዎቶ ዎት ስክየ አስ ባወ፤ ዎት ስክኮ፥ አረተ ዎቶይ ጨግ ማዮዋ ፔሬሬተነ፤ ፔሬተይክ ከሴጋፔ ደረነ። ²²ቀስ ሆአ

ዎይኔ ኤስ ጩገ አጎሮን ናቅየ አስ ባወ፤ ሽን ናቅኮ፥ ሄ ዎይንያ ኤስይ አጎሩዋ ዳከነ፤ በውከ ጉከነ፤ አጎሮይከ ሞሬተነ፤ ሽን ሆኦ ዎይኔ ኤሳ አረተ አጎሮን ናቁቴስ» ያጊስ።

ሰምበታባ ኤረነው ሺቅደ አይሻ

(ማትዮስ 12:1-8፤ ሉቃስ 6:1-5)

23 ዮሱስ እስ ሰምበተ ገለስ ትየ በንጋ ግድረ አድሽን፥ ኤርስዮ አሽከረት አረ ቢድ፥ በንጋ ትያፔ ዱቴታ ዶምዶሶነ። 24 ፐርሳዌት ዮሱስ፥ «ቤአ፤ ኔን ኤርስዮ አሽከረት ሰምበተ ገለስ ህጌ ግዴነባ አይስ አትዮና?» ያግዶሶነ።

25 ዮሱስ ኤተ፥ «ዳውት ነምሴትድ፥ ምዮባ ኮይዶ ዎዴ፥ በናረ ዴእያጌቱረ አትዶባ ሙሌከ ነበብቤኪቲ? 26 አብያታር ቄሴ ኡበቱ ሀለቀ ግድዶ ዎዴ፥ ዳውት ጦሳ ኬታ ጌልድ፥ ቄሴቱ ጠላለይ ማናፔ አትን፥ አንኔ ማነው ህጌ ግዴናጋ ጎዳ ስንተን ዎትዶ አይታ ሚድ፥ በናረ ዴእያጌቱዮከ እሚስ» ያጊስ።

27 ቀስከ ዮሱስ ኤተ፥ «ሰምበተይ አሰው ሜሬትዶጋፔ አትን፥ አስ ሰምበተው ሜሬትቤነ። 28 ሄጋ ግሸው፥ ታን፥ አስ ነአይ፥ ሀረይ አቶ፥ ሰምበተውከ ጎደ» ያጊስ።

ኩሼ ስልዶ ብተንያ

(ማትዮስ 12:9-14፤ ሉቃስ 6:6-11)

3 ¹ዮሱስ አይሁደ ዎስ ኬታ ናአንቱዋ ጌሊስ፤ ሄንን ኩሼ ስልዶ እስ ብተኔ ዴኤስ። ²እስ እስ አሰይ ዮሱስ ሞተነው ኮይድ፥ ኩሼ ስልዶ ብተንያ ሰምበተን እ ፐትያኮ ቤአነው ምንት ናጊስ። ³ዮሱስ ሄ ኩሼ ስልዶ ብተንያ፥ «ዴንደ ኤቀደ ስንተው ሃ የ» ያጊስ። ⁴ሄጋፔ ጉይየን አሳ፥ «ሰምበተን ሎአባ አትዮጌ ዎጌዬ ኢተባ አትዮጌ ዎጌ? አስ ሼምፖ አሽዮጌ ዎጌዬ ዎርዮጌ ዎጌ?» ያግድ አይቺስ።

ሽን አሰይ ጮኡ ጊስ። ⁵ዮሱስ ሀንቄትድ፥ ኤተ ዮሽ አት ጤልድ፥ ኤት ዮትን ስዩናጌተ ግድዮ ግሸው፥ ኤተው ኬህ ቀሬቲስ፤ ሄ ብተንያ፥ «ኔ ኩሽያ ፕድ አተ» ያጊስ፤ ብተኔ ፕድ አትን፥ አ ኩሼ ፐጥ አጊስ። ⁶ፐርሳዌት አይሁደ ዎስ ኬታፔ ከሬ ክይድ፥ ዮሱስ ዋት ዎረናኮ መቄተነው፥ ሄሮድስ በገቱረ ሶሁዋረ እስሳ ሺቅዶሶነ።

አሰይ አባ ለንቄን ዮሱስኮ ሺቄስ

⁷ዮሱስ በ ኤርስዮ አሽከረቱረ ገሊለ አባ ቢስ፤ ገሊለቴኔ ይሁዳፔ ዬደ ደሮ አሰይ አ ካሊስ። ⁸ቀስከ ደሮ አሰይ ዮሩሰላሜፔ፥ ኤዶምያሰፔ፥ ዮርዳኖስ ሻፋፔ ሄፍንተ በገፔ፥ ጢሮስ ከተማፔኔ ስዶነ ከተማፔ ዮሱስ አትዶባ ስይድ፥ ዮሱስኮ ዬስ። ⁹ዮሱስ ደሮ አሰይ በነ ኡንኤነ መለ፥ በ

ኤርስዮ አሸከረት ወልወሎባ ባዮ ተክሰነ መለ አዘዘሰ።¹⁰ ደሮ አሳ እ
ጥትዶ ግሸው፥ ሀርግዮ አሰይ ኡባይ አ ቦቸነው ሱጌሬቴስ።¹¹ ኢተ አያነይ
ዴእዮ አሰትከ አ ቤእዶ ወዴ ኡባን አ ስንተን ጉፈንድ፥ በንተ ቃላ ጦቁ
አትድ፥ «ኔን ጦሳ ነአ ግድኪ!» ያጎሶነ።

¹² ዩሱስ ሄ ኢተ አያነት በባ አሰው ዮትድ፥ በነ ቆንጭያ ኬሴነ መለ፥
ኤተ ምንትድ አዘዘሰ።

ዩሱስ ተመኔ ናኡ ኤርስዮ አሸከረተ ዶሪስ

(ማትዮስ 10:1-4፤ ሉቃስ 6:12-16)

¹³ ዩሱስ ዴርያ ቦል ክይድ፥ በ ኮይዶ አሰተ ባኮ ጤሲስ፤ ጤስዶጌት
አኮ ቢዶሶነ።¹⁴⁻¹⁵ ኤት በናረ ዴእነ መለኔ ቃላ ዮተነው ኤተ ኪተነ መለ፥
ጠለሄተ ኬሰነውከ ኤተዮ ማተይ ዴእነ መለ፥ ተመኔ ናኡ አሰተ ዶሪስ።

¹⁶ እ ዶርዶ ተመኔ ናኡት ሀጌተ፤ ጴጥሮስ ያግድ ሱንትዶ ስሞነኔ፥
¹⁷ ቦአኔርጌሰ ያግድ ሱንትዶጌተ፥ ዘብድዮስ ናተ ያቆበኔ ያቆበ እሻ ዮሃንስ።
«ቦአኔርጌሰ» ግዮጌ «ደዳ ምለትዮ አሰተ» ግዮጋ።¹⁸ እንድራሴ ፕልጶስ፥
በርተለሞስኔ ማትዮስ፥ ቶማስኔ እልፕዮስ ነአ ያቆበኔ፥ ታድዮስኔ በ
ቢተው ምሼትዮ ስሞነ፥¹⁹ ዩሱስ አት እምደ ይሁዳ አስቆሮተ።

ዩሱስኔ ብኤል-ዜቡለ

(ማትዮስ 12:22-32፤ ሉቃስ 11:14-23፤ 12:10)

²⁰ ዩሱስ ሶ ቢስ፤ ናአንቱዋከ ቀስ ደሮ አሰይ ሺቅን፥ እኔ ኤርስዮ
አሸከረት ሀረይ አቶ፥ ቁማ ማነውከ ደንደይቦኮነ፤²¹ አሰይ አ፥ «ጎዮስ»
ግዮ ግሸው፥ አ ደቦት ሄጋ ስይድ፥ አ ኤከነው ቢዶሶነ።

²² ህግያ ተማርስዮ እስ እስ አሰት ዩሩሰላሜፔ ዩድ፥ «አ ቦል ብኤል-
ዜቡል ዴኤስ» ያግዶሶነ፤ ቀስ ሀረት፥ «ጠለሄቱ ሀለቀይ በዮ ወልቃ
እምን፥ ጠለሄተ ኬሴስ» ያግድ ሃሰይዶሶነ።

²³ ዩሱስ አሳ ባኮ ጤስድ፥ ሌምሱዋ ዮቲድ፥ «ሴጣነይ ሴጣና ዋት
ኬሰነው ደንደይ? ²⁴ እስ ከዎቱተይ በ ግዶን ሻሄትኮ፥ ሄ ከዎቱተይ ኤቀነ
ደንደይነ፤ ²⁵ ቀስ እስ ኬተ አሰይከ በ ግዶን ሻሄትኮ፥ ሄ ኬታ አሰይከ
ኤቀነው ደንደይነ። ²⁶ ቀስ ሴጣነይ በናረ አዩትድ ሻሄትኮ፥ ጠየናፔ አትን፥
ዴእነ ደንደይነ።

²⁷ «ሽን ወልቃመ አሰ ከሴትድ ቀቼነን ዴኢድ፥ አ ኬታ ጌልድ፥ አ
ጧሻ ቦንቀነው ደንደይዮ አስ ባወ፤ ቀችዶጋፔ ጉይዮን፥ አ ኬታ ቦንቀነ
ደንደይስ።

²⁸ «ታን እንቴዮ ቱማ ገይስ፤ ጠሰይ አሰ ናቱዮ ነገረ ኡባኔ ኤት
ጨይዮ ጨሽ ኡባ አቶ ጋነ፤ ²⁹ ሽን ጌሽ አያና ቦል ኢተባ ሃሰይዮ አዮኔ
ሜርነው ነገረ ግድናፔ አትን፥ ጠሰይ ሙሌከ አቶ ጌነ» ያጊስ።³⁰ ዩሱስ
ሄጋ ጊዶጌ፥ እስ እስ አሰት፥ «አ ቦል ኢተ አያነይ ዴኤስ» ያግዶ ግሻስ።

ዮሱስ አይዮኔ እሸንተ

(ማጥዮስ 12:46-50፤ ሉቃስ 8:19-21)

31 አ አይዮኔ አ እሸንተ ዩድ፥ ከሬን ኤቅድ፥ አኮ አስ ኪትድ፥ አ ጤስስዶሶን። 32 ደሮ አስይ አ መተን ኡቲስ፤ ሄ ኪትዶጌ አ፥ «ቤአ፤ ኔ አይዮኔ ኔ እሸንተ ከሬን ኤቅድ፥ ኔናረ ገይተነው ኮዮሶን» ያጊስ።

33 ያማን ዮሱስ ዛርድ፥ «ተ አይዮ ኣኔ? ቀስ ተ እሸንተ ኣኔ?» ያጊስ። 34 በ መተን ኡትደ አሳ ዮሽ አት ጤልድ፥ «ቤእቴ፤ ተ አይዮኔ ተ እሸንተ ሀጌትሆን። 35 ጦሰይ ኮይዮባ አትየይ ኡበይ ተ እሸ፥ ተ ምቕኔ ተ አዮ» ያጊስ።

ዜሬታ ዜርያጋ ሌምሱዋ

(ማጥዮስ 13:1-9፤ ሉቃስ 8:4-8)

4 1 ዮሱስ ናአንቱዋ ገሊሊ አባ ለንቅየን ተማርሱዋ ዶሚስ፤ ኬህ ደሮ አስይ በ ለንቅየን ዩይ አድድ ሺቄትን፥ አበን ዴእየ ዎልዎሎ ግዶ ጌልድ፥ አን ኡቲስ፤ ቀስ ሄ አስይ ኡበይ አባ ለንቅየን ዴኤስ። 2 እ ኤተ ደሮባ ሌምሱውን ተማርሲስ፤ ተማርሲድ ሀጋደን ያጊስ፡

3 «ስይቴ፤ እስ ብተኔ ዜሬታ ዜረነው ክዩስ። 4 እ ዜርሸን፥ እስ እስ ዜሬተይ አግዶ ዶነን ዎዲስ፤ ዎድዳጋ ከፍይ ዩድ ሚስ። 5 እስ እስ ዜሬተይ ጉተ ቢተይ ዴእዮ ሹቻ አንጨዋ ቦል ዎዲስ። ደሮ ቢተይ በይነ ግሸው፥ ሄ ዜሬተይ ሶሁዋረ ሞኪስ። 6 አወይ ክይዶ ዎዴ ሹሊስ፤ አዱስ ጠጵዋ ዩድቤነ ግሸው፥ ሚል በዩስ። 7 እስ እስ ዜሬተይ አጉንተ ግዶን ዎዲስ፤ ዎድድ ሞክዳጋ አጉንተይ ድጭድ ጩልን፥ አይፊነን አቲስ። 8 እስ እስ ዜሬተይ አረደ ቢተን ዎድድ ሞኪስ፤ ድጭድ እሶይ ሀስተማ፥ እሶይ ኡሱፑን ተማ አይፍን፥ እሶይ ጤታ አይፊስ» ያጊስ። 9 ያግድ፥ «ስየነው ሀይት ዴእዮ ኡረይ ሰዮ» ያጊስ።

ዮሱስ ሌምሱውን አድዶ ጋሶተ

(ማጥዮስ 13:10-17፤ ሉቃስ 8:9-10)

10 ዮሱስ ዮትዶጋ ስይደ ሀረ አስትኔ ተመኔ ናኡ ኤርስዮ አሸከረት ዮሱስ በርከ ዴእሸን፥ አኮ ሺቅድ፥ ሄ ሌምሱዋ ብርሼታ አ አይችዶሶን። 11-12 አይችን ዮሱስ ኤተስ ሀጋደን ያጊስ፤ «እንቴስ ጦሳ ከዎቲታ ጦረ ዮሁዋ ኤረይ እሜቲስ፤ ሽን ሀረት ከዎቲታ፤ ከሬረ ዴእያጌት፥ ጤሉዋ ጤልድ ቤኤነ መለ፥ ቀስ ስሳ ስይድከ አኬኬነ መለ፥ ኤት ናአንቱዋ ጦሳኮ ስምን፥ እ ኤተ ነገራ አቶ ጌነ መለ፥ ኤተዮ ኡበበይ ሌምሱውን አዴቲስ» ያጊስ።

ዜርያጋ ሌምሱዋ ብርሼታ

(ማጥዮስ 13:18-23፤ ሉቃስ 8:11-15)

13 ዮሱስ ኤተ፥ «ሀ ሌምሱዋ ኤሬኬቲ? ያትን፥ ሌምሶ ኡባ ዋት ኤሩቴቲ? 14 ዜርያጌ ጦሳ ቃላ ዜሬስ። 15 ቃለይ ዜሬትዮ አግዶ ዶነን

ዴእያጌት ሀጌተ፤ ኤት ቃላ ስይዮ ዎዴ፥ ሴጣነይ ሶሁዋረከ ዬድ፥ ኤተ ዎዘነን ዜሬትደ ቃላ ኤፍርጌስ።¹⁶ ሄጋደንከ ቀስ ሹቻ አንጮይ ዴእዮ ቢተን ዜሬትዳጌት ሀጌተ፤ ኤት ቃላ ስይድ፥ ሶሁዋረ ኡፈይሰን ኤኮሶነ።¹⁷ ኤት ሀእሰው ዴእዮጋፔ አትን፥ ኤተው ምኖ ጠጳይ ባወ፤ ጉዬፔ ቃላ ጋሱወን ዋዬ ዎይ ዬዴተይ ይዮ ዎዴ፥ ኤት ሶሁዋረ ጡቤት አጎሶነ።¹⁸ ቀስ አጉንተ ግዶን ዜሬትዳጌት ሀጌተ፤ ኤት ቃላ ስይያጌተ።¹⁹ ሽን ሀ ሰኣ ዴኡወው ህርግዮጌ ዱሬቴታ ሲቅዮጌኔ ሀረባ አሞትዮጌ ኤተ ዎዘነን ጌልድ፥ ቃላ ጩሴስ፤ ጩልን አይፌነን አት አጌስ።²⁰ ሽን አረደ ቢተን ዜሬትዳጌት ቃላ ስይድ ኤክያጌተ፤ እሶይ ሀስተማ፥ እሶይ ኡሱፑን ተማ አይፍን፥ እሶይ ጤታ አይፊስ» ያጌስ።

ጌመን ዴእየ ጦምፕያ

(ሉቃስ 8:16-18)

²¹ ዬሱስ ጉጅድ፥ «ጦምፔ ኤሂድ፥ ኬሬፔ ዎይ አርሰፔ ገርሳረ ዎትየ አስ ዴኢ? ጠቀን ዎቴኔዬ? ²² አይስ ጊኮ፥ ቆስዶበይ ኡበይ ቆንጭያ ክየነ፤ ቀስ ጌንትዶበይ ኡበይከ ቤቴነን አቴነ። ²³ ስየነው ሀይት ዴእዮ ኡረይ ዴእኮ ስየ» ያጌስ።

²⁴⁻²⁵ ቀስከ ኤተ፥ «እንቴ ስይዮጋ ኤዝግድ ስይቴ፤ ጦሰይ እንቴ መክዶ ቁንኣን እንቴዮ መከነ፥ እ እንቴዮ ደርሰድ እመነ፤ አይስ ጊኮ፥ እስበይ ዴእዮ ኡረው ጉጅ እመነ፤ በይናጋፔ ሀረይ አቶ፥ አው ዴእየ ሄ ጉትዮከ ኤክርገነ» ያጌስ።

ድጭየ ዜሬታ ሌምሱዋ

²⁶ ዬሱስ ቀስከ ያጌስ፤ «ጦሳ ከዎቴተይ በ ገዴን ከተ ዜርየ አስ መለ።²⁷ ሄ ብተኔ ቀም ጥስኬስ፤ ማለዶ ዴንዴስ፤ እ በ ሁጴን ዋንያኮኔ ኤሬነን፥ ሄ ዜሬተይ ሞኬስኔ ድጩስ።²⁸ ቢተይ ከታ በርከ ሞኬስኔ አይፌስ፤ ኮይሮ ጨርሸይ ጫሬስ፤ ጉዬፔ አይፈነው ኩኩሜስ፤ ቀስ ዉርሴተን ኩሜተ አይፍያ አይፌስ።²⁹ ሽን ከተይ ገክዮ ዎዴ፥ ከታ ሺሸዮ ዎዴ ገክዶ ግሸው፥ ብተኔ ሶሁዋረከ ባጫረ ጌል አጌስ» ያጌስ።

ሰናፍጩ ግዮ ምቴ ዜሬታ ሌምሱዋ

(ማትዮስ 13:31-34፤ ሉቃስ 13:18-19)

³⁰ ያግድ ዬሱስ፥ «ኑን ጦሳ ከዎቴታ አይ ምለቴስ ጋኔ? ዎይ አይቢረ ሌምሰኔ? ³¹ ጦሳ ከዎቴተይ ሰናፍጭ ግዮ ቂ ምቴ አይፍዮ ምለቴስ፥ ሄ ምቴ አይፍዮ ዜርዮ ዎዴ፥ ሰኣን ዴእየ ምተ አይፌ ኡባፔከ ጉጠውሱ፤ ³² ኣ ዜርን ሞከደ አታክልቴ ኡባፔ ግተተውሱ፤

4:21 ማት 5:15፤ ሉቃ 11:33

4:22 ማት 10:26፤ ሉቃ 12:2

4:24 ማት 7:2፤ ሉቃ 6:38

4:25 ማት 13:12፤ 25:29፤ ሉቃ 19:26

4:29 ዩኤ 3:13

ደሮ ዳሻ ዳየውሱ። ከፎይ እ ተሽያ ኩውን በው ኬታ ኬጠነ ደንደዩስ» ያጊስ።

33 ዩሱስ ሀጋ መለ ደሮ ሌምሱውን አሰው ጌለነ ገከናስ። በ ቃላ ዮቲስ።
34 አሳዮ ሌምሶይ በይነን ዮቴነ፤ ሽን ዩሱስ በ ኤርስዮ አሽከረቱ ጠላላረ ዴእዮ ዎዴ። ኤተዮ ኡበባ ብርሽድ ዮቴስ።

ዩሱስ ቤታ ጮኡ አቲስ

(ማትዮስ 8:23-27፤ ሉቃስ 8:22-25)

35 ሄ ገለስ ሰአይ አመርን። ዩሱስ በ ኤርስዮ አሽከረተ። «አባ ሄፍንት ፕኖስ» ያጊስ። 36 ኤርስዮ አሽከረት ደሮ አሳ ዩግ በይድ። ዩሱስ ከሴ ጌል ኡትዶ ዎልዎሉውን ጌልድ። ዩሱስ በንተናረ ኤፊዶሶነ፤ ሀረ ዎልዎሉትከ ሄገን ዴአሶነ። 37 ዎልቃመ ጎቴ ዴንድን። ቤተይ ዎልዎሉዋ ሾጭን። ሃተይ ኩመን ገከናስ ዎልዎሉዋ ግዶ ጌሌስ። 38 ዩሱስ ዎልዎሉውን ጉዬ በጋረ ቦርኮታ ቦርኮትድ ጥስኬስ፤ ኤርስዮ አሽከረት አ ዴንትድ። «ተማርስዎን። ኑን ጠይዮ ዎዴ ጮ ጤለይ?» ያግዶሶነ።

39 ያግን እ ቤጎትድ ጎትዮ። «ጮኡ ገ» ጊድ አባከ። «ዎፑ ገ» ጊስ፤ ጎቴከ ጮኡ ግን። ኡበበይከ ዎፑ ጊስ። 40 ዩሱስ በ ኤርስዮ አሽከረተ። «አይስ ሀጋደን የዩቲ? እንቴ ዋን አመኔኬቲ?» ያጊስ።

41 ኤት ደሮ የይድ በንተ ግዶን። «ሀጌ ላ ሀረይ አቶ። ጎቴኔ አበይ አዘዘትዮጌ አኔ?» ያግዶሶነ።

ዩሱስ ቱነ አያነይ አይቅዶ ብተንያ ፐቲስ

(ማትዮስ 8:28-34፤ ሉቃስ 8:26-39)

5 1 ኤት አባፔ ሄፍንት ፕንድ። ጌርጌሴኖነ ግዮ ቢት ገክዶሶነ። 2 አስ ሞግዮ ጎንጎሉዋፔ ኢተ አያነይ ዴእዮ እስ ብተኔ ክይድ። ዩሱስ ዎልዎሉዋፔ ክይዶ ዎዴ። ዩሱሳረ ገይቲስ፤ 3 ብተኔ ሄ ጎንጎሉውን አቅድ ፔእድ። ያን ዴኤስ፤ አ ኦንኔ ናአንቱዋ ሀረይ አቶ። ሰንሰለተን ቀቸነውከ ደንደይቤነ። 4 አይስ ጊኮ። እ ደሮቶ ሁቁናንኔ ሰንሰለተን ቀሼትድ ዴኤስ፤ ሽን ሰንሰለታ ዱቴሬቴስ፤ ሁቁናከ ሜንቴሬቴስ፤ አ ጦነው ደንደይደይ ኦንኔ ባው። 5 እ ኡበ ዎዴ ገለስኔ ቀም። ሄ ጎንጎሉዋ ግዶንኔ ዴሬ ቦል ዋሴስ፤ በ ቦላከ ሹቸን ጋሬስ።

6 ዩሱስ ሃሁውን ቤእዶ ዎዴ። ዎፕድ አዮ ጎይኒስ። 7 ሄ ብተኔ በ ቃላ ጦቁ አትድ። «ኡባፔ ቦለ ጦሳ ነአው ዩሱሳ። ኔነኔ ተነ አይቤ ገትየይ? ተነ ቀጠዬነ መለ። ታን ኔነ ጦሳ ሱንተን ዎስይስ» ያጊስ። 8 እ ሄጋ አይስ ጊዴ ጊኮ። ዩሱስ አ። «ላ ሀ ኢተ አያነው። ሀ ብተንያፔ ክየ» ያግዶጋስ።

9 ዩሱስ አ። «ኔ ሱንተይ አኔ?» ያግድ አይቺስ።

አይቸን እ። «ኑን ደሮ ግድዮ ግሸው። ተ ሱንተይ ሌግዮነ» ያጊስ።

10 ያግድ ኢተ አያነተ ሄ ቢታፔ ኬስ ዩዴነ መለ። ዩሱስ ምንትድ ዎሲስ።

11ሄ ዴርያ ቦለን ደሮ ጉዱንታ ዉዴ ሄሜቱስ፤ 12ኢተ አያነት
ዬሱስ፥ «ኑነ ህን ጉዱንታ ዉድያኮ ዬደርኪ፤ ኤተን ቢድ ጌሎስ» ያግድ
ዎስን፥ 13ዬሱስ፥ «ቢቴ» ያጊስ። ያግን ኢተ አያነት ብተንያፔ ክይድ፥
ጉዱንተቱን ጌልዶሲ፤ ናኡ ሸኦ ግድየ ጉዱንታ ዉዴ ከካ ሁጽያረ
ጃሚድ፥ አበን ጌልድ፥ ሜቱት በዩስ።

14ጉዱንታ ዉድያ ሄምያጌት በቀትድ፥ ሀንደባ ከተማንኔ ከተማፔ ገጠ
ቢተን ዮትዶሶነ፤ ዮትን ሄጋ ቤኣነው አሰይ ዩስ። 15አሰይ ዬሱስኮ ዩድ፥
ጠለሄት ቤን አይቅዶ ሌግየነ ግዮ ብተኔ በ ዎዘነይ ስምን፥ ማዩዋ ማይድ፥
ሄገን ኡትዳጋ ቤእድ፥ ኡበይ የዩስ። 16ሄጋ ቤእደ አሰት ጠለሄት
አይቅዶ ብተኔ ሀንደባኔ፥ ቀስ ጉዱንታ ዉድያባ ሄ አሳስ ዮትዶሶነ። 17ሄጋ
ግሸው፥ አሰይ በንተ ቢታፔ ዬሱስ ባነ መለ፥ ዎሳ ዶሚስ።

18ዬሱስ ዎልዎሎውን ጌልሸን፥ ጠለሄት አይቅዶ ብተኔ ዬሱሳረ ዴኣነ
መለ፥ ዬሱስ ዎሲስ። 19ሸን ዬሱስ እጥድ አ፥ «ኔ ሶ ስመደ፥ ጎደይ ኔስ
ዋንደ ግተባ ኦትዳኮኔ ቀስ እ ኔስ ዋንደ ኬሀኮኔ ኔ ሶ አሰው ዮተ» ያጊስ።
20ብተኔ ቢድ፥ ተሙ ከተማ ግዮሰን ዩይድ፥ ዬሱስ ባስ ዋንደ ግተባ
ኦትዳኮ፥ ዮቱዋ ዶሚስ፤ እ ዮትዶጋ ስይደ አሰይ ኡበይ ገረሜቲስ።

ያእሮስ ነኣኔ ዬሱስ ማዩዋ ቦችደ መጫስዮ

(ማትዮስ 9:18-26፤ ሉቃስ 8:40-56)

21ዬሱስ ስምድ፥ ዎልዎሎውን ጌልድ፥ አባ ፕንዶጋፔ ጉይየን፥ ደሮ
አሰይ አባ ለንቅየን አ መት ዩይ አድድ ሸቂስ። 22ያእሮስ ግዮጌ፥
አይሁደ ዎስ ኬታ ሀለቀቱፔ እሶይ፥ ዬሱስ ቤእዶ ዎዴ አኮ ዩድ፥ አ
ቶሁውን ኩንዲስ፤ 23ኩንድድ፥ «ተ ነእያ ሀርገደ ሀይቀነ ሀነውሱ፤ አ
ፐጠደ ፐየ ዴኣነ መለ፥ ያደ ኔ ኩሽያ እ ቦል ዎተርኪ» ያግድ ዬሱስ
ምንትድ ዎሲስ።

24ዬሱስ ያእሮሳረ ቢስ፤ ቢሸን ኬህ ደሮ አሰይ አ ካሊድ ኡንኢስ።

25ተመኔ ናኡ ለይታስፔ ዶምድ፥ እ ቦላፔ ሱተይ ጎግዮ እስ መጫስያ
ዴአውሱ። 26ደሮ አክሜት አ አክምሸንከ፥ አ ፐጠ ካኤታሱ፤ በ ሚሻ
ኡባ ዉርስንከ እዮ ሃ ኢትዶጋፔ አትን፥ አይኔ አ ማድቤነ። 27ሄ መጫስያ
ዬሱስባ ስየደ፥ አሳ ግዶረ ዬሱስፔ ጉዬረ ያደ፥ አ አፈላ ቦቻሱ። 28አይስ
ጊኮ አ፥ «ታን ሀረይ አቶ፥ አ አፈላ ቦቻኮ ፐጠነ» ያገደ ቆፓሱ።

29እፔ ጎግዮ ሱተይ ሶሁዋረከ አግ በዩስ፤ አ በ ዋይያፔ ፐጥዶጋ በ
ቦለን ኤረ አጋሱ። 30ዬሱስ ባፔ ዎልቀይ ክይዶጋ በ ሁጲን ኤርድ፥
ሶሁዋረ ደሮ አሳ ግዶን ጉዬ ስምድ፥ «ተ አፈላ ቦችደይ አኔ?» ያጊስ።

31ኤርስዮ አሸከረት አ፥ «አሰይ ኔነ ሱግዮጋ ቤአይደ፥ (ተነ ኦኔ
ቦችደይ?) ያገይ?» ጊዶሶነ።

32ዬሱስ ሄጋ ኦን ኦትዳኮኔ ቤኣነው ዩሽ አትድ ጤሊስ፤ 33ሸን
ምሽርያ ባዮ ሀንደባ ኤረደ፥ የሻ ኮኮረይደ ያደ ዬሱስ ስንተን ጉፈናሱ፤
ቀስ ቱሙ ሀንደባ ኡባ አዮ ዮታሱ። 34ዮትን ዬሱስ አ፥ «ተ ነኤ፥ ኔነ ኔ
አመኖይ ፐቲስ፤ ሰሩውን በ፥ ኔ ዋይያፔፔ ፐጠ» ያጊስ።

35 ዩሱስ ብሮን ሄጋ ጊሽን፥ አይሁደ ዎስ ኬታ ሀለቃ ሶፔ ኪቴትደ አሰት ዪድ፥ «ኔ ነእያ ሀይቀይቻሉ፤ ስም ተማርስያጋ አይስ ዳፉርሰይ?» ያግደሳን።

36 ሽን ዩሱስ ኤት ግዮጋ ስይድ፥ አይሁደ ዎስ ኬታ ሀለቃ፥ «አመኖ ጠላላ አመነፔ አትን፥ የዮፕ» ያጊስ። 37 ዩሱስ ጴጥሮስ፤ ያቆበፔኔ ያቆበ እሻ የሃንሰፔ ሀረይ አንኔ በነ ካሌነ መለ ድጊስ። 38 ኤት አይሁደ ዎስ ኬታ ሀለቃ ሶ ገክዶ ዎዴ፥ ዩሱስ አሰይ ዎዘና በይድ ዩክዮጋኔ ዝላልዮጋ ቤኢስ። 39 ጌልድ አሳ፥ «አይስ ዎዘና በይድ ዩክቴ? ነእያ ጥስካሱፔ አትን፥ ሀይቀቤይኩ» ያጊስ።

40 ያግን አሰይ አ ቦል ሚጪስ፤ ሽን አሰ ኡባ ከሬ ኬስድ፥ ነኤ አዋኔ አይዮ ሄ በናረ ዴእየ ኤርስዮ አሽከረተኔ ኤክድ፥ ነእያ ዴእዮሳ ጌሊስ። 41 ዩሱስ ነኤ ኩሽያ አይቅድ፥ «ጣልታ፥ ቁሚ» ያጊስ፤ ሄጋ ብርሼተይ፥ «ጉተ ነኤ፥ ታን ኔነ ዴንደ ገይስ» ግዮጋ።

42 ነእያ ሶሁዋረክ ዴንደ ኤቀደ ሄሜቴታሉ፤ አ ተመኔ ናኡ ለይተ ነእ፤ ሄጌ ሀንዮገን አሰይ ኬህ ደሮ ገረሜቲስ። 43 ዩሱስ ሄጋ ኤት አዮኔ አዴነ መለ፥ ኤተ ምንት አዘዝድ፥ «እዮ ምዮባ እምቴ» ያጊስ።

ዩሱስ ናዝሬቴን ኤኬነን እጥደሶነ

(ማትዮስ 13:53-58፤ ሉቃስ 4:16-30)

6 1 ዩሱስ ሄጋፔ ክይድ፥ በ ቢት ናዝሬቴ ከተማ ቢስ፤ ኤርስዮ አሽከረተክ አ ካልድ ቢደሶነ። 2 ሰምበተ ገለስ አይሁደ ዎስ ኬተን ተማርሱዋ ዶሚስ፤ እ ተማርስዮጋ ስይደ ደሮ አሰይ ገረሜትድ፥ «ሀጌ ሀ ኡበባ አውፔ ዴምዴ? ሀ አዮ እሜትደ አድደ ኤረቴተይ አይቤ? ጦሰይ አትዮ መላታ እ ዋትድ አቲ? 3 ሀጌ አናጥያ ግዴኔ? መይራም ነእ፥ ያቆበ እሻ፥ ዮስ እሻ፥ ይሁዳ እሻ፥ ስሞነ እሻ ግዴኔዬ? አ ምቹንት ኑናረ ሀገን ዴአኮናዩ?» ያግድ፥ እ ግዮባ ኤኬነን እጢስ።

4 ዩሱስ ሄ አሳስ፥ «ሀነባ ዮትያጌ በ ቢተን፥ በ ደቡቱንኔ በንተ ሶ አሰን ቦንቹቴናጋፔ አትን፥ ኡበሰን ቦንቹቴስ» ያጊስ። 5 እ ሄ ሶሁውን በ ኩሽያ አመርደ አሰቱ ቦል ዎትድ፥ ኤተ ፕትዶጋፔ አትን፥ ጦሰይ አትዮ መላታ አተነው አይኔ ደንደይቤነ። 6 አሰይ አመንቤነ ግሽው ገረሜቲስ።

ዩሱስ ተመኔ ናኡ ኤርስዮ አሽከረተ ኪቲስ

(ማትዮስ 10:5-15፤ ሉቃስ 9:1-6)

ሄጋፔ ጉይየን፥ ዩሱስ ሄጋ ሄረን ዴእየ ቂር ከተመቱን ዩይ ዩይድ፥ አሳ ተማርሴስ። 7 ዩሱስ ተመኔ ናኡ ኤርስዮ አሽከረተ ባኮ ጤስድ፥ ናአ ናአ ኪቲስ፤ ቀስ ኤተዮ ኢተ አያነተ ኬስዮ ዎልቃ እሚስ። 8 እምድ ኤተ፥ «አጌ ጠምአፔ አትን፥ ቁመ፥ ቀርጪተ፥ እንቴ ኪሴን ሚሻ አይኔክ አይቆፕቴ። 9 እንቴ ቶሁውን ጫማ ዎትቴ፤ ሽን ናኡ ቆሌ

ማየፕቴ» ያረሰ። ¹⁰ ቀስከ ኤተ፥ «እንቴነ አስ አወን ሞክኮከ፥ ከተማፔ ክየነ ገከናሽን፥ ሄ ኬተን ኡት በይቴ። ¹¹ እንቴነ አስ ሞኬነሳ ዎይ እንቴ የትዮባ ስዬነሳ አወ ግድኮከ፥ ሄ ቢተን ዴእየ አሳየ ሄጌ መርከ ግደነ መለ፥ ሄ ሶሁዋፔ ክይድ፥ እንቴ ቶሁዋፔ ቡህያ ሾጭቴ» ያረሰ።

¹² ተመኔ ናኡ ኤርስዮ አሸከረት ቢድ፥ አሰይ በ ነገራፔ ስመናደን፥ ቃላ የትዶሶነ። ¹³ ኤት አሳፔ ደሮ ጠለሄተ ኬስድ፥ ሀርግየ አሳ ደሩዋ ዘይትያ ትይድ ፕትዶሶነ።

ጠመቅየ የሃንሰ ሀይቁዋ

(ማትዮስ 14፡1-12፤ ሉቃስ 9፡7-9)

¹⁴ አሰይ ዬሱስ ሱንታ ዴንትዮ ግሸው፥ ከዎይ ሄሮድስ ሄጋ ኡባ ስዬስ፤ እስ እስ አሰይ፥ «ጠመቅየ የሃንሰ ሀይቁዋፔ ዴንዲስ፤ ጦሰይ አትዮ ዎልቃመ መላታ እ አትዮጌ ሄጋሰ» ያረሰ።

¹⁵ ሽን ሀረት አ፥ «ሀጌ ኤላስ ግዴኔ?» ያግዶሶነ።

ሀረት ቀስ፥ «ሀጌ ቤን ዎዴ ሀነነባ የትያጌተ ምለትየ ሀነነባ የትያጋ ግዴኔ?» ያግዶሶነ።

¹⁶ ሽን ሄሮድስ ሄጋ ሰይዶ ዎዴ፥ «ሄጌ ታን ቆርያ ሙጭስዶ ጠመቅየ የሃንሰ ግዴኔ? ሄ እ ሀይቁዋፔ ፕጢስ» ያረሰ።

¹⁷ አይስ ጊኮ፥ ሄሮድስ በ እሻ ፕልጶስ መችዮ ሄሮድያዶ ኤክ ዎቲስ፤ ሄሮድስ እ ግሸው፥ በ ሁጲን አሰ ኪትድ፥ የሃንሰ አይትድ፥ ቀሽስ ዎቲስ። ¹⁸ አይስ ጊኮ፥ የሃንሰ ሄሮድስ፥ «ኔን ኔ እሻ መችዮ ኤክነው ቤሴነ» ያግ ዎቲስ።

¹⁹ ሄሮድያዶ የሃንሰው ኡሉወን ሞርክያ አይቀደ አ ዎርሰነው ኮያሱ፤ ሽን ደንደየቤይኩ። ²⁰ የሃንሰ ጥሎ አሰኔ ጌሽ አሰ ግድዶጋ ሄሮድስ ኤርዶ ግሸው፥ አዮ የይድ፥ ሎይት ናግ ዎቲስ፤ የሃንሰ ግዮባ ሰይድ፥ በ ዎዘነን ኬህ ሜቶቲድክ አባ ኡፈይሰን ስዬስ።

²¹ ሄሮድስ በ ዬሌትዶ ገለስ፥ ዴርያ ሃርያጌቱዮ፥ ሻለቀቱዮኔ ገሊለን ዴእየ ግተ አሳየ እመቱዋ ጊግስዶ ዎዴ፥ ዉርሴተን ሄሮድያዶ እንጂ ገለሳ ዴማሱ። ²² ሄሮድያዶ ነእያ እመታ እመትዮሳ ጊለ ዱረደ፥ ሄሮድስኔ አ እመተተ ኡፈይሳሱ፤ ኡፈይስን ከዎይ ነእዮ፥ «ኔን ሎእደባ አይበ ግድኮኔ ተነ አይቸ፤ ታን ኔዮ እመነ» ያረሰ። ²³ ቀስ እዮ ደሮ ጫቅድ፥ «ኔን አይችደባ አይበ ግድኮከ፥ ታን ኔዮ እመነ፤ ሀረይ አቶ፥ ተ ከዎቲታፔ በጋ ግድኮከ፥ ታን ኔዮ እመነ» ያረሰ።

²⁴ ነእያ ከሬ ክየደ በ አይዮ፥ «አይ እመ ጎ?» ያገደ አይቻሱ።

አይችን፥ እ አይያ፥ «ጠመቅየ የሃንሰ ሁጵያ እመ ገ» ያጋሱ።

²⁵ ነእያ ኤሱወን ከዉዋኮ ባደ አ፥ «ጠመቅየ የሃንሰ ሁጵያ ሶሩወን ዎተደ፥ ኔን ሀእ ተው እመናጋ ኮየይስ» ያጋሱ።

26 ያግን ከዎይ ደሮ ቀሬቲስ፤ ሽን በ ጫቁጥ ግሸውኔ በ እመተቱ ግሸው እዮ ጫቅዶ ጫቁጥ ማነው ኮይቤን። 27 ሄጋ ግሸው፥ ሶሁዋረ ዘበይና ኪትድ፥ ዮሃንስ ሁጵያ ኤሃነ መለ አዘዘለ፤ ዘበይነይ ቀቕ ኬታ ቢድ፥ ዮሃንስ ቆርያ ሙጨለ። 28 ሄ ሙጭዶጋ ሶሩውን ዎት ኤሂድ፥ ነኤዮ እሚስ፤ ነእያ ቀስ በ አዬዮ እማሱ። 29 ዮሃንስ ኤርስዮ አሽከረት ሄጋ ስይዶ ዎዴ ዬድ፥ አ አሃ ኤክ ኤፊድ ሞግዶሶን።

ዮሱስ እቸሹ ሸኡ አሳ ምዚስ

(ማትዮስ 14:13-21፤ ሉቃስ 9:10-17፤ ዮሃንስ 6:1-14)

30 ዮሱስ ኪትዶጌት ስምድ፥ ዮሱሳረ ገይትድ፥ በንተ አትዶባኔ በንተ ተማርስዶባ ኡባ ዮሱስስ አድዶሶን። 31 ብያበይኔ ይያበይ ደርን፥ ሀረይ አቶ ቁማ ማነውከ ኤተ ገቴንን እጥዶ ግሸው፥ ዮሱስ ኤተ፥ «ኑርከ ጉታ ሼምፕ ኤከነው አስ በይነሳ ህንድቴ» ያጊስ። 32 ዮሱስኔ ኤት በንተርከ ዎልዎሉውን ኡትድ፥ አስ በይነሳ ቢዶሶን።

33 ኤት ቢሸን፥ ደሮ አሰይ ኤተ ቤእድ ኤሪስ፤ ኤርድ ከተመ ኡባፕ ዎጥድ፥ ኤት ብዮሳ ኤተፕ ከሴትድ ገኪስ። 34 ዮሱስ ዎልዎሉዎፕ ክይድ፥ ደሮ አሳ ቤኢስ፤ አሰይ ሄምየ አስ በይነ ዶርሳ መለ ግድዶ ግሸው፥ ቀሬትድ አሳ ደርባ ተማርሱዎ ዶሚስ።

35 ሰአይ አመርዮ ዎዴ፥ ዮሱስ ኤርስዮ አሽከረት አኮ ዬድ፥ «ሀጌ ሶሆይ አስ በይነ ሶሆ፤ ሀእ ሰአይከ ቀሚቹስ፤ 36 አሰይ ዴሬ ግዶኔ ቄር ከተመቱ ግዶ ቢድ፥ በው ምዮባ ሸመነ መለ፥ አሳ ዬደ» ያግዶሶን።

37 ሸን ዮሱስ ዛርድ ኤተ፥ «አሰው ምዮባ እንቴ እምቴ» ያጊስ። ያግን ኤት፥ «ኑን ቢድ፥ ናኡ ጤቱ ብረን አይታ ሸምድ፥ አሰይ ማነው እመኔ?» ያግድ አ አይቸዶሶን።

38 ዮሱስ ኤተ፥ «እንቴዮ አፑን አይተይ ዴኢ? ቢድ ቤእቴ» ያጊስ። ኤት ቤእድ፥ «እቸሹ አይተኔ ናኡ ሞሌ» ያግዶሶን።

39 ዮሱስ በ ኤርስዮ አሽከረተ አስ ኡባ ጭተን ጭተን ሻክ ሻክድ፥ ማተን ኡትሰነ መለ አዘዘለ። 40 አሰይ ጤተይ ጤተይኔ እሸተመይ እሸተመይ ጭተን ጭተን ኡቲስ። 41 ዮሱስ እቸሹ አይታኔ ናኡ ሞልያ አይቅድ፥ ፑዴ ሰሉዋ ጤልድ፥ ጦሳ ገለቲስ፤ አይታ ሚንትድ አሰው ግሸነ መለ፥ ኤርስዮ አሽከረቱስ እሚስ፤ ቀስ ናኡ ሞልያከ ኤተ ኡበው ሻኪስ። 42 አሰይ ኡባይ ሚድ ከሊስ። 43 ከልን አትደ አይታ ጠርዘይኔ ሞልያ ጠርዘይ ተመኔ ናኡ ሰምፓ ኩምዳጋ ኤርስዮ አሽከረት ዴንትዶሶን። 44 አይታ ሚደ አቱማሰይ እቸሹ ሸኡ።

ዮሱስ አባ ቦለን ሄሜትድ ቢስ

(ማትዮስ 14:22-33፤ ዮሃንስ 6:15-21)

45 ሶሁዋረ ዮሱስ ሄ ደሮ አሳ ሞይሲድ፥ በ ኤርስዮ አሽከረት ዎልዎሉውን ጌልድ፥ አባፕ ሄፍንተን ዴእየ ቤተሰይደ ግዮ ከተማ ባፕ

ስንተትድ ባናደን አዘዘህ።⁴⁶ ኤርስዮ አሽከረተ ሞይስዶጋፔ ጉይየን፥ ጦሳ ዎሰነው ዴርያ ሁጵያ ክዱስ።

⁴⁷ ሰአይ ቀምዮ ዎዴ ዎልዎሎይ አበው ግዱውን ዴእሽን፥ ዩሱስ አባፔ ገጠን በርከ ዴኤስ።⁴⁸ ጨርኮይ ኤርስዮ አሽከረተቱ ጨርክዮ ግሸው፥ ኤርስዮ አሽከረተ አባ ሻርዮጌ ወይስዮጋ ዩሱስ ቤእድ፥ ኩቶይ ዋሰነ ሀንዮ ዎዴ አባ ቦል ሄሜቲድ፥ ኤተኮ ዩስ፤ ኤተ ዩግድ አደነው ኮዱስ።⁴⁹ ሽን አባ ቦል እ ሄሜትሽን፥ ኤት አ ቤእድ፥ በንተው ሞይትሌ ምለትን ዋስዶሶን።⁵⁰ አይስ ጊኮ፥ ኤት ኡብይ አ ቤእድ፥ የሻ ኮኮርዶሶን፤ ሽን ሶሁዋረ ዩሱስ ኤተ፥ «አይኮ ባወ፤ ተነቴኔ የዮፕቴ» ያጊስ።⁵¹ ዩሱስ ኤታረ እስፔ ዎልዎሎውን ጌልን፥ ጨርኮይ ዎፑ ጊስ፤ ግን ኤት ደሮ ገረሜትዶሶን።⁵² አይስ ጊኮ፥ ኤት አይታባ አኬክቦኮነ፤ ሽን ዮትን ስይቦኮነ።

ዩሱስ ጌንሴሬጤን ሀርገንቸተ ፕቲስ

(ማትዮስ 14:34-36)

⁵³ ኤት አባ ፕንድ፥ ጌንሴሬጤ ግዮ ቢታ ገክዶሶን፤ ገክድ ዎልዎሎዋ ገጣ ሺሽ ቀችዶሶን።⁵⁴ ኤት ዎልዎሎዋፔ ዎድዮገን፥ አሰይ ሶሁዋረ ዩሱስ ኤርኔ⁵⁵ ሄጋ ሄረን ዴእየ ቢተ ኡብን ዎጤሬትድ፥ ሀርገንቸተ ሀለን ቶክድ፥ «ዩሱስ ዴኤስ» ግን ስይዶሳ ኤሁዋ ዶሚስ።⁵⁶ ዩሱስ ቢዶ ሶዋ ኡብን ቄር ከተመን ግድን፥ ግተ ከተመን ግድን፥ ዴሬ ግዶን ግድንከ፥ አሰይ ሀርገንቸተ ግያ ሶሁዋ ኤፌስ። ዩሱስ በ አፈላ መጨራ ግድኮኔ ሀርገንቸተ ቦሽሰነ መለ፥ አሰይ አ ዎሲስ፤ ዎስን ቦችደ ኡብይከ ፐጢስ።

ዩሱስ አስ ሜድዶ ዎጋ ጳልቂስ

(ማትዮስ 15:1-9)

7 ¹ ፐርሳዌትኔ ዩሩሰላሚፔ ዩድ፥ ህግያ ተማርስየ አመርደ አሰትኔ ዩሱስኮ ሺቅዶሶን። ² ሺቅድ ዩሱስ ኤርስዮ አሽከረቱፔ እሶት እሶት ጌዬነ ኩሽየን፥ ሄጋ ግዮጌ ሜጨቴነን ቁማ ምያጌተ ቤእዶሶን።

³ አይስ ጊኮ፥ ፐርሳዌትኔ አይሁደ አሰይ ኡብይ በንተ አወቱ ዎጋ ናግድ፥ በንተ ኩሽያ ሎይት ሜጨቴነን ሞኮነ። ⁴ ቀስ ግያፔ ዩድከ ሜጨቴነን ዴኢድ ሞኮነ። ቀስ ኤት በንተ አወቱፔ ኤክዶ ሀረ ደሮ ዎገይ ዴኤስ፤ ሄጌ ሲንያኔ ኬርያ ነሃስያፔ ሜድዶ ሚሻኔ አርሳ ሚጭዮ ዎጋ።

⁵ ፐርሳዌትኔ ህግያ ተማርስያጌት ዩሱስ፥ «ኔ ኤርስዮ አሽከረተ አይስ አወቱ ዎጋ ካሌነን እጥድ፥ በንተ ኩሽያ ሜጨቴነን አይታ ምዮና?» ያግድ አይችዶሶን።

⁶⁻⁷ ዩሱስ ኤተ ሀጋደን ያጊስ፤ «እስያስ ሀነነባ ዮትዶ ዎዴ፥ እንቴባ፥ ሎኦ ምለትየ ኢተቱባ ጣፍዶጋደንከ፥

፤ጦሰይ፥ «ሀጌ አሰይ ተነ

በ ቦል ዶነን ቦንቼስ።

ሽን ኤተ ዎዘነይ ታፔ ሃሁውን ዴኤስ፤

አሰይ ተው ሚላ ጎይኔስ።
 አይስ ጊኮ፣ አስ አትዶ አዘዙዋ
 ጦሳ ህግዖ ምለትስድ ተማርሴስ» ጊስ)
 ጊድ ሀነነባ ቱማ ዮቲስ።

8 «ጦሳ አዘዙዋ እንቴ አግ በይድ፣ አስ ዎጋ ምንትድ ናጌተ» ያጊስ።
 9 ቀስከ ዮሱስ፣ «እንቴ እንቴ ዎጋ ናገነው ጦሳ አዘዙዋ ዮግ በዬተ።
 10 አይስ ጊኮ ሙሴ፣ «ኔ አዋኔ ኔ አይዮ ቦንቸ።» ቀስ፣ «በ አዋኔ በ
 አይዮ ጨይዩ ሀይቆ» ያጊስ። 11 ሽን እስ ኡረው በ አዋ ዎይ በ አይዮ
 ማድዮብ ዴእሽን እ፣ «ሀጌ ቁርባኔ፤ ሄጋ ግዮጌ ጦሳባ ግዮጋ» ጊኮ፣ 12 እ
 በ አዋ ዎይ በ አይዮ ዎዴፔ ማደናጋ አይኔ ኮዬኬተ። 13 ሄጋደንከ ቀስ
 እንቴ ሀረቱዮ እምዶ እንቴ ዎገን ጦሳ ቃላ ከርድ፣ ሄጋ መለ ደርባ
 አቴተ» ያጊስ።

አስ ቱንስያበተ
 (ማትዮስ 15:10-20)

14 ዮሱስ ደሮ አሳ ቀስከ ባኮ ጤስድ፣ «ኡብይ ታን ግዮጋ ስይቴኔ
 አኬክቴ። 15 አስ ዎዘነፔ ክይያበይ አስ ቱንስያበፔ አትን፣ ከሬፔ አስ
 ዎዘነን ጌልድ፣ አስ ቱንስያብ አይብኔ ባወ፤ 16 ስየነው ሀይተይ ዴእዮ
 ኡረይ ኦንኔ ስዮ» ያጊስ።

17 ዮሱስ ደሮ አሳ ዮግ በይድ ሶ ጌልዶ ዎዴ፣ እ ኤርስዮ አሽከረት ሄ
 ሌምሱዋባ አ አይቸዶሶን። 18 አይቸን እ ኤተ፣ «እንቴዮከ ቀስ ጌልቤኔ?
 ከሬፔ አስ ዎዘነን ጌልያበይ አይብኔ አስ ቱንስነው ደንደዮናጋ አኬኬቲ?
 19 አይስ ጊኮ፣ ቁመይ አስ ኡሎ ግዶ ጌልድ፣ ገጥ ክይዮጋፔ አትን፣
 አስ ዎዘነ ግዶ ጌሌነ» ያጊስ። ሄጋደንከ ዮሱስ ቁመ ኡብይ ጌሽ ግድዮጋ
 ኤርሲስ።

20 ቀስከ ዮሱስ ሀጋደን ያጊስ፤ «አስ ቱንስያበይ አስ ዎዘነ ግዶፔ
 ክይያባ። 21 አይስ ጊኮ፣ አስ ዎዘነ ግዶፔ ክይያበይ ኢተ ቆፈ፤
 ሻረሙጠነው ቃቀትዮጋ፣ ዉቅዮጋ፣ ዎርዮጋ፣ ሻረሙጥዮጋ፣ 22 ዱሬቴታ
 አሞትዮጋ፣ ኢተቴታ፣ ጌንያ፣ አሞትዮጋ፣ ቀናትዮጋ፣ ጨሻ፣ አዩዋ፣
 አዘለቴታ። 23 ሀ ኢተብይ ኡብይከ አስ ዎዘነ ግዶፔ ክይድ፣ አስ ቱንሴስ»
 ያጊስ።

እስ ግሪኬ ምሽሬ አመኑዋ
 (ማትዮስ 15:21-28)

24 ዮሱስ ሄጋፔ አግድ፣ ጢርሰኔ ስዶነ ግዮ ከተመቱ መተን ዴእዮ
 ቢት ቢድ፣ እስ ኬታ ጌሊስ፤ ቀስ እ ያን ዴእዮጋ ኦንኔ ኤረናጋ ኮይቤነ፤
 ሽን ቆሴትድ ገምአነው ደንደይቤነ። 25 ሽን በ ጉተ ነኤ ቦል ኢተ አያነይ
 ዴእዮ እስ መጫስያ ዮሱስባ ስየደ፣ ሶሁዋረ አኮ የኔ አ ቶሁውን ጉፈን

ዎዳሱ። 26ሄ ምሽርያ አይሁደ ግዱኩ፤ አ ዩሌትዶይክ ስሮፍንቄ ግዮ ቢታነ፤ አ በ ነኤፔ ጠለህያ ኬሰነ መለ፤ ዩሱስ ዎሳሱ።

27ሽን ዩሱስ ዛርድ፤ «ናት ከሴትድ ቁማ ከሎነ፤ አይስ ጊኮ፤ ናቱ ቁማ ኤክድ፤ ዘይሮቱዮ አልዮጌ ሎኦ ግዴነ» ያጊስ።

28ምሽርያ ዛረደ፤ «ቱመከ ተ ጎደው፤ ሀረይ አቶ መሶፍያ ለንቅየን ዴእየ ዘይሮትከ ናቱፔ አትደ ሱፓ ሞሶነ» ያጋሱ።

29ዩሱስ ቀስ አ፤ «ሀ ኔ ቃላ ግሸው፤ ኔ ሶ በ፤ ጠለሄ ኔ ነኤፔ ክዩስ» ያጊስ።

30ምሽርያ በ ሶ ብዮ ዎዴ፤ እ ነእያ ጠለሄ እፔ ክይን፤ ሂጠን ዝንእዳሮ ዴማሱ።

ዩሱስ ቱሌኔ ዱዴ ግድደ እስ ብተንያ ፒቲስ

31ዩሱስ ጢሮስ ቢታፔ ክይድ፤ ስዶነረኔ ተሙ ከተማ ግዮ ቢታረ ከንትድ፤ ገሊለ አባኮ ቢስ። 32አሰይ ቱሌኔ ዱዴ ግድደ ብተንያ ዩሱስኮ ኤሂድ፤ በ ኩሽያ አ ቦል ዎተነ መለ፤ ዩሱስ ዎሲስ። 33ዩሱስ በርከ ሄ ብተንያ ደሮ አሳፔ ገማ ኬስድ፤ በ ብረድያ አ ሀይተን ዩዲስ፤ ቀስ ጩቻ ጩቻድ፤ አ እንጠርሳ ቦቺስ። 34ቦቻድ ሰሉዋ ፑዴ ጤልድ፤ ቶክ ሼምፕድ፤ «ኤፍተህ» ያጊስ፤ ሄጋ ግዮጌ ዶዬተ ግዮጋ። 35ብተንያ ሀይተይ ሶሁዋረ ዶዬት አጊስ፤ ቀስ አ ዶቄትደ እንጠርሰይክ ብርሼት አጊስ፤ ብተኔ አይኔ ዋዩቲነን ሃሰይ በዩስ።

36ዩሱስ አሰ አባ፤ «ሀጋ አዮኔ አዶፕፔ» ያግድ አዲስ፤ ሽን እ ኬህ ምንት አድን፤ አሰይ ቀስ አዱዋ ያ ደርሲስ። 37ሄጋ ስይደ አሰይ አብይ ደሮ ገረሜትድ፤ «አብባክ እ ሎይት አቴስ፤ ሀረይ አቶ ቱልያክ ስሴስ፤ ቀስ ዱድያክ ሃሰይሴስ» ያጊስ።

ዩሱስ አይዱ ሸኡ አሳ ምዚስ

(ማትዮስ 15:32-39)

8 1አመርደ ዎድያፔ ጉይየን፤ ደሮ አሰይ ቀስ ዩሱስኮ ሺቂስ፤ አሳዮ ምዮብ ጠይን፤ ዩሱስ በ ኤርስዮ አሽከረተ ባኮ ጤስድ ያጊስ፤ 2«ሀ ደሮ አሰይ ተናረ ሄዙ ገለስ ገከናስ ገምእድ፤ ምዮባ አይኔ ዴምቤነ ግሸው፤ ታን አሰው ቀሬተይስ። 3ታን አሳ ነምሳረ ሶ ዩድኮ፤ አሰይ ቢድ፤ አግየን ዳፉርድ ኩንደነ፤ አይስ ጊኮ፤ እሶይ እሶይ ሃሆሳፔ ዩስ» ያጊስ።

4ዩሱስ ኤርስዮ አሽከረት ዛርድ ዩሱሰ፤ «ሀ በዙውን ሀ አሰ አባ ምዘነው ግድየ አይተ ዴመነው ደንደይየይ አኔ?» ያጊስ።

5ያግን ዩሱስ ኤተ፤ «እንቴስ አፑን አይተይ ዴኢ?» ያግድ አይቺስ፤ ኤት፤ «ላፑን አይተይ ዴኤስ» ያግዶሶነ።

6ዩሱስ ደሮ አሳ፤ «ሰአን ኡትቴ» ያግድ አዘዘሲ፤ ቀስ ላፑን አይታ ኤክድ፤ ጦሳ ገለቲስ፤ ገለትድ ሄ አይታ ሜንትድ፤ አሳዮ ግሸነ መለ፤ በ ኤርስዮ አሽከረቱዮ እሚስ፤ ኤርስዮ አሽከረት ሄ ደሮ አሳስ ግሸዶሶነ።

ገሔተዮ ቀስከ አመርደ ሱፐ ሞሌት ዴአሶነ፤ ዩሱስ ሄጌቱዮከ ጦሳ ገለትድ፥ አሰው ግሸነ መለ፥ ኤርስዮ አሸከረተ አዘዘለ። ⁸አሰይ ኡበይ ሚድ ከሊስ፤ አሰይ ሚሸን አትደ ጠርዘይ ላፑን ሰምፓ ኩምዳጋ ኤርስዮ አሸከረት ዴንትዶሶነ። ⁹ቁማ ሚደ አሰይ አይዱ ሸአ ግደነ፤ ሄጋፔ ጉይየን፥ ዩሱስ አሳ ዩዲስ። ¹⁰እ ቀስ በ ኤርስዮ አሸከረቱረ ሶሁዋረ ዎልዎሉውን ጌልድ፥ ደልመኑተ ግዮ ቢት ቢስ።

ፐርሳዌት በንተው መላተይ አሴተነ መለ አይችዶሶነ

(ማትዮስ 16:1-4)

¹¹ፐርሳዌት ዩድ፥ ዩሱስ ፓጨነው ኤቅድ፥ ሰሉዋፔ መላታ በንተነ ቤሰነ መለ፥ ዩሱሳረ ፐለማ ዶምዶሶነ።

¹²ዩሱስ ኪህ ቶክ ሼምፕድ፥ «ሀ ዎድያ አሰይ አይስ መላተ ኮዩ? ታን እንቴዮ ቱማ አደይስ፤ ሀ ዎድያ አሰው መላት ኡበከ እሜቴነ» ያጊስ። ¹³ቀስ ኤተ ሄገን ዩግ በይድ፥ ናአንቴዎ ዎልዎሉውን ጌልድ፥ አባፔ ሄፍንት ፕኒስ።

ፐርሳዌቱ እርሹዋኔ ሄሮድስ እርሹዋ

(ማትዮስ 16:5-12)

¹⁴ኤርስዮ አሸከረት ቁማ ኤፋናጋ ዶግዶሶነ፤ ኤተው ዎልዎሉዋ ግዶን እስ አይተፔ ሀር ባው። ¹⁵ዩሱስ ኤተ፥ «እንቴነ ኤርቱ፤ ፐርሳዌቱ እርሹዋፔኔ ሄሮድስ እርሹዋፔ ናጌትቴ» ያግድ አዘዘለ።

¹⁶ኤት በንተ ግዶን፥ «እ ሀጋ ግዮጌ ኑስ ቁም በይነ ግሻሰ» ያግድ ሃሰያ ዶምዶሶነ።

¹⁷ዩሱስ ኤት ግዮጋ ኤርድ፥ ኤተ ያጊስ፤ «እንቴዮ አይት በይናጋ አይስ ሃሰዬቲ? ሀእኔ ኤሬኬቲ? ዎይ አኬኬኬቲ? ዮትን ሰዬኬቲ?

¹⁸እንቴዮ አይፌ ዴኤስ፤ ቤኤኬቲ? ቀስ ሀይተይ ዴኤስ፤ ሰዬኬቲ? እንቴዮ ሀሰዬቲ? ¹⁹ታን እቸሹ አይታ እቸሹ ሸኡ አሰው በትዶ ዎዴ፥ አፑን ሰምፓ ኩምደ ጠርዛ ዴንትዴቲ?» ያጊስ።

ያግን ኤት፥ «ተመኔ ናኡ ሰምፓ ኩምደ ጠርዛ ዴንትደ» ያግዶሶነ።

²⁰«ታን ቀስከ ላፑን አይታ አይዱ ሸኡ አሰው በትዶ ዎዴ፥ አፑን ሰምፓ ኩምደ ጠርዛ ዴንትዴቲ?» ያጊስ።

ያግን ኤት፥ «ላፑን ሰምፓ ኩምደ ጠርዛ ዴንትደ» ያግዶሶነ።

²¹እ ቀስ፥ «ሀእኔ አኬክቤኬቲ?» ያጊስ።

ዩሱስ ቤተሰይደን እስ ቆቅያ ፐቲስ

²²ዩሱስኔ ኤርስዮ አሸከረት ቤተሰይደ ግዮ ከተማ ቢዶሶነ፤ አመርደ አሰት ቆቄ ብተንያ ዩሱስኮ ኤሂድ፥ ሄ ብተንያ ቦቸነ መለ፥ አ ዎስዶሶነ። ²³ዩሱስ

ቁቄ ብተንያ ኩሽያ አይቅድ፥ ቁር ከተማፔ ገጣ ኬሲስ፤ አ አይፍየን ጩኸድ፥ በ ኩሽያ አ ቦል ዎትድ፥ «ኔዮ አይበኮ ቤቲ?» ያግድ አይቺስ።

24 ብተኔ ጤልድ፥ «ታን አሳ ቤአይስ፤ ሽን አሰይ ሄሜቲድ፥ ምተ ምለቴስ» ያጊስ።

25 ሄጋፔ ጉይየን፥ ዩሱስ ናአንቱዋ ብተንያ አይፍየን በ ኩሽያ ዎትን፥ ብተኔ ሎይትድ ጤሊስ፤ አ አይፌ ፐጢስ፤ ቀስ ኡባባከ ጊሽድ ቤኢስ።

26 ዩሱስ ብተንያ አ ሶ ዩዲድ፥ «ሀረይ አቶ ቁር ከተማከ ጌሎፕ» ያጊስ።

ጴጥሮስ አመኑዋኔ አ መርከቱታ

(ማትዮስ 16:13-20፤ ሉቃስ 9:18-21)

27 ዩሱስ በ ኤርስዮ አሽከረቱረ ፕልጳስ-ቂሳርየን ዴእየ ቁር ከተመተ ቢስ፤ ቢሽን ኦግየን ዩሱስ፥ «ተነ አሰይ ኦነ ጊ?» ያግድ በ ኤርስዮ አሽከረተ አይቺስ።

28 ኤርስዮ አሽከረት፥ «እስ እስ አሰይ ኔነ፥ ሐመቅየ ዮሃንስ» ጌስ፤ ሀረት፥ (ኤላስ) ጎሶነ፤ ቀስ ሀረት፥ (ሀነነባ ዮትያጌቱፔ እሱዋ) ጎሶነ» ያግዶሰነ።

29 ያግን ዩሱስ ኤተ፥ «ያንን እንቴ ተነ ኦነ ጌቲ?» ያግድ አይቺስ።

ጴጥሮስ፥ «ኔን ክርስቶስ» ያግድ ዛሪስ።

30 ዩሱስ፥ «ተባ ኦዮኔ ኦዶፕቴ» ያግድ ኤተ አዘዚስ።

ዩሱስ በነ ገከነ ሜቱዋባኔ ዋይያባ ኮይሩዋ ሃሰዩስ

(ማትዮስ 16:21-28፤ ሉቃስ 9:22-27)

31 ዩሱስ በ ኤርስዮ አሽከረተ፥ «ታን፥ አሰ ነአይ፥ ደሮ ዋዩተነው ቤሴስ፤ ጭመት፥ ቁሴ ሀለቀትኔ ህግያ ተማርስያጌት ተነ እጠነው ቤሴስ፤ ኤት ተነ ዎረነውኔ፥ ታን ሄዘንቶ ገለሰፔ ጉይየን፥ ሀይቁዋፔ ዴንደነውኔ ቤሴስ» ያግድ ተማርሱዋ ዶሚስ። 32 ሄጋ እ ኤተዮ ጌሽድ ኦዲስ፤ ጴጥሮስ አ እስ በግ ዛርድ፥ ዞሬታ ዶሚስ።

33 ሽን ዩሱስ ጉዩ ስምድ፥ በ ኤርስዮ አሽከረተ ጤልድ ጴጥሮስ፥ «ክቶ ተ መተፔ! ሀ ሴጣነው፥ ኔን አስ ዶስዮባ ቆፕዮጋፔ አትን፥ ጦስይ ዶስዮባ ቆፕከ» ያጊስ።

ዩሱስ ካልዮጌ በነ ከደናጋ አይቺስ

(ማትዮስ 10:38-39፤ 16:24-28፤ ሉቃስ 9:23-27፤ 14:26-27)

34 ቀስ ዩሱስ ደሮ አሳኔ በ ኤርስዮ አሽከረተ ባኮ ጤስድ፥ ሀጋደን ያጊስ፤ «ተነ ካለነ ኮይየ ኡረይ ዴእኮ፥ በነ ዩግ በዮ፤ ያትድ በ መስቀልያ ቶክድ፥ ተነ ካሎ። 35 አይስ ጊኮ፥ በ ሼምፑዋ አሸነ ኮይየ ኡረይ በሸነ፤ ሽን ተ ግሸውኔ ዎንጌልያ ምሽራቹዋ ግሸው በ ሼምፑዋ በሸየ ኡረይ አሸነ። 36 አይስ ጊኮ፥ እስ ኡረይ ሰአን ዴእየ ኡባባ በው ሺሽድ፥ በ

ሼምጥዋ በሽኮ፤ አ አይ ማደኔ? ³⁷እስ ኡረይ በ ሼምጥዋ ዎዘነው አይ እመነ ደንደዩ? ³⁸ጦሳ አመኔነ መለ ድግየ ሀ ነገረንቸ ዎድየን፤ እስ ኡረይ ተናንኔ ተ ቃለን ዩለትኮ፤ ታንከ፤ አስ ነአይ፤ ቀስ ተ አዋ ቦንቹወን ጌሸ ኪተንቸቱረ ይዮ ዎዴ፤ አን ዩለተነ» ያጊስ።

ዩሱስ ሜረይ ላሜቲስ

(ማትዮስ 17:1-13፤ ሉቃስ 9:28-36)

9 ¹ዩሱስ ኤተ፤ «ታን እንቴዮ ቱማ ገይስ፤ አመርደ አስት ጦሳ ከዎቴተይ ዎልቃረ ይያጋ ቤኤነን ሀይቄናጌት ሀገን ዴአሶነ» ያጊስ።

²ዩሱስ ኡሱፑን ገለሰፔ ጉይየን፤ በናረ ጴጥርስ፤ ያቆበኔ ዮሃንስ ኤክድ፤ ኤተ ጠላላ ግተ ዴርያ ቦል ኬሲስ፤ ኬስድ ኤተ ስንተን ላሜቲስ፤ ³አ ማዮይክ ጳሊስ፤ ሰአን ማዮ ሚጭየ አንኔ ጌሸነው ደንደዩናጋ ኬና ደሮ ቦጢስ። ⁴ሄ ሄዙ ኤርስዮ አሸከረት፤ ኤላስኔ ሙሴ ዩሱሳረ ሃስይያጌተ ቤእዶሶነ።

⁵⁻⁶ጴጥርስ ዩሱስ፤ «ተማርስያጎ፤ ኑን ሀገን ዴእዮጌ ኑስ ሎአ፤ ኑን ሄዙ ዘምጥተ እሱዋ ኔስ፤ እሱዋ ሙሴስ፤ ቀስ እሱዋ ኤላሰስ ዘምጥየነ» ያጊስ። እ ዎይግያኮኔ ኤርቤነ፤ አይስ ጊኮ፤ እኔ ህንኮትኔ ደሮ የይዶሶነ።

⁷ሄጋፔ ጉይየን፤ ሻረይ ዩድ ኤተ ከምን ሻራፔ፤ «ሀጌ ታን ሲቅዮ ተ ነአ፤ እ ግዮጋ ስይቴ» ግየ ቃለይ ዩስ። ⁸ሶሁዋረ ኤት ዩሸ አት ጤልዮ ዎዴ፤ ዩሱስፔ አትን፤ ሀራ አነኔ በንተ መተን ቤእቦኮነ።

⁹ኤት ዴርያፔ ዎድሸን፤ ዩሱስ ኤተ፤ «ታን፤ አስ ነአይ፤ ሀይቁዋፔ ዴንደነ ገከናስ፤ እንቴ ቤእዶባ አዮኔ አዶጥቴ» ያግድ አዘዘስ።

¹⁰እ አዘዘዶጋ ኤት፤ «ኤኖ» ጊድ፤ «ሀ ሀይቁዋፔ ዴንድዮጋ ግዮጌ ዎይግዮጌ» ያግድ፤ በንተ ግዶን ሃስዩትዶሶነ።

¹¹ኤት ዩሱስ፤ «ህግያ ተማርስያጌት አይስ፤ (ኤላስ ከሴትድ ያነው ቤሴስ) ግዮና?» ያግድ አይቸዶሶነ።

¹²እ ዛርድ ያጊስ፤ «ኤላስ ከሴት ዩድ፤ ኡባባ ጊግሴስ፤ ያትን፤ አይስ ጦሳ መጣፈይ፤ (አስ ነአይ ደሮ ዋዩተነኔ እጤተነ) ያጊ? ¹³ሽን ታን እንቴዮ አደይስ፤ ኤላስ ዩስ፤ ቀስ አበይ ጦሳ መጣፈን ጣፌትዶጋደንከ፤ አሰይ አ በ ኮይዶባ አቲስ» ያጊስ።

ዩሱስ ቱነ አያነይ አይቅዶ ነአ ጥቲስ

(ማትዮስ 17:14-21፤ ሉቃስ 9:37-43)

¹⁴ዩሱስ፤ ጴጥርስ፤ ያቆበኔ ዮሃንስ ህንኮ ኤርስዮ አሸከረቱስ ስምድ ይዮ ዎዴ፤ ደሮ አሰይ ኤተ ዩይ አድ ኤቅዳጋኔ ህግያ ተማርስየ አመርደ አስት ኤታረ ጥላሜትያጌተ ቤእዶሶነ። ¹⁵ሄ ደሮ አሰይ ዩሱስ ቤእዶ ዎዴ ደገምድ፤ ሶሁዋረ አኮ ዎጥ ዩድ፤ አ ሰሮቲስ። ¹⁶ዩሱስ በ ኤርስዮ አሸከረተ፤ «ኤታረ አይ ጥላሜቴቲ?» ያግድ አይቺስ።

17ሄ ደሮ አሳ ግዶፔ እስ ብተኔ ዛርድ፥ «ተማርስያጎ፥ ተ ነአ ቦል ሃሰያ ድግየ ኢተ አያነይ ዴእዮ ግሸው፥ አ ኔኮ ኤከደ ያስ። 18ሀ ኢተ አያነይ አ አይቅዮ ዎዴ ኡበን፥ አ ኦጌስ፤ አ ዶናረከ ሆሞይ ጎፐቱስ፤ ቀስ አቻ ገርጭሴስ፤ ቦላከ ዞጥሴስ። አፔ ሀ ኢተ አያና ኬሰነ መለ፥ ኔ ኤርስዮ አሽከረቱዮ አዳስ፥ ሽን ኬሰነው ደንደይቦኮን» ያጊስ።

19ዮሱስ ዛርድ ኤተ፥ «አመኔነ ሀ ዎድያ አሰው! ታን እንቴናረ አውዴ ገከናስ ዴአኔ? ቀስ እንቴባ አውዴ ገከናስ ደንደይ? ነአ ታኮ ሃ ኤክ ዩቱ» ያጊስ። 20ያግን ኤት ነአ አኮ ኤሂዶሶን፤ ሄ ኢተ አያነይ ዮሱስ ቤእደሳረከ ነአ ኮኮርስ በዩስ፤ ነአይ ሰአን ኩንድድ፥ ዶናረ ሆሞይ ጎፐ ጊሽን ጎንዶሬቲስ። 21ዮሱስ ሄ ነአ አዋ፥ «ሀጌ ኔ ነአ አይቆሰፔ ዎቀ ዎዴ ግደኔ?» ያግድ አይቺስ። አይችን፥ ነአ አወይ፥ «እ ጉተን ዴእዮ ዎዴስፔ ዶሚስ። 22አ ዎረነው ደሮ ዎዴ ተማንኔ ሃተን ኦሊስ፤ ሽን ኔን ደንደይኮ፥ ኑዮ ቀሬተደ ኑነ ማደርኪ» ያጊስ።

23ያግን ዮሱስ አ፥ «(ኔን ደንደይኮ) ገይ? አመንየ አሰዮ ኡበበይ ደንደይቱስ» ያጊስ።

24ሶሁዋረ ነአ አወይ በ ቃላ ጦቁ አትድ፥ «ታን አመነይስ፤ ሽን ጉጀ አመነናደን፥ ተነ ማደርኪ» ያጊስ።

25ዮሱስ አሰይ ደር ደር ብዮጋ ቤእድ፥ ኢተ አያና፥ «ሀ ቱሌኔ ዱዴ አያነው፥ ሀ ነአፔ ክየ ጋደ ኔነ ተ አዘዘይስ፤ ቀስ ናአንቱዋ አን ጌሎፕ» ያጊስ።

26ሄ ኢተ አያነይ ዋስድ፥ ነአ ኬሀ ኮኮርስድ፥ አፔ ክዩስ። ነአይ ሀይቅደባ ምለትን፥ ደሮ አሰይ፥ «ነአይ ሀይቂስ» ያጊስ። 27ሽን ዮሱስ ነአ ኩሽያ አይቅድ ዴንትን፥ ነአይ ዴንድ ኤቂስ።

28ዮሱስ ሶ ጌልዶጋፔ ጉይየን፥ ኤርስዮ አሽከረት ዮሱስ ዱመ፥ «ኑን ሄ ኢተ አያና ኬሰነው አይስ ደንደይቦኮኒ?» ያግድ አይችዶሶን።

29ዮሱስ ዛርድ፥ «ሄጋ መለይ ዎስፔኔ ጦመፔ አትን፥ ሀረበን ክየነው ደንደይኮን» ያጊስ።

ዮሱስ በነ ገከነ ሜቱዋባኔ ሀይቁዋባ ናአንቱዋ አዲስ

(ማትዮስ 17:22-23፤ ሉቃስ 9:43-45)

30ኤት ሄጋፔ ዴንድድ፥ ገሊላረ አድድ ቢዶሶን፤ ዮሱስ በ ዴእዮሳ አንኔ ኤረነ መለ ኮይቤን። 31አይስ ጊኮ፥ እ በ ኤርስዮ አሽከረተ፥ «ተነ፥ አሰ ነአ፥ አሰ አሰው አትድ እመነኔ ዎረነ፤ ታን ቀስ ሄዙ ገለሰፔ ጉይየን፥ ናአንቱዋ ሀይቁዋፔ ዴንደን» ያግድ ተማርሴስ።

32ሽን ኤተው እ ግዮጌ ጌልቤን፤ ቀስ አ አይቸነውከ የይዶሶን።

አባፔ አድያጌ ኦኔ?

(ማትዮስ 18:1-5፤ ሉቃስ 9:46-48)

33ኤት ቅፍርናሆመ ግዮ ከተማ ቢዶሶን፤ ቢድ ሶ ጌልዶጋፔ ጉይየን፥ ዮሱስ ኤተ፥ «አግየን አይ ሃሰዬቲ?» ያግድ አይቺስ። 34ሽን ኤት ቢድ

አግዮን፥ «ኑ ግደን ኑ ኡባፔ አድያጌ አኔ?» ያግድ ፕለሜትዶ ግሸው፥ ጮኡ ጊደሶነ።³⁵ ዩሱስ ኡትድ፥ ተመኔ ናኡ ኤርስዮ አሽከረተ ጤስድ ኤተ፥ «አንኔ ስንተው አደነ ኮይኮ፥ ኡባፔ ጉዬ አድድ፥ ሄ ኡበው አሽከረ ግደነው ቤሴስ» ያጊስ።

³⁶ እስ ጉተ ነአ አይቅድ፥ ኤተ ግደን ኤሲስ፤ ሄ ጉተ ነአ ቆምድ ኤተ፥ ³⁷ «ሀጌቱ መለ ጉተ ናቱፔ እሱዋ ተ ሱንተን ሞክዩ አንኔ ተነ ሞኬስ፤ ቀስ ተነ ሞክዩ አንኔ ተነ ኪትዳጋ ሞክዮጋፔ አትን፥ ተ ጠላላ ሞኬነ» ያጊስ።

ዩሱስ፥ «ኑባ እጤነ ኡረይ ኑ በገ» ያጊስ

(ሉቃስ 9:49-50)

³⁸ ዮሃንስ አ፥ «ተማርስያጎ፥ እስ አስ ኔ ሱንተን ጠለሄተ ኬስያጋ ኑን ቤእድ፥ ኑ በገ ግዴነ ግሸው፥ አ ድግደ» ያጊስ።

³⁹ ሽን ዩሱስ ያጊስ፤ «አንኔ ተ ሱንተን ጦሰይ አትዮ መላታ አትድ፥ ሶሁዋረ ተ ቦል ኢተባ ሃሰየነው ደንደይያብ በይነ ግሸው ድጎፕፔ፤ ⁴⁰ አይስ ጊኮ፥ ኑባ እጤነ ኡረይ ኑ በገ። ⁴¹ ታን እንቴዮ ቱማ አደይስ፤ እንቴ ታጌተ ክርስቶሳጌተ ግድዮ ግሸው፥ አንኔ እንቴዮ ተ ሱንተን ቡሌ ሃተ ኡየነው እምኮከ፥ በ ወይቱዋ ኤከነ።

ነገራ ጋሱዋ

(ማጥዮስ 18:6-9፤ ሉቃስ 17:1-2)

⁴² «ተነ አመንዮ ሀ ጉተቱፔ እሱዋ በሌትዮ አነኔ፥ ጋጭዮ ዎገ ዎጣ አ ቆርዮን ቀችድ፥ አበን አ አልዮጌ አው ኬሀ።⁴³⁻⁴⁴ ኔ ኩሼ ኔነ በሌትኮ፥ ቀንጠ አለ፤ ኔን ናኡ ኩሽያረ ጉጡኔ ሙሌ ሀይቄነሳኔ ቀስ ሙሌከ ቶኤነ ጋነብያ ተመን ጌልዮጋፔ፥ ዱጠ ኩሽያረ ዴኡዋ ጌልዮጌ ኔዮ ኬሀ።⁴⁵⁻⁴⁶ ኔ ቶሆይ ኔነ በሌትኮ፥ ቀንጠ አለ፤ ኔን ናኡ ቶሆዋረ ጉጡኔ ሙሌ ሀይቄነሰን፥ ቀስ ሙሌከ ቶኤነ ጋነብያ ተመን ዩጌትዮጋፔ፥ ዎቤ ግደደ ዴኡዋ ጌልዮጌ ኔዮ ኬሀ።⁴⁷⁻⁴⁸ ኔ አይፌ ኔነ በሌትኮ፥ ዎጩ አለ፤ ኔን ናኡ አይፍያረ ጉጡኔ ሙሌ ሀይቄነሰን ቀስ ሙሌከ ቶኤነ ጋነብያ ተመን ዩጌትዮጋፔ፥ እስ አይፍያረ ጦሳ ከዎቱታ ጌልዮጌ ኔዮ ኬሀ።

⁴⁹ «አይስ ጊኮ፥ ቁመን መጥንያ ዩግዮጋደን፥ ተመይ አስ ኡባ ቦል ዩጌተነ።⁵⁰ መጥኔ ሎአ፤ ሽን እ መልአነ ጠይኮ፥ ዛርድ አ ዋት መልኤቱቲቲ? እንቴነን መጥኔ ዴአ፤ ያትድ እሶይ እሱዋረ ሰሮቱተን ዴእቴ» ያጊስ።

9:34 ሉቃ 22:24 9:35 ማጥ 20:26-27፤ 23:11፤ መር 10:43-44፤ ሉቃ 22:26
9:37 ማጥ 10:40፤ ሉቃ 10:16፤ ዮሃ 13:20 9:40 ማጥ 12:30፤ ሉቃ 11:23
9:41 ማጥ 10:42 9:43 ማጥ 5:30 9:47 ማጥ 5:29 9:48 እስ 66:24
9:50 ማጥ 5:13፤ ሉቃ 14:34-35

መቾ ዩደነው ቤሴነ

(ማትዮስ 19:1-2፤ ሉቃስ 16:18)

10 ¹ዩሱስ ሄጋፔ ዴንድድ፥ ይሁዳ ቢት ቢስ፤ ቢድ ዮርዳኖስ ሻፋ ፕኒስ፥ ደሮ አሰይ ናአንቱዋ አኮ ሺቅን፥ ከሴጋደንክ ሄ አሳ ተማርሱዋ ዶሚስ።

2 እስ እስ ፐርሳዌት ፓጨነው ዩሱስኮ ዩድ፥ «እስ አስ በ መቾዮ ዩደነው ኑ ህጌ አዘዘ?» ያግድ አ አይችዶሶን።

3 አይችን እ ዛርድ፥ «ሙሴ እንቴነ ዎይግ አዘዘዴ?» ያጊስ።

4 ኤት፥ «ሙሴ፥ (እስ አስ በ መቾዮ ፐረማ እምድ ዩዶ) ጊስ» ያግዶሶን።

5 ዩሱስ ዛርድ፥ ኤተ ሀጋደን ያጊስ፤ «እንቴ ዮትን ስዩናጌተ ግድዮ ግሸው፥ ሙሴ ሀ አዘዙዋ እንቴዮ ጣፊስ። 6 ሽን ጦስይ ኮይሮ ሜድዮ ዎዴ፥ አቱማሰኔ መጫሰ አትድ፥ ኤተ ሜዲስ። 7 ሄጋ ግሸው፥ እስ አስ በ አዋኔ በ አይዮ አግ በይድ፥ በ መቼረ እስፔ ዴኤስ፤ 8 ኤት ናአይ እስ አስ ግዶሶን፤ ሄጋ ግሸው፥ ኤት እስ አስ ግድዮጋፔ አትን፥ ናኡ አስ ግዶኮን። 9 ሄጋ ግሸው፥ ጦስይ እስፔ ገትዶጋ አስ ሻኮፓ» ያጊስ።

10 ኤት ሶ ስምዶ ዎዴ፥ ኤርስዮ አሽከረት ሀ ዮሁዋባ ዩሱስ ናአንቱዋ አይችዶሶን። 11 ዩሱስ ኤተ ያጊስ፤ «በ መቾዮ ዩድድ፥ ሀረንዮ ኤክዮ ሉረይ አንኔ በ መቼን ሻረሙጤስ። 12 ቀስ መጫረከ በ አዝናፔ ክዩደ ሀረ አዝና ጌልኮ ሻረሙጠውሱ» ያጊስ።

ዩሱስ ጉተ ናተ አንጂስ

(ማትዮስ 19:13-15፤ ሉቃስ 18:15-17)

13 ዩሱስ ጉተ ናተ ቦቸን መለ፥ እስ እስ አሰይ ናተ አኮ ኤሄስ፤ ሽን ኤርስዮ አሽከረት ሄ አሳ ሀንቄትዶሶን። 14 ዩሱስ ሄጋ ቤእድ፥ በ ኤርስዮ አሽከረተ ሀንቄትሰ፤ ኤተ፥ «ጉተ ናት ታኮ ይዮጋ ድጎፕቴ፤ አይስ ጊኮ፥ ጦሳ ከዎቱታይ ሀጌቱ መለሰ። 15 ታን እንቴዮ ቱማ ገይስ፤ ጦሳ ከዎቱታ ጉተ ነአደን ኤኬነ ሉረይ አንኔ ሄ ከዎቱታ ሙሉከ ጌሴን» ያጊስ። 16 ያግድ ጉተ ናተ ቆምድ፥ በ ኩሽያ ኤተ ቦል ሁጵየን ሁጵየን ዎትድ፥ ኤተ አንጂስ።

ሚሻ ሲቆይ ኤህዮ ሜቱዋ

(ማትዮስ 19:16-30፤ ሉቃስ 18:18-30)

17 ዩሱስ ባነው ክይዶ ዎዴ፥ እስ ብተኔ ዎጢድ ዩድ፥ አ ስንተን ጉልበትድ፥ «ሎኦ ተማርስያጎ፥ ሜርና ዴኡዋ ላተነው ታን አይ አቶ?» ያግድ አ አይቺስ።

18 እይችን ዩሱስ፡ «አይስ ተነ ሎኡውው ገይ? ጦሳ ጠላላፔ አትን፡ ሀረ ሎአይ አንኔ ባው። 19 ጦሳ አዘዙዋ፡ <ዎሮፕ፤ ሻረመ፡ጦፕ፤ ዉቆፕ፤ ዎርዱዋ መርከቶፕ፤ ጭሞፕ፤ ኔ አዋኔ ኔ አይዮ ቦንቸ) ያግያጋ ኤራስ» ያጊስ።

20 ብተኔ ዩሱስ፡ «ተማርስያ፡ ታን ሄጋ ኡባ ናቴታሰፔ ዶመደ ሀእ ገከናስከ ናገይስ» ያጊስ።

21 ዩሱስ ብተንያ ዶሲስ፤ ትሽ አት ጤልድ፡ «ኔዮ እስበይ ፕጩስ፤ ባደ ኔዮ ዴእያባ ኡባ በይዘደ፡ ሄ ሚሻ ህዩስው እመ፤ ኔን ሰሉውን ዱሬተነ። ያተደ ያደ ተነ ካለ» ያጊስ። 22 ሽን ብተኔ ሄጋ ስይድ፡ እ ደሮ ዱሬ ግድዮ ግሸው፡ በ ሰምኡዋ ጡምስድ፡ ኡፊይቴነን አግ በይድ ቢስ።

23 ዩሱስ በ ኤርስዮ አሽከረተ ዩሽ አት ጤልድ፡ «ደሮ ዱሬ አስ ጦሳ ከዎቴታ ጌለናጌ ዋን ሜተንዴሸ!» ያጊስ።

24 ኤርስዮ አሽከረት አ ሃሰያ ስይድ ገረሜትዶሶነ፤ ሽን ዩሱስ ቀስከ ኤተ፡ «ናቶ፡ ሚሸን አመኔትየ አሰቱዮ ጦሳ ከዎቴታ ጌለናጌ ዎቃ ሜተንዴሸ! 25 ዱሬ አስ ጦሳ ከዎቴታ ጌለናጋፔ፡ ጋሜለይ መርፕያ ጦእያረ አደናጌ መተቴስ» ያጊስ።

26 ያግን ኤርስዮ አሽከረት ገረሜትድ፡ «ያትን፡ አን አተነው ደንደዬ?» ያግድ እሶይ እሱዋ አይችዶሶነ።

27 ዩሱስ ኤተ ትሽ አት ጤልድ፡ «ሀጌ ጦሰው ደንደዬትዮጋፔ አትን፡ አሰው ደንደዬቴነ፤ አይስ ጊኮ፡ ጦሰው ኡበበይከ ደንደዬቴስ» ያጊስ።

28 ጴጥሮስ ዩሱስ፡ «ቤአ፤ ኑን ኑባ ኡባ አግ በይድ፡ ኔነ ካልደ» ያጊስ።

29 ዩሱስ ያጊስ፤ «ታን እንቴዮ ቴማ ገይስ፤ ተ ግሸውኔ ዎንጌልያ ምሽራቹዋ ግሸው፡ ኬታ ዎይ እሸንተ ዎይ ምቹንተ፡ ዎይ አዋ ዎይ አይዮ ዎይ መችዮ፡ ዎይ ናተ ዎይ ገድያ አግደ አስ አንኔ፡ 30 ሀእ ሀ ዎድየን ጤቶፔ ደርየ ኬተተ፡ እሸንተ፡ ምቹንተ፡ አዬተ፡ ናተ፡ ገድያ፡ ቀስ ዋይያከ ኤከነ። ስንተፔ ያነ ዎድየንከ ሜርና ዴኡዋ ኤከነ። 31 ሽን ደሮት ሀእ ስንተን ዴእያጌት ጉዬ አደነ፤ ቀስ ደሮት ሀእ ጉዬን ዴእያጌት ስንተው አደነ» ያጊስ።

ዩሱስ በነ ገከነ ሜቱዋባኔ ሀይቁዋባ ሄዘንቱዋ አዲስ

(ማትዮስ 20:17-19፤ ሉቃስ 18:31-34)

32 ኤት ዩሩሰላሜ ቢድ፡ አግየን ዴአሶነ፤ ዩሱስ በ ኤርስዮ አሽከረቱፔ ስንተን ሄሜቴስ። ኤት ገረሜትዶሶነ፤ አ ካልዳጌትከ የይዶሶነ፡ ናአንቱዋ ተመኔ ናኡ ኤርስዮ አሽከረተ ገጣ ኬስድ፡ በነ ገከነባ ዱመ ኤተስ ሀጋደን ያግድ አዲስ፤ 33 «ቤእቴ፤ ኑን ዩሩሰላሜ ሀእ ክዬቴስ፤ ያን ተነ፡ አሰ ነአ፡ ቄሴ ሀለቀቱስኔ ህግያ ተማርስያጌቱስ አትድ እመነ። ኤት ተ ቦል ሀይቆ ፕርዳ ፕርደነ፤ ቀስ አይሁደ ግዴነ አሳስከ ተነ አትድ እመነ። 34 ሄ

አይሁድ ግዴና አሰይ ተ ቦል ቅሊጩነኔ ጩቸነ፤ ተነ ልሱውን ገረፈነኔ ዎረነ፤ ታን ቀስ ሄዙ ገለሰፔ ጉይየን፤ ሀይቁዋፔ ዴንደነ» ያጊስ።

ያቆብኔ ዮሃንስ ዎስዶ ዎሳ

(ማጥዮስ 20:20-28)

35 ዘብድዮስ ናት ያቆብኔ ዮሃንስ ዮሱስኮ ዬድ፥ «ተማርስያጎ፥ ኑን ኔነ ዎስዮ ኡባባ ኑዮ አተርኪ» ያግዶሶነ።

36 ዮሱስ ኤተ፥ «ታን እንቴዮ አይ አቶ?» ያጊስ።

37 ያግን ኤት አ፥ «ኔ ቦንቾ ከዎቴተን ኔን ኡትዮ ዎዴ፥ ኑፔ እሱዋ ኔፔ ኡሸቾ ቦጋረ ቀስ እሱዋ ሀድርሰ ቦጋረ ኡትሰርኪ» ያግዶሶነ።

38 ሽን ዮሱስ ኤተ፥ «እንቴ አይ ዎስያኮኔ ኤሬኬተ፤ ታን ኡየነው ቤስዮ ቡርጩኩውን ኡየነው ደንደዬቲ? ቀስ ታን ጠመቁተነው ቤስዮ ጥንቀትያ ጠመቁተነው ደንደዬቲ?» ያጊስ።

39 ያግን ኤት ዛርድ፥ «ኤ ደንደዮስ» ያግዶሶነ።

ዮሱስ ቀስ፥ «ታን ኡየነው ቤስዮ ቡርጩኩውን እንቴ ኡየነ፤ ታን ጠመቁተነው ቤስዮ ጥንቀትያከ እንቴ ጠመቁተነ። 40 ሽን ታፔ ኡሸቾ ቦጋረኔ ሀድርሰ ቦጋረ ኡተናጌተ ዶረነው ታዮ ማት ባወ፤ ሽን ሄ ሶሆይ ጦስይ እመነው ጊግስ ዎትዶጌቱስ» ያጊስ።

41 ሀንኮ ተሙ ኤርስዮ አሽከረት ሄጋ ስይዶ ዎዴ፥ ያቆብኔ ዮሃንስ ሀንቁትዶሶነ። 42 ዮሱስ ኤተ ኡባ ባኮ ጤስድ፥ ሀጋደን ያጊስ፤ «(አይሁድ ግዴናጌተ ሃርያጌተ) ጊድ ቆፕዮጌትኔ ሄጌተ ካሌትዮ አሰት ቦንተ አሳ ሃርዮጋ ኤሬተ። 43 ሽን እንቴ ግዶን ሄጋ መለ ግዴነ፤ እንቴ ግዶን ግተተነ ኮይየይ አንኔ እንቴዮ አሽከረ ግድነው ቤሴስ። 44 ቀስ እንቴ ግዶን ኡባፔ ቦለ ግድነ ኮይየይ አንኔ እንቴ ኡባዮ አይሌ ግድነው ቤሴስ። 45 አይስ ጊኮ፥ ሀረይ አቶ ታን፥ አሰ ነአይከ፥ አሰው አተነውኔ ደሮተ ዎዘነው ተ ሼምፑዋ እመነውኔ ዬዶጋፔ አትን፥ አሰ ተው አተነው የቤይኪ» ያጊስ።

ዮሱስ ቆቅያ በርጥሞስ አይፍያ ፕቲስ

(ማጥዮስ 20:29-34፤ ሉቃስ 18:35-43)

46 ኤት የርኮ ግዮ ከተማ ቢዶሶነ፤ ዮሱስ በ ኤርስዮ አሽከረቱረኔ ኬህ ደሮ አሳረ የርኮፔ ክይሸን፥ ጥሞስ ነአይ ቆቄ፥ በርጥሞስ ግዮጌ፥ አግያ ዶነን ዎሲድ ኡቲስ። 47 በርጥሞስ ናዝሬተ ዮሱስ ግድዶጋ ስይድ፥ በ ቃላ ጦቄ አትድ፥ «ዳውተ ነአ ዮሱሳ፥ ተነ ማረርኪ!» ያጌታ ዶሚስ።

48 ደሮ አሰይ አ፥ «ሀይዘ!» ጊድ ሀንቁቲስ።

ሽን፥ እ በ ቃላ ከሴጋፔክ ኬህ ጦቄ አትድ፥ «ዳውተ ነአው፥ ተነ ማረርኪ!» ያጊስ።

49 ዮሱስ አግየን ኤቅድ፥ «አ ሃ ጤስቲ» ያጊስ።

ያግን ኤት ቆቅያ፥ «አይኮ ባወ፤ ዴንደ ኤቀ፤ ኔነ ጤሴስ» ያግድ ጤስዶሶነ።⁵⁰ ቆቄ በ ማዩዋ አል በይድ፥ ጉፕ ዴንድ ኤቅድ፥ ዩሱስኮ ቢስ።
51 ዩሱስ አ፥ «ታን ኔዮ አይ አተነው ኮየይ?» ያጊስ።

ያግን ቆቄ፥ «ተማርስያን፥ ታን ጤለናጋ ኮየይስ» ያጊስ።

52 ያግን ዩሱስ አ፥ «በ፤ ኔ አመኖይ ኔነ ፐቲስ» ያጊስ። ሶሁዋረከ አ አይፌ ጤል አግን፥ አግየን ዩሱስ ካል በዩስ።

ዩሱስ ግተ በንቹወን ዩሩሰላሜ ጌሊስ

(ማትዮስ 21:1-11፤ ሉቃስ 19:28-40፤ ዮሃንስ 12:12-19)

11 ¹ኤት ዩሩሰላሜ መቲድ፥ ደብረ ዘይቲ ዴርያ ለንቅየን ዴእየ ቤተፋገኔ ቢታንያ ግዮ ከተመተ ገክዶሶነ፤ ዩሱስ በ ኤርስዮ አሽከረቱ፤ ናአ ስንተው ኪትድ፥ ²«እንቴ፤ ስንተን ዴእየ ቄር ከተማ ቢቲ፤ ቢድ ያ ጌሎሳረ አንኔ ሙሌከ ቶግቤን ቀሹወን ዴእየ ሀሬ መራ እንቴ ዴመነ፤ አ ብርሽድ፥ ሃ ኤክድ ዩቲ። ³አንኔ እንቴነ፥ (ሄጋ አይስ አቴቲ?) ያግድ አይችኮ፥ (ጎደይ ሀጋ ኮዩስ፤ ሶሁዋረ ዛርድ፥ ሃ ዩድ በየን) ያግቴ» ያጊስ።

⁴ኤት ቢድ፥ ሀሬ መራ ፔንግያ መተን አግየን ቀች ዎትዶጋ ዴምድ ብርሽዶሶነ። ⁵ሄገን ኤቅደ እስ እስ አሰት ኤተ፥ «ሀሬ መራ ዋተነው ብርሹቲ?» ያግዶሶነ። ⁶ኤርስዮ አሽከረት ዩሱስ በንተነ አዘዝዶጋ ዮትን፥ አሰት ዩድ በይዶሶነ። ⁷ኤት ሀሬ መራ ዩሱስኮ ኤሂድ፥ በንተ ማዩዋ አ ዞኩወን ሂጥዶሶነ፤ ሂጥን ዩሱስ ሄ ሀሬ መራ ቶጊስ። ⁸ደሮ አሰይ በ ማዩዋ አግየን ሂጢስ፤ ቀስ ሀረት ምታ ተሽያ ከር ከርድ፥ አግየን ሂጥዶሶነ።
⁹ዩሱስ፤ ስንታረ ሄሜትዮ አሰይኔ አ ጌዱዋ ካልየ አሰይ በ ቃላ ጦቄ አትድ፥

«ጦሰይ ገለቲቶ!

ጎዳ ሱንተን ይያጌ አንጄትዳጋ።

¹⁰ ጎዳ ሱንተን ይየ ኑ አዋ

ዳውተ ከዎቴተይ አንጄትዳጋ።

ሰሎ አባፔ ቦለ ሰሎወን

ዴእየ ጦሰይ ገለቲቶ»

ያግዶሶነ።

¹¹ዩሱስ ዩሩሰላሜ ቢድ፥ ቤተ መቅደስያ ጌሊስ፤ ቀስ አብባ ዩይ ዩይ ጤልዶጋ፤ ጉይየን፥ ሰአይ ቀምዮ ግሸው፥ ተመኔ ናኡ ኤርስዮ አሽከረቱረ ቢታንያ ግዮ ከተማ ቢስ።

ዩሱስ ቀንግዶ በለሴ ምትዮ

(ማትዮስ 21:18-19)

¹²ዎንቴተ ገለስ ኤት ቢታንያ፤ ክይድ ቢሸን፥ ዩሱስ ነምሴቲስ።
¹³ሃሁወን እስ በለሴ ግዮ ምትዮ ተሽያ ማየ ኡትዳሮ ቤእድ፥ ጌለደን

እ ቦል አይፌ ቤትኮኔ ጊድ፥ ቤአነው እኮ ቢስ፤ ሽን እኮ እ ብዮ ዎዴ፥ ተሼ ጠላላፔ አትን፥ አይኔ አይፌ ዴምቤነ፤ አይስ ጊኮ፥ በለሴ አይፍዮ ዎዴ ገክቤነ።¹⁴ ዩሱስ ሄ በለስዮ፥ «ኔፔ ናአንቶ ሜርነው አስ አይፌ ሞፖ» ያጊስ። ኤርስዮ አሽከረት እ ግዮጋ ስይዶሶነ።

ዩሱስ ቤተ መቅደስየን ዘልእያጌተ ኬሲስ

(ማትዮስ 21:12-17፤ ሉቃስ 19:45-48፤ ዮሃንስ 2:13-22)

¹⁵ ኤት ዩሱሰላሜ ቢዶሶነ፤ ዩሱስ ቤተ መቅደስየ ጌልድ፥ ሄገን በይዝያጌተኔ ሸምያጌተ ከሬ ዩዴታ ዶሚስ፤ ቀስ ሚሻ ላምያጌቱ ጠረጴዛኔ ሀረጽያ በይዝያጌቱ አይድያ አት ዩግድ፥¹⁶ አንኔ አይበኮ ቶክድ፥ ቤተ መቅደስየ ግድረ አደናጋ ድጊስ።¹⁷ ዩሱስ አሳ ሀጋደን ያግድ ተማርሲስ፤ «ጦሳ መጣፈን፥ (ተ ኬተይ አይሁደ ግዴነ አሰይ ኡብይ ጦሳ ዎስዮ ኬተ ጌቱተነ) ያጌትድ ጣፌት ኡቲስ፤ ሽን እንቴ አ ፐንገት ቆሴትዮ ጎንጎሎ ኬስዴተ» ያጊስ።

¹⁸ ቄሴ ሀለቀትኔ ህግያ ተማርስያጌት ሄጋ ስይድ፥ አ ጠይሰነ አግያ ኮሻ ዶምዶሶነ፤ ሽን ኬህ ደሮ አሰይ እ ተማርስዮገን ገረሜትዮ ግሸው፥ አዮ የይዶሶነ።

¹⁹ ሰአይ አመርዶ ዎዴ፥ ዩሱስኔ ኤርስዮ አሽከረት ከተማፔ ገጣ ክይዶሶነ።

በለሴ ግዮ ምትየ ሜላሱ

(ማትዮስ 21:20-22)

²⁰ ኤት ዎንቴተ ገለስ ማለዶ አግያረ አዲድ፥ ሄ በለስያ ጠጵዋረ ሜለይችዳሮ ቤእዶሶነ።²¹ ጴጥሮስ ሀሰይድ፥ «ተማርስያጎ፥ ቤአ፤ ኔን ቀንግዶ በለስያ ሜለይቻሉ» ያጊስ።

²² ዩሱስ ዛርድ፥ ኤተ ሀጋደን ያጊስ፤ «ጦሳ አመንቴ።²³ ታን እንቴዮ ቱጫ ገይስ፤ አንኔ በ ዎዘነን ስፊነን በ ጊዶብይ ሀነናጋ አመንድ፥ ሀ ዴርያ፥ (ዴንደደ አበን ኩንደ) ጊኮ ሀነነ።²⁴ ሄጋ ግሸው፥ ታን እንቴዮ አደይስ፤ ጦሳ እንቴ ዎስዮባኔ አይችዮባ ኡባኔ ኤክርግዶባደን አመንቴ፤ እንቴ ኤከነ።²⁵ ጦሳ ዎስነው እንቴ ኤቅዮ ዎዴ፥ ሰሉውን ዴእየ እንቴ አወይ እንቴ ነገራ አቶ ጋነ መለ፥ አንኔ እንቴነ ናቅዶብይ ዴእኮ፥ አው አቶ ጊቴ።²⁶ ሽን አሰ ነገረ እንቴ አቶ ጋነ ጠይኮ፥ ሰሉውን ዴእየ እንቴ አወይክ እንቴ ነገራ እንቴዮ አቶ ጊነ» ያጊስ።

ዩሱስ አይበ ማተን ኦቲ ግየ አይሻ

(ማትዮስ 21:23-27፤ ሉቃስ 20:1-8)

²⁷ ኤት ቀስከ ዩሱሰላሜ ቢዶሶነ፤ ዩሱስ ቤተ መቅደስየን ሄሜቴትሽን፥ ቄሴ ሀለቀት፥ ህግያ ተማርስያጌትኔ ጭመት አኮ ዩዶሶነ።²⁸ ዩድ አ፥

«ኔን ሀጋ አተነው ኔዮ አይ አላፌቴት ዴኢ? ዎይ ኔዮ ሀ አላፌቴታ እምደይ አኔ?» ያግደሱን።

29 ዩሱስ ዛርድ ኤተ፡ «ታንከ እንቴነ እስባ አይቸነ፤ ተው አድቴ፤ ታን ቀስ ሀጋ አይ አላፌቴታን አትያኮ፤ እንቴዮ አደነ። 30 ዮሃንስ ጠመቅዮ አላፌቴታ ኤክዶይ ጦሳፔዬ ዎይ አሰፔ? ተው አድቴ» ያጊስ።

31 ኤት በንተ ግዶን ፐለማ ዶምድ፡ «ኑን፡ (ጦሳፔ ዩስ) ያግኮ፡ እ ኑነ፡ (ያትን፡ ዮሃንስ ዮትዶጋ አይስ አመንቤኬቲ?) ያገነ። 32 ሽን፡ (አሰፔ ዩስ ጋኔ?)» ያግደሱን፤ ቀስ አሰይ ኡበይ ዮሃንስ ሀነነባ ዮትያጋ ግድዶጋ ኤርዮ ግሸው፡ አሰው የይደሱን። 33 ሄጋ ግሸው፡ ኤት ዩሱሰዮ፡ «ኑን ኤርኮ» ያግድ ዛርዶሱን፤

ዩሱስ፡ «ታንከ ሀጋ አይ አላፌቴታን አትያኮ፤ እንቴዮ አድኪ» ያጊስ።

ዎይንያ ቱራ ቶክየ ጎሽንቸቱ ሌምሱዎ

(ማትዮስ 21:33-46፤ ሉቃስ 20:9-19)

12 1 ዩሱስ ኤተዮ አዱዋ ሌምሱውን ያግድ ዶሚስ፤ «እስ ብተኔ ዎይንያ ግዮ ቱራ ቶክድ፡ ድርሳ ዩሽ አትድ ድሪስ፤ ቀስ ሄ ዎይንያ ጉምእዮ አላከ በኪስ፤ ሄጋ ናግዮ አሳዮ አዱስ ሹቻ ግምቢስ፤ ሄጋፔ ጉይየን፡ ኮታ አትየ አሰው እምድ፡ ሀረ ዴሬ ቢስ። 2 ዎይንያ አይፍያ መጥዮ ዎዴ ገክን፡ በነ ገክያጋ ኤክድ ያነ መለ፡ እስ አሽከራ በ ኮታወቱኮ ኪቲስ። 3 ኮታ አትያጌት አ አሽከራ አይቅድ ወድድ፡ ኩሼ ሜለ ዩዴትዶሱን። 4 ናካንቱዋ ሀረ አሽከራ ኤተኮ ኪቲስ፤ ኪትን ኤት ሄ አሽከራስ ሁጵያ ቆእድኔ ከውሽድ ዩድዶሱን። 5 ዎይንያ ቱራ ጎደይ ቀስከ ሀረ አሽከራ ኪቲስ፤ ሄ አሽከራ ዎርዶሱን፤ ቀስ ሀረ ደሮተከ ሄጋደን አትዶሱን፤ እሱዋ እሱዋ ወድድ፡ ሀረተ ዎርዶሱን።

6 «ዎይንያ ቱራ ጎዳዮ ኪተነው ኡባፔ ዉርሱተን እ ደሮ ሲቅዮ አ ነኣ ጠላለይ አቲስ፤ እ፡ (ኤት ተ ነኣ በንቼነን አጎኮነ) ጊድ፡ በ ነኣ ኤተኮ ኪቲስ።

7 «ሽን ኮታ አትያጌት በንተ ግዶን፡ (ላተናጌ ሀጋ፤ ህንድቴ አ ዎርስ፤ አ አቆይ ኑባ ግደነ!) ያግደሱን። 8 ነኣ አይቅድ ዎርድ፡ አ አሃ ዎይንያ ቱራ ግዶፔ ገጣ ኬስ አልዶሱን።

9 «ስም ዎይንያ ቱራ ጎደይ ዋተኔ? ዩድ ሄ ኮታወተ ዎር ዉርስድ፡ ዎይንያ ቱራ ኮታ አትየ ሀረ አሰው እመነ።

10-11 «(ግምብያጌት ከርድ እጥዶ ሹቸይ

ጎዳ ጠጵዋ ምንትየ፡

ኡባፔ አድየ ሹቸ ግዲስ።

ሀጌ ጎደይ አትዶባ፤

ቀስ ኑ አይፍየውከ ገረምስያባ)

ያግያጋ ጦሳ መጣፋቴ ነበብበኬቲ?» ያጊስ።

12 ቁሴ ሀለቀት፥ ህግያ ተማርስያጌትኔ ጭመት ዩሱስ ሄ ሌምሱዋ በንተነን ሌምስዶጋ ኤርዶ ግሸው፥ አ አይቀነው ኮይዶሶን፤ ሽን አሰው የይድ፥ አግ በይድ ቢዶሶን።

ጊራ ጊረኔ አገኔ ግዩ አይሻ

(ማትዮስ 22:15-22፤ ሉቃስ 20:20-26)

13 ቀስ አ ሃሰያፍ በለ ዴምድ፥ አ አይቀነ መለ፥ ፐርሳዌቱፔኔ ሄሮድስ በገቱፍ አመርዳጌተ አኮ ኪትዶሶን። 14 ኪትን ዩድ፥ «ተማርስያን፥ ኔን ቱጣ ሃሰይዮጋኔ አሰፍ አሰ ሻኬናጋ ኑን ኤሮስ፤ አይስ ጊኮ፥ ኔን አሰ ዱመየከ፤ ቀስ ጦሳ አግያ ቱመቴተን ተማርሳሰ። ኑን ሮሜ ቢታ ከዉዋ ቄሳረዮ ጊራ ጊርዮጌ ዎጌዬ ዎገ ግዴኔ? ጊራ ጊረኔዬ ድገኔ?» ያግዶሶን።

15 ሽን ኤት ሎኦ ምለትየ ኢተ አሰ ግድዶጋ ዩሱስ ኤርድ፥ «ተነ አይስ ፓጩቲ? እስ ሰንትምያ ሃ ኤሂቴ፤ ታን ቤአይስ» ያጊስ። 16 ኤት አው ኤሂዶሶን፤ «ሀ ሜረይኔ ሱንተይ አጌ?» ያግድ ኤተ አይችዶሶን።

አይችን ኤት፥ «ሮሜ ቢታ ከዉዋ ቄሳራጋ» ያግዶሶን።

17 ዩሱስ ዛርድ ኤተ፥ «ያትኮ፥ ቄሳራጋ ቄሳረስ፥ ጦሳጋ ጦሳስ እምቴ» ያግን ኤት አባ ገረሜትዶሶን።

ሀይቁዋፍ ዴንድዮጋ

(ማትዮስ 22:23-33፤ ሉቃስ 20:27-40)

18 ሀይቅደ አስ ዴንዴነ ግዩ ሳዱቃዌቱፍ እስ እስ አሰት ዩሱስኮ ዩድ፥ ሀጋደን ያግድ፥ አ አይችዶሶን፤ 19 «ተማርስያን፥ ሙሴ ኑዮ ህግያ ጣፊድ፥ መቾ ኤክደ አስ ነአ ዩሌነን ሀይቅኮ፥ ሄ ሀይቅዳጋ እሸይ አ መቾዮ አይስድ፥ በ እሻዮ ነአ ዩሌነው ቤሴስ» ያግያጋ ጣፊስ። 20 እስ ዎዴ ላፑን እሸንት ዴእያጌቱፍ በይረይ መቾዮ ኤክድ፥ ነአ ዩሌነን ሀይቁስ። 21 ሀይቅን ናኦንቶይ አ አይሲስ፤ እከ ነአ ዩሌነን ሀይቁስ፤ ሄዘንቶይከ ሄጋደን ሀኒስ። 22 ላፑነትከ አ ኤክድ፥ ነአ ዩሌነን ሀይቅዶሶን፤ ኡጣፔ ጉይየን፥ ቀስ ሄ መጫስያ ሀይቃሱ። 23 ያትን፥ ሀይቅደ አሰይ ሀይቁዋፍ ዴንድዮ ገለስ፥ አ ኤተፍ አውጋዮ መቾ ግደኔ? አይስ ጊኮ፥ ላፑነትከ አ ኤክዶሶን» ያግዶሶን።

24 ዩሱስ ዛርድ፥ ኤተ ሀጋደን ያጊስ፤ «እንቴ በልዮጌ፥ ጦሳ መጣፈተኔ ጦሳ ዎልቃ እንቴ ኤፊነ ግሻስ! 25 አይስ ጊኮ፥ ሀይቅደ አሰይ ሀይቁዋፍ ዴንድዮ ገለስ፥ ሰሉውን ዴእየ ኪተንቸቱ መለ ግደናጋፍ አትን፥ አቱመ አሰኔ ኤኬን፤ መጨ አሰኔ ጌሌነ። 26 ሽን ሀይቅዳጌቱ ዴንዱዋባ ግድኮ፥ ሙሴ መጣፊን ጣፊትደ ጠረጌትየ ቡራባ አድየ ሶሁውን፥ ጦሰይ ሙሰ፥ (ታን አብረሃመ ጦሳ፥ ይሳቀ ጦሳ፥ ያቆበ ጦሳ) ጊዶጋ ሙሌክ ነበብበኬቲ? 27 እ ፐጠ ዴእያጌቱ ጦሳ ግድዮጋፍ አትን፥ ሀይቅዳጌቱ ጦሳ ግዴነ፤ እንቴ ኬህ በልዴተ» ያጊስ።

ኡባፔ አድየ አዘዙዋ

(ማትዮስ 22:34-40፤ ሉቃስ 10:25-28)

28 ህግያ ተማርስያጌቱ፤ እሳይ ኤት ፐለሜትዮጋ ሺቅድ ስዩስ፤ ቀስ ዩሱስ ኤተዮ ሎይት ዛርዶጋ ስይድ፤ «አዘዙ ኡባፔ አድየ አዘዘይ አውጌ?» ያግድ ዩሱስ አይቺስ።

29 ዩሱስ ዛርድ፤ አ ሀጋደን ያጊስ፤ «አዘዙ ኡባፔ አድየ አዘዘዋ ስይቱ፤ «እስራኤል አሰው፤ ጎደይ ኑ ጦሰይ እስ ጎዳ። 30 እንቲ ጎዳ እንቲ ጦሳ እንቲ ኩሜተ ዎዘና፤ እንቲ ኩሜተ ሽምፑዋ፤ እንቲ ኩሜተ ቆፋ፤ እንቲ ኩሜተ ዎልቃ፤ ሲቅቱ» ያጊስ። 31 ቀስ አዘዙ ኡባፔ አድየ ናአንቶ አዘዘይ ሀጋ፤ «ኔን ኔ ሾሩዋ ኔ ሁጲደን ሲቀ» ግያጋ፤ ሀጌቱ፤ አድየ ሀረ አዘዘይ ባወ» ያጊስ።

32 ህግያ ተማርስያጌ ዩሱስ ያጊስ፤ «ተማርስያጎ፤ ቱማ ጋደስ፤ ኔን «ጦሰይ እስ ጦሳ ጠላለ። አፔ አትን፤ ሀር ባወ» ጊዶጌ ቱመ። 33 ጦሳ ኩሜተ ዎዘና፤ ኩሜተ ቆፋ፤ ኩሜተ ዎልቃ፤ ሲቅዮጌ ቀስ በ ሾሩዋክ በ ሁጲደን ሲቅዮጌ፤ ጡግዮ የርሹዋ፤ ሀረ የርሹ ኡባፔ አደስ» ያጊስ።

34 ዩሱስ ህግያ ተማርስያጋ ዛርዶ አድደ ኤረንቸ አሰ ዛር ግድዶጋ ቤእድ፤ «ኔን ጦሳ ከዎቲታ፤ ሃከባክ» ያጊስ፤ ሄጋ፤ ጉይየን፤ ዩሱስ ሀረባ አይቸነው አንኔ ጠልቤን።

ዩሱስ አ ነኤ? ያግየ አይሻ

(ማትዮስ 22:41-46፤ ሉቃስ 20:41-46)

35 ዩሱስ ቤተ መቅደስየን ተማርሲድ፤ ሀጋደን ያጊስ፤ «ህግያ ተማርስያጌት ክርስቶስ ዎይግድ ዳውተ ነአ ግዮና? 36 ዳውት በነ ጌሽ አያነይ ሃሰይስን፤

«ጎደይ ተ ጎዳ፤ «ታን ኔ ሞርኬተ

ኔን ዩጂ ኤቅዮባ አተነ ገከናስ፤

ሀገን ታፔ አሸቸ በጋረ ኡተ» ጊስ)

ያጊስ። 37 ዳውት በ ሁጲን ክርስቶስ፤ «ጎዳ» ጊድ ጤስት፤ ያትን፤

ክርስቶስ ዋንድ፤ ዳውተ ነአ ግዲ?» ያጊስ።

ደሮ አሰይ ዩሱስ ግዮጋ ኡፈይስን ስዩስ።

ዩሱስ፤ «መሴ ህግያ ተማርስያጌቱ፤ ናጌትቱ» ያጊስ

(ማትዮስ 23:1-36፤ ሉቃስ 20:45-47)

38 ዩሱስ ተማርሲድ፤ ሀጋደን ያጊስ፤ «ህግያ ተማርስያጌቱ፤ ናጌትቱ፤ ኤት አዱስ ማዩዋ ማይድ ዩይዮጋ፤ ግያ ሶሁውንክ አሰይ ኤተ ቦንቸድ

ሰሮትዮጋ ደሶሶን።³⁹ ኤት አይሁደ ዎስ ኬተቱን ደሮ ሎእየ አይድያ ደሶሶን፤ ቀስ አስ በንተነ እመትዮስንክ በንቾ ሶሁዋ ደሶሶን።⁴⁰ ኤት አምኤቱ ኬታ በንቅድ፥ በንተው ሎኦ ምለተነው ጦሳ ዎሳ አዱሶሶን፤ ኤት ኡባፔ አድየ ፕርዳ ኤከነ» ያጊስ።

አምኤ መጡዋትያ

(ሉቃስ 21:1-4)

⁴¹ዩሱስ ቤተ መቅደስየን መጡዋታ ዩግዮ ሳጥንያ መተን ኡትድ፥ አስይ በ ሚሻ ሄ ሳጥንየን ዩግዮጋ ቤኢስ፤ ደሮ ዱሬ አስይ ደሮ ሚሻ ሄ ሳጥንየን ዩጊስ።⁴² እስ ህዩስ አምእያ ያደ፥ እስ ሰንትምየን ላሜትየ ናኡ በከነተ ሄ ሳጥንየን ዩጋሱ።⁴³ ዩሱስ በ ኤርስዮ አሽከረተ ጤስድ፥ «ታን እንቴዮ ቱማ ገይስ፤ መጡዋታ ሳጥንየን ዩግደ እስ ኡባፔ ሀ ህዩስ አምእያ ደርሰደ ዩጋሱ።⁴⁴ አይስ ጊኮ፥ ሀረት ኡባይ በንተው ፕለህደ ሚሻፔ ዩግደሶን፤ ሽን አ በ ፕጫፔ፥ በው ዴእየ አቁዋ መሌረ እመ አጋሱ» ያጊስ።

ዩሱስ ቤተ መቅደሴ ቆሌተናጋ ከሴትድ ዮቲስ

(ማትዮስ 24:1-2፤ ሉቃስ 21:5-6)

13 ¹ዩሱስ ቤተ መቅደስያፔ ክይሸን፥ ኤርስዮ አሽከረቱፔ እሶይ አ፥ «ተማርስያን፥ ሀጌ አይበ ሎኦ ሹቸኮኔ ቀስ አይበ ሎኦ ሹቸ ኬተኮ በአይ!» ያጊስ።

²ዩሱስ ዛርድ፥ «ሀ ግተ ሹቸ ኬተተ ቤአይ? ሀ ኬተቱን ዴእየ እስ ሹቸኔ አቴነን ኡባይ ቆሌተነ» ያጊስ።

ጎደይ ያናፔ ከሴትድ ገከነ ዩዴታኔ ዋይያ

(ማትዮስ 24:3-14፤ ሉቃስ 21:7-19)

³ዩሱስ ቤተ መቅደስያፔ ህን በጋረ ደብረ ዘይቱ ዴርያ ቦል ኡትዳሽን፥ ጴጥርስ፥ ያቆብ፥ ዮሃንስኔ እንድራስ በንተርከ አኮ ዩድ አ፥⁴ «ሄጌ አውዴ ሀነናኮ፥ ኑዮ አደርኪ፤ ቀስ ሄጌ ኡባይ ፖሌተነ ዎድያ ኤርስየ መለተይ አይበ ግደኔ?» ያግድ አይቻደሶን።

⁵ዩሱስ ቀስ ኡተዮ ሀጋደን ያግድ፥ አዱዋ ዶሚስ፤ «እንቴነ አንኔ በሌቴነ መለ ናጌትቱ።⁶ ደሮ አሰት ተ ሱንተን፥ (ታን ክርስቶስ) ያጊድ ያነ፤ ዩድ ደሮ አሳ በሌተነ።⁷ መተን ዴእየ አሳ ጩንጉርሳኔ ሃሁውን ዴእየ አሳ አዱዋ እንቴ ስይዮ ዎዴ፥ ህርጎፕቴ፤ ሄጋ መለበይ ሀነው ቤሴስ፤ ሽን ዉርሴተይ ብሮነ።⁸ አይስ ጊኮ፥ እስ ቢታ አስይ ሀረ ቢታ አሳረ ኦሌተነ፤ ቀስ እስ ከዎቴተይ ሀረ ከዎቴታረ ኦሌተነ፤ ቢታ ቃተይ ኡባስን ዴአነ፤ ኮሸይከ ዴአነ፤ ሽን ሄጌ ኮይሮ ሌሶ መለ።

⁹ «ሽን እንቴ እንቴ ሁጺን ናጌትቱ፤ አይስ ጊኮ፥ አስ እንቴነ አይቅድ፥ ፕርደ ኬተው አትድ እመነ፤ ቀስ በ አይሁደ ዎስ ኬተቱንክ እንቴነ ልሱውን ገረፈነ፤ ዴርያ ሃርያጌቱ ስንታንኔ ከዎቴ ስንተን ተ ግሸው

እንቴ መርከተነው ኤቀነ።¹⁰ ምንጌልያ ምሽራቾይ ኮይሮረ ዴሬ ኡበው አዴቲቸነው ቤሴስ።¹¹ ኤት እንቴነ ፕርደ ኬታ ኤህዮ ወዴኔ አትድ እምዮ ወዴ። ወይግድ ሃሰየናኮኔ ኮይሮረ ህርጎፕቴ፤ ሄ ሳትየን ጦሰይ እንቴዮ እምዮባ ሃሰይቴ። አይስ ጊኮ፤ ጊሸ አያነይ ሃሰየናፔ አትን፤ ሃሰይያጌት እንቴነ ግዴኬተ።

¹² «እሸይ በ እሻ፤ አወይ በ ነኣ ዎርሰነ፤ ቀስ ናት በንተ አወቱ ቦልኔ በንተ አዩቱ ቦል ዴንድድ፤ ኤተ ዎርሰነ።¹³ አሰይ ኡበይ እንቴነ ተ ሱንታ ግሸው እጠነ፤ ሽን ዉርሴተይ ገከናሽን ጌንጭያጌ አተነ።

ዩሩሰላሜ ገከነ ሀንታረ ሜቱዋ

(ማትዮስ 24:15-28፤ ሉቃስ 21:20-24)

¹⁴ «ሽን ሀነነባ ዮትየ ዳኔል አድዶ በሻ ቱነቴተይ ኤቀነው ቤሴነሰን ኤቅዳሽን እንቴ ቤእዮ ወዴ፤ ሄጌ ወይግዮጋኮ፤ ነበብያጌ አኬኮ፤ ይሁዳ ቢተን ሄ ወዴ ዴእያጌት ዴርያኮ በቀቶነ።¹⁵ ኬታ ሁጵየን ዴእየ ኡረይከ እስባ ኤከነው ዱጌ ወድድ፤ በ ሶ ጌሎፖ።¹⁶ ገዴን ዴእያጌከ በ ማዩዋ ኤከነው ጉዬ ስሞፖ።¹⁷ ሄ ወዴ ሸሃረ መጫሰቱዮኔ ጠንትየ መጫሰቱዮ አዩአነ።¹⁸ ሽን ሀጌ ኡበይ ሀንዮ ወዴ በልጎ ግዴነ መለ፤ ጦሳ ዎስቴ፤¹⁹ አይስ ጊኮ፤ ጦሰይ ሰኣ ኮይሮ ሜዶሰፔ ዶምድ፤ ሀእ ገከናስ፤ ሙሌከ ዴእቤነ ሜቶይ፤ ቀስ ሀጋፔ ስንተውከ ሙሌ ዴኤነ ሜቶይ አሳ ቦል ሄ ወዴ ዴአነ።²⁰ ጎደይ ሄ ገለሰቱ ቆዳ ጉትዮይ በይናኮ፤ አሰ ግድደይ አንኔ አቴነ፤ ሽን እ በ ዶርዶ አሰቱ ግሸው፤ ሄ ገለሰቱ ቆዳ ጉቲስ።

²¹ «ሄ ወዴ አንኔ እንቴነ፤ «ቤእቴ፤ ክርስቶስ ሀገን ዴኤስ» ወይ፤ «ቤእቴ፤ ክርስቶስ ሄገን ዴኤስ» ያግኮ፤ ሄጋ አመኖፕቴ።²² አይስ ጊኮ፤ ዎርደንቸ ክርስቶሰትኔ ዎርዱዋ ሀነነባ ዮትያጌት ዴንደነ፤ ዴንድድ በንተው ደንደዮትኮ፤ ሀረይ አቶ ጦሰይ ዶርዶጌተከ በሌተነው መላታኔ ገረምስያባ ቤሰነ።²³ ሽን እንቴ ናጌትቴ፤ ታን እንቴዮ ኡበባ ከሴተደ አዳስ።

ክርስቶስ ናአንቶ ዩሳ

(ማትዮስ 24:29-31፤ ሉቃስ 21:25-28)

²⁴ «ሽን ሄ ወዴ ሄ ዋይያፔ ጉይየን፤

አወይ ጡመነ፤

አግነይ ፖእዮጋ አግ በየነ፤

²⁵ ጦልንቴት ሰሉዋፔ ኩንደነ፤

ቀስ ሰሉወን ዴእየ ዎልቀትከ ቃጤተነ።

13:9-11 ማት 10:17-20፤ ሉቃ 12:11-12 13:13 ማት 10:22

13:14 ዳኔ 9:27፤ 11:31፤ 12:11 13:15-16 ሉቃ 17:31

13:19 ዳኔ 12:1፤ አጁ 7:14

13:24 እስ 13:10፤ ህዝ 32:7፤ ዩኤ 2:10፤ 31፤ 3:15፤ አጁ 6:12

13:25 እስ 34:4፤ ዩኤ 2:10፤ አጁ 6:13

26ሄ ወዴ ታን፥ አስ ነአይ፥ ግተ ወልቃረኔ ቦንቹዋረ ሻራ ግድረ ዩሽን፥ ኤት ቤአነ። 27ሄ ወዴ ታን ኪተንቸተ ሰአ አይዱ ዞዝያ ኪተነ፤ ኪተደ ሰአ ገጣፔ ሰሉዋ ገጣ ገከናሽን፥ ጦሰይ ዶርዶ አሳ ሺሸነ።

ወዴ ገከዶጋ መላትየ በለሴ ምትየ
(ማትዮስ 24:32-35፤ ሉቃስ 21:29-33)

28 «ሌምሱዋ በለስዮ ግዮ ምቴፔ አኬክቴ፤ በለስዮ አጭዮ ወዴኔ እ ተሽ ቦንጮትዮ ወዴ፥ ቦኔ መተትዶጋ እንቴ ኤሬተ። 29ሄጋደንከ እንቴ ሄ አብበይ ሀንዮጋ ቤእዮ ወዴ፥ እ መተትድ ፔንጌ ሺቅዶጋ ኤርቴ። 30 ታን እንቴዮ ቱማ አደይስ፤ ሀ አብበይ ሀነን ገከናስ፥ ሀ ወድያ አሰይ ሀይቂቹነ። 31 ሰሉዶኔ ሰአይ አደነ፤ ሽን ተ ቃለይ ሙሌከ አደነ።

ዉርሴተ ገለሳኔ ሳትያ አንኔ ኤሬነ
(ማትዮስ 24:36-44)

32 «ሽን ሄ ገለሳኔ ሄ ሳትያ አዋ ጠላላፔ አትን፥ ሀረይ አቶ ሰሉወን ዴእየ ኪተንቸተ ግድን፥ ወይ ተነ ነአ ግድንከ አንኔ ኤርያብ ባወ።

33ሄ ወዴ አውዴ ግደናኮ፥ እንቴ ኤሬነ ግሸው፥ ናጌትቴ፤ ምንቴ፤ ጦሳ ወስቴ። 34ተ ዩሰይ በ ኬታ አግድ፥ አጌ ብዩ ብተንያ መለ፤ ብተኔ በ አሽከረቱዮ ሁጲን ሁጲን አሱዋ እምድ፥ ኤተ በ አሱዋዮ አላፌ አቲስ፤ ቀስ ከርያ ናግያጌከ ምንትድ ናገነ መለ አዘዘስ።

35 «ሄጋ ግሸው፥ ምንቴ፤ አይስ ጊኮ፥ ኬታወይ አመርሰ ግድን፥ ወይ ቀመ ብለሄ ግድን፥ ወይ ኩቶይ ዋስዮ ወዴ ግድን፥ ወይ ማለዶ ጉራረ ግድን አውዴ ያናኮ፥ እንቴ ኤሬኬተ። 36 እንቴ አኬኬነን እ ዩኮ፥ እንቴነ ጥስክዳጌተ ዴሜነ መለ ምንቴ። 37 ታን እንቴዮ አድዮጋ አሰ አብወ አደይስ፤ ምንቴ» ያጊስ።

ክርስቶስ ቦል መቄትዶሶነ
(ማትዮስ 26:1-5፤ ሉቃስ 22:1-2፤ ዮሃንስ 11:45-53)

14 ¹ ፓስካ ባላ ግዮጋ ቦንቸዮ ገለሰይኔ አይታ ሜታ ቦንቸዮ ገለሰይ ገከነው ናኡ ገለሰይ አቲስ፤ ቄሴ ሀለቀትኔ ህግያ ተማርስያጌት አስ ኤሬነን ዩሱስ አይቅድ ዎርዮ አግያ ኮዮሶነ። ² «አሰይ አሻ ኬሴነ መለ፥ ፓስካ ቦንቸዮ ገለሰ ሄጋ አቶኮ» ያግዶሶነ።

ዩሱስ ሽቱዋ ትይደ መጫስዮ
(ማትዮስ 26:6-13፤ ዮሃንስ 12:1-8)

³ ዩሱስ ቢታንያ ከተመን እንቸርቻ ሀርግየ ስምነ ሶን ቁማ ማነው አትዳሽን፥ እስ ምሽርያ አልበስጥሮስ ግዮ ሹቻፔ አትዶ ብልቃድያ

ኩምደ ነርዶስያ ግዮ ደሮ አልኦ ሽቱዋ ኤከደ ያሱ፤ ያደ ሄ ብልቃድያ ሜንተደ ሽቱዋ ዮሱስ ሁጵየን ትጋሱ። ⁴⁻⁵ ሄ ሶሁውን ዴእየ አሳፕ እሶይ እሶይ ሀንቄትድ፥ «ሀ ሽቱዋ ጮ ሞርዮጌ አይብሴ? ሀ ሽቱዋ ጤተኔ እሸተሙ ብራፔ ደርዮ ዋገን በይዝድ፥ ሚሻ ህዮሰው እመነው ደንደዬቴስ» ያግድ በንተ ግዶን ሃሰዮሶነ፤ ያትድ ሄ ምሽርዮ ደሮ በርዶሶነ።

⁶ ሽን ዮሱስ ሀጋደን ያጊስ፤ «ሀ መጫስዮ አይኔ ጎፕቴ፤ ኦ አይስ ወይሴቲ? ኦ ተው ሎአባ አታሱ። ⁷ ህዮሰት ኡበ ዎዴ እንቴናረ ዴአሶነ፤ እንቴ ኮይዶ ዎዴ አውዴኔ ኤተ ማደነው ደንደዬተ፤ ሽን ታን ኡበ ዎዴ እንቴናረ ዴእኬ። ⁸ ኦ በ ደንደይዶጋ አታሱ፤ ቀስ ተነ ሞጉወው ጊግሰነው ከሴተደ ሽቱዋ ትያሱ። ⁹ ታን እንቴዮ ቱማ አደይስ፤ ሰኦ ኡበን ዎንጌልያ ምሽራቹዋ አድዮሰን አዋንከ፥ አሰይ ኦ ሀሰየነ መለ፥ ሀ ኦ አትዶጌ አዴተነ» ያጊስ።

ይሁደይ ዮሱስ አትድ እመነው ዞሬታ ማዬስ

(ማትዮስ 26:14-16፤ ሉቃስ 22:3-6)

¹⁰ ተመኔ ናኡ ኤርስዮ አሽከረቱፔ እሶይ ይሁዳ አስቆሮተ ግዮጌ፥ ዮሱስ ቄሴ ሀለቀቱዮ አትድ እመነው ኤተኮ ቢስ። ¹¹ ኤት ሄጋ ስይዶ ዎዴ ኡፈይትድ፥ «ኑን ኔዮ ሚሻ እመነ» ያግዶሶነ፤ ያግን ይሁደይ ዮሱስ አትድ እመነው እንጂትየ ዎድያ ዎቹስ።

ዮሱስ በ ኤርስዮ አሽከረቱረ ፓስካ ሚስ

(ማትዮስ 26:17-25፤ ሉቃስ 22:7-14፤21-23፤ ዮሃንስ 13:21-30)

¹² አይታ ምዮ ገለሳ ቦንችዮ ኮይሮ ገለስ፥ ፓስካ ቁማ ማነው አንቀረ ዶርሳ ሹክዮ ዎዴ፥ ዮሱስ ኤርስዮ አሽከረት አ፥ «ፓስካ ቦንችዮ ገለስ ኔን ማነ ቁማ ኑን አወ ቢድ ጊግስኔ?» ያግድ አይችዶሶነ።

¹³ ዮሱስ በ ኤርስዮ አሽከረቱፔ ናኦተ ሀጋደን ያግድ ኪቲስ፤ «ከተማ ቢቴ፤ እንቴ ቢሽን፥ አቱወን ሃታ ቶክደ እስ ብተኔ እንቴናረ ገይተነ፤ ኦ ካልቴ። ¹⁴ እ ቢድ ጌልዮ ኬታዋ፥ (ተማርስያጌ ኔነ፥ «ታን ተ ኤርስዮ አሽከረቱረ ፓስካ ቁማ ማነው ተ እመተ ክፍሌ አዋኔ?» ያጌስ) ያግቴ። ¹⁵ ኬታወይ እንቴነ ፖቅያ ቦለን ዴእየ ጊግ ኡትደ አሆ ክፍልያ ቤሰነ፤ ሄገን ኑዮ ጊግስቴ» ያጊስ።

¹⁶ ሄ ናኡ ኤርስዮ አሽከረት ክይድ፥ ከተማ ቢዶሶነ፤ ዮሱስ በንተው አድዶጋደንከ ኡበባ ዴምድ፥ ፓስካ ቁማ ጊግስዶሶነ።

¹⁷ ሰአይ አመርዮ ዎዴ ዮሱስ ተመኔ ናኡ ኤርስዮ አሽከረቱረ ያ ቢስ። ¹⁸ ኤት ኡትድ መሶፍያፔ ቁማ ሚሽን፥ ዮሱስ ኤተ፥ «ታን እንቴዮ ቱማ አደይስ፤ እንቴፔ እሶይ ተናረ ምያጌ፥ ተነ አትድ እመነ» ያጊስ።


¹⁹ ኤርስዮ አሽከረት ደገምድ፥ ሁጵየን ሁጵየን አ፥ «ቱሙ ተኔሸ?» ግዮጋ ዶምዶሶነ።

20 ዮሱስ ዛርድ፥ «እ ሀ እንቴ ተመኔ ናአቱ፤ እሱዋ፤ እ ተናረ እስ፤ ቱሸከነው በ አይታ ሻትየን ዮድያጋ። 21 ታን፥ አስ ነአይ፥ ጦሳ መጣፈይ ሀይቀነ ጊዶጋደን ሀይቀነ፤ ሽን ተነ፥ አስ ነአ፥ አትድ እምየ ኡረው አዩአነ፤ ሄ ኡረይ ዮሌቴነን አትያኮ፥ አው ኬሀ ሽን» ያጊስ።

ቁርባንያ (ጎዳ ከሁዋ) ኤክዮ ዎጋ

(ማትዮስ 26:26-30፤ ሉቃስ 22:14-20፤ ኮይሮ ቆሮንቶስ 11:23-25)

22 ኤት ሚሽን፥ ዮሱስ አይታ ኤክድ፥ ጦሳ ገለቲስ፤ ሄ አይታ ሚንትድ፥ በ ኤርስዮ አሸከረቱዮ እሚድ፥ «ሄይቴ፤ ሀጌ ተ አሹዋ» ያጊስ።*



ዮሱስ አይተ በትድ በ ኤርስዮ አሸከረቱዮ
እሚስ (መር 14:22)

23 ቡርጩኩዋ ኤክድ፥ ጦሳ ገለትድ፥ ኤተዮ እሚስ፤ እምን ኡብይከ ሄ ቡርጩኩዋ፤ ኡይዶሶነ። 24 ዮሱስ፥ «ሀጌ ኦረተ ማቸን ደሮ አሳ ግሸው ጉክየ ተ ሱታ። 25 ታን እንቴዮ ቱማ አደደስ፤ ታን ጦሳ ከዎቴተን ኦረተ ዎይኔ ኤሳ ኡየነ ገለሰይ ገከናስ፥ ናአንቱዋ ሀ ዎይኔ ኤሳ ሙሌከ ኡይኪ» ያጊስ።

26 መዘሙርያ ዮጥዶጋ፤ ጉይየን፥ ደብረ ዘይቴ ዴርያ ቢዶሶነ።

ጴጥሮስ ከደናጋ ዮሱስ ከሴትድ ዮቲስ

(ማትዮስ 26:31-35፤ ሉቃስ 22:31-34፤ ዮሃንስ 13:36-38)

27 ዮሱስ ኤተ፥ «እንቴ ኡብይ ተነ ዮግ በይድ በቀተነ፤ አይስ ጊኮ፥ ጦሳ መጣፈይ፥

፤ጦስይ ዶርሳ ሄምያጋ ዎረነ፤

ዎርን ዶርስይ ኡብይ ላሌተነ)

ያጊስ። 28 ሽን ታን ሀይቁዋ፤ ዴንድዶጋ፤ ጉይየን፥ እንቴ፤ ከሴተደ ገሊስ ባነ» ያጊስ።

29 ጴጥሮስ ዛርድ፥ «ኤት ኡብት ኔነ ዮግ በይድ በቀትኮከ፥ ታን ኔነ ሙሌከ ዮግኪ» ያጊስ።

30 ያግን ዩሱስ ጴጥሮስ፥ «ታን ኔዮ ቱማ አደይስ፤ ሆኾ ቀም ኩቶይ ናኡቶ ዋስናፔ ከሴ፥ ኔን ተነ ሄዙቶ ከደነ» ያጊስ።

31 ሽን ጴጥሮስ ከሴጋፔክ ምንትድ፥ «ታን ሀረይ አቶ፥ ኔናረ እስፔ ሀይቅያኮክ፥ ኔነ ሙሌክ ከድኬ» ያጊስ። ቀስ ሀረት ኡበትክ ሄጋደን ጊዶሶነ።

ዩሱስ ጌቴሴማኔን ምሲስ

(ማትዮስ 26:36-46፤ ሉቃስ 22:39-46)

32 ጌቴሴማኔ ግዮ ሶሁዋ ቢዶሶነ፤ ዩሱስ በ ኤርስዮ አሽከረተ፥ «ታን ሞሳ ዎስናሽን፥ እንቴ ሀገን ኡቲሽቴ» ያጊስ።

33 ዩሱስ ጴጥሮስ፥ ያቆበኔ ዮሃንስ በናረ ኤክ ኤፊስ፤ ደሮ ጌንጨጭጨስኔ ዋዬቲስ። 34 ቀስ ኤተ፥ «ታን ሀይቀነ ገክናስክ ከዮተይስ፤ ሀገን ተክሽቴ፤ ጥስኮፕቴ» ያጊስ።

35 ጉታ ስንተውኮ ሺቂድ፥ ቢተን ጉፈንድ፥ ደንደዬትያባ ግድኮ፥ ሄ ዎዴ ባፔ አደነ መለ፥ ሞሳ ዎሲስ። 36 ቀስክ፥ «አባ፥ ተ አወው፥ ኡበበይ ኔዮ ደንደዬቲስ፤ ሀ ቡርጨኩዋ ታፔ ድገ፤ ሽን ኔን ኮይዮበይ ሀኖፔ አትን፥ ታን ኮይዮበይ ሀኖፖ» ያጊስ።

37 ዩሱስ ኤርስዮ አሽከረቱኮ ስም ዩድ፥ ጥስክዳጌተ ዴምድ ጴጥሮስ፥ «ስምና፥ ጥስክዳ? ኔን እስ ሳቴኮኔ ናገነው ደንደዮቤይኪ? 38 ፓጭየን እንቴ ጌሌነ መለ፥ ናግቴኔ ሞሳ ዎስቴ፤ አያነይ ጊግ ኡቲስ፤ ሽን አሾይ ዳፉረንቸ» ያጊስ።

39 ቀስክ ቢድ ከሴጋደንክ ሞሳ ዎሲስ። 40 ኤርስዮ አሽከረቱኮ ጉዬ ስምድ እ ይዮ ዎዴ፥ ጥስክዳጌተ ዴሚስ፤ ኤተ አይፍያ ጥስኮይ ጎዝ ዎትዶ ግሸው፥ አዮ አይ ሃስይያኮክ ኤርቦኮነ።

41 ሄዘንቱዋ ኤተኮ ዩድ፥ «ሀእ ገክናስክ ጥስኪቲኔ ሺምፔቲ? ግደነ፤ ዎዴ ገኪስ፤ ቤእቴ፥ ተነ፥ አስ ነአ፥ ነገረንቸ አስቱን አትድ እምዮ ዎዴ ገኪስ። 42 ዴንድድ ህንድቴ፤ ቤእቴ፥ ተነ አትድ እምዮ ሀጌሆ ገኪስ» ያጊስ።

ዩሱስ በ ሞርኬቱ ኩሽየን አይቂቲስ

(ማትዮስ 26:47-56፤ ሉቃስ 22:47-53፤ ዮሃንስ 18:3-12)

43 ዩሱስ ሄጋ ብሮን ሃስይሽን፥ ተመኔ ናኡ ኤርስዮ አሽከረቱፔ እሶይ፥ ይሁደይ፥ ሶሁዋረ ገክ ዎዲስ፤ ቀስ ቄሴ ሀለቀት ህግያ ተማርስያጌትኔ ጭመት ኪትን፥ ብሱዋኔ ዱላ አይቅደ ደሮ አሰይ አረ እስፔ ዩስ።

44 ዩሱስ አትድ እምዮ ሄ ደሮ አሳዮ፥ «ታን ዩርዮጌ አ፤ አ አይቅድ ሎይት ናግድ፥ ኤክ ኤፊቴ» ያግድ መላታ ዮት ዎቲስ።

45 ይሁደይ ገክሳረክ ዩሱስኮ ሺቅድ፥ «ተማርስያን» ያግድ ዩሱስ ዮር ኤኪስ። 46 ሄ ደሮ አሰይ ዩሱስ ምንት አይቂስ። 47 ሽን መተን ኤቅዳጌቱፔ እሶይ በ ብሱዋ ሾድኔ ቄሴ ኡበቱ ሀለቃ አሽከራ ሾጭድ፥ አ ሀይታ ቀንጥ አሊስ።

48 ዩሱስ ዛርድ፥ ሄ ሺቅደ ደሮ አሳ፥ «ተነ ጥንገ ኬስድ፥ ጥንገ አይቅዮጋደን አይቀነው ብሶኔ ዱለ አይቅድ ዩዴቲ? 49 ታን ቤተ መቅደስየን ተማርሰይደ፥ ገለስ ገለስ እንቴናረ ዴእየ ዎዴ ተነ አይቅቤኪተ፤ ሽን ጦሳ መጣፈት ጊደጌ ፖሌተነው ቤሴስ» ያጊስ።

50 ኤርስየ አሸከረት ኡበት አ ዩግ በይድ በቀትዶሲን።

51 ነጠለ ጠላለን በ ከሉዋ ከምደ እስ ዩለገ ብተኔ ዩሱስ ካልያጋ አሰይ አይቂስ። 52 ሽን ሄ ብተኔ ነጠላ ኦል በይድ፥ ከሎ ጢሬ በቀቲስ።

ዩሱስ ፕርደ ሸንጉዋ ኤፊዶሲን

(ማትዮስ 26:57-68፤ ሉቃስ 22:54-55፥63-71፤ ዮሃንስ 18:13-14፥19-24)

53 አሰይ ዩሱስ ቄሴ ኡበቱ ሀለቃ ሶ፥ ቄሴ ሀለቀ ኡበት፥ ጭመትኔ፥ ህግያ ተማርስያጌት ሺቅዶሳ ኤክ ኤፊስ። 54 ጴጥሮስ ቄሴ ኡበቱ ሀለቃ ድርሰ ግዶ ገከናስ ሃሁውን አ ካሊስ፤ ያን ናግያጋረ ተማ ሆኢድ፥ ኡት በዩስ።

55 ቄሴ ሀለቀትኔ ያአ አሰይ ኡበይ ዩሱስ ዎረነው አ ቦል መርከ ኮይዶሲን፤ ሽን አይኔ ዴምቦኮነ። 56 አይስ ጊኮ፥ ደሮ አሰት አ ቦል ዎርዱዋ መርከትዶሲን፤ ሽን ኤተ መርከቴተይ እስ መለ ግዴነ።

57-58 እስ እስ አሰት ዴንድ ኤቅድ ዩሱስ ቦል፥ «እ፥ (ታን አሰይ ኬጥዶ ሀ ቤተ መቅደስያ ቆለደ፥ አሰይ ኬጥቤነ ሀረ ቤተ መቅደስያ ሄዙ ገለስ ግዶን ኬጠነ) ጊሽን፥ ኑን ስይደ» ያግድ ዎርዱዋ መርከትዶሲን። 59 ሽን ሀረይ አቶ ኤተ መርከቴተይ ሄገንከ እስ መለ ግድቤነ።

60 ቄሴ ኡበቱ ሀለቀይ አሰ ኡባ ስንተን ዴንድ ኤቅድ ዩሱስ፥ «ሀጌት ኔነ ሞትየ ሞቱወው ኔየ ዛርዮብ ባዌ?» ያግድ አይቺስ። 61 ሽን ዩሱስ ጮኡ ጊድ፥ አይኔ ዛርቤነ፤ ቄሴ ኡበቱ ሀለቀይ አ፥ «አንጄትደ ጦሳ ነአይ ክርስቶስ ኔኔ?» ያግድ ናአንቱዋ አይቺስ።

62 ዩሱስ ዛርድ፥ «ኤ ተነ፤ እንቴ ተነ፥ አሰ ነአ፥ ዎልቃመ ጦሳፔ አሸቸ በጋረ ኡትዳሺንኔ ሰሉዋ ሻራረ ዩሽን ቤአነ» ያጊስ።

63 ቄሴ ኡበቱ ሀለቀይ በ ማዩዋ ፖሽ አልድ፥ «ነነ ሀጋፔ ስንተን አይስ ሀረ መርከ ኮሺ? 64 እንቴ አ ጨሻ ስይዴተ፤ እንቴ ቆፈይ አይቤ?» ያጊስ፤ ያግን ኤት ኡበይ፥ «እ ሀይቀነ ቤሴስ» ያግድ አ ቦል ፕርድዶሲን።

65 ኤተፔ እሶት እሶት አ ቦል ጨሼታ ደምዶሲን፤ አ አይፍያ ጎዝድ ዴችድ፥ «ኔነ ዴችደይ ኦኔ? አኔ ሀነባ ዮተ!» ያግዶሲን፤ ቀስ ናግያጌትከ አ ቅንጠልያ በቂድ ኤክ ኤፊዶሲን።

ጴጥሮስ ዮሱስ ከዲስ

(ማጥዮስ 26:69-75፤ ሉቃስ 22:56-62፤ ዮሃንስ 18:15-18፤25-27)

66 ጴጥሮስ ድርሰ ግዶን ሀርኪረ ዴእሸን፥ ቄሴ ኡብቱ ሀለቃ መጨ አሸከረቱ፤ እስንያ ያሱ። 67 ያደ ጴጥሮስ ተማ ሆእያጋ ቤአደ፥ ትሽ አተ ጤለደ፥ «ኔንከ ናዝሬተ ዮሱሳረ እስፔ ዴአስ» ያጋሱ።

68 ሽን ጴጥሮስ፥ «ኔን ግዮባይ አይባኮ ታን ኤርኬ፤ ተው አኬኬቴን» ያግድ ከዲስ፤ ያትድ ድርሳ ፔንግያኮ ክዬስ፤ ኩቶይከ ሞሲስ።

69 ሄ አሸከርያ ጴጥሮስ ቤአደ፥ አ መተን ኤቅደ አሰተ፥ «ሀ ብተኔከ ኤታረ ዴኤስ» ጋደ ጉጀደ አዱዋ ዶማሱ። 70 ሽን ጴጥሮስ ቀስከ ከዲስ።

ጉታ ገምእሸን፥ መተን ኤቅደ አሰት ናአንቱዋ ጴጥሮስ፥ «ኔን ቱመ ኤታረ እስፔ ዴአስ፤ አይስ ጊኮ፥ ኔን ገሊሊ ቢተ አስ» ያግዶላን።

71 ሽን ጴጥሮስ፥ «ታን ሄጋ እንቴ ግዮ ብተንያ ኤርኬ!» ያግድ በነ ቀንጊታኔ ጫቁዋ ዶሚስ።

72 ሶሁዋረከ ኩቶይ ናአንቱዋ ዋስ አጊስ፤ ጴጥሮስ በነ ዮሱስ፥ «ኔን ኩቶይ ናኡቶ ዋስናፔ ከሴ ሄዙቶ ተነ ከደን» ጊዶጋ ሀሰይድ፥ ደሮ ዮኪስ።

ዮሱስ ጵላጦስኮ ኤፊዶሶን

(ማጥዮስ 27:1-2፤11-14፤ ሉቃስ 23:1-5፤ ዮሃንስ 18:28-38)

15 1 ማለዶ ጉረን ሶሁዋረ ቄሴ ሀለቀት ጭመቱረኔ ህግያ ተማርስያቴረ ያአ አስ ኡባረ መቄትድ፥ ዮሱስ ቀችድ ኤፊድ፥ ጵላጦስዮ አትድ እምዶሶን።

2 ጵላጦስ አ፥ «ኔን አይሁደቱ ከዎ?» ያግድ አይቺስ።

ዮሱስ ዛርድ አ፥ «ኔንከ ጋስ» ያጊስ።

3 ቄሴ ሀለቀት ዮሱስ ደሮበን ሞትዶሶን። 4 ሽን ጵላጦስ ናአንቱዋ ዮሱስ፥ «ኔዮ ዛርዮብ ባዌ? ኤት ኔ ቦል ዎቀ ሞቱዋ ኤህያኮ ቤእኪ?» ያግድ አይቺስ።

5 ሽን ዮሱስ ሀረባ ዛሬን እጥን፥ ጵላጦስ ገረሜቲስ።

ዮሱስ ሀይቁወን ፕርድዶሶን

(ማጥዮስ 27:15-26፤ ሉቃስ 23:13-25፤ ዮሃንስ 18:39-40፤ 19:1-16)

6 ጵላጦስዮ ፓስካ ባላ ቦንችዮ ገለሰን አሰይ ኮይዮ እስ ኡራ ቀሹዋፔ ብርሽዮ ሜዜ ዴኤስ። 7 ሄ ዎዴ እስ በርባነ ግዮ ብተኔ አሻ ኪስድ ሼምፓ ዎርደ አሰቱረ እስፔ ቀሽ ኪተን ዴኤስ። 8 ሺቅደ ደሮ አሰይ ጵላጦስ ከሴጋደንከ አተነ መለ፥ በ ቃላ ጦቄ አትድ፥ ዎሳ ዶሚስ። 9 ጵላጦስ አሳ ዛርድ፥ «ታን እንቴዮ አይሁደቱ ከወዋ ብርሽዮጋ ኮዬቲ?» ያግድ አይቺስ።

10 አይስ ጊኮ፥ ቄሴ ሀለቀት ዮሱስ ቀናትድ አት እምዶጋ ጵላጦስ ኤሪስ።

11 ሽን ቄሴ ሀለቀት ዮሱስ ግሻ በርባነ ብርሸናደን፥ ሄ ሺቅደ አሰይ ጵላጦስ ዎስነ መለ፥ አሳ መቅዶሶን። 12 ጵላጦስ ዛርድ ናአንቱዋ፥ «ያትን፥ ሀ አይሁደ ከዎ እንቴ ግዮጋ ዋቶ?» ያጊስ።

13 ያግን አሰይ ጵላጦስዮ ናአንቱዋ በ ቃላ ጦቄ አትድ፥ «መስቀልያ ቦል ምስማርየን ጥሸደ አ ከቀ» ያጊስ።

14 ጵላጦስ አሳ፥ «አይስ? እ አይ ኢተባ አትዴ?» ያጊስ።

ሽን አሰይ ከሴጋፔከ በ ቃላ ጦቄ አትድ፥ «መስቀልያ ቦል ምስማርየን ጥሸደ አ ከቀ» ያጊስ።

15 ጵላጦስ አሳ ኡፊይሰነው ኮይድ፥ በርባነ አሳዮ ብርሺስ፤ ያትድ ልሱውን ዩሱስ ገረፍድ፥ መስቀልያ ቦል ምስማርየን ጥሸድ ከቀነው ኤተው አትድ እሚስ።

ዎታደረት ዩሱስ ቅሊጭዶሶነ

(ማትዮስ 27:27-31፤ ዮሃንስ 19:2-3)

16 ሄጋፔ ጉይየን፥ ዎታደረት ዩሱስ ዴርያ ሃርያጋ አሶ ኬታ ኤክ ኤፊድ፥ ሀረ ዎታደረተ ኡባ እስፔ ጤስዶሶነ። 17 ቀስ ዞአ አፈላ አ መይዝዶሶነ፤ አጉንታ አክሊልያ ጊግስድ፥ አ ሁጵየን ዎትዶሶነ። 18 ሄጋፔ ጉይየን አ፥ «አይሁደቱ ከዉዉው ሰሮ ዴአይ» ያጊድ፥ አዮ ዝጌታ ዶምዶሶነ። 19 አ ሁጵያ ሾምቦቆ ገትመን ሾጭዶሶነ፤ ቀስ አ ቦል ጩችዶሶነ፤ ጉልበትድ አዮ ጎይንዶሶነ። 20 አ ቦል ቅሊጭዶጋፔ ጉይየን፥ ዞአ አፈላ አፔ ቃር ኤክድ፥ አ አፈላ አ መይዝዶሶነ፤ መይዝድ መስቀልያ ቦል ምስማርየን ጥሸድ፥ አ ከቀነው ኤክ ኤፊዶሶነ።

ዩሱስ ከቅዶሶነ

(ማትዮስ 27:32-44፤ ሉቃስ 23:26-43፤ ዮሃንስ 19:17-27)

21 ኤት ቢድ፥ እስክንድረኔ ሩፎስ ዩልደ አዋ፥ እስ ስሞነ ግዮ ቀሬነ ቢተ አስ፥ ገጣፔ ከተማ ይያጋረ ገይትድ፥ ዩሱስ መስቀልያ ዎልቀን ቶስዶሶነ። 22 ያትድ ጎልጎታ ግዮሳ ዩሱስ ኤፊዶሶነ። «ጎልጎታ» ግዮጌ «ጉግያ ሶሁዋ» ግዮጋ። 23 ከርብያ ግዮ ጠሌ ዎለሄትዶ ዎይኔ ኤሳ ዩሱሰዮ ኡየነው እምዶሶነ፤ ሽን እ ኡዬነን እጢስ። 24 ኤት መስቀልያ ቦል ምስማርየን ጥሸድ፥ አ ከቅዶሶነ፤ ቀስ ኦነ ገከናኮ ኤረነው አ አፈላ ሻክድ፥ ሳማ ዬግዶሶነ።

25 ኤት መስቀልያ ቦል ምስማርየን ጥሸድ አ ከቅዮ ዎዴ፥ ማለዶ ሄዙ ሳቱ። 26 ኤት፥ «አይሁደቱ ከዉዋ» ያግድ አ ሞትዮ ጥፈትያ ጣፍ ዎትዶሶነ። 27 ዩሱሳረ ናኡ ፐንገተ እሱዋ አፔ ኡሸቸ በጋረ፥ ቀስ እሱዋ አፔ ሀድርስ በጋረ መስቀልያ ቦል ምስማርየን ጥሸድ ከቅዶሶነ። 28 ጦሳ መጣፊይ፥ «ኢተባ አትደ አሰቱረ እ ፐይዴቲስ» ያግዮጌ ፖሌቲስ።

29 አግያረ አድዮ አሰይ ዩሱስ ከርድ፥ በ ሁጵያ ቃቲድ ጩዩስ፤ «አአ! ቤተ መቅደስያ ቆለደ ሄዙ ገለሰ ግዶን ኬጥያጎ፥ ኔ ሁጵያ አሸ፤ 30 አኔ መስቀልያ ቦለፔ ዎደ» ያጊስ።

31 ሄጋደንከ ቄሴ ሀለቀት ህግያ ተማርስያጌቱረ እስቴ ዮሱስ ቦል ቅሊጭድ፥ ሀጋደን ያግዶሶን፤ «ሀረተ አሺስ፤ ሽን በነ አሸነው ደንደዩን፤ 32 ኑን ቤእድ አመነ መለ፥ ክርስቶስ እስራኤል ከዎይ፥ አኔ መስቀልያ ቦለቴ ሀእ ዎዶ» ያግዶሶን፥ ቀስ ሀረይ አቶ፥ አረ መስቀልያ ቦል ምስማርየን ጥሼትድ ከቄትዳጌትከ አ ቦል ቅሊጭዶሶን።

ዮሱስ ሀይቁዋ


(ማትዮስ 27:45-56፤ ሉቃስ 23:44-49፤ ዮሃንስ 19:28-30)

33 ኡሱፑን ሳቴቴ ዶምድ፥ ኡዱፋን ሳቴ ገከናስ፥ ቢተ ኡበይ ጡሚስ። 34 ኡዱፋን ሳትየን ዮሱስ በ ቃላ ጦቁ አትድ፥ «ኤሎሄ፥ ኤሎሄ፥ ላማ ሰበቅታኒ?» ያጊስ። ሄጋ ግዮጌ፥ «ተ ጦሰው፥ ተ ጦሰው፥ ተነ አይስ አገዲ?» ግዮጋ።

35 ሄገን ኤቅደ አሳቴ እሶይ እሶይ ሄጋ ስይድ፥ «ቤእቲ፤ ኤላስ ጤሴስ» ያጊስ። 36 ሄ አሳቴ እሶይ ዎጥድ፥ ጎምብለ መለ እስፖንጅየን ጫለ ዎይኔ ኤሳ ኩንቲስ፤ ሄጋ ሾምቦቆ ገትማ ጤረን ዎትድ፥ «ነንግቲ፤ ኤላስ መስቀልያቴ አ ዎተነው ያናኮኔ አኔ ቤአስ» ያጊድ ዮሱስ ዶናኮ ኡሸነው ሺሺስ።

37 ሺሸን ዮሱስ በ ቃላ ጦቁ አት ዋስድ፥ ሀይቅ በዬስ።

38 ቤተ መቅደስየን ከቄትደ መገለሾይ ቆሞቴ ዱጌ ገከናስ፥ ናኡ ክይድ ፖሼት ዎዲስ።* 39 መስቀልያቴ ስንተ በጋረ ሄገን ኤቅደ እስ መቶ ሀለቀይ፥ ሄጋ ኬና ዮሱስ ዋስድ ሀይቅዶጋ ቤእዶ ዎዴ፥ «ሀ ብተኔ ቱሙ ጦሳ ነኣ» ያጊስ።



ቤተ መቅደስያ መገለሾይ ፖሼቲስ (መር 15:38)

40 ሄገን ሃሁውን ኤቅድ ጤልየ አመርደ መጫስት ዴአሶን፤ ኤተ ግዶን መግደለ ግዮ ከተማቴ ዬደ መይራመ፥ ካሉዋ ያቆበኔ ዮስ አይያ መይራመኔ፥ ሰሎመ ዴአሶን። 41 ሄ መጨ አስት ዮሱስ ገሊለን ዴእዮ ዎዴ፥ አ ካልዳጌተኔ አ ማድዳጌተ፤ ቀስ ዮሱሳረ እስቴ ዮሩሰላሜ ቢደ ሀረ ደሮ መጨ አስት ሄገን ዴአሶን።

ዩሱስ ሞጉዋ

(ማጥዮስ 27:57-61፤ ሉቃስ 23:50-56፤ ዮሃንስ 19:38-42)

42-43 ስአይ አመርዶ ወዴ፤ ያላ አሰን ቦንቼትደ እስ ዮሴፈ ግዮ ብተኔ፤ ጣሳ ከዎቲተይ ያናጋ ናግ ኡትዳጊ፤ አርማትያስ ግዮ ከተማ አስ ዩስ፤ ሄ ገለሰይ ወንቲተ ሰምበታዮ ጊጌትዮ ገለሰ ግድዶ ግሸው፤ ዮሴፍ ጠልድ ጽላጦስኮ ቢድ፤ ዩሱስ አሃ ኤከነው ወሲስ፤ 44 ጽላጦስ ዩሱስ ሀይቅዶጋ ስይዶ ወዴ ገረሜቲስ፤ መቶ ሀለቃ ጤስድ፤ «እ ሀይቆስፔ ገምእዴ?» ያግድ አይቺስ፤ 45 ጽላጦስ ዩሱስ ሀይቅዶጋ መቶ ሀለቃፔ ስይድ፤ አ አሃ ዮሴፈዮ እምሲስ፤ 46 ዮሴፍ ሞጎ አፈላ ሸሚስ፤ ዩሱስ አሃ መስቀልያፔ ወትድ፤ አፈለን ጣጥድ፤ ሹቻ ወጭዶ አሰ ሞግዮ ጎንጎሉዋ ግዶን አ አሃ ወቲስ፤ ቀስ ሄ ጎንጎሉዋ ዶነን ግተ ሹቻ ጎንዶርስድ ወቲስ፤ 47 መግደለ ከተማፔ ዩደ መይራመኔ ዮስ አይያ መይራመ ዩሱስ አሃ ኤት አወን ወትያኮ ቤአሶነ፤

ዩሱስ ሀይቁዋፔ ዴንዲስ

(ማጥዮስ 28:1-8፤ ሉቃስ 24:1-12፤ ዮሃንስ 20:1-10)

16 1 ሰምበተይ አድዶጋፔ ጉይየን፤ መግደለ ከተማፔ ዩደ መይራመ፤ ያቆበ አይያ መይራመኔ ሰሎመ ቢድ፤ ዩሱስ አሃ ትየነው ሽቱዋ ሸምዶሶነ፤ 2 ወጋ ገለሰ ማለዶ ደሮ ጉረን ጠልቄ ክይሸን፤ ሄ ጎንጎሉዋ ቢዶሶነ፤ 3 ኤት በንተ ግዶን እሶይ እሱዋረ፤ «ጎንጎሉዋ ዶናፔ ኑዮ ሹቻ ኦኔ ጎንዶርስድ ድገይሸ?» ያግድ ሃሰዮሶነ፤

4 ኤት ጤልዮ ወዴ፤ ሄ ደሮ ግተ ሹቻ ጎንዶርስርግዶጋ ቤእዶሶነ፤ 5 ዩሱስ ሞጌትዶ ጎንጎሉዋ ግዶ ጌልዮ ወዴ፤ እስ ወደለ ብተኔ ቦተ ማዩዋ ማይድ፤ ኡሸቸ በጋረ ኡትዳጋ ቤእድ ደገምዶሶነ፤

6 ሸን እ ኤተ፤ «ደገሞፕቴ፤ መስቀልያ ቦል ምስማርየን ጥሽድ ከቅዶ ናዝሬተ ዩሱስ እንቴ ኮዬተ፤ እ ሀገን ባወ፤ ዴንዲቺስ፤ ኤት አ ወትዶሳ ሀጋ ቤእቴ፤ 7 ሸን ቢድ ዩሱስ ኤርስዮ አሸከረቱዮኔ ጴጥሮሰዮ፤ (ዩሱስ እንቴፔ ከሴትድ ገለለ ቤስ፤ እ እንቴዮ አድዶጋደንከ እንቴ አ ያን ቤአነ) ያግድ ሀጋ ዮትቴ» ያጊስ፤

8 መጨ አሰት በንተነ የሸይ ኮርስዶ ግሸው፤ ዩሱስ ሞጌትዶ ጎንጎሉዋፔ ክይድ በቀትዶሶነ፤ ቀስ ኤት የይዶ ግሸው፤ አሰው ሄጋ አዮኔ አይኔ ዮትቦኮነ፤

ዩሱስ መግደለ መይራምስ ቤቲስ

(ማጥዮስ 28:9-10፤ ዮሃንስ 20:11-18)

መጨስት ቢድ፤ በንተው አድዶባ ኡባ ጴጥሮሰውኔ አረ ዴእያጌተው ቀንተን ዮትዶሶነ፤ ሄጋፔ ጉይየን፤ ዩሱስ በ ሁጴን ኤርስዮ አሸከረቱ

ቦል፥ ሜርነው አሸየ ላሜቲነ ጌሽ ዎንጌልያ ምሽራቸዋ፥ አወይ ሞክየሳፕ ዉልዮሳ ገከናስ ኪቲስ።

9 ዩሱስ ሀይቁዋፕ ዴንድዶጋፕ ጉይየን፥ ዎጋ ገለስ ማለዶ፥ ላፑን ጠለሄተ ኬስዶ መግደለ ከተማፕ ዩደ መይራምዮ ከሴትድ ቤቲስ። 10 አባደ ከሴ አረ ዴእያጌቱዮ፥ ቀሬቲድኔ ዩኪድ ኡትዳጌቱዮ ኦዳሱ፤ 11 ሽን ዩሱስ ፐጠ ዴእዮጋኔ እዮ ቤትዶጋ ኤት ሰይዶ ዎዴ፥ እ ኦዱዋ ቱመ ግቦኮነ።

ዩሱስ ናኡ ኤርስዮ አሽከረቱስ ቤቲስ

(ሉቃስ 24:13-35)

12 ሄጋፕ ጉይየን፥ ኤተፕ ናኡት ከተማፕ ገጣ ክይድ ቢሸን፥ ኦግየን ዩሱስ ከሴጋፕ ዱመትድ፥ ኤተዮ ቤቲስ። 13 ኤት ጉዬ ስምድ፥ ሀረቱዮ አድዶሶነ፤ ሽን ሀረትከ ኤተ ኦዱዋ ቱመ ግቦኮነ።

ዩሱስ ተመኔ እሲን ኤርስዮ አሽከረቱስ ቤቲስ

(ማትዮስ 28:16-20፤ ሉቃስ 24:36-49፤

ዮሃንስ 20:19-23፤ ዩሱስ ኪትዶጌቱ ኦሱዋ 1:6-8)

14 ጉዬፕ ተመኔ እሲን ኤርስዮ አሽከረት ቁግ ሚሸን፥ ዩሱስ ኤተዮ ቤቲስ። ኤተዮ አመኖይ በይነ ግሸው፥ እ ኤተ ቦሪስ፤ ቀስ ሀይቁዋፕ እ ዴንድዶጋ ህንኮት ኤተው ዮትን፥ ኤት አመኔነን እጥዶ ግሸው፥ ዮትን ስዩናጌተ ግድዮ ግሸው፥ እ ኤተ ቦሪስ።

15 እ ኤተ ሀጋደን ያጊስ፤ «ሰአ ኡባ ቢድ፥ አሰ ኡበው ዎንጌልያ ምሽራቸዋ ዮትቱ። 16 አመንያጌኔ ጠመቁትዳጌ አተነ፤ ሽን አመኔናጋ ቦል ጦሰይ ፕርደነ። 17 አመንያጌቱዮ ሀ መላተት እሜተነ፥ ኤት ተሱንተን ጠለሄተ ኬስነ፤ ቀስ ኤት ዱመ ዱመ ቃለን ሃሰየነ። 18 ኤት ሾሽ አይቅኮከ፥ ዎይ መርዜ ኡይኮከ ኤተ ቆሄነ። ቀስ ኤት በንተ ኩሽያ ሀርገንቸቱ ቦል ዎተነ፤ ዎትን ሄ ሀርገንቸት ፐጠነ» ያጊስ።

ዩሱስ ሰሉዋ ፑዴ ክዩስ

(ሉቃስ 24:50-53፤ ዩሱስ ኪትዶጌቱ ኦሱዋ 1:9-11)

19 ጎደይ ዩሱስ ኤርስዮ አሽከረቱረ ሃሰይዶጋፕ ጉይየን፥ ጦሰይ አ ፑዴ ሰሉዋ ኤክ ኤፍን፥ ጦሳፕ ኡሸቸ በጋረ ኡቲስ። 20 ኤርስዮ አሽከረት ቢድ፥ ኡበሰን ቃላ ዮትዶሶነ፥ ጎደይከ ኤታረ እስፕ ኦቲስ፤ ኤት ዮትዮ ቃለይከ ቱመ ግድዶጋ ጦሰይ ኤተዮ እምዮ መላተቱን ኤርሲስ።